

KALIKATA LITTLE MAGAZINE LIBRARY-O-GABESHANA KENDRA
18/M TAMER LANE, KOLKATA-700009

C.D. Roll No. KLMLGK 2000	Place of Publication 20/2/16 অধ্যয়ন পত্র, গুরুগড়
Collection KLMLGK	Publisher গুরুগড় ব্যাংক লিমিটেড
Title গুরুগড়	Size 5.5" X 9.5" 13.97 X 24.13 c.m.
Vol. & Number: 2/3-2 2/8-e	Year of Publication অগস্ত, 2022 - কার্তিক, 2022 বিশ্ব, 2022 - চৈত্র, 2022
	Condition: Brittle Good
Editor: গুরুগড় ব্যাংক লিমিটেড	Remarks: No. of Page's missing

C.D. Roll No. KLMLGK

নারায়ণ

কলিকতা টিউন মাধ্যমিক বিদ্যালয়
 ১০/১১, চান্দমাড়ি স্ট্রীট, কলিকতা-৭০০০১১
 সপ্তাহিক

শ্রীচিন্তরঞ্জন দাশ ।

প্রথম বর্ষ,

দ্বিতীয় বর্ষ,

প্রথম সংখ্যা

অগ্রহায়ণ, ১৩২২ সাল

সূচী ।

বিষয়	লেখক	পৃষ্ঠা
১। বিশেষ-কিশোরী (কবিতা)	১
২। বর্ষ ও আট ...	শ্রীযুক্ত বিপিনচন্দ্র পাল	১
৩। হাথামাথবোধ (১) ...	শ্রীযুক্ত হরপ্রসাদ শাস্ত্রী	৩১
৪। মন বর্ষ ...	শ্রীযুক্ত শ্যামকান্ত বন্দ্যোপাধ্যায়	৪৪
৫। মটীতিকা (কবিতা) ...	শ্রীযুক্ত অক্ষয়চন্দ্র বসু	৪৪
৬। কাগজী (কবিতা) ...	ঐ	৪৫
৭। কিশোরী (কবিতা) ...	শ্রীযুক্ত বেবেজনাথ সেন	৪৬
৮। বহু বিবাহ (গল্প) ...	ঐ	৪৭
৯। নটিকে হাথামাথবোধ ...	শ্রীযুক্ত অম্বিনীকুমার সেন	৫১
১০। হাথামাথী গল্প ...	শ্রীযুক্ত উপেন্দ্রনাথ বন্দ্যোপাধ্যায়	৫৫
১১। রূপ-প্রতিষ্ঠা (গল্প)	৫৭
১২। শ্রীমিত্রক-স্বপ্ন ...	শ্রীযুক্ত বিপিনচন্দ্র পাল	১১৫

"নারায়ণ"-কার্যালয়—২০৮২ নং কর্ণওয়ালিস্ ট্রীট, কলিকতা ।

প্রথম বার্ষিক মূল্য ৩০ টাকা । এই সংখ্যার মূল্য মূল্য ১/০ পীচ আন,
 দ্বিতীয় বর্ষ ১/০ এক আন ।

নারায়ণ

২য় বর্ষ, ১ম খণ্ড, ১ম সংখ্যা] [অগ্রহায়ণ, ১৩২২ সাল

কিশোর-কিশোরী

[৬]

জীবন সাধন ধন তুমি যে আমার।
কত জন্ম পরে তাই হেরিষু আমার,

এমন মধুর ক'রে

এমন পরাগু ভ'রে।-

কোন দিন হেরি' নাই

পাই নাই কোন দিন;

এল নাই কোন কালে

ফোট নাই কোন দিন;

এমন মধুর ক'রে

এমন পরাগু ভ'রে!

সব শৃঙ্খ পূর্ণ ক'রে

এমন মরম ভ'রে।

২০ নং শট্‌মার্টোলা লেন,
বিজয়া প্রেসে,—রমেশচন্দ্র চৌধুরী দ্বারা মুদ্রিত ও প্রকাশিত।

তুমি যে মধুর !
 তুমি যে বঁধুর
 তুমি যে মধুর মধু মাধুরী আমার !
 এমন হারাণ ধন পেয়েছি আবার !
 বারে বারে সেই পাওয়া না পাওয়ার মাঝে
 কত কি যে ফুটেছিল কত বরিয়াছে !

কত ফুল কত হাসি,
 কত ভাল-বাসা-বাসি,
 কত দুখ্ কত সুখ,
 কত ভুল কত চুক,
 কত-না অজানা ত্রাস,
 কত রীধনের পাশ,
 কত সোহাগের কথা,
 কত বুক-ভাঙ্গা বাধা,
 কত আশা কত গান,
 কত নিরাশার তান,

মিলনের ভাতি

বিরহের রাত্তি :-

যুগে যুগে সেই পাওয়া না পাওয়ার মাঝে
 কত কি যে গড়েছিল কত ভাঙ্গিয়াছে !

জনমে জনমে পাওয়া না পাওয়ার মাঝে

যত কিছু করেছিল সবই ফুটিয়াছে

মরণের পারে পারে

এক সঙ্গে একেবারে

এমন মধুর ক'রে

এমন পরাণ ভ'রে !

যত ভাঙ্গা গড়েছিল,
 যত গড়া ভেঙেছিল,
 সবই যে গো প্রাণপুষ্টে
 রাশা হয়ে ফুটে উঠে,
 অকস্মাৎ একেবারে
 সেই আলো অন্ধকারে !
 প্রাণ চল চল !
 আঁধি ভরা জল !

শত জনমের পাওয়া না পাওয়ার মাঝে
 যত-না হারাণ ধন, সবই মিলিয়াছে !

যাহা কতু পাই নাই, যার তরে আশা
 না জেনে না শুনে প্রাণে বেঁধেছিল বাসা !

জনম জনম ধ'রে

সকল মরম ভ'রে

শুণ্ শুণ্ গাহি গান "

কল জ্বল দ্বনয়ান

খুঁজিত খুঁজিত যারে !

ওগো পাইলাম তাম্রে !

সেই সন্ধ্যাকাশতলে

নব স্তম্ভম দুর্বাদলে,

একেবারে অকস্মাৎ

ভরিল রে প্রাণশ্বাস !

'ওগো' তুমি সেই !

• তুমি সেই সেই !

যারে পাই নাই কতু ! যার তরে আশা,
 জীবন কমল-বনে বেঁধেছিল বাসা !

জন্মে জন্মে যুগে যুগে এই যে মিলন !
এর তরে ছিল নাকি প্রাণে আকিঞ্চন—

শতক জনম ধরে
সকল পরাণ ভরে ?
সকল জনমে আঁধি
চাহেনি কি থাকি থাকি
কোন হৃদয়ের পানে
ভরা বর্ণে ফুলে গানে !
তারি চিত্র স্বপ্ন বেয়ে
ছিল নাকি মর্ম্ম ছেয়ে ?
তারি গন্ধ চিত্ত-হারা
করেনি কি আনন্দছাড়া ?
গীত কান্তরতা,
মিলন বারতা

আনে নাই থাকি থাকি ? হে প্রাণ রতন !
শত জনমের চাওয়া এ মধু মিলন !

যে ফুল ফোটেনি কভু, তারি গাঁথা মালা !
যে দীপ জ্বলিনি ওরে ! সেই দীপ আলা !

অস্তরের অঙ্গ অঙ্গ
কে দিল দুলায়ে রঙ্গ ?—
যে ফুল ফোটেনি আগে
সেই ফুলে গাঁথা মালা !
এই যে হৃদয় মাকে
কি হৃদয় কুঞ্জ রাজে !—
যে দীপ জ্বলেনি আগে
ওরে ! তারি আলো জ্বালা !

যত সাধ সাধনার
যত গীত অজানায়
ফোটে কি মরমে
শতক জনমে ?

আঁধি মুদে চেয়ে দেখ, কি শোভন মালা !
প্রাণে প্রাণে চাপ প্রাণ ! কি আলোক জ্বালা !

ওরে দেখ, দেখ, দেখ, কি জানি জেগেছে !
হৃদয়-কমল মাঝে কি ধুম লেগেছে !

ডাঁটায় ফোটে যে ফুল
মোর ফুলে যে ফুটেছে !
ফুলে ফুলে ফুলাফুল
ফুলে ফুলে ফুটেছে !
লালে লালে বাঁধা হ'য়ে
ফুটে ফুটে উঠেছে !
কে নেয় রে মধু স্মৃতি
হহসে হেসে ফুটি ফুটি ?
ভালে ভালে মধু ঢালি-
কে দেয় রে করতালি ?
মধুর তরঙ্গে
কে নাচে রঙ্গে ?

ওরে দেখ, দেখ, দেখ, কি ধুম লেগেছে !
পরাণ-কমল মাঝে কে জানি জেগেছে !

যুগে যুগে পাওয়া পাওয়া না পাওয়া মিলন
যেন রে স্বার্থক হ'ল ! পুরিল জীবন !

ওগো ফুল ওগো মিষ্টি !
যত দুখ সব ইচ্ছা !

ধম্ম আমি ধম্ম তুমি
 পুণ্য-সে মিলন-ভূমি!
 কে বলে রে ধম্ম ধম্ম ?
 কে দেয় রে করতালি ?
 তোমার আমার মাঝে
 অপর কেহ কি আছে ?
 কে বলেরে ধম্ম ধম্ম
 এ কণির নুপুর বাজে ?
 কার পদ রক্তঃ
 পরাণ পঙ্কজ

শোভাকরে ? হে মিলিত ! হে মধু মিলন !
 হে পূর্ণ অপূর্ণ তুমি ! ধম্ম এ জীবন !

ধর্ম ও আর্ট

একজন বহুমাছাপ্পদ প্রাচীন সাহিত্য-রথী লিখিয়াছেন,—

“নারায়ণের” বিরুদ্ধে এত অভিযোগ পাইয়াছিলাম যে তাহার গণনা করা যায় না। প্রথম সংখ্যায় “সবুজপত্রের” উত্তর পাঠ করিয়া যেমন আনন্দ পাইয়াছিলাম, তেমন ভাজ সংখ্যায় বিধবার পলায়নের ব্যাপার পড়িয়া মর্দ্যাহত হইয়াছি। বিধবা নননের বিবাহ-রাত্রির উৎসবের গোলমালে আপনার প্রিয়জনকে লইয়া খলার্নন করিল। তাই কি লিখিতে হয় ? না ছাপিতে হয় ?”

গতানুগতিক, স্মৃতি-অনুগত, কেবলমাত্র প্রাচীন-কিছদস্তি-প্রতিষ্ঠিত তথাকথিত ধর্মের প্রভাবে সাহিত্যের আদর্শ কতটা পক্ষিপানে সংকীর্ণ হইতে পারে, শ্রেষ্ঠ মনোবিগণের চিন্তাশক্তি কতটা পরিমাণে অস্বচ্ছ ও কল্পনাবস্তুহীন হইতে পারে, এই সামান্য সমালোচনাতে তাহা প্রত্যক্ষ করিলাম।

“নারায়ণে” হিন্দু বিধবার পলায়ন-বৃত্তান্ত-ঘটিত নাটক বা উপ-হাস যে প্রকাশিত হইতে পারে না, অথবা হইলেই যে “নারায়ণ” অশুদ্ধ হইয়া যাইবেন, এরূপ ধারণা আমাদের কাহারই নাই। কিন্তু এ পর্য্যন্ত “নারায়ণ” এমন দুঃসাহসিক কর্ম করেন নাই। ভাজ-সংখ্যায় যে এরূপ কোনও কাহিনী প্রকাশিত হইয়াছে, কিছু-ছোট্ট মনে করিতে পারিলাম না। একে একে প্রবন্ধগুলি তন্নান করিয়া দেখিলাম, ক্রীযুক্ত তপনমোহন-চট্টোপাধ্যায়ের “দরদায়ী” নামক ছোট কথাটিতে একটি বালবিধবার বিবরণ আছে। সে একদিন শরতের দ্বিপ্রহরে আপনার শয়ন-কক্ষের বাতায়ন খুলিয়া, রাজপথে একখানি মুখ দেখিয়াছিল। বাতায়ন খুলিবামাত্র এই ব্যক্তির চক্ষের উপরে নিমেষের অল্প তার চক্ষুটি পড়িয়া-

ছিল। অমন সেই অপরিচিত মুখখানি করুণায় ভরিয়া গিয়াছিল। চক্ষু হইতে একবিন্দু অশ্রু পড়িয়াছিল। এই ত ইহার পাপের সূচনা। ইহার কিছুদিন পরে, তার নন্দনের বিবাহ-রাত্রে দেখিল এই অপরিচিত ব্যক্তি তার শশুর-বাড়ার অতি নিকট-আশ্রয়, এত ঘনিষ্ঠ যে সঙ্কল্পে অশ্রু-পূরের সর্বত্র যাতায়াত করিতে পারে। বরের যখন বরণ হইতেছিল, তখন সে এক পাশ্বে, অতি দূরে দাঁড়াইয়াছিল। তাহাকে দেখিয়া, ঐ ব্যক্তি তাহার কাছে আসিয়া বলিল—
“এখানে কেন ? ওখানে চল।” ওখানে অর্ধ যথানে বরণ হইতেছিল। বিধবাটি শিহরিয়া উঠিল। জিব কাটিয়া বলিল—“সে কি, আমি যে বিধবা!” ঐ ব্যক্তি বলিল—“তাতে কি ? তুমি যে মানুষ ? তুমি যে ত্রালোক ! এর চেয়ে বেশী আর কি চাও ?” এত বড় কথাটা এই বিধবাকে এতদিন কেউ বলে নাই। বিধবা ভাবিল—আমি রমণী, আমি মানুষ। এই দুইকে কি আমার বৈধবা একা বাধা দিতে পারে ? “কতরূপ চিন্তাময় ছিলাম, জানি না। হঠাৎ তাঁর হাতের স্পর্শে সমস্ত শিরায় উপশিরায় বিদ্রোহ-প্রবাহ হইল। কোমল-স্বরে সে বলিল—এখন তবে চল। বিহ্বল কণ্ঠে বলিলাম—চল।”

পলায়ন-ব্যাপার ও এই। হরি, হরি, এ পাপের কথাও কি লিপিতে নাই ? ইহাও কি ছাপিতে নাই ? বেচারী এই সামান্য স্নেহটুকুও কি পাইবার অধিকারী নয় ? আর সে গেল ত বরণ-তলায় ! গেল পরিবারের একজন অতি নিকট-আশ্রয়ের সঙ্গে ! কিন্তু তাহা হইলে হয় কি ? ঐ যাওয়া হইতেই অজ্ঞ যাওয়া ত ক্রমে ঘটিতে পারে ! বিবাহের নিকট চূণ চাওয়া ত নিরাপদ নহে।

হিন্দু বিধবার অজ্ঞ নিরুপ-ব্রহ্মচার্যই কেবল-বিহিত। তার প্রাণও যে মানুষের প্রাণ,—তার রক্ত-মাংসের শরীরটাকে ত অস্বীকার করিতেই হইবে,—এক বৈধবাই পুরুষামুক্রমাগত রক্তমাংসের স্কুৎ-পিপাসাকে নিশ্চেষ্টে নষ্ট করিয়া ফেলে, শাস্ত্রবিধির এমনই মহিমা!

—বিধবার স্বয়ম্ভাও যে আমাদের অস্বাভাবিক স্বয়ম্ভেরই মতন স্নেহ-প্রীতি-কারুণ্য-সহানুভূতির অজ্ঞ তৃপ্ত, এই কথাও কি বলিতে আছে ? ইহাতেই যে ধর্মের বাঁধ ভাঙ্গিয়া যাইতে পারে। তাই, আমাদের সনাতন ধর্মকে বাঁচাইতে হইলে, সাহিত্যে বিধবাকে কেবল ব্রহ্মচারিণীই সাজাইয়া রাখিতে হইবে। অর্থাৎ “রক্ত” করিতে হইলে, বৈরাগ্যের ভঙ্গ্য মাথাইয়া কেবল তার রূপ-বোঝনকে নয়, কিন্তু সাধারণ মনুষ্যধর্মকে পর্য্যন্ত ঢাকিয়া ফেলিতে হইবে।

পদম সহতে ভ্রমরম পেলব ন পুনঃ পতত্রিণঃ

একথা কেবল কুমারী সম্বন্ধেই প্রযোজ্য। “বিবাহ হইবার পূর্বে যে বিধবা” হয়, তার সম্বন্ধেও অমন সর্ববিশেষে কথা তুলিও না।

এই ধর্ম ও এই নীতির হাতে কি সাহিত্যের শাসন-দণ্ড অর্পণ করা যায় ? এই ধর্মের ও নীতির শাসনাধীনে কেঁপাও কি কোনও সাজা আর্ট বাঁচিয়া থাকিতে পারে, না সহজভাবে সম্যকরূপে ফুটিয়া উঠিতে পারে ? পূর্বে পূর্বে যুগেই কি কখনও এরূপ হইয়াছে ? সজীব সাহিত্য প্রকৃতিই গতামুগতিক ধর্ম ও নীতিকে অগ্রাহ্য করিয়া, সহজ মানবপ্রকৃতির উপরে আপনাকে গড়িয়া তুলিয়াছে। প্রাচীনের পাপ লোকে ভুলিয়া যায় ; নতুবা যে রামায়ণ-মহাভারতের উপরে আমাদের আত্মিক সনাতন-আদর্শের প্রতিষ্ঠার চেষ্টা হইতেছে, তাহার মধ্যেই কি এই গতামুগতিক ধর্মের একান্তিক আনুগত্য দেখিতে পাই ? মহর্ষি বেদব্যাসের জন্মে কোন স্বর্ণাশ্রমধর্মের মাহাত্ম্য প্রচারিত হইয়াছে ? মহাবীর কর্ণের জন্মকানহিনী বা কোন সনাতনী নীতির প্রচার করিয়াছে ? অথচ কুন্তীর নাম না লইয়া প্রাতঃকালে শয্যাভ্যাগ করিলে সে দিনটা ভাঙ্গা যায় না। অতিপ্রাকৃতের আবরণ দিয়া এগুলিকে যতই ঢাকিয়া রাখিতে চাই না কেন, সমুদায় শ্রুতি-স্মৃতি-রচিত ধর্মধর্মের বিচারকে অতিক্রম করিয়া, এই সকল ধর্মগণিক কাহিনীর ভিতর হইতে সার্বজনীন ও সহজ মানবধর্মটিই ফুটিয়া বাহির হয়। এই সহজ বস্তুটি আমরা হারািয়াছি। পুণ্ড্রাকৃত

শাস্ত্রবিধির চাপে পড়িয়া আমাদের সহজ মানবপ্রকৃতিটি পশু হইয়া গড়িয়াছে। পরাশরে বা কৃত্রান্তে ইহা হয় নাই। এই জগ্গই তাঁহাদের বাহাতে অধর্ম হয় নাই, আমাদের তাহাতে পাপ্পর্শ করিতে পারে। পরাশরের যে অধিকার ছিল, আমাদের তাহা নাই। স্ত্রীহার বৃহস্পতির মনুষ্যধর্মের ওজন আমাদের ক্ষুদ্রতর জীবনের ধর্মসাধনের বিচার হয় না। এসকল কথা বুঝা যায়। এসকল কথা অস্বীকার করা অসম্ভব। তাঁহাদের জীবন সহজ, স্বাভাবিক ছিল। আমরা শত কৃত্রিমতার জালে আমাদের জীবনকে জড়াইয়াছি। এই কৃত্রিমতাও বিনা প্রয়োজনে সৃষ্ট হয় নাই। জীবের পারিশার্শিক জীবন্যার পরিবর্তনের সঙ্গে সঙ্গে যখন আত্মরক্ষার প্রেরণা বলবতী হইয়া উঠে, তখন সে এই অস্বাভাবিক সঙ্গে আপনার সামঞ্জস্য সাধন করিতে বাইয়া, বহুবিধ ছলাকলার আশ্রয় গ্রহণ করে। এইরূপেই জীবনের ক্রমবিকাশ-ধারায়, তার জীবনের জটিলতা ও এই জটিলতার সঙ্গে সঙ্গে তার কৃত্রিমতাও বাড়িয়া যায়। সমাজ-জীবনেও ইহা ঘটয়া থাকে। সমাজ আত্মরক্ষার জগ্গ বহুবিধ কৃত্রিমতার সৃষ্টি করিতে বাধ্য হয়। সভ্য সমাজের বহুবিধ রীতিনীতি, আচার-বিচার, বিধি-নিষেধ এই ভাবেই, এই প্রয়োজনেই গড়িয়া উঠিয়াছে। সমাজ-জীবনে প্রচুর কৃত্রিমতা আছে। এসকল কৃত্রিমতা সমাজ-বিকাশেরই অঙ্গ। এসকল বিধি-বন্ধন যতই কৃত্রিম হউক না কেন, তাদের কোনও প্রয়োজন নহে উপকারিতা নাই, এমন কথা কে বলিবে? কিন্তু জীবের বিকাশের সঙ্গে সঙ্গে বাহা গড়িয়া উঠে, সেই বিকাশের সঙ্গে সঙ্গে আবার তাহা আপনি, আপনার প্রয়োজন সাধন করিয়া, ক্রমে ধরিয়াও পড়ে। না পড়িলে নূতন জীবনের নূতন প্রয়োজন সিদ্ধ হয় না। এককালে যাহা গতির সহায় ছিল, তাহাই ক্রমে গতির ও উন্নতির অন্তরায় হইয়া উঠে। এই জগ্গই এসকল কৃত্রিম বিধিবন্ধনের হাতে, চিরদিনের জগ্গ জীবনের নিয়তি বা সমাজের গতির ভার অর্পণ করিয়া যায় না।

এইরূপ কৃত্রিমতার দ্বারা সভ্যধর্মও গড়ে না, সজীব আর্টও ফুটিয়া উঠে না। এই কৃত্রিমতার হাত হইতে ধর্মজীবন ও ধর্মসাধনকে রক্ষা করিবার জগ্গই যুগে যুগে যুগধর্মের প্রতিষ্ঠা হইয়া থাকে। এই জগ্গই যুগে যুগে সেই যুগের যুগসাহিত্য পুরাতনের বিধি-নিষেধকে অগ্রাহ্য করিয়া, সহজ মানবপ্রকৃতি ও অকৃত্রিম মানব-প্রকৃতিকে আশ্রয় করিয়া, নূতন নূতন রসমুগ্ধির সৃষ্টি করিয়া, সমাজ-বিকাশের গতিবেগে নূতন শক্তি সঞ্চার করিয়া থাকে। আমাদের দেশে অতি প্রাচীনকাল হইতেই সামাজিক বিধি-নিষেধও ছিল, বহুবিধ আচার-বিচারও ছিল, এসকলের আশ্রয়ে একটা 'বেদ-ধর্ম'ও গড়িয়া উঠিয়াছিল। কিন্তু হিন্দু বাহাকে সনাতন ধর্মরূপে বরণ করিয়াছিল, এসকল বিধি-নিষেধের উপরে একান্তভাবে তাহার প্রতিষ্ঠা হয় নাই। এসকল বিধিনিষেধ নিম্ন অধিকারীর জগ্গ বিহিত ছিল। জীবকে তার সত্যকার স্বভাবের উপরে প্রতিষ্ঠিত করাই এসকল শাসনসংঘের মুখ্য লক্ষ্য ছিল। আপনার স্বভাবকে যতদূর মানুষ সত্যভাবে, পরিপূর্ণরূপে না পাইয়াছে, ততদূর তার সত্য ধর্ম হয় না; হিন্দু সাধনা ইহা ভাল করিয়াই বুঝিয়াছিল। লৌকিক ধর্ম এই সত্য-ধর্মের পূর্ববৃত্ত সাধন-রূপেই গৃহীত হইয়াছিল। এই লৌকিক ধর্মসাধনের বিচার ধর্মজীবনের গোড়ার কথা, শেষের কথা নহে। বালিকা যখন পুতুল দিয়া আপনার কল্পিত সংসার পাতিয়া খেলা করে, অথচ এই খেলার ভিতর দিয়াই পরজীবনের সত্যকার সংসার-ধর্ম সাধন করিবার সঙ্কেত ও অভ্যাস শিক্ষা করে; এই লৌকিক, বেদমু্যতসদাচারসম্মত ধর্মের সাধন করিয়াও হিন্দু সেইরূপই তার নিজ সনাতন-ধর্মের বাহিরের সঙ্কেত লাভ করে। লৌকিক ধর্ম তন্ত্রমের ধর্ম, বেদমু্যতির ধর্ম। কিন্তু হিন্দুর সত্য ধর্মবস্তু তন্ত্রেও ছিল না, সন্ত্রেও ছিল না; বেদেও ছিল না, পুরাণেও ছিল না; সে-ধর্ম ছিল সহজ, সত্যজ, সরল মানবপ্রকৃতির মূলে।

বেশা: বিভিন্না: স্মৃত্যোগে বিভিন্না:
নাসৌ মুক্তির্থায়া মতং ন ভিন্নং ।
ধর্মস্য তৎকং নিহিতং শুভায়াং ।

—ইহাই সনাতন-ধর্মের কথা। ইহাকেই গীতায় স্ব-ধর্ম বলিয়াছেন। এই ধর্মকে পাইয়াই শ্রুতি নিজহাতে আপনার সকল প্রামাণ্য-মর্যাদায় তিলাঞ্জলি দিয়া, বড়ই ঋণেদাদিকে অপরা বিজ্ঞা এবং বাহার দ্বারা অক্ষরপুরুষকে পাওয়া যায়, তাহাকেই শ্রেষ্ঠ বা পরাবিজ্ঞা বলিয়াছেন। এই অক্ষর পুরুষ শ্রুতিশ্রুতিতে, ক্রিয়া-কল্পণে, আচার-বিচারে নাই। আছেন কেবল জীবের প্রকৃতির মধ্যে। এই শুভাহিত, গন্ধারেক্ট, পুরাণ পুরুষকে জ্ঞানপ্রসাদে বিশুদ্ধ-স্ব হইয়া, আপনার আত্মার মধ্যেই কেবল দেখিতে পাওয়া যায়। এই সনাতন ধর্মতত্ত্ব জন্মবস্ত্র নহে, যাগযজ্ঞাদি কোনও ক্রিয়ার দ্বারা ইহাকে উৎপাদন করা যায় না। কোনও সংযম-সাধনের দ্বারাও এবংস্তর সৃষ্টি হয় না। এই ধর্মবস্ত্র নিত্যসিদ্ধ। অগ্নির দাহিকাশক্তি যেমন নিত্যসিদ্ধ, যেখানে আগুন আপনার স্বরূপে প্রতিষ্ঠিত থাকে, সেইখানেই এই দাহিকাশক্তি বিद्यমান থাকে; জলের তারণ্য ও শৈতা যেমন নিত্যসিদ্ধ; বায়ুর গতি যেমন নিত্যসিদ্ধ; জীবের ধর্মও সেইরূপই নিত্যসিদ্ধ। মহাভারত এই ধর্মকেই স্ত্রীবের একমাত্র স্বর্গ বলিয়াছেন—নিধনেও ইহা জীবের অনুগমন করে। এই ধর্মই সর্ববিধা ভূতানাং মধুঃ। এই স্ব-ধর্ম জীবের মুক্ত্যও শ্রেয়; কিন্তু পরধর্ম ভয়াবহ। সকল শ্রুতি-স্মৃতি বাহাকে ধর্মাবহ ও পাপমুহূর্ত্ত বলিয়া বর্ণনা করিয়াছেন, তিনি সকল জীবের প্রকৃতির মূলে, ঐ প্রকৃতির সঙ্গে ওতপ্রোত হইয়া, তাঁর নিয়তি ও গতি রূপে বিद्यমান রহিয়াছেন। এইজন্ম জীবের প্রকৃতির মধ্যেই সকল শাস্ত্রের চাবি রহিয়াছে। ঐ প্রকৃতির অভিধানের দ্বারা সকল শাস্ত্রসাহিত্যের অর্থ করিতে হয়। এইজন্ম হিন্দু

যতই শাস্ত্র-অনুগত হউক না কেন, মানুষ সর্বদাই যে শাস্ত্র অপেক্ষা বড় হইয়া আছে একথা কখনও ভুলে নাই। শাস্ত্র অপেক্ষা স্ত্র বড়। অার গুরুশাস্ত্র অপেক্ষা স্বামুভূতি হীন নহে। স্বামুভূতির সঙ্গে যতদূর না মিলিয়াছে, ততদূর শাস্ত্রোপদেশ বা গুরুবাক্য কিছুই প্রামাণ্য হয় না।

ধর্মের তত্ত্ব জীবের প্রকৃতির মধ্যে নিহিত আছে বলিয়াই, হিন্দু সাধুসন্তেরা জীবের তাপ দেখিয়া কারুণ্যে গলিয়া যান বটে, কিন্তু পাপ দেখিয়া ভয়ে অজ্ঞান হইয়া পড়েন না। এইজন্ম হিন্দুধর্ম কোনও মিন নরকের আগুন জ্বালাইয়া বিধর্ম্যকে বা অধর্ম্যকে পুড়াইয়া মারে নাই। শিশু হাঁটিতে বাইয়া পড়ে পড়ে পড়িয়া যাইতেছে দেখিয়া, অভিজ্ঞ পিতামাতা যেমন ভীত হন না; এইরূপে পড়িতে পড়িতেই ক্রমে সে দাঁড়াইতে শিখিবে, হাঁটিতে পারিবে, ইহা জানিয়া, তাঁরা স্থির ও নিশ্চিন্ত হইয়া রহেন; আত্মদর্শী মহাজনেরা জীবের পাপাচরণে সেইরূপ স্থির ও নিশ্চিন্ত রহেন। এই পথেই, বহুবিধ অভিজ্ঞতা সঞ্চয় করিয়া, জীব ক্রমে সজ্ঞানে আপনার শুরুস্ব প্রকৃতিকে প্রাপ্ত হয়, ইহা জানিয়া তাঁহারা কদাপি জীবের এই প্রকৃতিকে অবধা নিগ্রহ করেন না।

প্রকৃতিঃ যান্তি ভূতানি, নিগ্রহঃ কিং করিষ্যতি ?

বলিয়া, তাঁহারা সর্ববিধ পাপ ও অহিতাচারকে উদার চক্ৰ দর্শন করেন। বরঞ্চ ভিতরে, প্রকৃতির মধ্যে, যার পিপাসা আছে, বাহিরে তার সংযম-সাধনকে মিথ্যাচার বলিয়া বর্জন করিতেই বলেন। এমন কি প্রকৃতির প্রতিকূলে বৈরাগ্যাদি গন্ত্যাসকে, তাঁহারা অধর্ম বলিয়াই নিন্দা করিয়াছেন। এরূপ কৃষ্ণ সপনে অজ্ঞ লোক কেবল নিজেবাই থামাকা রেশ পায় যে তাহা নহে, কিন্তু তাঁহাদের শরীরা-ভ্যন্তরস্থ পরম পুরুষকে পর্বান্ত ক্রিষ্ট করিয়া থাকে বলিয়া, এ সকলের প্রতিবাদ করিয়াছেন।

এই সত্য সনাতন-ধর্মের হাতে জীবনের সকল কর্মের শাসনভার

স্বচ্ছন্দেই ছাড়িয়া নিতে পারা যায়। কারণ রাষ্ট্র, সমাজ, শিল্প, সাহিত্য,—বিশাল ও অটল মানব-জীবনের সকল বিভাগের সকল ধর্ম ও সকল কর্মকে পূর্ণ করিয়াই, এই বিশ্বজনীন সনাতন-ধর্ম আপনায় সিদ্ধিলাভ করে। রাষ্ট্রকর্মাদি এই ধর্মের সঙ্গে অঙ্গাঙ্গী সম্বন্ধে আবদ্ধ। অঙ্গের পূর্ণতা সাধন করিয়াই, অঙ্গী সর্বথা আপনায় সার্থকতা লাভ করিয়া থাকে। প্রত্যেক অঙ্গকে আপনায় অধিকারে স্বপ্রতিষ্ঠ ও স্বাধীন করিয়াই, অঙ্গী যুগপৎ তাহারিগকেও সার্থক করে, আপনিও তাহাদের সাহায্যে সার্থকতালভ করে। অঙ্গকে পঙ্গু করিলে, অঙ্গী আপনি পঙ্গু হয়। অঙ্গকে পুষ্ট করিলে, অঙ্গী আপনি পুষ্টিলাভ করে। এই সনাতন ধর্মও সেইরূপ জীবনের বিভিন্ন বিভাগকে আপন আপন অধিকারে দাবান ও স্বরাট করিয়া, আপনি আপনাকে পূর্ণ ও সার্থক করে। সমগ্র মানব-প্রকৃতিকে পূর্ণ করাই এই ধর্মের একমাত্র লক্ষ্য। আর্টও মানব-প্রকৃতিকেই সার্থক করিয়া আপনায় সার্থকতালভ করে। এই ধর্ম আর্ট অপেক্ষা বড়। আর্ট জীবনের একাংশকে মাত্র পূর্ণ করে, এই ধর্ম সমগ্র জীবনকে পূর্ণ করে। জীবনের ভিন্ন ভিন্ন বিভাগের পরস্পরের বিরোধ ঘটিলে, এই ধর্মই কেবল তাঁর মীমাংসা করিতে পারে। লৌকিক ধর্মের সঙ্গে আর্টের বিবাদ রাখিলে, এই সনাতন ধর্মকেই সালিন্দী করিয়া এই বিবাদ মিটাইয়া দিতে হয়। এই ধর্ম আর্ট অপেক্ষাও বড়, লোকে যাহাকে সচরাচর ধর্ম বলে, তাহা অপেক্ষাও বড়। এই ধর্মের হাতে আর্টের শাসন-সংরক্ষণের ভার অর্পণ করিতে কেহ আপত্তি করিবে না।

লৌকিক ধর্মের বা নীতির সঙ্গে সময়ে সময়ে সাহিত্যের ও আর্টের বিরোধ ঘটিতে পারে; কিন্তু এই সনাতন ধর্মের সঙ্গে তার কখনওই বিরোধ সম্ভবে না। কারণ যে মানব-প্রকৃতিকে এই ধর্ম সার্থক ও পূর্ণ করে, সেই মানব-প্রকৃতির অন্তঃপ্রয়োজনেই সাহিত্যের এবং আর্টেরও সৃষ্টি হয়। যেখানে সাহিত্য এই প্রকৃতি হইতে বিচ্ছিন্ন হইয়া

পড়ে, যেখানেই ইহা বর্ধমান অনুভূতিকে উপেক্ষা করিয়া কেবল পুরাতন ঐতিহ্যকে আশ্রয় করিতে চাহে, সেইখানেই ইহা কৃত্রিম, অলৌকিক, অন্যায়, বস্তুতন্ত্রতাহীন ও শৃঙ্খলগর্ভশূন্যদাড়ম্বরপূর্ণ হইয়া উঠে। আমাদের আধুনিক বাঙ্গালা সাহিত্যেই ইহার বহুল প্রমাণ পড়িয়া আছে। প্রতি বৎসর বাঙ্গালা মুদ্রাঘরে হইতে রাশি রাশি ধর্মগ্রন্থ প্রকাশিত হয়। কিন্তু গত পঞ্চাশ বৎসরের মধ্যে মহর্ষি বেবেন্দ্রনাথের “ব্যাখ্যান”, ব্রহ্মানন্দ কেশবচন্দ্রের বক্তৃতা ও উপদেশাদি, পরমহংস রামকৃষ্ণের “কথায়ত” এবং আচার্য্য বিজয়কৃষ্ণের “ব্রহ্মপুঞ্জা”, “যোগসাধন”, “আত্মজীবন-চরিত”, “আশাবতীর উপাখ্যান” এবং “বক্তৃতা ও উপদেশ”—ছাড়া সত্য ও জীবন্ত ধর্ম-কথা আধুনিক বাঙ্গালা সাহিত্যে আছে কি না সন্দেহ। লক্ষ্যপ্রতিষ্ঠ সাহিত্যিকগণের মধ্যে এক বন্ধিত-চন্দ্রের “ধর্মতত্ত্ব”ই বোধ হয়, সমগ্র মানব-প্রকৃতির উপরে ধর্মের আধারকে গড়িয়া তুলিতে চেষ্টা করিয়াছে। মহর্ষি প্রভৃতির ধর্ম-কথা প্রত্যেক অনুভূতি হইতে ফুটিয়াছে। বন্ধিতচন্দ্রের “ধর্মতত্ত্বও” এক প্রকারেই অনুভূতি-প্রসূত। তবে সাধকের অনুভূতি ও মনোবীর অনুভূতির মধ্যে তারতম্য আছে, সন্দেহ নাই। ধর্মজীবনের অন্তরঙ্গ অভিজ্ঞতা হইতে সাধকের অনুভূতি উৎপন্ন হয়। এ অভিজ্ঞতার বহিঃলক্ষণের আশ্রয়ে, বৈজ্ঞানিক কল্পনাবলে, মনোবীর অনুভূতির উৎপত্তি হইয়া থাকে। ইংরাজিতে সাধকের অনুভূতিকে religious experience-এর ফল, আর মনোবীর অনুভূতিকে scientific imagination-এর ফল বলিতে পারা যায়। ইহাদের মধ্যে এই প্রভেদ আছে। কিন্তু মহর্ষি প্রভৃতির ধর্মকথা আর বন্ধিতচন্দ্রের ধর্মতত্ত্ব, এই প্রভেদ সহেও, তাহাদের নিজস্ব বস্তু। এই জন্মই এ সকল গ্রন্থে শব্দ সত্যকে, ভাষা ভাষাকে, কল্পনা বস্তুকে ছাড়িয়াইয়া যায় নাই। এ সকল পুস্তকে ঐতিহ্যবৃত্তির প্রামাণ্য লেখকদিগের নিদারুণ দৈয়াক্যে ঢাকিয়া রাখিতে চেষ্টা করে নাই। এসকলে অপরূপতা থাকিতে পারে, কিন্তু অসত্য নাই। আধুনিক বাঙ্গালা কারোও যেখানেই

কবিকল্পনা প্রত্যক অনুভূতির উপরে গড়িয়াছে, সেইখানেই যুগপৎ সত্য ও সৌন্দর্য্য ফুটিয়াছে, সেখানে শব্দ অর্থের সঙ্গে যুক্ত হইয়াছে। শব্দ ও অর্থ মিলিয়া সত্য জীবন্ত রসমূর্তি সকল গড়িয়া তুলিয়াছে। আর যেখানেই কবিকল্পনা শ্রুতিশ্রুতিকে আশ্রয় করিয়া অপ্রত্যক্ষের সন্ধানে গিয়াছে, সেইখানেই শব্দ অর্থকে, ভাষা ভাবকে, স্বাকার রসকে অভিভূত করিয়া, একটা অলীক সৃষ্টি রচনা করিয়াছে। মাইকেলের “মেঘনাদবধে” একটা সত্য অনুভূতির প্রমাণ পাই।

উপাখ্যানভাগ মাত্র কবি রামায়ণ হইতে গ্রহণ করিয়াছেন, কিন্তু এই উপাখ্যানকে অবলম্বন করিয়া তিনি যেসকল চিত্র ও রস ফুটাইয়াছেন, তাহা তাঁর নিজের, রামায়ণের নহে। এই মহাকাব্যে শব্দের স্বাকারে কবিকল্পনার সত্যকে আচ্ছন্ন করে নাই। কিন্তু “মেঘনাদবধে” যে বস্তুতন্ত্রতা আছে, “ব্রজাসুন্দরী” তাহা নাই। এই জন্ম “ব্রজাসুন্দরী” শব্দের ত্বালিতা ও ছন্দের মাধুর্য্য দিয়া অনুভূতির দৈশ্যকে ঢাকিয়া রাখিতে চেষ্টা করিয়াছে। হেমচন্দ্রের “কবিতাবলী”তে এক নবীনচন্দ্রের “অবকাশরঞ্জিনী”তে কোনও গভীর বা জটিল রস না ফুটিলেও, বস্তুকর রস আছে, তাহা সত্য ও বস্তুতন্ত্র, রূপবিগণের প্রত্যক অনুভূতির। এই জন্ম এই দুইখানি গীতি-কাব্যে শব্দে ও অর্থে, সত্যে ও কল্পনাতে একটা সামঞ্জস্য রহিয়াছে। রঙ্গলালের “পদ্মিনীর উপাখ্যানে” এক নবীনচন্দ্রের “পলাশীর যুদ্ধে”ও একটা সত্য, সজীব, সতেজ রস ফুটিয়াছে। আধুনিক কালের শিক্ষা-প্রাপ্ত বাঙ্গালী সে সময়ে মর্মে মর্মে যে বেদনা অনুভব করিতে অসমর্থ করিয়াছিল, রাষ্ট্রীয় জীবনে যে আত্মপ্রতিষ্ঠার আকাঙ্ক্ষা তার প্রাণের ভিতরে স্কুরিত হইয়া উঠিতেছিল, তাহারই প্রেরণায় রঙ্গলালের “পদ্মিনী” এবং নবীনচন্দ্রের “পলাশীর যুদ্ধ” রচিত হয়। এই দুইখানি কাব্যের মধ্যে একটা সত্য, সতেজ অনুভূতি বিদ্যমান ছিল। এই জন্ম ইহাদের ভাষা ও ভাবের, শব্দ ও অর্থের মধ্যে একটন সঙ্গতি রহিয়াছে, কোথাও বিশেষ সত্যভাঙ্গ বা রসভাঙ্গ নাই। কিন্তু

নবীনচন্দ্রের “কুরুক্ষেত্র” ও “রৈবতক” একটা সাময়িক, কৃত্রিম প্রতিক্রিয়ায় রচিত হয়। মূল রাষ্ট্রীয় জীবনের ইনত-বোধই এই প্রতিক্রিয়াতে শক্তিসঞ্চয় করিয়াছিল। ইংরেজের স্পষ্ট বাঙ্গালীর আত্মসম্মান-বোধে পদে পদে আঘাত করিতেছিল। ইউরোপের সভ্যতা-ভিত্তিক বাঙ্গালীর আত্মভিত্তিক চাপাইয়া তুলিতেছিল। ইউরোপের প্রতিক্রিয়ায় আপনার শ্রেষ্ঠ প্রতিষ্ঠিত করিতে বাইয়া, বাঙ্গালী তখন পুরাতনের স্মৃতির জালা বর্জমানের দুর্গতিকে ঢাকিয়া রাখিতে চেষ্টা করিতে লাগিল। মূলতঃ এই ভাবেই, পঁচিশ ত্রিশ বৎসর আগেকার তথাকথিত হিন্দু পুনরুত্থানের সূচনা হয়। ইহাতে তখনও নবীনচন্দ্রের সমগ্র-সাধনের প্রায়স জাগে নাই। একমাত্র বঙ্গিমচন্দ্রেই তখন এই সমর্থনের প্রয়োজন অনুভব করিয়া তার চেষ্টা করিতেছিলেন। অপর একটা কৃত্রিম ও কল্পিত “সনাতনীর” প্রতিষ্ঠা করিয়া, বর্জমানের সহজ ও অনিবার্য্য বিকাশ-গতির একান্ত প্রতিরোধ করিবারই চেষ্টা করিতেছিলেন। এই কৃত্রিম ও কল্পিত “সনাতনীর” প্রেরণাতেই নবীনচন্দ্রের “কুরুক্ষেত্র” ও “রৈবতক” জন্ম হয়। এই জন্মই এ দু'খানি কাব্যে তেমন উৎকর্ষলাভ করে নাই। কৃত্রিম কল্পিত ধর্মের চাপে পড়িয়া আর্ট পঙ্গু হইয়াছে। এই জন্মই নবীনচন্দ্রের শ্রীকৃষ্ণ এবং অর্জুন, উভয়েই অমন অলীক হইয়াছেন। ইহাদের মধ্যে প্রাচীরের প্রতিকৃতিও ফুটে নাই, নৃত্যের অনুভূতিও জাগে নাই। ইহারা কোনও গভীর রস বা সার্বজনীন আদর্শ ফুটাইয়া সাহিত্যে অমৃত-প্রতিষ্ঠালাভ করিতে পারেন নাই। আধুনিক বাঙ্গালী সাহিত্যে উপস্থানের অভাব নাই। বৎসর বৎসর বোধ হয় শতাধিক ছোটবড় উপন্যাস বাঙ্গালী মুদ্রাঙ্কন হইতে নির্গত হইতেছে। কিন্তু বৎসরে একখানিও পাঠযোগ্য উপন্যাস প্রকাশিত হয় কি না, সন্দেহ। বিগত চল্লিশ পঞ্চাশ বৎসরের বাঙ্গালী উপন্যাসের মধ্যে এক বঙ্গিমচন্দ্রের প্রাধান্য ছাড়া, “বর্জন” বাতীত আর একখানিও কোনও স্থায়ী প্রতিষ্ঠালাভ করে নাই। আর বর্জনের প্রত্যক

অভিজ্ঞতার আশ্রয়েই, অসাধারণ কবিকল্পনা-প্রসূত না হইয়াও, “স্বর্ণ-লতা” এমন অননুসাধারণ শ্রেষ্ঠত্বলাভ করিয়াছে। অতীতকালে, এই প্রত্যক্ষ অভিজ্ঞতা-প্রতিষ্ঠিত নয় বলিয়া, বন্ধিমচন্দ্রের “আনন্দমঠ,” “দেবীচৌধুরাণী” ও “সীতারামের” আর শুণ্ডাশুণ্ড যাহাই থাকুক না কেন, রসের বিচারে, কাব্যের হিসাবে, ইহার স্নেহের অলোক-সাম্যতা প্রতিভার গৌরব রক্ষা করে নাই। কিন্তু এই অপূর্ণতা সত্ত্বেও, “আনন্দমঠে,” “দেবীচৌধুরাণীতে” কিম্বা “সীতারামে” যে ধর্মের আদর্শ প্রতিষ্ঠিত করিবার চেষ্টা হইয়াছে, তাহা কিয়ৎপরমাণে প্রাচীনের প্রতিধ্বনি হইলেও, কোনও দিকেই নিত্যস্ত কৃত্রিম নহে। এই গ্রন্থ তিন-খানিতে বন্ধিমচন্দ্র তাঁর গীতা-ধর্মেরই ব্যাখ্যা করিয়াছেন। কিন্তু বন্ধিম-চন্দ্রের গীতাভাষ্য মায়াবাদী বৈদান্তিকের বা ভাববাদী বৈষ্ণবের গীতা-ব্যাখ্যার প্রতিধ্বনি নহে। গীতাকেই কেবল তিনি গ্রহণ করিয়াছিলেন, গীতা-ধর্মের প্রাচীন ব্যাখ্যা গ্রহণ করেন নাই। ফলতঃ বন্ধিমচন্দ্র গীতোপদেশকে অবলম্বন করিয়া, বর্তমান ইউরোপীয় সাধনার অনু-শীলন-ধর্মই প্রচার করিয়াছেন। বন্ধিমচন্দ্র প্রাচীন ভারতের গতাশু-গতিক সনাতনীর পুনঃপ্রতিষ্ঠা করিতে চান নাই, আধুনিক ইউরো-পের অন্ধ অনুকরণও করিতে যান নাই। কিন্তু আধুনিক সাধনার শ্রেষ্ঠতম ভাব ও আদর্শের সঙ্গে, ভারতের প্রাচীন সাধনার নিগূঢ়-তম প্রেরণার সঙ্গতি ও সমন্বয় সাধন করিয়া, আমাদের বৈশিষ্ট্যকে বক্ষায় রাখিয়া, বর্তমান হিন্দুসাধনা ও হিন্দু চরিত্রকে বিশ্ব-সাধনার ও বিশ্ব-মানবের স্বীকৃত করিবারই চেষ্টা করিয়াছিলেন। তাঁর “কৃষ্ণচরিত্রে,” “গীতাভাষ্যে,” এবং “আনন্দমঠ,” “দেবীচৌধুরাণী” ও “সীতারাম” এই তিনখানি উপস্থানে তিনি এই সমন্বয়সূত্রেরই ব্যাখ্যা করিতে চাহিয়াছেন। এইজন্ত তাঁর নিকাম-কর্ম প্রাচীনের গীতোক্ত নিকাম-কর্মকে যেভাবে বৃদ্ধি করিয়াছিলেন, তাহা অপেক্ষা শ্রেষ্ঠ। এই নিকাম কর্ম ইউরোপের নিরাশ্রয় হিতবাদ বা হিউম্যানিটি অপেক্ষাও শ্রেষ্ঠ। ইহাকে ভগবদভক্তি-প্রেরিত লোক-সেবা বা

লোকশ্রেয় বলা যাইতে পারে। এই সমন্বয় করিতে যাইয়া বন্ধিম-চন্দ্র আমাদের নিকটে যে ক্রীকৃষ্ণকে আনিয়া উপস্থিত করিলেন, তিনি কেবল পুরাতন পৌরাণিকী কৃষ্ণদাস্ত্রের অবতার নহেন; কিন্তু আধুনিক আকাশেশ্বর সুপারম্যান (Superman) বা নরাতম। উনবিংশ শৃঙ্খতাঙ্গীর উদার মতবাদ “Ecco Homo” বলিয়া যে খৃষ্টাবতারকে দেখাইতেছিল, বন্ধিমচন্দ্র সেই উদার মতবাদের আশ্র-য়েই আমাদের নিকটে কৃষ্ণাবতারকে উপস্থিত করিয়াছিলেন। নবীনচন্দ্র এই প্রেরণা প্রাপ্ত হন নাই। “অবকাশরঞ্জিনী”তে ও “পলাশীর যুদ্ধে” তিনি আপনার প্রকৃতির অনুসরণ করিয়া চলিয়াছিলেন। “কুরুক্ষেত্রে” ও “রৈবতকে” পরধর্মের অনুধাবন করিয়াছেন। এইজন্ত তাঁর শ্রীকৃষ্ণ পৌরাণিকী স্নবতারও নহেন, আধুনিক সুপারম্যানও নহেন। কিন্তু হিন্দু অবতারের শাখ্যচক্র-গদাপাশ-রঞ্জিত ইউরোপের প্রিন্স বিন্দুমার্ক বা কার্ডিভ্যাল রিশেলু মাত্র।

আমাদের বহুতর আধুনিক সৃষ্টিই এইরূপ কৃত্রিম, কল্পিত, না-হিন্দু-না-ইউরোপীয় হইয়াছে। কেবল সাহিত্যে বা আর্টে নয়, জীবনের প্রায় সকল বিভাগেই, এই প্রাচীনের প্রেতাঙ্গী আমাদের উপরে চাপিয়া, আমাদের পথ-হারা করিয়া তুলিতেছে। প্রাচী-নের প্রত্যক্ষ অনুভূতিলাভ যদি আমাদের পক্ষে সম্ভব হইত, তাহা হইলে, এই গতাশুগতিকতায় অতীত অনির্দিষ্ট করিতে পারিত না। আমরা এখন বাহাকে প্রাচীন বলি, আমাদের পিতৃপিতামহের তাহা-কেই একান্তভাবে অবলম্বন করিয়া চলিতেন। কিন্তু সেই প্রাচীন ঈশ্বাদের নিকটে সত্য ছিল। সেই প্রাচীনের সঙ্গে ঈশ্বাদের একটা সত্য ও সহজ প্রাণগত যোগ ছিল। এই সহজ-যোগ ও প্রাণগত সম্বন্ধ ছিল বলিয়াই তাঁরা নিঃসন্দেহে প্রাচীনকে নিজেদের মনোমত করিয়া লইতে পারিতেন। তাঁহারা জ্ঞাত মানিতেন, একটা পুরাণগত সামাজিক ব্যবস্থা বলিয়া জ্ঞাতধর্ম-বিচারকে তাঁহারা বিনা প্রশ্নে ও

বিনা বিচারে মানিয়া চলিতেন। মানুষ যেমন কেহ লম্বা হয়, কেহ বা খাট হয়; কেহ গোর্গ হয়, কেহ বা শ্রামঘর্বা বা কাল হয়; ভ্রাক্ষণ শুমাদিও সেইরূপ একটা স্বাভাবিক জন্মগতভেদ, এই ভাবেই তাঁহার জাতিভেদকে দেখিতেন। এইজন্ম ভ্রাক্ষণের ভ্রাক্ষণ বলিয়া একটা বিশেষ অভিমানও ছিল না, শূত্রের শূত্র বলিয়া একটা বিশেষ ক্ষোভও হইত না। তাঁহার জাত মানিতেন বলিয়াই, তাঁহাদের মধ্যে সমাজস্রোহী জাতাভিমান ছিল না। আমরা জাত মানি না বলিয়াই, আমাদের জাতের অভিমানটা বেজায় বাড়িয়া উঠিতেছে। এইরূপে স্রোহীদের জীবনের প্রত্যেক বিভাগে একটা সাংঘাতিক কৃত্রিমতা প্রবেশ করিয়াছে। আমাদের ধর্ম গতানুগতিক, আচার মৌখিক, নীতি অপ্ৰাভাবিক, কর্ম কাপট্যাশ্রিত হইয়া পড়িয়াছে। স্বভাব বস্তুকে আমরা হারািয়াছি। এই কৃত্রিম, কল্পিত, অপ্ৰাভাবিকতাকেই ধর্মের সিংহাসনে বসাইতেছি। ধর্মের নামে এই কৃত্রিমতা ও কল্পনার হাতে সাহিত্যের বা আর্টের শাসনভার ঋপণ করা যায় কি ?

মানবপ্রকৃতিকে আশ্রয় করিয়াই সাহিত্য ও আর্ট সর্বদা আপনার অমর স্থিতিপ্রবাহ অক্ষুণ্ন রাখে। সহজ মানব-ধর্মের মুক্ত স্রোতে অঙ্গ চালিয়াই সাহিত্য সংসারকে অপূর্ণ রূপসে সাজাইয়া তোলে। সনাতনীর রক্ষণজলে বন্ধ হইয়া, কোনও সাহিত্য বা কোনও আর্ট আপনার স্বাধীনতা লাভ করিতে পারে নাই। মহাকবি কালিদাস ত আমাদের মতন সমাজস্রোহী ছিলেন না। কিন্তু শকুন্তলার অলোক-সানাতন চিত্রটি তিনি কি সনাতন সমাজ-ধর্মের মুখ চাহিয়া আঁকিয়াছেন, না সহজ ও স্বাধীনমন মানব-ধর্মের অক্ষুণ্ন রূপ করিয়া আঁকিয়াছেন ? কালিদাসের সমসাময়িক হিন্দুসমাজে গান্ধর্ব বিবাহ ছিল না। গান্ধর্ব-বিবাহ গোপন-বিবাহ। ধর্মের প্রয়োজনে নহে, কামের প্রেক্ষাতেই, গান্ধর্ব বিবাহের অনুষ্ঠান হয়, শাস্ত্রেই একথা বলে। ধর্মের প্রয়োজনে যে বিবাহের অনুষ্ঠান হয়, প্রজাসৃষ্টি তার লক্ষণ,

সমাজ তার সাক্ষী থাকে। কাম-প্রণোদিত গান্ধর্ব-বিবাহ সমাজের অতি শৈশবের কথা। সমাজের সে অতি-শৈশবে গান্ধর্ব-বিবাহ ও আত্ম বিবাহ দুইই প্রচলিত ছিল। তখন না ছিল শ্রুতি, না ছিল স্মৃতি; না ছিল বর্ণ, না ছিল আশ্রম; ছিল কেবল সহজ, সতেজ, সরল মানব-প্রকৃতি। তখন বিবাহমাত্রেরই হয় গান্ধর্ব না হয় আত্ম বিবাহ ছিল। কালিদাসের বহু বহু যুগযুগান্ত পূর্বে সমাজ সে শৈশবাবস্থা ছাড়িয়া আসিয়াছিল। কিন্তু মানুষ আপনার প্রকৃতিকে ছাড়ায় নাই। এই প্রকৃতির প্রেরণাতেই দুঃস্বস্ত-শকুন্তলার মিলন হইল। সমাজ এই মিলনের সাক্ষী রহিল না। শকুন্তলাকে দুঃস্বস্ত মহর্ষি কণ্ঠের কণ্ঠা বলিয়াই জানিয়াছিলেন। কথ ভ্রাক্ষণ, তিনি ক্ষত্রিয়। ক্ষত্রিয়ের পক্ষে ভ্রাক্ষণ কণ্ঠার পাণিগ্রহণ বর্ণাশ্রমধর্মবিরুদ্ধ। সমাজ এ বিবাহকে বৈধ বলিয়া গ্রহণ করিতে পারিত না। কিন্তু মানব-প্রকৃতি ও মানব-কল্পিত ত এই মানব-কল্পিত সমাজ-ধর্মের বশ নহে। দুঃস্বস্ত-শকুন্তলার সহজ প্রকৃতি, আপনার অন্তঃপ্রেরণায় এই কল্পিত, কৃত্রিম সমাজধর্মকে উপেক্ষা করিয়া, আপনার চরিতার্থতা সাধন করিল। দুঃস্বস্ত গোপনে ভ্রাক্ষণ-কন্ঠাকে বিবাহ করিয়া সমাজস্রোহী হইলেন। শকুন্তলাকে ক্ষত্রিয় কণ্ঠা করিয়াও, কবি দুঃস্বস্তের সমাজ-স্রোহীভার প্রত্যাহার করিতে পারেন নাই। তাহাতে কেবল কণ্ঠের সমাজ-ধর্ম রক্ষার একটা পথ বাহির করিয়াছেন মাত্র। শকুন্তলা সমাজ-ধর্ম ভুলিয়াই দুঃস্বস্তকে গোপনে আত্মদান করিলেন। সমাজ-ধর্ম ভুলিয়াই তিনি আতিথ্যসংস্কারও ভুলিয়া গেলেন। এই জন্মই সমাজ-ধর্মের রক্ষণ ভ্রাক্ষণ দুর্বাসার রূপ ধারণ করিয়া, ইহাকে অভিশম্পাত করিলেন। এই অভিশম্পাতেই দুঃস্বস্তের স্মৃতিলোপ, শকুন্তলার প্রত্যাহাণ ও উভয়ের বিবাহ ঘটিয়া গেল। পরিণামে কবি, অপূর্ণ কৌশলে, দুঃস্বস্ত-শকুন্তলার পুস্ত্রের আশ্রয়ে, মানব-ধর্মের ও সমাজ-ধর্মের এই বিরোধ ভঙ্গন করিলেন। কারণ, সমাজ-স্থিতি-রক্ষাই সমাজ-ধর্মের মূল কথা। প্রজোৎপত্তির দ্বারা সমাজস্থিতিভঙ্গ নিবা-

সমাজ-ধর্ম
কি মনো
প্রতিষ্ঠা
১৯৩০-১৯৩১
১৯৩২-১৯৩৩
১৯৩৪-১৯৩৫
১৯৩৬-১৯৩৭

রিত হয়। সতেজ, শক্তিমান পুঞ্জোৎপাদন করিয়াই সকল সমাজ-দ্রোহী দাম্পত্য-বন্ধন ঐ দ্রোহীতার প্রায়শ্চিত্ত ও ক্তিপুরণ করিয়া থাকে। শকুন্তলাতে আদিতে সহজ মানব-ধর্মের মাহাত্ম্য, মধ্যে সমাজ-ধর্মের প্রভুব, আর পরিণামে ঐ সহজ মানবধর্মের ক্ষলে এবং তাহারই উপরে, সমাজ-ধর্মের ও মানবধর্মের মিলন, সন্ধি ও সামঞ্জস্য দেখি। শকুন্তলা পড়িয়া মনে হয় যে আমাদের মধ্যে যেমন, কালিদাসের সমসাময়িক হিন্দুসমাজেও সেইরূপ, গতানুগতিক সনাতনীর প্রভাব সহজ মানবের সহজ প্রকৃতিগত ধর্মকে চাপিয়া মারিতছিল। কালিদাস এই আক্লবাতী সমাজ-ধর্মের হাত হইতে সহজ মানব-প্রকৃতিকে তাহার স্ব-ধর্মের উপরে প্রতিষ্ঠিত করিতে বাইয়াই, দুঃস্থ-শকুন্তলার সহজ প্রেমের সবল অভিনয়ের সূত্রপাত করিলেন। মানব-ধর্ম সার্থক হইল। পরে সমাজের শাসনদণ্ডের দ্বারা ইহার নির্ঘাতন করিলেন। কিন্তু পরিণামে ঐ সহজ ও স্বাভাবিক মানবধর্মেরই জয় হইল। সমাজ রস বুঝে না, কিন্তু আপনার স্বার্থটি বুঝেই বুঝে। প্রজ্ঞোৎপাদনে এই স্বার্থ স্মৃতি হইল। এইরূপে শ্রেষ্ঠতম ও মুখ্য-তম সামাজিক স্বার্থের সঙ্গে সহজ ও স্বাভাবিক মানবধর্মের মিলন ঘটাইয়া, কালিদাস এই চিরন্তন সমাজ-সমস্যার একটা চূড়ান্ত মীমাংসা করিলেন। সমসাময়িক সনাতন প্রথার একান্ত আশুগত্য স্বীকার করিয়া চলিলে, কালিদাস কোনদিন এই অপূর্ব রস-চিত্রের সৃষ্টি করিতে পারিতেন না।

কলতঃ এই রস-বস্তু, অন্তরের বস্তু; আর সচরাচর আমরা যাহাকে ধর্ম বলিয়া থাকি, তাহা একটা বাহিরের বস্তু। কতকগুলি প্রচলিত মত, কতকগুলি অভ্যস্ত ও পুরাতন ক্রিয়াকলাপ, কতকগুলি গতানুগতিক আচার-বিচার লইয়াই এই ধর্ম গঠিত। কিন্তু আমাদের দেশের প্রাচীনদেরও এই বেদমুক্তিসদাচারগত ধর্মের, প্রামাণ্য স্বীকার করিয়াছেন। ধর্মরাজ যুধিষ্ঠির পর্য্যন্ত এই ধর্মের সনাতনধর্মের দাবী কেবলমাত্র লোকরঞ্জনের নিমিত্তই প্রতিষ্ঠিত হয়,

এই কথা বলিতে সক্ষিত হন নাই। এই ধর্ম সনাতন নহে, সনাতন হইতেই পারে না; কারণ যুগে যুগে এধর্মের পরিবর্তন ঘটিয়া আসিয়াছে। লোকে যাহাকে সদাচার বলে, ইউরোপীয়েরা যাহাকে মর্যালিটি (morality) বলেন, আধুনিক বাঙ্গালায় যাহাকে আমরা নীতি বলিতে, আরম্ভ করিয়াছি, তাহাও নিত্য-বস্তু নহে। এক যুগে যাহা সদাচার, অপর যুগে তাহা অন্যচার। এক দেশে যাহা মর্যালিটি অপর দেশে তাহা দুর্নীতি বলিয়া পরিগণিত হয়। বৈদিক সমাজে বিধবার “নিয়োগের” বিধান ছিল; এখন বেদের দোহাই দিয়াও এই সনাতন প্রথার প্রবর্তন বা সর্ধন করা যায় না। ময়ুর ক্ষেত্রজ সন্তানেরা এখন জারজ বলিয়া পরিত্যক্ত হয়। পঞ্চাশ বাট বৎসর পূর্বের পর্য্যন্ত এদেশের পম্পর গৃহস্থের বাড়ীতে দাসীপুত্রেরা পরিবারের অঙ্গীভূত ছিল, এখন ইহা বিগর্হিত হইয়াছে। অস্তিত্তিকে এমন অনেক বিষয় পঞ্চাশ বৎসর পূর্বের দূয়া বলিয়া বিবেচিত হইত, যাহা এখন শর্মে; শর্মে; সমাজের শিষ্টজনেরা পর্য্যন্ত অসুষ্ঠাভারে অবলম্বন বা আচরণ করিতেছেন। যাঁহারা শাস্ত্রবিধির দোহাই দিয়া এখনও এসকল অনিবার্য পরিবর্তনের প্রতিরোধ করিতে বন্ধপরিকর, তাঁহাদের আন্তরিক ধর্মবুদ্ধিও এগুলিকে আর এখন পাপ-চক্ষে দর্শন করে না। দেশভেদে, কালভেদে, সর্বত্রই লৌকিক ধর্মের ও সামাজিক সদাচার বা স্থনীতির এইরূপ পরিবর্তন নিয়তই ঘটয়া থাকে। এই অবস্থায়, এই চঞ্চল ধর্মের বা নীতির হস্তে জীবনের অপর্যাপক বিভাগের নেতৃত্বভার একান্তভাবে অর্পণ করা যায় কি? এই নীতির দ্বারা রসস্বপ্তির বা আর্টের স্বাভাবিক সৃষ্টিকে চাপিয়া রাখাই কি সম্ভব হয়?

কলতঃ এই রস-স্বৃতি বা আর্ট যুগে যুগে লৌকিক ধর্মের ও নীতির বা মর্যালিটির আদর্শের পরিবর্তনে সর্বত্রই বিশেষ সাহায্য করিয়া আসিয়াছে। মানুষের চারিদিকের নৈসর্গিক ও সামাজিক অবস্থার পরিবর্তনের সঙ্গে সঙ্গেই তার ধর্মের ও নীতির আদর্শের পরিবর্তন ঘটে।

যেখানে মানুষ দীর্ঘকাল ধরিয়। একই প্রকারের নৈসর্গিক ব্যবস্থানের মধ্যে বাস করে, কিন্তা বহুদিন পর্যন্ত কোনও ভিন্ন সমাজের সঙ্গে তাহার পরিচয় বা বনিষ্ঠতা না জন্মায়, সেইখানেও কবি-প্রতিভা নিয়তই ঐ সকল পুরাতন দৃশ্য এবং সব্বদের মধ্যেই নব নব রূপ ও রস প্রত্যক্ষ করিয়া, নূতন নূতন রস-মুক্তির প্রস্তুতি করে এবং ঐ সকল রস-মুক্তির সাহায্যে জনসাধারণের অসুস্থিতি ও কল্লনাকে নিত্য নব নব ভাবে জাগাইয়া, তাহাদের অন্তরে নব নব আদর্শ ফুটাইয়া তোলে। ঐ সকল ভাব ও আদর্শের প্রেরণায় সমাজের লোকের নৃত্যমত ও মতিগতি অল্পে অল্পে পরিবর্তিত হইয়া, সমাজের ধর্ম ও নীতি নব নব আকার ধারণ করে। দার্শনিকেরা বিচার করিয়া, তর্কিকেরা তর্কমুক্তির দ্বারা, রাজশক্তি আপনাদের প্রভাবের প্রভাবে ও সমাজধর্মিত এবং পুরোহিতগণ ধর্মভয় জাগাইয়া বা সমাজের শাসনদণ্ড তুলিয়া, যাহা করিতে পারেন না, কবিগণ অলঙ্কিতে তাহা সাধন করেন। কবির সৃষ্টি লোককে আনন্দ দান করে। রস-রাজ্যে লোক ঐ আনন্দই খোঁজে। তাহারা কবিকল্পনা-প্রসূত নব নব রস-মুক্তি সকলকে কেবল অন্তরে অন্তরে সন্তোষই করে, ইহাদের তত্ত্ববিচার বা ধর্ম-নীমাংসায় প্রবৃত্ত হয় না।

রস-সৃষ্টির বা আর্টের সঙ্গে সমসাময়িক ধর্মের বা নীতির কোনও সম্বন্ধ যে থাকে না, তাহা নহে। বরঞ্চ সর্বত্রই ঐ ধর্মের ও নীতির দ্বারা আর্টের বৈশিষ্ট্য প্রতিষ্ঠিত হয়। কিন্তু ইহা সত্ত্বেও, ধর্মিকেরা আপনাদের আচারিত ধর্মে, অথবা নীতিবাদের আপনাদের বিশিষ্টধর্মাদিতে যে বস্তু প্রত্যক্ষ করেন না, কবিপ্রতিভা তাহাই প্রত্যক্ষ করিয়া ব্রহ্মকণ্ঠে ধার্মিক যখন মতবাদে আবদ্ধ, কবি তখন তত্ত্বসাধকাকারে কুতর্ভ্র হইয়া, ঐ মতবাদের মধ্যে প্রাণ ও রস সঞ্চার করিয়া, তাহাকে জীবন্ত ও আনন্দময় করিয়া তোলেন। মত বস্তু চঞ্চল, নিয়ত পরিবর্তনশীল। মত মাত্রেরই স্বল্পবিস্তর সন্মত-মান-প্রতিষ্ঠা। তত্ত্ব বস্তু নিত্য, প্রত্যক্ষ-প্রতিষ্ঠিত। ঐ নিত্য তত্ত্ব-

বস্তুকেই ঐ চঞ্চল মতবাদ দেশকালের পরিবর্তনশীল অবস্থা ও ব্যবস্থার ভিত্তি দিয়া প্রকাশ করিতে চেষ্টা করে। তত্ত্ববস্তু জ্ঞান-বস্তু এবং আনন্দ-বস্তু। তত্ত্বজ্ঞানের প্রকাশ নূতন সত্যের আলোকে পুরাতন ও পুরাতন মিথ্যা-কল্পনা নষ্ট হয়। আর তত্ত্বের আনন্দের প্রেরণায় ঐ নূতন সত্যকে সমগ্র জীবন দিয়া ধরবার আকাঙ্ক্ষা জন্মিয়া উঠে। কবি ঐ আনন্দময় রস-মুক্তির প্রতিষ্ঠা করিয়া, লোকের চিন্তকে প্রথমে মুগ্ধ করেন। ঐ লোভেই তাহাদের অন্তরে ঐ রস-মুক্তিকে নিজেদের জীবনে ও সমাজে প্রতিষ্ঠিত করিবার বাসনা জাগিয়া উঠে। কবির সৃষ্টিতে প্রথমে লোককে কেবল আনন্দই পায়। ইহার মধ্যে কেবল আনন্দই খোঁজে। ঐ আনন্দ পাইয়াই তাহারা পরিতৃপ্ত হয়। তখন এসকলের আশ্রয়ে অল্প কোনও জিজ্ঞাসার উদয় হয় না। যখন সে জিজ্ঞাসার উদয় হয়, তখন কবির কাজ অনেকটা ফুরাইয়াছে। তখন তাঁর প্রেরিত রস-বস্তু সমাজ-প্রাণের শিরায় শিরায় প্রবিষ্ট হইয়া তাহাকে মাতাইয়া তুলিয়াছে। তখন সমাজ-গতি আপনাদের অন্তঃপ্রেরণায় ঐ রসের পথে চলিতে আরম্ভ করিয়াছে। পরিবর্তনের হাওয়া তখন ছুটিয়াছে। নূতন আদর্শের ঐ তখন ডাকিয়াছে। সেই ডাকে, কার্পণ্যোপহত স্ববির সামাজিকেরা সমাজ-স্বিতি-ভঙ্গ-নিবারণের জন্ম "সনাতনীর" নামে রস-সৃষ্টির সহজ স্ফূর্তিকে চাপিয়া রাখিতে উদ্যত হইয়াছেন। এ রস যৈ তাহাদের অজ্ঞাতে ও অলঙ্কিতে এতাবৎকাল গোপনভাবে বাড়িয়া উঠিয়াছে, এ জ্ঞান তাঁহাদের হয় নাই। যখন তাহাকে গলা টিপিয়া মারিতে পারিতেন, তখন তাঁহারা ঘুমাইয়াছিলেন। তখন তাহারা কোমল মুখ দেখিয়া ইহারা নিজেই মুগ্ধ হইয়াছিলেন। তখন তাহাকে কেবল স্বপ্ন-কল্পনা মাত্র বলিয়া সন্তোষ করিয়াছিলেন। এবস্তু যে মিছারি ছুইয়া এতাবৎ তখন ইহাদের জন্মে নাই। এখন সে বাড়িয়া উঠিয়াছে, আপনি আপনাদের রাজ্য সঞ্চালক করিয়াছে, লোকের মতিগতি কিরাইয়াছে, এখন ইহার গতিরোধ করে কে? ঐ নিষ্ফল প্রয়াসে কেবল বিপ্লবের সৃষ্টি করে মাত্র।

আশ্বখের বিষয় এই যে হিন্দুর ধর্মে ও হিন্দু সমাজে যেমন সকল যোরতর পরিবর্তন ঘটিয়াছে, এমন আর কোনও ধর্ম ও কোনও সমাজে ঘটে নাই। অথচ আমাদের ইতিহাসে কোনও সাংঘাতিক বিপ্লবের কথাও কোথাও খুঁজিয়া পাওয়া যায় না। উপনিষদ যেরূপ দেববাদ ও যাগশব্দকে একেবারে উড়াইয়া দিলেন, অথচ বাহ্যিক ও ব্রাহ্মজ্ঞানীদের মধ্যে একটা মারামারি কাটাকাটি হইল না! হিন্দু প্রাচীন বেদোক্ত ধর্মের মধ্যে দুইটি শাখা গড়িয়া, একটির মধ্যে বাহ্যিকদিগের এক অপরাটর মধ্যে ব্রাহ্মজ্ঞানীদের স্থান করিয়া দিল। ধর্মের দুই কাণ্ড প্রতিষ্ঠিত হইল; এক কর্মকাণ্ড, অপর জ্ঞান-কাণ্ড। বাহ্যিককাণ্ডে দেবতার নামে যজ্ঞ করিতে হয়, তাহার অস্তিত্ব পর্য্যন্ত অস্বীকার করিলেন। ঈশ্বর অসিদ্ধ বলিলেন। ব্রাহ্মকে আমলেই আনিলেন না। অথচ তাঁহাদের আর্থাৎ বা হিন্দুই, ব্রাহ্মণ্য বা ঋষিও পর্য্যন্ত কেউ অস্বীকার করিল না। ব্রাহ্মজ্ঞানীরা যজ্ঞ ও দেবতা সকলই মিথ্যা বলিয়া উড়াইয়া দিলেন। কেহ কেহ বা সত্য বলিয়া মানিয়াও ইহাদিগকে মুক্তিপথের অন্তরায় বলিয়া বর্জন করিলেন। সমাজের শীর্ষস্থানীয় ব্রাহ্মণগণকে জ্ঞান-দৃষ্টিতে ও সত্যের চক্ষে গরু, হাতী, চণ্ডাল এবং কুকুরের সমান বলিয়া প্রচার করিলেন। অথচ কেহ ইহাদের সঙ্গে মারামারি কাটাকাটি করিল না। সমাজ নিঃশব্দে, অস্বাক্ষিত কর্মকাণ্ডদিগকে বৃকে করিয়া ও জ্ঞান-কাণ্ডদিগকে মাথায় করিয়া লইল! আধুনিক ইউরোপে যেমন বিবাহের পূর্বে যুগ্মগণ বহুপ্রণয়ী ও প্রণয়পিপাসুর সঙ্গে বিবিধ প্রকারের শ্রীতি ও সখ্যাসূত্রে আবদ্ধ হয়, প্রাচীন ভারতে, সনাতন বৈদিক যুগেও সেরূপ হইত, শ্রোতসূত্রের ও গৃহসূত্রের বহুবিধ মন্ত্রে তাঁহার বহুল প্রমাণ পাওয়া যায়। বিবাহ করিয়া নবধুকে ঘরে লইয়া যাইবার সময়, তাহার উপপত্যিকে বিনাশ করিবার জন্ম মন্ত্রোচ্চারণ করিতে হইত। এখন এসকল মন্ত্রের কোনও সাংঘাতিকতা নাই। কিন্তু একদিন যে এগুলির একটা সত্য অর্থ ছিল, তাহার কি

আবার কোনও সন্দেহ আছে? তারপর রামায়ণ মহাভারতে কত যোরতর সামাজিক পরিবর্তনের প্রমাণ পাওয়া যায়। বর্ধশ্রেয়ধর্মের প্রত্যাপ প্রতিষ্ঠিত হইলে, অথবা অক্ষুণ্ণ থাকিলে, জোণ ও কুপ মহা-রথা হইতে পারিতেন না। সূর্য্যের সার্টিকিট লুইয়াও কবি-কল্পনা রাধেয়কে দ্রব্রিয় করিতে পারিত না। মহাভারতে কত ভাঙ্গা-গড়ার প্রমাণ পাই, অথচ কোনও সাংঘাতিক সামাজিক বিপ্লবের স্মৃতিচিহ্ন পর্য্যন্ত পাওয়া যায় না। জীব যেমন আপনার জীবনের প্রয়োজনে, নূতন নূতন অবস্থায় পড়িয়া, আপনাকে নূতন করিয়া গড়িয়া তোলে, হিন্দুসমাজ যুগে যুগে তাহা করিয়াছে। জীবের গঠন-বিকাশে কোথায় পুরাতনের শেষ আর কোথায় নূতনের সূচনা, ইহা যেমন খুঁজিয়া পাওয়া যায় না; হিন্দুর সমাজ-বিকাশেও কবে, কোন সূত্রে কোন পরিবর্তনের সূচনা হইয়াছে, ইহা নির্ণয় করা অসাধ্য। পরিবর্তন যে ঘটিয়াছে, পূর্বাধিকার পর্যবেক্ষণ করিয়া কেবল ইহাই উপলব্ধি করিতে পারা যায়। হিন্দু চিরদিনই, নিঃশব্দে ও নিঃসঙ্কোচে প্রাচীনকে বদলাইয়া বর্ধমানের প্রয়োজন সাধনের উপযোগী করিয়া লইয়াছে।

মহাভারত ও রামায়ণের স্মৃতি পুরাতন কথা ছাঁড়িয়া, এই চারি পাঁচ শত বৎসরকাল মধ্যে আমাদের আপেক্ষাকৃত অধুনাতন বাঙ্গালী হিন্দু-সমাজে যেসকল পরিবর্তন ঘটিয়াছে, তাহাতেই ইহার প্রমাণ পাওয়া যায়। এই ভাবেই আমাদের সমাজে রঘুনন্দন কর্তৃক নব্য-স্মৃতির প্রতিষ্ঠা হইয়াছে। রঘুনন্দন প্রাচীন স্মৃতিস্মৃতিকে এমন ভাঙ্গিয়া চুরিয়া নূতন করিয়া গড়িয়াছিলেন যে, রঘুনন্দনের পুত্র, পিতৃবাবুস্বামুখারী উপ-নয়ন-সংস্কার লাভ করিলে পরে, রঘুননাথ শিরোমণি না কি তাহাকে ব্রাহ্মণ বলিয়া প্রত্যভিবাদন করিতে অস্বীকার করিয়াছিলেন। এই নব্য-স্মৃতির উপরেই আধুনিক বাঙ্গালীর “সনাতনী” প্রতিষ্ঠিত। আমাদের স্ববির সামাজিকগণ যে “সনাতনীর” দোহাই দিয়া মানবের সমাজ, প্রকৃতি, প্রবৃত্তি ও ধর্মাদর্শবোধকে চাপিয়া রাখিতে চাহেন, তাহার সনাতনই সাত্ত্ব-চারিংশত বৎসরের অধিক ব্যর্থকর্মের দাবী করিতে

পারে না। আর রম্বন্দনের পরে, এই চারিপাঁচশত বৎসরের মধ্যেই
বঙ্গালার হিন্দুসমাজে কত কত যুগান্তর উপস্থিত হইয়াছে। এই
কালের মধ্যে কত ব্রাহ্মণ কত শূদ্র গুরুর নিকটে মন্ত্রদীক্ষা লইয়া-
ছেন। কত তথাকথিত হীনজাতির লোকে কত নূতন নূতন সাধন ও
সম্প্রদায়ের প্রতিষ্ঠা করিয়া, কত ব্রাহ্মণ-কায়স্থাদিকে আশ্রয়
দিয়াছেন। “লোকের মধ্যে লোকাচার” মানিয়া চলিয়া, কত ব্রাহ্মণ-
বৈষ্ণব-কায়স্থ-শূদ্র সমগুরুর সমাজে “সদাচার” অবলম্বনে কত অন্ত্যজ
জাতির অন্ন গ্রহণ করিয়াছেন। শ ছই শ বৎসরের মধ্যে বাঙ্গালী
হিন্দুসমাজে যেসকল পরিবর্তন ঘটিয়াছে, কত অনাচারকে সমাজ
নিঃশব্দে ও নিঃসঙ্কোচে হজম করিয়া লইয়াছে, তার সন্ধান করিলে,
আমাদের “সনাতনীর” প্রাচীনত্বের সর্ব্যাদা প্রতিষ্ঠা অসম্ভব হয়।

আপনার পরিবর্তনশীল পারিপার্শ্বিক অবস্থার ও ব্যবস্থার সঙ্গে সন্ধি
ও সঙ্গতি করিবার শক্তি ও নিপুণতাহেই জীবের জীবনী-শক্তির
প্রধান-পরিচয় পাওয়া যায়। এই শক্তি ও নিপুণতা যার আছে,
সেই জীবই জীবন-সংগ্রামে জয়লাভ করে। ইহাতেই সমাজের
জীবনী শক্তিরও পক্রিয় পাওয়া যায়। যে সমাজের এই শক্তি ও
নিপুণতা নাই, তাহা ক্রমশঃ ধ্বংস প্রাপ্ত হয়। অষ্ট্রেলিয়ার আদিম
অধিবাসীগণ এক আমেরিকার ইণ্ডিয়ান-সমাজ ইহার অভাবেই
লোপ পাইতেছে। এই শক্তি ও নিপুণতা আছে বলিয়াই হিন্দু
শত সহস্র বৎসরের অশেষ প্রকারের ঘটনাবিপর্ধায়ের মধ্যেও আপ-
নার বৈশিষ্ট্যকে বাঁচাইয়া রাখিয়াছে। প্রাচীনকে আঁকড়াইয়া ধরিয়া,
“সনাতনীকে” প্রাণপণে রক্ষা করিয়াই যে হিন্দু আজও ইঁটচিয়া
আছে, একবার সাক্ষাৎ-হিন্দুর ইতিহাস কোথাও দেয় না। কিন্তু যুগে
যুগে হিন্দু আপনাকে যুগ-প্রয়োজন সাধনের সম্পূর্ণ উপযোগী করি-
য়াই বাঁচিয়া আছে, ইহাই সত্য।

কি করিয়া প্রাচীনকে নূতনের সঙ্গে মিশাইয়া লইতে হয়, ‘ইউ-
রোপ এখনও ভাল করিয়া তার সঙ্কটটি শিক্ষা করে নাই। এই

জন্মই প্রয়োজনীয় পরিবর্তন ঘটাইতে বাইরা, ইউরোপ সর্বদাই বিপ্লব
বাধাইয়া তোলে। ইউরোপ দেহটাকে সর্বদাই আঙ্গুল অপেক্ষা বড়
বলিয়া ভাবিয়াছে। তার পরকালে পর্য্যন্ত দেহাশ্রিত। দেহাঙ্গুল্যমান ভাল
করিয়া নষ্ট হয় নাই বলিয়াই, ইউরোপ সমাজ জীবনের ও ধর্ম-জীবনের
বাহিরের ঠাঁটটাকে লইয়া এত মারামারি কাটাকাটি করিয়াছে। পুরাতন
ঠাঁটটা গেলে পরিচিত প্রাণটাও গেলে, রক্ষণশীলোরা এই ভয়ে সেই
ঠাঁটটাকে প্রাণপণে বজায় রাখিতে চাহিয়াছেন। নূতন কাঠামু প্রতিষ্ঠিত
না হইলে, নূতন ভাব বা আদর্শও কিছুতেই প্রতিষ্ঠালাভ করিবে না,
উন্নতিশীলোরা ইহা ভাবিয়া নূতন কাঠামোর স্থান করিবার জন্ত সকলের
আগে পুরাতন ঠাঁটটাকে নিঃশেষে ভাঙিতে গিয়াছেন। এইরূপেই
ইউরোপে ভূয়ঃ ভূয়ঃ বিপ্লবের সূত্রপাত হইয়াছে। হিন্দু দেহের প্রতি
যত লক্ষ্য করিয়াছে, প্রাণের প্রতি ততোধিক লক্ষ্য রাখিয়া চলি-
য়াছে। এই লক্ষ্যের প্রতি দৃষ্টি রাখিয়া, উপায় ও উপলক্ষ্যকে
উপেক্ষা করিতে ভীত হয় নাই। এইজন্য হিন্দুর সমাজে,
হিন্দুর ধর্মে, হিন্দুর জীবনে ও হিন্দুর সাধনায়, যুগে যুগে অশেষ
পরিবর্তন ঘটিয়াছে, কিন্তু সাংঘাতিক বিপ্লব প্রায় ঘটে নাই।

যতদিন হিন্দুর দৃষ্টি অন্তর্গুণান ছিল, আত্মতত্ত্ব শ্রদ্ধা ছিল,
অদ্বৈত-বুদ্ধি প্রজ্জ্বল হয় নাই, ততদিন হিন্দুর ধর্ম বা সমাজনীতি
তার আঁট বা রন-স্থিতিতে চাপিয়া রাখিতে চাহে নাই। হিন্দু ব্রহ্ম-
চর্যেরও মহিমা কীর্তন করিয়াছে, আবার আপনায় সাধনাস্বর্ঘ্য স্বর্গে
বা ইস্রায়েলে কে মেনকা, উর্ধ্বশী প্রভৃতিকেও স্থান দিয়াছে। তার
ত্রিকালজ্ঞ স্বাধিপণ পর্য্যন্ত সহজ শারীর ধর্ম বা মানব ধর্মকে নির্মূল
বা অতিক্রম করেন নাই। ততদিন হিন্দুর ধর্মে এক আঁটে কোনও
‘বিরোধ বাধে নাই।’ ততদিন হিন্দুর ধর্মেও আঁট ছিল, আঁটেও
ধর্ম ছিল। কিন্তু ধর্মের আঁট ধর্মকে মানিয়া চলিয়াছে; আঁটের
ধর্ম আঁটকেই মানিয়া চলিয়াছে। কেহ কাহারও অধিকার হস্ত-
ক্ষেপ করিতে যায় নাই। হিন্দু জানিত যে ধর্মের যেমন একটা

নিজস্ব ধর্ম আছে, একটা বিশিষ্ট লক্ষ্য আছে, সেই লক্ষ্য সাধনের জন্ত ধর্ম উপযোগী বিধি-নিষেধাদি গড়িয়াছে; এই সকল বিশেষ বিধি-নিষেধ ও সংযমসাধনাদিই সমাজ-ধর্মের ও সাধন-ধর্মের অঙ্গ; সেইরূপ আটের বা রসু-রাজোরও একটা নিজস্ব ধর্ম আছে, একটা বিশিষ্ট লক্ষ্য আছে; সেই লক্ষ্য সাধনোপযোগী শাস্ত্রবিধি আর্চি-আঙ্গপ্রয়োজনেই গড়িয়া তোলে। তাহাকে এসকল শাস্ত্রবিধির আনু-গত্য অবলম্বন করিয়াই, আপনার সার্থকতলাভ করিতে হয়। এইরূপে জীবনের বিভিন্ন বিভাগের এই স্বাতন্ত্র্য প্রতিষ্ঠিত করিয়াই, হিন্দু যুগপৎ সাধন-ধর্মের শুদ্ধতা ও আচার-বিচার এবং সংসার-ধর্মের ভোগবিলাস; নীতির শাসন এবং আটের স্বাধীনতা উভয়ই রক্ষা করিতে পারিয়াছিল। আটের সহজ, স্বাভাবিক রস-সুস্থিতি বা রসবিকাশে আমাদের খৃষ্টীয়-নীতিবাদ-সমাচ্ছন্ন কৃত্রিম ধর্মবুদ্ধি পদে পদে শিহরিয়া উঠে। কিন্তু আমাদের পিতৃপিতামহেরা সংস্কৃত বা বাঙ্গলা কাব্যের রসোদ্যায় পাঠে কখনও অক্লান্ত করিতেন না। এসকলে তাঁহাদের ধর্ম বা নীতিতে আঘাত করিত না। আর যতদিন না আমরা এই ইউরোপের আমদানী খৃষ্টীয়ান নীতিবাদের বাহিরের সভ্যতা-ভব্যতার প্রভাব হইতে মুক্তিলাভ করিতেছি, ততদিন আমাদের ধর্ম বা নীতি, স্বভাব বা রস-স্বাধি, কিছুই সত্যোপেত ও সন্নিব হইবে না।

শ্রীবিপিনচন্দ্র গাঙ্গুলী

রাধামাধবোদয়

[১]

ইরাজী শিদল আরম্ভ হইয়া অবধি ইরাজী ধরণের কাব্য নাটক উপস্থাপন নবস্থাস নাভল গুপ্তকথা গীতিকাব্য ব্যঙ্গকাব্য নন্দা দপ্তর-প্রসঙ্গ রচনা প্রহসন অপেরা প্রভৃতি নানানরকম তরবেতর সাহিত্যের সৃষ্টি হইতেছে। লোকে পড়িয়া কত আমোদ পাইতেছে। গ্রন্থকারের কত যশ লাভ হইতেছে—ধনলাভ হইতেছে। এই সকল কাব্যের গুণাগুণ বিচার করিয়া কত লোক স্নগ্ধাতি লাভ করিতেছেন, কত লোকের উপর আপনাদের মনের স্থান বাড়িতেছেন; ক্রমে সাহিত্য ও দোষগুণ বিচার লইয়া কি একটা প্রকাণ্ডকাণ্ড হইয়া উঠিয়াছে।

কিন্তু ইরাজী লেখাপড়া আরম্ভ হইবার পূর্বে আমাদের দেশে কত পুরাণের তর্জমা, রামায়ণ মহাভারতের তর্জমা, কত কীর্তনের গান, কত চরিত, কত লীলা, কত বিলাস, কত মঙ্গল হইয়া গিয়াছে সে বিষয়ে বড় একটা খোঁজ-খবর নাই। সেকালে কত কাব্য, এমন কি মহাকাব্য পর্য্যন্ত, লেখা হইয়া গিয়াছে তারও কোন খোঁজ-খবর নাই। তার খোঁজও নাই—তার দোষগুণ বিচারও নাই। তাহা লইয়া দলা-দলিও নাই, ঝালঝাড়ও নাই।

কয়েক বৎসর ধরিয়া সেকালে কাব্যের কতকটা খোঁজ আরম্ভ হইয়াছে। বটতলা কতক ছাপাইয়াছিল। এ বিষয়ে এখন সাহিত্য-পরিষদ বটতলার উত্তরাধিকারী হইয়াছেন; সেকালে বই খুঁজিয়া ভাল কাগজে ছাপাইতেছেন, নানা দেশ হইতে পুঁথি আনিয়া পাঠ টিক করিতেছেন। ঘাঁহারা ছাপাইতেছেন তাঁহারা অনেক বিদ্যা বুদ্ধি খরচ করিতেছেন, অনেক দেখিতেছেন শুনিতেছেন ভাবিতেছেন, চিন্তা

করিতেছেন—পাতের তলায় নোট দিয়া পাঠ পুরাইতেছেন, বড় বড় ভূমিকা লিখিতেছেন, নানারকমের সূচী দিতেছেন; কিন্তু লোকে বড় আদর করিতেছে না। সেকালের কবিদের এত রস ও ভাবময় ক্রিয়া ইঁদুর ও উইয়ে পরম স্তূখে আশ্বাসন করিতেছে। সাহিত্যপরিষদে ভাল সন্দর্ভ নাই, স্বতরাং শীঘ্রই সে সকল কাব্য জায়গা জোড়া করিবার অপরাধে মণমণে বিক্রয় হইয়া বাবুদের জুতা বাঁধিবার কাগজ হইয়া দাঁড়াইবে।

যাহা হউক মন্দের ভাল, কিছু ধোঁজ ত হইতেছে, দুজন দশজন পড়িতেগুচ্ছে। তাই আমি ভরসা করিয়া একখানি সেকলে মহাকাব্যের দোষগুণ বিচার করিব মনে করিয়াছি। কাব্যখানি যে মহাকাব্য সে বিষয়ে আমার কোন সন্দেহ নাই, কিন্তু কবি উহাকে মহাকাব্য বলেন নাই, আর পশ্চিম মহাশয়েরাও বলিছেন না। কারণ তাহাদের মতে “সর্গবন্ধো মহাকাব্যঃ।” কিন্তু আমাদের কাব্যে সর্গই নাই। উহার ভাগগুলির নাম উল্লাস। মহাকাব্যে বাইশের অধিক সর্গ থাকে না, ইহাতে চৌত্রিশটি উল্লাস আছে, একেবারে শতকরা ৬০টি বেশী। ইহাকে মহাকাব্য বলিলে অলঙ্কার শাস্ত্রের সহিত বিরোধ হইবে এবং যে বলিবে, মহামহাপণ্ডিতেরা তাঁহার উপর খড়গহস্ত হইবেন।

আমি যে কাব্যখানির কথা বলিতেছি সেখানি ১২৯৭ সালে কবির পুত্র মাড়োগ্রামনিবাসী শ্রীমদনগোপাল গোস্বামীর দ্বারা প্রকাশিত হইয়াছিল। “গ্রন্থ-রচনাকালও কবি লিখিয়া রাখিয়া গিয়াছেন— “শ্রীশ্রীরাধামাধবয়োঃ প্রীত্যে ভবতু শাকহন্দেনাসপ্তসপ্তক্ষামিতে বৃনসংক্রমে গঙ্গাতীরে পানিহাটীগ্রামেয়ঃ পূর্ণভাগমাৎ ॥ হরি ও ॥” স্বতরাং ১৭৭১ শকাদে গ্রন্থখানি রচনা হয়। অর্থাৎ ইহাতে ৭৮ যোগ করিলে ইংরাজী ১৮৪৯ সনে কাব্যখানি লেখা হয়; অর্থাৎ মেঘনাদবধ বাহির হইবার দশ বৎসর পূর্বে।

কবিও যে বিশেষ অপরিচিত তাহা নহেন। তিনি “শ্রীমৎকলিযুগ-

পাবনাবতার ভগবন্তানন্দমৎশোভাবৎস শ্রীলকিশোরীমোহনগোস্বামীসুসু-
শ্রীরঘুনন্দন গোস্বামী।” স্বতরাং বৈষ্ণব সশাক্তে তিনি খুব সুপরি-
চিত। “যদিও তিনি খড়গহের গোস্বামী নহেন, তথাপি তিনি নিত্যা-
নন্দকবীশী। যাহারা কাব্য বুঝেন, তাঁহাদের কাছেও তিনি অপরি-
চিত নহেন। কারণ তাঁহার পুত্র কাব্যপ্রকাশকালে বলিতেছেন, “মি-
শাস্ত দাস্ত সখ্য বাৎসল্য এবং মধুররসাত্ম্য ভক্তজনগণমানসরসা-
য়ন পরমকরুণাবরুণালয় শ্রীশ্রীমদরামচন্দ্রের জন্মাদি সূচার লীলা-
প্রদঙ্গ শ্রীশ্রীমদ্রাম রসায়ন গ্রন্থে বর্ণনা করিয়াছেন সেই মহাত্মা রঘু-
নন্দন গোস্বামী প্রণীত, এক্ষণে তৎপুত্র মাড়োগ্রামনিবাসী শ্রীমদনগোপাল
গোস্বামীর দ্বারা প্রকাশিত।” স্বতরাং রামরসায়ন ও আমাদের মহা-
কাব্য একজন কবির লেখা, তাঁহার নাম রঘুনন্দন গোস্বামী। তিনি
নিত্যানন্দকবীশী, তাঁহার নিবাস মাড়োগ্রাম, জেলা বর্ধমান।

রামরসায়ন গ্রন্থখানিও যে বিশেষ সুপরিচিত তাহা নহে। তবে
যে কেহ রামরসায়নের স্বাক্ষর শুনিয়াছেন, তিনি উহাতে মুগ্ধ হইয়া-
ছেন। রঘুনন্দনের রাম লক্ষণবর্জজন করিলেন না, সরস্বতী রূপ
দিলেন না। তিনি সীতার সহিত অশোকবনে প্রবেশ করিলেন।
বৌদ্ধদের স্থাবরী পড়িয়া মুগ্ধ হইয়াছিলাম, মিন্টনের “Paradise এর
বর্ণনা পড়িয়া একদিন বিচিত্র আনন্দ অনুভব করিয়াছিলাম, বৈষ্ণবের
বৃন্দাবনধাম পরম স্তূখেই সামগ্রী, কিন্তু রঘুনন্দনের অশোকবন অতি
বিচিত্র। সে বর্ণনা বোধ হয় মাধুর্য্যে এ সকলকেই অতিক্রম করিয়া
গিয়াছে। সে পবিত্রতা অন্তত কোথাও পাওয়া যায় কি না সন্দেহ।
রচনার সে মাধুরী, ছন্দের সে স্বাক্ষর বোধ হয় সাহিত্যে অতুল।

কিবা অভিরাম-স্থখধাম সে অশোকবন।

যারে বর্ণিবারে নাহি পারে কোনো কবিজন ॥

প্রকৃ ইচ্ছামতে এ জগতে বাহার প্রকাশ।

কৈলে বিবেচন সেই বন বৈকুণ্ঠ বিলাস ॥

যেই হেতু সেই পুরী সেই বৈকুণ্ঠ অস্তম্ ।
 শত শোভা তার তাও তার এই কহে বেদ ॥
 অস্তপুর কাছে রহিয়াছে সেই উপবন ।
 যার উপমান দিতে স্থান না হয় নন্দন ॥
 তারে যেই পায় তার যায় সব শোকগণ ।
 তেঁই বেনগণে তারে ভণে অশোক-কানন ॥
 তার চারিপাশে পরকাশে স্ফটিক প্রোচীর ।
 যারে লজ্জ্বারে নাহি পারে আপুনি সমীর ॥
 তুর আছে দ্বার পরিষ্কার চুই চুই স্থানে ।
 এক সভা-প্রান্ত আর অস্তপুর সন্নিধানে ॥
 তার দ্বারে বসি চর্যা অসি ধারণ করিয়া ।
 আছে বসুগণ বিলক্ষণ ভূষণ পরিয়া ॥
 তার পৰ্শ সব অসম্ভব সুন্দর চিকণ ।
 বাহে করি যত নীলরত্ন করেছে পাতন ॥
 মাঝে মাঝে তার রক্ত আর ধবল পাখ্যণ ।
 দিয়া সাজায়েছে নাহি আছে যার উপমান ॥
 আলবালচয় স্বর্ণময় পরম শোভন ।
 দিয়া নানা মদি ধানি ধানি করেছে সাজন ॥
 তাহে বৃক্ষগণ-সুশোভন না হয় বর্শন ।
 পীতমণিময় যার হয় রক্ত শাখ্যগণ ॥
 যত পত্র তার চমৎকার হরিদ্রাধিময় ।
 যার পুষ্প সেই বর্ণ সেই মণিকৃত হয় ॥
 হেন তরুজতি আছে কতি সেইতো কাননে ।
 তাহা কহিবানে কেবা পারে একক বদনে ॥
 কত মনোহর নাগেশ্বর অশোক চম্পক ॥
 লোভ্র কান্দনার কর্ণিকার শেফালিকা বক ॥
 তাহে নানাজাতি যুঁথি জঁতি মল্লিকা টগর ।
 করবীর সুন্দ মুচুকুন্দ বকুল বিপ্তর ॥

কত হুবিরাজ গন্ধরাজ পুমাগ আমলী ।
 কত সপ্তপর্ণ নানাবর্ণ রিতা কুম্বকলি ॥
 কিবা স্থলপন্ন শোভাসন্ন মাধবী মালতী ।
 কত পরিষ্কার গুলানার বাকুলী শেবতী ॥
 এই আদি কতি পুষ্পজাতি আছে তরুজতা ।
 রহ তা সবার গণিবার দুয়েতে বারতা ॥
 তাহে আমলকী হরিতকী কপিথ কাঁটাল ।
 কত নারিকেল মিষ্টবেল দাড়িম্ব রসাল ॥
 কত নাগরঙ্গ সুছেলঙ্গ বাতাপি থল্জ্বর ।
 কত দ্রাক্ষা তাল রক্তা জাল কমলা আঙ্গুর ॥
 কত মিষ্টরস আনারস অঞ্জীর বাদাম ।
 কত আত্মাতক মন্দায়ক লোনা পীপু জাম ॥
 এই আদি করি ফলধারী যত তরুগণ ।
 তাহা সংখ্যা করে এ সংসারে নাহি হেন জন ॥
 সেই বনে ছয় ঋতু রয় সদা মুর্ত্তিমান ।
 তাহে ঋতুপতি সদা অতিশয় শোভমান ॥
 তাহে মনোরম বিহঙ্গম কোটি কোটি চরে ।
 কিবা নীলকণ্ঠ কঙ্কাকণ্ঠ মিষ্ট রব করে ॥
 তাহে সারি সারি দিব্যসারি বসি কণা কয় ।
 যাহা শুনি নরবাক্যে বড় মৃগাবুদ্ধি হয় ॥
 কত কাকাভূয়া টিয়া শুয়া কাজলা মদনা ।
 কত দহিয়াল হরিতাল ফুলটুশী ময়না ॥
 এই আদি মিষ্টভাষী দ্বষ্ট-কত বিহঙ্গম ।
 তাহে অলি সব করে রব অতি মনোরম ॥
 তাহে কুম্বদার রক্তু আর রৌহিব শম্বর ।
 এই আদি যত মৃগ কত খেলে মনোহর ॥
 তাহে আছে কত নানামত কৃত্রিম অচল ।
 যাহা দেখি মজে মহালাজে পর্বত পকল ॥

তাহে মনোহর সরোবর আক্রে অগণিত ।
 নানা মণিচয় বৃক্ষ হয় বাহাদের ভিত ॥
 চারি দিকে চারি ঘাট পরিষ্কার স্তম্ভকণ ।
 সেই নানা বর্ণ শিলা স্বর্ণ পটে সুশোভন ॥
 তাহে শোভে জল স্তম্ভকণ দর্পণ সমান ॥
 বাষা করি পান সুধাজ্ঞান করে সুবিধান ॥
 সেই জলাশয়ে খেলা করে কত জলচর ॥
 যেন অন্ধকারে উড়ি ফেরে পছোতনিকর ॥
 তাহে শোভে কত রক্ত সিত অলিত কমল ॥
 কত ইন্দীবর মনোহর কৈরবশটল ॥
 তাহে করে রব হংস সব শরালি সারস ॥
 কত চক্রবাক ছাড়ে বাক ডাহক সরস ॥
 তাহে ভূসততি করে অতি মধুর ঝঙ্কার ॥
 বাষা শুনি চিত্ত বিচলিত না হয় কাহার ॥

কিন্তু রামরসায়নের কথা ত বলিতে বসি নাই—আমরা রঘু-
 নন্দনের অপর কাব্যের কথা বলিতেছিলাম রামকথা ও কৃষ্ণকথা
 এই দুই কথাই ভারতবাসীর প্রধান সঞ্চল । রঘুনন্দন রামকথা
 রামরসায়নে বিলিয়াছেন, তাঁহার দ্বিতীয় কাব্য কৃষ্ণকথায় পূর্ণ ।
 উহার নাম 'রাধামাধবোদয়' । কৃষ্ণের বংশীধ্বনি শুনিয়া রাধিকার
 রাগোদয় হইতে রাসলীলা পর্যন্ত একাধ্যো লিখিত হইয়াছে ।
 ইহাতে মাধুর লীলাও নাই প্রভাস লীলাও নাই—ইহার এক লীলা
 বৃন্দাবন লীলা । সে লীলা-আনন্দের স্বরূপ, প্রীতির উচ্ছ্বাস ও
 হৃৎকের কোয়ারা । সমস্ত কাব্যখানিতে অস্থখের নামগন্ধ নাই ।
 কবি গোস্বামী, কীর্তন তাঁহার সিদ্ধ বিদ্যা, কৃষ্ণলীলা তাঁহার
 মচ্ছাগত । তিনি যখন কৃষ্ণলীলা লিখিতে বসিয়াছেন, তখন সঙ্গী-
 র্তনের পদগুলি ভাবিয়া পয়ার ত্রিপদী চৌপদী প্রভৃতি স্থললিত
 ছন্দে সাজাইয়া রাখিয়াছেন । তাঁহার কাব্য পড়িতে গেলে সব

সময়েই মনে হয় যেন কীর্তনের পান শুনিতেছি, যেন রেণটী ও
 মনোহরসাহী স্বর কানে বাজিতেছে । কবির ভাষা তাঁহার ছন্দের
 ঠিক অক্ষরূপ—এখনকার মত চোয়ালভাষা সংস্কৃত শব্দ তাহাতে
 নাই । লম্বা সমাসের, দুরাশয়ের, ইংরাজী ভাবের ছড়াছড়ি নাই ।
 তাঁহার কাব্যের প্রথমেই কৃষ্ণের বংশীধ্বনি । সে বংশীধ্বনিতে
 সপ্ত স্বর্গ সপ্ত পাতাল পূর্ণ হইয়া গেল । তবে এখনকার সপ্ত স্বর্গ
 সপ্ত পাতালের ঋক্ষাণা একরূপ, সকালে আর একরূপ ছিল ।
 জিনিঘটা একই কিন্তু লেখার ভঙ্গী আর একরূপ ।



সেইকালে কামনোতে শ্রীমদানন্দন ।
 করিলেন কোতুকুচে মুরলী বাদন ॥
 সেই শব্দে এ তিন জুবন আচ্ছাদিল ।
 তাঁকে নানা স্থানে নানা ভাব উপস্থিল ॥
 বিধাতার ধ্যান-ভঙ্গ করিল সে রব ।
 কাঁপিতে লাগিল তাঁর কলেবর সব ॥
 বুঝি বেণু-রবে তাঁর আসন কমল ।
 প্রস্থল হইল তেঁই করে উলম্বল ॥
 মনকামিমুদ্রিদের সমাধি ভাবিল
 নয়নেতে জুপ্রাধারা বহিতে লাগিল ॥
 বুঝি বেণু-রবে প্রব হইয়াছে মন ।
 দেখিছে বাহিরে আসি সে নন্দনন্দন ॥
 সেই রব শুনি ভব হইল স্তম্ভিত ।
 বুঝি কৃষ্ণ দেখিতে গিয়াছে তাঁর চিত ॥
 মুরলীর রব শুনি কঁপে মরুবান ।
 তাহাতে আমার মন কটর অহুমান ॥
 সেই শব্দ শুনি খসে শটার বসন ।
 শুধা দেখি কোপে কাঁপে সহস্রলোচন ॥
 পাতালে পদম পতি স্তম্ভিত হইলা ।
 সেই হেতু পতিভয়ে ভূমি কি কাঁপিলা ॥

যমনামি নদী যত হইল স্থগিত ।
 নিজ নিজ গুতি ভুলে অত্যন্ত বিশ্বাসিত ॥
 মকর কচ্ছপ মীন আদি জলচর ।
 মুখ তুলি তুলি ভাসে জলের উপর ॥
 জলের ভিতরে ভাল শ্রবণ না হয় ।
 সেই লাগি মুখ তুলি তাহার ভাসয় ॥
 ময়ুর কোকিল আদি বিহঙ্গম সব ।
 তারা শুনে তাজি তাজি নিজ নিজ রব ॥
 গো যুগ মহিষ আদি যত পশুগণ ।
 অঁহার তাজিয়া শুনে সেই বেপূষন ॥
 বৎস সব দুধ পান করিতে করিতে
 মুরলীর শব্দ শুনি মোহ পায় চিত্তে ॥
 অতএব সেই দুধ গিলিতে না পারে ।
 গড়ায়ে গড়ায়ে ভূমে পড়ে মুখবারে ॥
 অপর কি কব যত তরুলতাগণ ।
 মঞ্জরী-ছলেতে করে পুলক ধারণ ॥
 যে যে তরুলতা আগে শুষ্ক হয়েছিল ।
 তাহারও দল ফুল ফলেতে ভরিল ॥
 অপর কি কব আর মাধুরী তাহার ।
 পাষাণ গলিয়া ফেল সংযোগে বাহার ॥

এই কবীন্দ্রনি শুনিয়া রাধার ভাবোষয় হইল। কবি তাঁহার
 প্রথম উল্লাসের নাম রাখিয়াছেন 'রাধাভাবানুরোপন'। কৃষ্ণ যখন
 বাঁশী বাজান, তখন রাধিকা সখীগণকে লইয়া অট্টালিকার উপরে
 কন্দুক ক্রীড়া করিতেছিলেন। তিনি কৃষ্ণের রূপও দেখেন নাই;
 গুণও শুনে নাই। কিন্তু সেই কবীন্দ্রনি তাঁহার কর্ণে প্রবেশ
 করিয়া তাঁহার হৃদয়কে সুধা-ধারায় আদ্র করিয়া দিল এবং সেই
 সুধাসিক্ত হৃদয়ে ভাবের অক্ষর উদয় হইল। তাঁহার গণ্ডেশ পুল-
 কিত হইল, হাত কাঁপিত লাগিল, হাত হইতে গৈদ পড়িয়া গেল।

যিনি কন্দুক-ক্রীড়ায় অদ্বিতীয়, তাঁহার হাত হইতে গৈদ পড়িয়া
 গেল দেখিয়া সখীরা জিজ্ঞাসা করিলেন, "একি হইল" ? শ্রীরাধিকা
 বলিলেন, "ওই শুন কি শব্দ হইতেছে—উহাতে আমার কান
 ভরিয়া গিয়াছে—মন মজিয়া গিয়াছে, আমি হাত ঠিক রাখিতে পারি-
 তেছি না। এই কথা শুনিয়া সখীরা তাঁহাকে বুঝাইয়া দিলেন যে
 উহা বাঁশীর রব, কৃষ্ণ ওই বাঁশী বাজাইতেছেন। তখন রাধিকা ললি-
 তার নিকট কৃষ্ণের পরিচয় লাইলেন;—

সখি ওই কৃষ্ণ হন কাহার তনয়
 কেমন তাহার রূপ কি গুণ ধরয়।

ললিতা বলিলেন—

সখি দিয়া মন করহ শ্রবণ
 নন্দের নন্দন গোকুলে রহে ।
 কৃষ্ণ তাঁর নাম অতি অভিরাম
 যার কোটি কাম সমান নহে ॥

যত গুণ তার আছে তাহা কার
 সখি গণিবার শক্তি আছে
 শ্রীরমুনন্দন হন কি না হন
 গুণের ভবন তাঁহার কাছে ॥

এই সকল কথা শুনিয়া রাধিকা একটু উদ্মনা হইলেন এবং অস্থগ
 করিয়াছে বলিয়া শয়ন করিতে গেলেন।

কবির দ্বিতীয় উল্লাসের নাম 'রাধার রামরিকাস'। সেই রাত্রেই
 'রাধিকা স্বপ্ন দেখিলেন—

দেখিছেন তাহে রাধা যমুনার ধারে ।
 কদম তরুর মুলে শ্রীনন্দ-কুমারে ॥

কিন্তু স্বপ্নের খেলা; কিছদ্মন পাইই রাধিকা কৃষ্ণকে হারাইয়া
 ফেলিলেন;—

এই রূপ দেখিতে দেখিতে স্বর্ণকাল।
 দেখিতে না পান আর রাধিকা সোপাল ॥
 তবে তিঁহ অতিশয় হইলা বিফল।
 ভুলসিন্দৌ যেন মনি হারায়ে বিফল ॥
 হায় হায় কি হইল কি হইল বলি।
 জাগিয়া উঠিল তিঁহ করিয়া বিফল ॥

সখীয়া নিকটে শুইয়া ছিল তাহারায় জাগিয়া উঠিল এবং বার বার তাঁহাকে জিজ্ঞাসা করিল, “কি স্বপ্ন দেখিয়াছ” ? রাধিকা লজ্জায় কিছু বলিতে পারিলেন না, নখদিয়া মাটি খুঁড়িতে লাগিলেন। সখীয়া প্রথম অনেক সাধ্যসাধনা করিলেন, যখন কিছুতেই কিছু হইল না, তখন বলিলেন, ‘লজ্জাই তোমার বড় হল, তবে জামরা কেহ নই প’—

ধাক তুমি দেই প্রিয় সখীরে লইয়া।
 মোরা কি করিব আর এখানে থাকিয়া ॥
 এত কহি ললিতা বিশাখা দুইজন।
 উত্তম করেম কুট্টা করিতে গমন ॥

* তখন নিরুপায় হইয়া রাধা স্বপ্নের কথা প্রকাশ করিলেন ;—

দেখিতে দেখিতে সেইরূপ স্বর্ণকাল।
 স্বপ্ন হরিয়া নিল বিধি হয়ে কাল ॥
 অতএব সেই রূপ না পাই দেখিতে।
 উঠিলাম বৈকল্য করিয়া আচম্বিতে ॥

কে বটে সে কোঁথা নহে তনয় কাহার।
 তাহা অনুভব নাহি আসয়ে আমার ॥
 তথাপি দেখিতে তারে মন সনা চায়।
 কি করিব সখি হল মোর বড় দায় ॥

বিশাখা বলিলেন, “সেখ আমি বেশ ছবি আঁকিতে পারি। আমি গোকুলে ঘরে ঘরে ঘুরে আসি, তুমি যে রূপ বর্ণনা করিলে, সে রূপ

বেখানে দেখিব আঁকিয়া আনিব। এই বলিয়া বিশাখা বাড়ী গেল এবং কক্ষের ছবি আঁকিয়া আনিয়া রাধিকাকে দিল।

কিবা বিশাখার সেই চিত্র চমৎকার।
 যাছে চিত্রবুদ্ধি নাহি হইল সাধার ॥
 স্বপ্নদৃষ্ট সেই এই হয় বলি মানি।
 চমকিত হইয়া উঠিলা ঠাকুরাণী ॥

হেন মত সৌভাগ্য কিবা হইবে আমার।

দেখিতে পাইব তারে এই ছবি যার ॥

রাধিকা এইরূপ ভাবিতেছেন, এমন সময় ললিতা আসিয়া উপস্থিত। ললিতা বলিলেন, কেমন ছবি ঠিক হইয়াছে ? রাধিকাকে বলিলেন—

এই চিত্র যার তাহার দর্শন লাগিয়া।
 অধিক উৎকণ্ঠা করিতেছে মোর হিয়া ॥

ললিতা জিত কাটীয়া বলিলেন, সেট ত কিছুতেই হইতে পারে না। তুমি পতিভ্রতা, কিরূপে পরপুরুষ দেখিতে ছাহিতেছ। তোমার স্বামী আছে, শাসুড়ী আছে, নন্দন আছে, ঘর গৃহস্থালি আছে, তোমায় কি পরপুরুষে মন দেওয়া উচিত। তাহা হইলে তোমার অখ্যাতি হইবে, লোকে তোমায় খিকার দিবে। জেমার পিতা রাজা, তাঁর মুখ হেঁট হবে, ইত্যাদি ইত্যাদি।* তখন রাধিকা বিরস-বদনে বলিলেন—

সখি, আপনায় মন বশ করিবারে।
 করিতেছি আমি যত্ত বিবিধ প্রকারে ॥
 কিন্তু এহ কোন মতে স্থিরতা না পারি।
 যদি জান তবে কিছু বলহ উপায় ॥

তখন ললিতা রাধিকার ভাবানুরূপ পুষ্টি হইয়াছে জানিয়া বলিলেন—

সখি, আমাদের গুরু হন পৌর্ণমাসী।
 বিশেষে তোমায় তাঁর দেখি স্নেহরাশি ॥

অতএব এই কথা জানাইবা তায়।

করিবেন তিঁহে ইথে উচিত উপায় ॥

এই বলিয়া বিশাখাকে সঙ্গে লইয়া ললিতা পৌর্ণমাসীদিদির বাড়ী গেলেন
এক ট্রাহাকে অ্যামোপাস্ত সব বলিলেন। পৌর্ণমাসী সুখী হইলেন
এক বলিলেন—

বাছা চিরজীবী হও তোর দুইজন।

করিলে আমারে বড় আনন্দিত মন ॥

রাধার কৃষ্ণেতে হয় প্রেমের প্রকাশ।

নিরবধি এই মোর মনে অভিজ্ঞাষ ॥

আমুকুল্য করিতেছ তোরা দোহে তায়।

এই লাগি করিতেছি আশিষ্য দোহায় ॥

এবিষয়ে যেই যেই সাহায্য করিবে।

সেই সেই মোর প্রিয় অধিক হইবে ॥

যেহেতুক রাধাকৃষ্ণ-লীলা দেখিবারে।

আমি আছি চিরদিন গোকুল মাঝারে ॥

এতদিনে বুঝি মোর সেই ত বুসতি।

সকল হইতে পারে এই হয় মতি ॥

এই পৌর্ণমাসীটি বাঙ্গালী কবিকুলের স্বষ্টি। চণ্ডীদাসের কৃষ্ণ-কীর্তনে
ইহার নাম বড়াই; আমাদের কবি ইহার নাম দিয়াছেন পৌর্ণমাসী।
এই পৌর্ণমাসী মাসীর সঙ্গে বিদ্যাসুন্দরের মালিনী মাসীর কোন
সম্পর্ক আছে কি না জানি না, কিন্তু দু'জনেরই ব্যবসা এক। তবে বিজ্ঞা-
সুন্দরের ধর্মটা নাই। এখানে ধর্মটা ফোটাবার বেশ চেষ্টা আছে।
পৌর্ণমাসী বলিতেছেন—আমি রাধাকৃষ্ণ-লীলা দেখিব বলিয়া বহুকাল
ধরিয়া গোকুলে বাস করিতেছি, তোমরা দু'জনে আজ আমার কাছে
আসিয়া ও এই সকল খবর দিয়া আমাকে স্তুতার্থ করিলে, আমার
জন্ম সকল করিলে। মালিনী মাসীর যেমন পাতনা-গপ্তার উপর
দৃষ্টি ছিল, এখানে তাহার একেবারেই নাই। এক শ্রেণীর

পাঠক নাক সিঁটকাইয়া বলিবেন, রাধাকৃষ্ণের অবৈধ প্রণয়, আর তার
মধ্যবর্তিনী পৌর্ণমাসী সামান্য কুটিনীমাত্র। অংবার আর একদল বলি-
বেন যে, এই পৌর্ণমাসী যেন St. John। St. John যেমন যীশু
খৃষ্টির স্বভাতারের পথ পরিষ্কারের জন্য আগেই আসিয়াছিলেন, সেই-
রূপ পৌর্ণমাসী রাধাকৃষ্ণের পথ পরিষ্কার করিবার জন্য বহুকাল
হইতে আসিয়া বৃন্দাবনে বাস করিতেছেন।

যাহা হোক পৌর্ণমাসী রাধাকৃষ্ণের মিলন করিয়া দিবেন ডার
লইলেন। বন্দোবস্ত হইল, রাধিকাকে সূর্য্য-পূজার ছলে বনে পাঠা-
ইয়া দিবেন। সেইখানেই কৃষ্ণরাধার মিলন হইবে।

শ্রীহরপ্রসাদ শাস্ত্রী।

নব বর্ষ

কাল সনাতন-পুরাতন,—একরকমের একঘেয়ে ব্যাপার! এই অশুভদণ্ডায়মান কালকে মুখরোচক করিয়া লইবার উদ্দেশ্যেই তাহাতে কল্প, মনস্তর, যুগ, বর্ষ, ঋতু মাস, রাত্রি দিন প্রভৃতি নানা রকমের ছেদ দিয়া লইতে হয়। এই এক-একটা ছেদ বা বিরামের পরে একটানা কালের প্রবাহ যেন কিছুদিনের জন্ত একটু নতুন বলিয়া মনে হয়। নবীনতার সৃষ্টির জন্মই কালের পরিমাণ; কারণ নবীনতাই জীবন। যতদিন পুরাতন জগৎকে উন্টাইয়া-পান্টাইয়া নতুন ভাবে গড়িয়া লইতে পারি ততদিন বাঁচিয়া থাকি, ততদিন বাঁচিবার জন্ম সাধ হয়,—চেঁটা হয়; ততদিন জীবনের মোহ থাকে, মরণে ভয় থাকে।

নব-বর্ষ পুরাতন জীবনকে নতুন করিবার একটা উপায় মাত্র,— একঘেয়ে, একটানা অস্তিত্বটাকে একটা শেষালের ছেদ দিয়া নতুন করিয়া লইবার একটা ভঙ্গী মাত্র। সে খেয়াল আর কিছু নহে, একটু অতীতের আলোড়ন, স্মৃতির চিত্তাচুর্নীতে ফুৎকার দিয়া একটা অগ্নিক্রিহ্না বিকাশের চেঁটা মাত্র। সেটা স্পর্ধাস্বপ্নের অগ্নিক্রিহ্না, তৃষ্ণি-তৃষ্ণির আলোক বিকাশ, আমার আন্দিষের একটা ক্ষুরণ মাত্র। এ স্পর্ধাস্বপ্ন জাতিগত হইতে পারে, ব্যক্তিগতও হইতে পারে;— এ তৃষ্ণি তৃষ্ণি আমার নিজের হইতে পারে, আমার বাহারা, আমি বাহাদের তাহাদেরও হইতে পারে; এই আন্দিষের ক্ষুরণ ক্ষুরণ দেহগত আন্দিষের হইতে পারে, বশগত আন্দিষের হইতে পারে, জাতিগত আন্দিষের হইতে পারে। যাহাই হউক না কেন, যেমনই হউক না কেন, কালের পরিমাণ অতীত স্মৃতির আলোড়ন মাত্র; সে আলোড়নে ভাবী স্বপ্নের ছায়া দেখিতে পাওয়া যায়, দর্শমানকে নবীনতার সোনার তবকে মুড়িয়া একটু উজ্জ্বল করিয়া তোলা যায়।

তাই নব-বর্ষ, পর্ব্বাহ, উৎসব, উল্লাস, ত্রুত নিয়মাদির প্রবর্তনা হইয়াছে।

চাই নতুন—নিতুই নতুন; পুরাতনকে চাহি না। যখন নতুন মাঝে সজ্জিত হইয়া সংসারে প্রবেশ করি, তখন যাহা দেখি তাহাই নতুন বলিয়া মনে হয়। যতদিন সংসারের সকল অক্ষুভূতি নতুন বলিয়া মনে হয় ততদিন জীবনটা মোহময়-মধুময় বোধ হয়। কিন্তু যেদিন হইতে পুরাতনের বাতাস দেহে আসিয়া লাগে, সেইদিন হইতে পুরাতনকে নতুন করিয়া লইবার চেঁটা হয়। নিজের অক্ষুভূতি সকল যখন আর কিছু নবীন খুঁজিয়া পায় না; তখন পুত্রের জীবনে, পৌত্রের খেলা-খেলায় নিজেকে নতুন করিবার চেঁটা হয়; তখন তাহাদের জীবনের নবীন-প্রবাহের সহিত নিজের পুরাতন জীবনের পুরাতন প্রবাহটা মিশাইয়া দিবার বাসনা হয়। তখন আর নিজের আহার-আচ্ছাদনে স্বপ্নবোধ হয় না; তাহারা খাইলে স্বপ্ন, পরিলে স্বপ্ন; উল্লাসের আবেগে তাহারা হাসির লহর তুলিলে সে লহরে লহরে নিজের হাসি মিশাইয়া স্বপ্নবোধ হয়। পুত্র, পৌত্র, প্রপৌত্র—সংস্করণের পর সংস্করণ করিয়াও যখন কালের চিরপুরাতন প্রবাহকে আর নবীনতার তবকে মুড়িয়া রাখা যায় না, তখনই পুরাতন দেহ, পুরাতন জীবন সনাতন-পুরাতন কালের অঙ্গে মিশাইয়া যায়; অক্ষয়, অনন্ত, অব্যাহত কালের বক্ষে জীবন বৃন্দবুটী কাটিয়া গলিয়া মিশাইয়া যায়।

জাতির হিসাবেও চাই নতুন—নিতুই নতুন। পুরাতন একঘেয়ে জীবন ভাল লাগে না। ভাল না লাগিলেই, অকিঞ্চিৎ বোধ হইলেই অবসার আসিলেই বুঝিতে হইবে—মৃত্যুর ঐশ্বাস জাতির অঙ্গে আসিয়া স্পর্শ করিয়াছে। যখন নতুন সৃষ্টির পুরুষকারের অজাঘ ঘটে, নিসর্গ-স্বন্দরীকে মনন করিয়া নতুন কিছু যখন আর বাহির করা যায় না, যাহাঁ কিছু দেখি সে সকলই পুরাতন বলিয়া মনে হয়, তখন পুরাতনকে ডাকিয়া আনিয়া নতনের প্রবর্তনা করিবার প্রয়াস

হয়। তখনই মনে হয়, আজ শ্রীরামচন্দ্র রাবণবধ করিয়াছিলেন, অতএব কর উৎসব; আশ্রম নন্দালয়ে শ্রীকৃষ্ণের অভ্যুদয় ঘটিয়াছিল, অতএব নাচ গাও, আনন্দ কর। তাই আমাদের বার মাসে-ভের পার্বণ, দিনে দিনে উৎসব, ভ্রত, যাগ, যজ্ঞ, উপবাস। অতি পুরাতন জাতি আমরা বৎসরের এমন একটা দিন নাই, যেদিন একটা স্মরণীয় ঘটনা ঘটে নাই। এইভাবে কেবল পুরাতনের রোমন্থন করিতে করিতে যখন তাহাও ভাল লাগে না, তাহাও একঘেয়ে বলিয়া মনে হয়, তখন একটা নৃতনের সৃষ্টি করিতে ইচ্ছা করে। একটা নৃতন ধর্ম, নৃতন সংস্কার, নৃতন পদ্ধতি চালাইয়া কিছুকাল নবীনতার উপভোগ করিয়া মুগ্ধ থাকিতে চেষ্টা করি। দেবতার রূপা থাকিলে এমনই অরুচির সময়ে, এমনই পুরাতনের বিকটতা বিকাশের সময়ে নৃতন মানুষ আসিয়া একটা নৃতন ভাবের, নৃতন রসের প্রচলন করিয়া যান। তাই হিন্দুর কাল প্রবাহের ঘাটে ঘাটে এক এক অবতার বিদ্যমান, তাঁথেরে তাঁথেরে মহাপুরুষ বিরাজমান। এই ভাবে অতীত ইতিহাসের সাহায্যে, দশ অবতার, ঋষি মুনি, দিগ্বিজয়ী মহাবীরগণের সাহায্যে সনাতন পুরাতনকে নবীন করিয়া রাখিবার সার্থক চেষ্টা করিয়াছি বলিয়াই জাতির হিসাবে আমরা এখনও স্পন্দন রহিত হই নাই—বুঝিা হইবে না।

এই হেতু ভক্তিশাস্ত্র বলিয়াছেন যে, সনাতন পুরুষ হইলেও, পুণ্য পুরুষ হইলেও, অজয়, অমর, অক্ষয়, অচ্যুত পুরুষ হইলেও, তিনি নিতুই নৃতন। ইহাই তাঁহার মহিমা, ইহাই তাঁহার অপূর্বত্ব। মানুষ এই সৃষ্টি-চাতুরীর মধ্যে, এই বিশ্ববিশ্বকামের মধ্যে স্বীয় মেধা ও বুদ্ধির সাহায্যে বাহা কিছু দেখিতে ও বুঝিতে চেষ্টা করে, তাহা দেখিলে ও বুঝিলে পরে তাহাকে পুরাতন ও পরিচিত বলিয়াই মনে হয়। সৃষ্টি অনন্ত বটে, পরন্তু মানব-পরম্পরাও অনন্ত, কেন না মানুষও সৃষ্টির ভিতরের সামগ্ৰী। এই অনন্ত সৃষ্টির অনন্ত বিকাশকে মানুষ তাহার বুদ্ধি ও মেধার সাহায্যে দেখিতে দেখিতে, বুঝিতে

বুঝিতে তাহার পক্ষে এমন দিন আসিয়া উপস্থিত হয় যখন সৃষ্টির সর্বস্ব অতি পুরাতন এক একঘেয়ে বলিয়া মনে হয়। এই একঘেয়ের ভাব মনে গাঁথিয়া বসিলেই জড়জগৎকে হয়ে বলিয়া উপেক্ষা করিতে সাধ্য যায়। কিন্তু জগৎ হয়ে বোধ হইলে, জগৎের মানুষ হয়ে হয়, আমিই আমার কাছে হয়ে হইয়া উঠি। তাই ভক্তিশাস্ত্র বলেতেছেন,—ধবরদার, এই সৃষ্টিচাতুরীকে কেবল বুদ্ধির ও বুদ্ধিজাত জ্ঞানের মাপ কাটিতে মাগিয়া লইবার চেষ্টা করিও না, ভাবের দিক দিয়া তোমার সর্ববিশ্ব হইবে, জাতির হিসাবে তোমার মরণ অবশ্য-স্বাভাবিক হইবে। ইহাকে রসের দিক দিয়া দেখ;—দেখিবে শুণ্ড ফুন্দাবনে রসময় নিত্য রাসলীলায় মগ্ন হইয়া আছেন। সেই লীলায় কোটি কোটি নবীনতার কোয়ারা ছুটিতেছে, ক্ষণেক্ষণে, পলেপলে নৃতন নৃতন অক্ষাণ্ড সৃষ্ট হইতেছে; নবীনতার মহাপাবন উত্তাল তরঙ্গ ভঙ্গ্রে এক একবার আসিয়া গগন পর্বতকে প্রান্তিত করিতেছে, এক অনুপলের জ্বলও কাহাকেও, কোন কিছুকেই পুরাতন থাকিতে দিতেছে না। এই নবীনতার আরাধনাই ধর্ম, এই নবীনতার সিক্ত হইতে পারিলে অমর হওয়া যায়; অমর হইয়া অক্ষয় নবীনতার মাগরে অনন্তকাল ভাসিতে পারা যায়। সে নবীনতার তৃপ্তি আছে, কিন্তু তৃপ্তি নাই;—

“জনম অবধি হুম রূপ নোহািরনু,

নয়ন না তিরপিত ভেল।”

তৃপ্তি হইবার নহে; কেননা তৃপ্তি হইলেই অরুচি হইবে, অরুচি হইলেই পুরাতনের প্রতি দৃষ্টি পড়িবে; সনাতন-পুরাতনকে ভাল করিয়া দেখিতে পাইলেই, সৃষ্টির নবীনতার অন্তরালে বিষ্ণু-পঙ্কজের ধবর পাইলেই “জলবিষ জলে হব লয়।” সে মরণ ঈপ্সিত নহে; সে মরণের হাত এড়াইবার জন্ম যুগে যুগে পূর্বজগণ কৃত সাধনা কীরণাচ্ছেন, কত ত্রুশ্চর তপশ্চরণ করিয়াছেন; সে মরণের হাত এড়াইবার জন্ম কাল সাহায্যে কালিন্দীর কুলে, কণ্ঠীত মূলে বসিয়া

বনমাঝে ও মনোমাঝে ত্রোয়ার বংশীরব শুনিবার চেঁচা ভক্ত-ভাঁবুক-
গণ অহরহঃ করিতেছেন। বীণীর সে রব কাণের ভিতর দিয়া
মরমে প্রবেশ করিলে পুরাতন সংসার আর পুরাতন থাকে না,
সবই নূতন হয়; স্মৃতরাং মরণের ভয় থাকে না।

এই মৃত্যু, এই বিলুপ্ত হইতে রক্ষা পাইবার জন্ম আমাদের
নব-বর্ষ, আমাদের "নারায়ণের" নববর্ষ। এক-এক করিয়া দ্বাদশ
মাস পূর্ণ হইয়াছে; দ্বাদশ শানি "নারায়ণ" পাঠকের হস্তগত
হইয়াছে। সেই একষয়ে লিখন-মুদ্রণ পঠনের একটানা শ্রোতে
একটু বিরাম যোগাইবার উদ্দেশ্যে একবার নববর্ষের স্মরণ করি-
লাম। পাছে পুরাতনের রোমন্থনে অরুচি ঘটে, পাছে ভাবে
ও রসে পুরাতনের গন্ধ কুটিয়া উঠে, তাই বার মাসের পরে একটা
নূতন পর্যায়ে অবতারণা করিতে হয়। একটানা এক হইতে পরার্ধ
পর্যন্ত গণিয়া যাওয়া কঠিন, তাহাতে বিরক্তি হয়, আশ্রিত বোধ হয়,
বিষম অরুচিও বোধ হয়। পুরাতন জাতি, পুরাতন জীবন, পুরাতন
রোগ, ইহার উপর অরুচি দেখা দিলে ত পীড়া সাংঘাতিক হইবে,
মরণ অবশ্যস্বাভাব্য হইবে। তাই অরুচির পথ রুদ্ধ করিবার উদ্দেশ্যেই
এই নববর্ষের পল্লিকল্পনা। আমাদের নবীনতা কি? পরের সামগ্রী-
পরের আচার প্রকৃতি চালাইয়া তাহাকে নূতন বলিয়া পরিচিত
করিবার ফন্সী আমাদের নবীনতার বেদী নহে। পুরাতন দেবতার
বিগ্রহ ভাঙ্গিয়া, সেই মাটিতে, সেই প্রস্তর চূর্ণ নিজের অনভ্যস্ত
শিল্পবিজ্ঞার সাহায্যে বানস গড়িয়া তাহাকে নবীনতার রত্নবেদীতে
বসাইয়া রাহাটুরা লইবার চেঁচা আমাদের নবীনতার পরিচায়ক নহে।
পুরাতনকে ভাঙ্গিয়া গড়িলে নূতন হয় না। ছাঁচ এক থাকিলে
যতই কেন গড় না, সেই একই বিগ্রহ তৈয়ার হইবে। ভক্তিশাস্ত্র
বলিয়াছেন—মমহে নবীনতা। যাহাকে প্রাণ ঢালিয়া ভালবাসি
তাহাকে নিমেষে নিমেষে নূতন দেখি। শৈশবে যখন পিতামহীর
কোড়ে শুইয়া থাকিতাম, তখন প্রতি পলক পাটা হইতে না পাটা-

ইতে—সে গলিত কেশে, গলিত অস্ত-মস্তন তুণ্ডে, স্রোতাহীন
নয়নে—সে জাণ পুরাতন দেহে কত নূতনতারই বিকাশ দেখিতাম।
নবীনতা নূতন গড়া সামগ্রীতে পাওয়া যায় না। নবীনতা আমার
গড়া, আমার সাধের সামগ্রীতে নিতুই জড়ান আছে। এই নবীন-
তাই আমাদের শ্বাধাধা, ঈপ্সিত, প্রার্থিত।

• সে নবীনতা আমার মমহ বোধ। আমার যাহা, তাহাতে অনন্ত,
অপরিমেয়, অগাধ নবীনতা জড়ান-মাখান মিশান আছে। সে
নবীনতার শেষ নাই, সমাপ্তি নাই; যতই দেখি ততই নবীন, প্রতি-
পলকে পলকে নূতন, নয়ন পালটিতে না পালটিতে নূতন, নিনিমেঘ
নয়নে দেখিলেও প্রতি ক্ষণে ক্ষণে নূতন—নূতনের শ্বাধাধা, নবী-
নতার অক্ষয় প্রসবণ। এত নূতন বলিয়াই তাহাকে ছাড়িতে ইচ্ছা
করে না; এমন অসৌম নবীন বলিয়াই তাহাকে পল্লের হাতে দিতে
ইচ্ছা করে না। তাই যখন পুরাতন আশ্রিয়া চাপিয়া ধরিতে চাহে,
যখন মনে হয় আমার নবীনকে বুঝি-বা এইবার ছাড়িতে হইবে,
তখন বিবাদভরে বলিতে হয়,

"মরিব, মরিব সখি, নিশ্চয় মরিব,
কামু হেন গুণনিধি,
কাঁপে দিয়ে যাবু?"

কাহারে দিয়া যাইব—এই ভাবনায় শরিতে পারি না। আমার
মতন আর কেহ ত সর্বদা দিয়া ভালবাসিবে না; আমার মতন আমার
শ্রীলয়া আর কেহ ত তাহাকে হৃদয়ে ধরিয়া রাখিতে পারিবে না।
আমার ভালবাসা আমার দৃষ্টিতে অতুল্য, অক্ষুণ্ণ, অসাধারণ। আমার
মতন ত এমন করিয়া আর কেহ ভালবাসে না! সবাই তাহার
গৌরবে সুখী হয়, আমি তাহার কলকে শ্লাঘা বোধ করি, অসৌম
সুখ অসুভব করি। আমি যে তাহার কলকের চন্দনলেপ সর্বদা
অঙ্কিত রাখিতে ভালবাসি। তাই মরণ সম্মুখীন হইলে, মরণ ভয়ে

ভীত হই না, লোকান্তরে ঘাইতেও সঙ্কোচ বোধ হয় না। কিন্তু আমি ঘাইলে, আমার যশ তাহাকে আমার মতন করিয়া কে বুকে করিয়া রাখিবে? সংসারের সকলে শ্লাঘা, গৌরব, ঐশ্বর্য, স্পর্ধা এই সবই ভালবাসে। আমার বাহা তাহার সবটাই যদি শ্লাঘার হইত; তাহা হইলে তাহাকে মায়ায় করিয়া রাখিতে অনেকেই অগ্রসর হইত। কিন্তু আমার বাহা তাহাতে শ্লাঘাও আছে, গৌরবও আছে, ঐশ্বর্যও আছে; আবার লজ্জা, কলঙ্ক, ঘনিও যথেষ্ট আছে। গৌরব-টুকু লইয়া কলঙ্কটুকু বাদ দিলে ত আমার মতন ভালবাসা হইবে না; শ্লাঘাটুকু লইয়া লজ্জাটুকু বাদ দিলে ত আমার মতন এত আদরে কেহ তাহাকে বুকে করিয়া রাখিতে পারিবে না। কাজেই শঙ্কিত চিত্তে, চকিত ভাবে, চারিদিক তাকাইয়া বলিতে ইচ্ছা করে—

কানু হেন গুণনিধি
করে দিয়ে যাব ?

আমার মতন ত আর কেহ নাই। আমার কানু ছাড়া গীত নাই, কানু ছাড়া কৰ্ম নাই, কানু ছাড়া ভাব নাই, রস নাই; কানু আমার দেশ, কানু আমার জাতি, কুক আমার বর্ষ, কানু আমার মাঝী,—

“কানু সে জীবন, জাতি প্রাণধন,
এ দুটি আঁধির তারা।
পরান অধিক হিয়ার পুতলি
নিমিসে নিমিসে হারা ॥”

এমন করিয়া কালকে আর-ত কেহ ভালবাসে না, এমন করিয়া কালার, শ্লাঘা ও কলঙ্ক চন্দনচূরার মতন আর ত কেহ সর্বদা মাথে না। আমার দেশের কবি, আমাদের সাধক ও প্রেমিক তাই স্পর্ধা করিয়া লিখিয়া গিয়াছেন,—

“কানু পরিবাদ বড় ছিল মাধ,
সকল করিল বিধি।”

এতদিনে বিধাতা সে সাধপূর্ণ করিয়াছেন, কালাকলক আমার সর্বদা সের ভূষণ হইয়াছে। আমার কলঙ্কের নিত্য নুতন খেলা দেয়াইবার অস্ত্র আমি এখনও বাঁচিয়া আছি, আরও বহুকাল বাঁচিয়া থাকিব। সেই জীবনের এক এক পর্বের পরিমাণ করিবার উদ্দেশ্যে আমার নববর্ষের আলোচনা। আমার দেবতা নবনটবর, আমরা নবভাববিশেষ, আমাদের জন্মভূমি শারদজ্যোৎস্নাশোভিনী, নবামুগ্মাঙ্গপ্রহ্লাদিনী, অনন্তনবীনতার প্রস্রবিনী। তাই মার্গশীর্ষে নববর্ষের পুষ্পাঞ্জলি লইয়া বৃন্দাবনের মহারাঙ্গমণ্ডলমধ্যস্থ নবীন দেবতাকে অর্ঘ্য দিতেছি। মরিব না বলিয়াই, মরিতে পারিব না বলিয়াই, মরিতে নাই বলিয়াই এই পুষ্পাঞ্জলি দিতেছি। এ রকো, এ দেশে, এ জাতির মধ্যে, এমন সাহিত্যে, এমন প্রেমরসপূর্ণ ধর্ম ও কর্মে মরণ নাই বলিয়াই এই পুষ্পাঞ্জলি।

আমাদের সবই কৃষ্ণময়-কৃষ্ণপূর্ণ; নববর্ষও কৃষ্ণতাশ্বের সূচক তাই ভক্ত কবি গান করিয়াছেন,—

আমি কৃষ্ণময় জগত দেখি,
বৃন্দ গুণ্য শাখা, শিখিপুচ্ছ পাখা
কৃষ্ণরূপ মাখামাখি।

যে সময়ে আমি যে স্থানেতে, বাই,
অধো উর্দ্ধ আদি দশদিকেতে চাই,
কৃষ্ণ ভিন্ন অস্ত্র দেখিতে না পাই
আমি যে দিকে ফিরাই আঁধি ॥

নববর্ষে নবনীর কথাই মনে পড়ে। তাই কৃষ্ণ কথা মনে থাকিয়া উঠে। তিনি ত পুরাতন হইলেন না—হইবার নহেন। কারণ তিনি যে আমার, আমাদের দেশের, জাতির, ধর্মের, সাহিত্যের, কাব্যের, অলঙ্কারের, প্রেমের এক রসের। তাহার—যাহারা আমার পূর্বে আসিয়াছিলেন

এক চলিয়া গিয়াছেন,—তাহারা দেশকাল ও পাত্র অনুসারে, তাহাদের সময়ের রুচি ও প্রকৃতি অনুসারে আমার কান্থকে সাজাইয়াছেন, আমার কান্থের কথা কহিয়া গিয়াছেন। সে পদ্ধতি যদি আমার পক্ষে এখন পুরাতন বোধ হয়, তাহা হইলে আমার রুচি ও প্রকৃতি অনুসারে, তাব ও ভাষা অনুসারে নূতন পদ্ধতিতে আমার নটবরকে সাজাইতে হইবে। “নারায়ণ” পুরাতনকে—সনাতনকে নূতন করিয়া দেখিবার একটা রকম-কর্মের মাত্র। যে সাজে সাজাইলে আমার তৃপ্তি বোধ হয়, +ক্ষণেকের তৃপ্তি বোধ হয়, “নারায়ণ” সেই সাজ, সেই সরঞ্জাম। সেই সাজের একটা পর্যায়, একটা পর্ব শেষ হইয়াছে। আবার নূতন চেষ্টায়, নবীন উদ্বেগে নূতন বর্ষ আরম্ভ করিতে হইবে। তাই এত কথা, তাই পুরাতনের একটা আবৃত্তি, আমাদের যে মরণ নাই, মরিতে নাই তাহারই ব্যাখ্যান। গিয়াছিলে ত,—বিদেশের অজ্ঞাত ও অপরিচিতকে নবীন বলিয়া ধরিতে গিয়াছিলে ত! ধরিয়া রাখিতে পারিলে কি? তোমার যিনি নিত্য নূতন, নবীন নটবর, অপূর্ববৃন্দর, অনন্ত রসের সাগর তিনিই ত রাস-মণ্ডলে আসিয়া, রাসমঞ্চ জুড়িয়া আলো করিয়া বসিয়াছেন। এই শ্যাম-শ্যামার দেশে, কালোরাূপের দেশে কান্থ ছাড়া, কালা ছাড়া আর যে নূতন কিছু নাই। সেই হেতু নববর্ষের কথা কহিতে যাইয়া তাহারই কথা মনে পড়িল, যিনি কুরুক্ষেত্রের মহারণ-প্রাঙ্গনে ভারতবাসীর গুচ্ছ নবীনতার বৈদ্য রচিয়া দিয়া গিয়াছেন, যিনি বৃন্দাবন লীলায় অমোঘ নব রসের অনন্ত প্রবাহ ছুটাইয়া গিয়াছেন। সেই ত আমি, আমি ত সেই তাহারই; কারণ আমাছাড়া আর ত কেহ জগৎটাকে কুকর্মের দেশে না। শাহারা মরে না, মরিতে পারে না, কেবল দেহলীলায় খেলস ছাড়ে আর নূতনরূপ ধারণ করে, তাহারাই গুপ্ত শ্রাবনে অনন্তকাল মহারাসের মহাবিকাশ দেখিতে জানে, মীনের জায় নগ্ননয়ন হইয়া কেবল দেখিতেই জানে, তাহারাই এই নবকালের নব বর্ষের মাদুরীটুকু ছানিয়া তুলিয়া লইতে পারিবে। যাহাদের এই

দেহ আমি ও অন্ত তাহার এ রসে মসিক হইতে পারিবে না। তাহাদের পক্ষে নব বর্ষ, যতদিন আমি পুরাতন না হই ততদিনই মিষ্ট বোধ হয়; আমাদের পক্ষে নব বর্ষ যতদিন আমার তিনি পুরাতন না হইবেন ততদিন সুখের, সোহাগের এবং আনন্দের থাকিবে।

শ্রীশ্রীচকড়ি বন্দোপাধ্যায়।

মরীচিকা

কত মল্ল স্ততিপূজা—স্বনিকা নাহি নড়ে,
মানব গড়িছে স্বর্গ তবু মেঘ মেঘাস্তরে!
অদৃষ্ট হাসিছে, তবু কি প্রেরণা কি পিয়াসা!
একি মিথ্যা আশা লয়ে কল্পনার পরিহাস!

কোথা পূর্ণ পরিতৃপ্তি চরম সে সার্থকতা?
জীবন যা চায় কড় জীবনে ত মিলে না তা!
তাই কি কল্পনা মিত্য ভেদি' মৃত্যু-অন্ধকার
রচে দূর মায়াপুরী স্বপন-মামুরী-ভার?

কোথা স্বর্গ, ভূমানন্দ, জীবনের পরপার!
জীবনে বাস্তব রুহ, মরণে কি শান্তি তার?
শুধু দূর কল্পিত সে ক্ষীণ আলস্যের স্ততি
পথ নাই, আলো নাই, ভীষণ দুর্যোগ-রাত!

হার স্বর্গ! হে নিকরীণ! তোমরা ত রবে দূরে
চিত্রদিন কোথা কোন্ কল্পনার মায়াপুরে!
এত অক্ষ এত ব্যথা-বুকভাঙ্গা হাহাকার—
এ ধরার ধূলীপরে এস এস একবার!

শ্রীশশীলকুমার দে।

কাণ্ডারী

তব অর্থাৎ শুকভারা, জীবন প্রভাতে
তবঘাটে সিদ্ধপথে করিমু প্রয়াণ;
হে দ্রুগ, কাণ্ডারী তুমি; আর কেহ সাথে
আসিল না, সুনিল না তোমার আবহান!
সহসা আকাশে মেঘ—বিলুপ্ত তপন—
কুহু তরী ভাঙ্গে বৃষ্টি একি জলোচ্ছ্বাস;
জ্বছ করে বায়ু কত ফেলে দীর্ঘশ্বাস,
চৌদিকে উৎলে যেন বিশ্বের রোদন!
নাহি ক্ষেপণীর ক্ষেপে সোনা ঝলমল
গান গেয়ে তরী বাওয়া—মন্দ সমীরণ!
সে দুর্দিনে তুমি সাধী—কুদয় বিকল
মহা-মানবের তীর্থে পৌঁছিমু যখন,
সহসা কোষায় তুমি চলে গেলে হেসে—
কাষ্ঠ-তরী স্বর্ণময় চরণ-পরশে!

শ্রীশশীলকুমার দে।

কিশোরী

চতুর্দশ বসন্তের কে গো তুমি মোহিনী কিশোরী ?
হাতে তব লীলা-পদ্ম, কেশজালে চম্পক কুসুম,
গোরি গোরি মুখে তব লালে লাল আবির কুসুম !
কোন দোল-পূর্ণিমায় নিশি জাগি খেলিয়াছ হোরি ?
তোমার ও মুখ-চন্দ্র-সুখা পিয়ে নয়ন-চকোরা
আনন্দে নাচিছে আজি ! পড়িয়াছে উৎসবের ধুম
আমায় এ কবি-চিত্তকুঞ্জভূমে ! অশোকের ক্রম,
পরশ হরয়ে তব লীলায়িত শিহরি শিহরি !
হরিনাম-স্বর্নবিণা অঙ্গে তব ! ললিত বস্তারে
তারে তারে কোকিলের কলরব ! শ্যামা দেয় শিশু
কে গো তুমি দেবালয়ে দেবনৃত্য, দেবের আশীষ ?
ধৌত হয়ে গেলু হিয়া হরিনাম-সুধার জোয়ারে !
কে গো তুমি রূপময়ী ? অঙ্গে হামে গোলাপ অতঙ্গী ;
চিনিয়াছি, চিরানন্দা তুমি মোর সনেট-রূপসী !

শ্রীমৎস্বপ্ননাথ সেন ।

ভেড়াছন ।

বহু বিবাহ

[গল্প]

বরদাবাবু তাঁহার স্বভাবসিক গম্ভীরস্বরে তাঁহার পুত্র হেমেন্দ্রকে
কহিলেন, “কাল সকালের গাড়ীতে তোমার পিসিমা তাঁর মেয়েকে
নিয়ে আসছেন, স্টেশনে গিয়ে তাঁদের নিয়ে এসো ।”

বরদাবাবু বিশালদেহ, বিরাটশরীর এবং অলৌকিক রকমের
গম্ভীর। তিনি যখন বারান্দায় বসিয়া একাগ্রচিত্তে তাম্রকুটসেবনে
নিরত থাকিতেন, তখন তাঁহাকে ধ্যানপরায়ণ মহাযোগিনী বলিয়া ভ্রম
হইত। এক বন্ধু একবার তাঁহাকে এ কথা বলায়, তিনি গৈরিক
আলথায়। তৈরী করাইবার কথা ক্ষণকালের অম্ভ মনে স্থান দিয়া-
ছিলেন; কিন্তু প্রকৃতিগত গাম্ভীর্যের বশবর্তী হওয়াতে, তাহা কার্যে
পরিণত করেন নাই। তবে সেই দিনই আর্থামিশন সংস্করণের এক-
খানি গীতা কিনিয়া ফেলিয়াছিলেন, একথা বিশ্বস্তসূত্রে জানা
গিয়াছে।

পরদিন সকালে এক বন্ধুর বাড়ীতে হেমেন্দ্রের নিমন্ত্রণ ছিল—এক
এমেচার অভিনয়ে হস্তধর নলিনী চিত্রকর সীন আঁকিতে শুরু
করিবে—তাঁহার উপস্থিতি বিশেষ দরকার। রমেন্দ্র এমন কুড়ে
মামুষ যে সে না থাকিলে কিছুতেই কাজে হাত দিবে না ইহা
স্বনিশ্চিত।

তবু গুরুবাক্য শিরোধার্য করিতেই হইবে। পিসিমাকে সে
ছেলেবেলায় একবার কি দুইবার দেখিয়াছিল—এখন সে তাঁহাকে
চিনিতে পারিবে না। আবার সে চোখে একটু কম দেখে। অথচ
পিসিমার চেহারা কি রকম, এ বিষয়ে বাবাকে জিজ্ঞাসা করিতেও
সে সাহস পাইল না। বাইশ বৎসর খরিয়ানা চেষ্টা করিয়াও

সে তাহার ভয় কাটাইতে পারে নাই।' একথা ভাবিয়া সে প্রায়ই অত্যন্ত বিম্বর হইয়া পড়িত।

পরদিন সকালে সে স্টেশনে গেল। ট্রেন আসিলে মেয়েদের গাড়ীর কাছে দাঁড়াইতেই সে দেখিল, এক প্রৌঢ় রমণী প্রসন্নভাবে তাহার দিকে চাহিতেছেন। সে তাঁহাকে বলিল, 'আপনারা আহ্নন—গাড়ী তেরা আছে।' তাঁহার সহিত একটি মেয়ে ছিল—দেখিয়া বোধ হইল, সে স্বরে ভুগিতেছে। হেমেন্দ্র বলিল—'এর যে অস্ত্র হ'য়েছে দেখছি।'

রমণী জিজ্ঞাসা করিলেন, 'নলিন কেমন আছে? সে আসে নাই?' হেমেন্দ্র একটু বিস্মিত হইল। নলিনী তাহার ছোট বোনের নাম। সে বলিল, 'সে ত ভালই আছে। আপনারা দেরী করবেন না। শীঘ্র আহ্নন।'

তাঁহাদিগকে ভাড়াটে গাড়ীতে তুলিয়া দিয়া, সে উপরে উঠিয়া বসিল। তাহাদের বাড়ী আসিয়া পৌঁছিলে, বরদাবাবু বাহিরে আসিলেন। গাড়ীর ভিতর হইতে রমণীটি নামিতেই বরদাবাবু বলিলেন, 'হেম, একি ক'রেছিস? কাকে এনেছিস?'

রমণী হেমেন্দ্রের দিকে সভয়ে চাহিলেন। হেমেন্দ্র বলিল, 'সে কি! পিসিমা!'

বরদাবাবু উদ্বিগ্নকণ্ঠে বলিলেন, 'জুল ক'রেছিস। জুল ক'রেছিস। কার্কে এনেছিস?' হেমেন্দ্র তাহার পিতাকে কখনও এত উত্তেজিত দেখে নাই। তাঁহার শশ্রমশূল ঘন ঘন কম্পিত হইতেছিল। রালিকাটি কাঁদিয়া ফেলিল। রমণী গাড়ীতে তাড়াতাড়ি উঠিয়া পড়িলেন। বলিলেন 'তুমি না হেমেন, নলিনের বন্ধু?'

হেমেন্দ্র বিহ্বল হইয়া পড়িল। বরদাবাবুও দেখিলেন, তাহার অন্তঃস্বা গীতার বণিত অর্দ্ধনের অবস্থার মত হইয়া পড়িতেছে। একবার মনে মনে বলিলেন, 'ক্রেবাৎ মা শ্ব গমঃ পার্থ।' তার পর তাঁহার স্বভাবসিদ্ধ গভীরস্বরে ডাকিলেন, 'জগা!'

হেমেন্দ্র রমণীকে বলিল, 'আমি ভাবিয়াছিলাম আপনি আমার পিসিমা। তাঁহাকে আমি কোন দিন দেখি নাই। আপনি বোধ হয়, আমাকে কোন দিন দেখেছেন।'

রমণী বলিলেন, 'আমি নলিনের মা। আমায় আমাদের বাড়ী নিয়ে চল। আর তিনি কোথায় গেলেন?' মেয়েটি কাঁদিতে কাঁদিতে বলিল, 'মা, এ কোথায় এসেছি? বাবা কোথায়?'

হেমেন্দ্র বলিল, 'ভয় নাই, আমি আপনাদের বাড়ী চিনি। আজ সেখানে আমার বাইবার কথা ছিল। পরেশবাবু নিশ্চয়ই পেছনে আসছেন।'

জগা আসিল। বরদাবাবু, হেমেন্দ্রকে বলিলেন, 'এরা কারা?' জগাকে বলিলেন, 'জগা, শীঘ্র যা, একটা গাড়ী নিয়ে আয়।' হেমেন্দ্রকে পুনশ্চ কহিলেন, 'তোমার ঘারা যদি কোন কাজ হয়। বাঁদর, লক্ষ্মীছাড়া, হতচ্ছাড়া—'

হেমেন্দ্র আর কালবিলম্ব না করিয়া গাড়ী হাঁকাইতে বলিল ও উপরে উঠিয়া বসিল। গাড়োয়ান বলিল, 'একি মোশাই! নিজের বাড়ী চেনেন না? আরও দুটাকা বেশী লাগবে।'

হেমেন্দ্র, নলিনীর মা ও বোনকে লইয়া তাহাদের বাড়ী গিয়া উঠিল। নলিনী সবোমাত্র ঘুম হইতে উঠিয়াছিল; সে হেমেন্দ্রকে দেখিয়া বলিল, 'একি! তুমি এদের নিয়ে। একি মা! বাবা কোথায়? কি কাণ্ডকারখানা!'

হেমেন্দ্র, নলিনীর বোনকে দেখাইয়া বলিল, 'হাজার অক্ষুঃ। তুমি ডাক্তার ডাকিয়া আন। পরেশবাবু পশ্চাৎ আসিতেছেন। ভারি জুল হইয়া গিয়াছে।'

নলিনীর মা বলিলেন, 'বাবা, হেইমন আমায় তার পিসি-ভেবে তাদের বাড়ী নিয়ে গিয়েছিল।' নলিনীর বোন লাগণা কহিল, 'সেখানে একজন দাড়িওয়াল বড়ো—'

হেমেন্দ্র অপ্রতিভভাবে কহিল, 'ভুল হ'য়ে গিয়েছে। আমি এখন যাই। তুমি একজন ডাক্তার—'

নলিনী বলিল, 'কিছু যে বুঝতে পারছিনে। মা, তুমি ঘরে যাও। হেমেনের আজ এখানে নিমন্ত্রণ। এ ব্যাপারটার তদন্ত ও তদারক্য না করে ছাড়ুনি। এ যে ডিটেক্টিভ উপাঙ্গাসের মত ঠেকছে। কি কাণ্ডকারখানা!'

হেমেন্দ্রের কপাল ঘর্ষসিক্ত হইয়া উঠিল। যাইবার সময় লাভণ্য তাহার দিকে একবার চাহিয়াছিল, তাহাতে তাহার কপোল আরক্ত হইয়া উঠিল। সে মৃদুস্বরে বলিল, 'ভুল হওয়া মানুষমানেরই স্বাভাবিক।' একটি দীর্ঘনিশ্বাস ফেলিয়া নলিনীর দিকে চাহিল। সে বলিল, 'ব্যাপীতখনা কি, খুলে বলতে পার ? এ যে বিষম ধাঁধায় ফেললে দেখছি।'

হেমেন্দ্র তাকে বাহিরে টানিয়া লইয়া চলিল। গাড়িওয়ালাকে চার টাকা দিয়া বলিল, 'ফের আবার ফেঁসনে চল।'

গাড়িয়ান বলিল, 'সব দিন কেবল ঘোরাচ্ছেন যে। চার টাকাত কি হবে মোশাই ? বোড়া যে ম'রে যাবে মোশাই।' নিজের বাড়ী চেনেন না, এ যে তাচ্ছব কথা মোশাই। আর চার টাকা না দিলে লিতে পারব না এখন।'

ফেঁসনে পৌঁছিয়া হেমেন্দ্র ও নলিনী দেখিল, পরেশবাবু কান্নাকাটি করিয়া এক কনফেসবলকে বুকাইতেছেন, 'হামারা ইস্ত্রী ঔর লেড়কীকো একটো আদমি চুরি করকে কোথায় পলায়া গিয়া হয়। তোম আন্ডি তালাস করো ঔর থানা কাহাপর হায় হামকো কেমনে নাহি বোলতা হায় ? তোম কালা হায় ? কানমে নাহি কুছুই শুনতে..পীরতা হায় ?' হঠাৎ নলিনীকে দেখিয়া তিনি হাউহাউ করিয়া কাঁদিয়া ফেলিলেন—'সর্বনাশ হ'য়েছে। সর্বনাশ হ'য়েছে। তাদের কে কোথায় নিয়ে গেছে। সর্বনাশ হ'য়েছে।'

নলিনী বলিল, 'বাবা, আস্থান। তাঁরা বাড়ী পৌঁছেছেন। ইনি আমার বন্ধু, ইনি তাদের বাড়ী পৌঁছে দিয়েছেন।'

পরেশবাবু হেমেন্দ্রকে দেখিয়া বলিলেন, 'কে! এ কে! কে তুমি ? কোথায় নিয়ে গিয়েছ তাদের তুমি ?' বলিতে বলিতে বৃদ্ধ তাঁহার মোটা যষ্টিখান তুলিয়া হেমেন্দ্রের প্রতি সরোষে ধাবমান হইলেন। নলিনী বলিল, 'করেন কি, করেন কি। কি কাণ্ডকারখানা!'

হেমেন্দ্র স্তম্ভপদে দৌড়িয়া ফেঁসন হইতে নিজস্ব হইতেছিল— গাড়িওয়াল হঠাৎ নামিয়া তাহাকে ধরিয়া বলিল, 'মোশাই, ভাড়া না দিয়ে কোথায় যাচ্ছেন মোশাই ? আপনি যে সব খানেতেই ভুল করে ফেলছেন মোশাই !' হেমেন্দ্র তাহার টাকার ব্যাগটি মাটিতে ফেলিয়া দিয়া, সবেগে কোথায় অন্তহিত হইয়া গেল।

বরদাবাবু গাড়ী করিয়া ফেঁসনান্ডিমুখে অগ্রসর হইলেন। গীতায় বর্ণিত অর্জুনের অবস্থার সহিত তাঁহার মানসিক ও দৈহিক অবস্থার সাদৃশ্য এখন আরও পরিষ্কৃত হইয়া পড়িয়াছে। গাণ্ডীবের পরিবর্তে তাঁহার লাঠিটার বার বার হাত হইতে ত্রস্ত হইতে লাগিল। মধ্যে মধ্যে গভীরকণ্ঠে 'হায় হায়।' বলিয়া উঠিতে লাগিলেন। হঠাৎ দেখিলেন, একটি গাড়ী বিপরীত দিকে চলিয়াছে, মধ্যে দুইটি স্ত্রীলোক ও একটি মেয়ে আসীন। তিনি এমন সজোরে হাঁকিয়া উঠিলেন, 'বাঁধো বাঁধো' যে শুধু এ দুটি গাড়ী নয়, একটি ট্রাম ও তিনটা গোরুর গাড়ীও থামিয়া দাঁড়াইল। বরদাবাবু তখন দেখিলেন, অগ্নি গাড়ীতে সত্যি তাঁহার বগলাস্বন্দরী, তাঁহার কথা স্বকুমারী ও একটি চাকরাণী বসিয়া। উপরে গাড়িয়ানের সহিত একজন হিন্দুস্থানী চাকর। ফিরিবার পথে বরদাবাবু বগলাস্বন্দরীকে স্পর্শে বুকাইয়া দিলেন যে, তাঁহার পুত্র হেমেন্দ্র একটি কাণ্ডকারখানায় অসুস্থ হইয়াছে। আঁকাট হস্তীস্বর্ধ, গর্দভ, শাখাঘুগ এবং অকালকুহাও।

বগলাস্বন্দরীর স্বামী পশ্চিমে দেৱাদুনে বেডামফের ছিলেন।

তিনি হঠাৎ মারা যাওয়ায়, বগলাসুন্দরী তাঁহার একমাত্র সন্তান সুকুমারীকে লইয়া ভাইয়ের কাছে আসিয়াছেন। তাঁহার স্বামী তাঁহাকে একেবারে নিঃস্ব রাখিয়া যান নাই। তিনি বরদাবাবুর মতই সবল স্বাস্থ্য ও বলিষ্ঠ, তবে তাঁহার গাভীর্য লাভ করিতে পারেন নাই। তাঁহার যখন বরদাবাবুর বাড়ী আসিয়া পৌঁছিলেন, তখনও হেমেন্দ্র ফিরে নাই। তিনি তাঁহার প্রতি প্রয়োগ করিবার মত আরও কয়েকটি বিশেষণের কথা ভাবিতেছিলেন, কিন্তু ভগিনীর শোকের বেগ দেখিয়া সে বাসনা দমন করিলেন।

সুকুমারীর বয়স তের বৎসর। কিন্তু তাহার মুখে আট বৎসরের বলিকার সারল্যের ভাব। সে স্বাস্থ্যসম্মত বৃদ্ধিতে পারিয়াছিল, এ লোকটি তাহাঁদের মায়ের ভাই, এবং ভাবিতেছিল, ইনি মাথায় পাগড়ী পরিলে ভাল হইত। যদি বেশী দিন ইহার কাছে থাকিতে হয়, তবে একথা ইহাকে বলিয়া দেখিবে, ইহাও ভাবিয়া রাখিল।

ইত্যবসরে হেমেন্দ্র প্রবেশ করিল। বরদাবাবু বলিলেন, ‘দেখ, তোমার ধর্মুরের জাতপুত্রকে দর্শন কর।’ লজ্জায় ও আশ্চর্যান্বিত হেমেন্দ্র বগলাসুন্দরীকে প্রণাম করিয়া মুখ চাঙ্কিল। তাহার মনে হইল ইতিমধ্যে বাবা যন্ধিচলিয়া যান ত ভাল হয়। কিন্তু বরদাবাবু অটল হইয়া কেবলই তাহার প্রতি গুরুগম্ভীর অপবাদ-বাণ হানিতে লাগিলেন।

বগলাসুন্দরী বলিলেন, ‘থাক, অনেক হ’য়েছে, বাড়া আমায় ত চেনে না’ বলিয়া তাহাকে ধরিয় তুলিলেন। সুকুমারী সংস্কারবশতঃ বৃদ্ধিতে পারিল, এ ব্যক্তি তাহার দাদা হয়, এবং খুব লজ্জাজনক একটা কার্য্য করিয়াছে। সে ভাবিল, মামা যদি ইহাকে না মারেন, তবে ইহাদের বাড়ী থাকিব।

বরদাবাবুর গৃহিণী গিরিবাণী আসিয়া সুকুমারী ও বগলাসুন্দরীকে অন্দরে লইয়া গেলেন। হেমেন্দ্র দরজার কাছে গিয়া মাকে জানাইল যে দুই চারটা টাকার তাহার বিশেষ প্রয়োজন—তাহাকে এখন বাহির

হইতে হইবে। কথাগুলি বরদাবাবুর কাণে গেল। তিনি বলিলেন, ‘স্বাভাব কোথায় বেরুবি এখনি। সারা দুনিয়া ঘুরে এসেও তোমার বেড়াবার সখ মিটল না।’

হেমেন্দ্র মুদ্রস্থরে কহিল, ‘আমার নিমন্ত্রণ আছে।’ ইহার পরে বরদা কি বলিলেন, তাহার সবটা না শুনিয়াই টাকার অপেক্ষা না করিয়া, অন্দর দিয়া রাস্তায় বাহির হইয়া পড়িল।

নলিনী ও পরেশবাবু বাড়ী আসিয়া পৌঁছিয়াছেন। পরেশবাবুর ক্ষোভ, নিরাশা, উদ্বেগ ও জ্ঞেয় এখন একেবারে প্রশমিত হইয়াছে। নলিনী লাভণ্যকে নানা প্রশ্ন করিতেছে। পরেশবাবু উহাদের লইয়া পশ্চিমে তাহার জামাতা নরেশের নিকট বেড়াইতে গিয়াছিলেন; ছয় বৎসর পূর্বে, যখন ইহা স্পষ্ট বোঝা গেল যে নলিনীর লেখাপড়া চরমে আসিয়া ঠেকিয়াছে, উহার যুদ্ধির চেষ্ঠা দুশ্চেষ্টামাত্র, তখন তাহাকে দুই বৎসর নরেশের কাছে রাখিয়া দেওয়া হইয়াছিল। দেখা গেল, লাভণ্যের স্বর মোটেই হয় নাই, পথের কঁচে সে শুধু কাবু হইয়া পড়িয়াছিল।

নলিনী বলিল, ‘লাবি, তোদের কে এখানে নিয়ে এসেছিল জানিস?’

লাভণ্য মাথা নাড়িয়া জানাইল, সে জানে না; যদিও ইতিপূর্বে সে নলিনীর ঘরে হেমেন্দ্রকে দেখিয়াছে। নলিনী বলিল, ‘সে যে সম্পর্কে তোর বর হয়—আমার বন্ধু।’ লাভণ্য বিরক্তির সহিত তাহার হাতে খামচাইয়া দিল। নলিনী বলিল, ‘তার নাম হেমেন্দ্র—আমার উইতে দেবী হবে বলে তাকে পাঠিয়েছিলুম।’ লাভণ্য তাহাকে এক কীল মারিয়া বলিল, ‘মার খাবে কিন্তু বলছি।’ নলিনী বলিল, ‘দাঁড়া, হেমেন্দ্রকে বলে দিচ্ছি—সে এল বলে।’ লাভণ্য বলিল, ‘বল গে না—সে আমার কি করতে পারে।’

এমন সময়ে হেমেন্দ্রের আবির্ভাব। নলিনী বলিল, ‘এই যে—‘টুকু অজু ডেভিল্জ’—ওরে লাবি, পালাসু নে। সব বলে দিচ্ছি

এক্ষুণি হেমনেকে।" কিন্তু লাবণ্যকে আর দেখা গেল না। হেমেন্দ্রকে বলিল, 'বল বৎস, বল মোরে কি ব্যরতা তব। স্পৃহণতরে সত্যকাম রহিল নীরব ॥' নলিনী কবিতা লিখিত, এবং নিজের কবিতা হইতে যখন তখন অনাবশ্যকভাবে পদ উদ্ধার করা তাহার অভ্যাস ছিল। সে এত কবিতা লিখিয়াছিল এবং এত ছবি আঁকিয়াছিল যে, তাহাতে অন্যাসে একটি সচিত্র মহাভারত বা সচিত্র বাঙ্গালা মাসিকপত্র (এ দুয়ের মধ্যে যেটা বেশী ভারী) তৈয়ারী হইতে পারিত।

হেমেন্দ্র বলিল, 'বাবা ভারি রাগিয়াছেন। তোমার বাবাও রাগিয়াছেন। কোথায় যাই বলিয়া দিতে পার ?'

নলিনী বলিল, 'ভয় নাই, ভয় নাই। ভাই ভাই এক ঠাই।'

হেমেন্দ্র বলিল, 'তোমার বাবা কোথায় থাকেন ?'

নলিনী বলিল, 'তিনি উপরেই থাকেন। নাচে প্রায় নামেন না। আমার এ ঘরে তাঁর প্রবেশ নিষেধ। তাঁর লাঠিগাছটি নাচে রেখে গেছেন। বল ত লুকাইয়া রাখিতে পারি। সাবধানের মার নাই।'

হেমেন্দ্র কৃতজ্ঞভাবে নীরবে সম্মতি জ্ঞাপন করিল। বলিল, 'দেখ, স্নান করে আসতে পারিনি।' হাতে একটি পয়সাও নাই—হেঁটে আসতে হয়েছে। শীত্র স্নানের বন্দোবস্ত কর।'

নলিনী ডাকিল, 'ওরে কিবণ্ণ!—কি কাণ্ডকারখানা!'

ছয় মাস অতীত হইয়াছে। স্বকুমারী ও নলিনী, গিরিবাদা ও বগলাহন্দরীর মধ্যে বন্ধুত্ব জমিয়া গিয়াছে। নলিনীর বয়স বার, সে ইন্সুলে যায়, লাবণ্যের সহিত এক ক্লাসে পড়ে। দুপুর বেলা একা একা স্বকুমারীর ভারী খরাপ লাগে, তাহারও ইচ্ছা করে সে নলিনীর সহিত ইন্সুলে যায়; কিন্তু বগলাহন্দরীর ইচ্ছা তাহার বিবাহ দিয়া ফেলেন; সে যে দেখিতে পনের বৎসরের মেয়ের মত হইয়াছে। স্বকুমারী মামাকে গিয়া বলে, 'মামা, আমি যে দেৱানুনে ইন্সুলে যেতাম। এখানে কেন মামায় পাঠও না ?'

বগলাহন্দরী বলেন, 'তুমি ত সব শিখে ফেলেছ, এখানকার শিক্ষ-য়িত্রী তোমাকে কিছুই শেখাতে পারবে না। স্বকুমারী এ কথা মানিত না। নলিনী স্বাধ্যাতৰ পড়ে, খেজুরের রসের স্নাত্ত পড়ে, ত্রিভিন্নমংস্তের কাহিনী পড়ে—সে যে এ সব কিছুই জানে না। নলিনী আসিয়া তাহাকে জিজ্ঞাসা করে, 'ভাই, বল' ত দম বন্ধ করলে আমরা কেন ম'রে যাই ?' স্বকুমারী বলিল, 'দম বন্ধ করলে ছটফট করতে হয়, ছটফটানির চোটে আমরা ম'রে যাই। নলিনী যখন 'দু—র' বলিয়া তাহার গুরু-মা'র কথিত তথ্যটি বিবৃত করিতে থাকে, তখন স্বকুমারীর দুটি চোখ ভরিয়া আসে। একদিন সে ছপুরবেলা বসিয়া বসিয়া মাসিকপত্রের একটি গল্প শেষ করিয়া ফেলিল। নলিনী ঝুল হইতে আসিলে তাহাকে জিজ্ঞাসা করিল, 'আচ্ছা বল্দি কি ভাই, রমেশের সঙ্গে কার বিয়ে হ'য়েছিল ?' নলিনী বলিল, 'হয়েছিল কি বল্দি! হবে—তোর সঙ্গে তার বিয়ে হবে। কাল মা পিসিমাকে বল্দিছিলে, আমি শুনেছিলুম।' স্বকুমারী এমন কথা মোটেই পড়ে নাই। সে বলিল, 'দুর্, ঝুল ক'রেছি। বইয়ে লেখা র'য়েছে, শ্রিয়-বালার সঙ্গে তার বিয়ে হ'য়েছিল, আর তুই কি যে বলিস তার ঠিক নেই।'

সত্যের অনুসন্ধানে আমাদের বলিতে হয়, এ বিষয়ে নলিনীর সংবাদটিই অধিক বিশ্বাসজনক। কিছুদিন হইল, স্বকুমারীর এক পাত্র পাওয়া গিয়াছে। রমেশ বিবান, সদৎশজাত এবং হৃদশর্ন। সে হেমেন্দ্রের সহপাঠী, এবং ঝুলে নলিনীর সহাধ্যায়ী ছিল। শীত্র তাহার স্বয়ং কন্ঠা দেখিতে আসার কথা।

যথাদিনে রমেশ মেয়ে দেখিতে আসিল। সঙ্গে নলিনী—সে যে নলিনীকে কেন সঙ্গে আনিল, তাহা বলা কঠিন। তাহার অথ অনেক বন্ধু ছিল—নলিনীর সহিত তাহার বন্ধুত্ব বিশেষ ঘনিষ্ঠ রকমেরও নহে। বোধ হয়, নলিনীর আটপৌড়ি রুচি তাহার মনোনয়নকার্কে সহায়তা

করিবে, এই রকম ভাবিয়াছিল। রমেশ যাঁহা করিত, সবেদই একটা স্পষ্ট কারণ থাকিত। তাহার মোক্ষের তীর আঁকা—পক্ষশর-সায়কের পরিচায়ক। ঈশৎ গোফের রেখা ধরুর আকারে বিস্তৃত—পুষ্পধারার চিত্রস্বরূপ। শালের এক অংশ হাওয়ার ক্ষণের মত উড়িতছিল—বোধ হয় মকরধ্বজকে স্মরণ করাইয়া দিবার জন্য। রমেশ একজন বিশেষরূপে সাহিত্য ঘারা আকৃষ্ট ব্যক্তি।

বরদাবাবু তাঁহাদের সহিত আলাপ করিলেন। নলিনী নিজের পরিচয় দিল, 'আমি একজন সামান্য চিত্রকর মাত্র। 'দ্বয়স্তু' ও 'জম্বুতীপ' কাগজে হয় ত আমার আঁকা দুই একখানি চিত্র দেখিয়া থাকিবেন।'

বরদাবাবুর বাড়াতে এ দুইখানি কাগজই আসিত। তিনি বলিলেন, 'ওঃ, আপনাই হচ্ছেন নলিনীকান্ত গাঙ্গুলী। কি আশ্চর্য্য! ভারি খুসী হলুম (করমর্দন)। আপনার ছবিগুলি আমার খুব ভাল লাগে। লোকে আধুনিক আধুনিক করে—কিন্তু আমার মত বুড়ো মানুষও আপনার আর্ট এপ্রেসিয়েট করতে পারে।'

রমেশ দেখিল আলাপটা ইহাদের দুইজনের মধ্যেই জমিয়া উঠা ঠিক নহে। বিশেষতঃ ইনি যখন তাহার শ্বশুর হইবেন। তাই গলা সাফ করিয়া কহিল, 'লোকে আধুনিক যত না বলে, ছবিগুলির সুরু আঙ্গুল ও রোগা চেহারার নিয়ে তার চেয়ে বেশী বলে। নলিনী হয় ত তার সব ছবি নিজের চেহারার মত আঁকিতে যায়।' বলিয়া কিকিৎ হাসিল। শুভাগ্যবশতঃ বরদাবাবু হাসিলেন না। সে হেমেস্ট্রের কাছে শুলিয়াছিল, ইনি স্বভাবতঃ গম্ভীর; এত গম্ভীর তাল্লা ভাবে নাই।

নলিনী বলিল, 'সুরু আঙ্গুল ও রোগা চেহারার সন্দেহ একটা কথা আমি বরাবর বলে আসছি—লোকে যদি আমার ছবির মত না হ'লে অল্প রকম হয়, তাহ'লে সে তাদেরই দুর্ভাগ্য। আগে যেমন এদেশের আর্টিস্টরা দেবতা গড়তেন বা আঁকতেন—বলুতেন লোকে যদি

দেবতা না হ'য়ে মানুষ হ'য়ে জন্মায় সে তাদেরই দুর্ভাগ্য। আমিও যে মানুষ বেশী আঁকি তা নয়।'

বরদাবাবু বলিলেন, 'বাঃ বেশ বলেছেন! লোকে যদি ছবির মত না হয় ত সে তাদের দুর্ভাগ্য। জন্মের বলেছেন!' বলিয়া খুব হাসিতে লাগিলেন। তাঁহার অট্টহাস্তে তাঁহার বাড়ীটি নিনাদিত কম্পিত হইয়া উঠিল।

• তাঁহার কথা নলিনী পাণ লইয়া আসিল। রমেশ বরদাবাবুর হাত দেখিয়া বিরক্ত হইবার যোগাড় করিতেছিল, কিন্তু নলিনীকে দেখিয়া থমকিয়া গেল। ভাবিল, এই কি—? না, তাহা ত হইতে পারে না! নলিনী একটা পাণ লইয়া টেবিলস্থ সিগারেটের বাসের প্রতি চাহিতেই বরদাবাবু বলিলেন, 'লক্ষ্য করবেন না!'

নলিনী যখন চলিয়া গেল, রমেশ দেখিল বরদাবাবু তাহাকে সিগারেট লইতে অমুয়োজ করিতেছেন। যদিও সে সিগারেট খায় না, তথাপি অপ্রতিভভাবে একটু উঠাইয়া লইল।

ইতিমধ্যে হেমেস্ট্র প্রবেশ করিয়াছিল। বরদাবাবু উঠিলেন; 'দেখি একবার এদিকে দেখে আসি। হেম, এখানে এদের কাছে থেকে' বলিয়া অন্তরে প্রবেশ করিলেন।

নলিনী প্রস্তুত করিল, হেমেস্ট্রকে বহিষ্কৃত করিয়া দেওয়া হউক। সে থাকিলে তাহাদের মতামত প্রেক্ষাভিষ্ট হইবার সম্ভাবনা। সেই মুহূর্ত্তে রমেশ সিগারেট টান দিয়া, কাশিতে কাশিতে সম্মোচ্ছ্বাসে এমনই বিব্রত হইয়া পড়িয়াছিল যে, স্বপ্নের রূপ মতপ্রকাশে সমর্থ হইল না। হেমেস্ট্র জিজ্ঞাসা করিল, 'কি হে রমেশ! এমন নীতি-ভ্রষ্ট হ'য়ে পড়লে চলবে কেন? ধূমপান-নিবারিণী সন্তাকে একটু আঁধটু মনে রেখ হে!'

নলিনী বলিল, 'না রমেশ, বেশ করেছ। এখন কি আর ওসব নীরস ব্যাপার মনে রাখবার ব্যয়স? একজাই কি বিধাতা তোমায় মগজুটি দিয়েছিলেন, হেমেস্ট্র ত ওরকম বলেই, ওদের সিগারেট

যে। সে যা হোক, বাজে কথা যাক, এখন ত অনেকটা প্রকৃতির হ'য়েছ ?

রমেশ জানাইল, সে সুস্থ হইয়াছে।

নলিনী জিজ্ঞাসা করিল, 'বল পাচ্ছ ? তবে এখন বলি, হেমনেকে এই জানালা দিয়ে বাইরে ফেলে দিলে কেমন হয় ? ও আমাদের মত প্রেক্ষুডিস করতে "এসেছে"।

রমেশ বলিল, 'সে কি ? সত্যিই ওকে তাড়াবে না কি ?

নলিনী বলিল, 'নির্দোষ আমোদ, বিমল আনন্দ।' ইহা বলিয়া হেমেশ্বকে অর্দ্ধচন্দ্রসহযোগে দরজা পর্য্যন্ত লইয়া চলিল।

এমন সময় একটা শব্দে ফিরিয়া দেখিল, মেয়ে ঘরে প্রবেশ করিতেছে।

নলিনী দেখিল, এ কি। এ যে সুকুমারী—ছয় বৎসর আগে দেৱাদুনে তার পন্থ বন্ধ ছিল। তাহার ভগিনীগতি নরেশ তখন দেৱাদুনে চাকরি করিতেম্। তখন সুকুমারী এতটুকু ছিল—আজ এত বড় হইয়া উঠিয়াছে। তবু এ ত ভুল নয়, এ যে সেই সুকুমারী। হেমেশ্বের পিসামহাশয় নিশ্চয় উমেশ বেডুমস্টার ছিলেন—এ বিষয়ে হেমেশ্বকে সে কখনও জিজ্ঞাসা করে নাই। সেই সুকুমারীর সহিত রমেশের বিবাহ হইবে!

নলিনী, সুকুমারীর খাতাপত্র বই সব লইয়া আসিল। রমেশ বন্ধু নলিনীকে বলিল, 'ওহে, তুমি যাহোক কিছু জিজ্ঞাসা করো।' কিন্তু নলিনী চূপ করিয়া রহিল, কিছুক্ষণ পরে বলিল, 'তুমি কর না, তোমারই-ত কাজ।' অগত্যা রমেশ গলা সাফ করিয়া জিজ্ঞাসা করিল, 'আপনার নাম কি ?'

সুকুমারী বলিল,—শ্রীমতী সুকুমারী দেবী।

তবে ত আর সন্দেহ রহিল না। নলিনীর ইচ্ছা হইল, সে উঠিয়া বাহিরে যায়। ঘন ঘন পুষ্পান ঘারা সে প্রবৃত্তি সংযত করিতে সমর্থ হইল।

রমেশ একটা বই খুলিয়া বলিল, 'এটা পড়ুন দেখি।' সুকুমারী পড়িল,—'১৫ই তারিখের মধ্যে বিজ্ঞাপন না পাইলে পর-মাসে বিজ্ঞাপন প্রকাশিত হয় না। বিজ্ঞাপনদাতা প্রতি দুই মাস অন্তর বিজ্ঞাপন পরিবর্তন করিতে পারেন। বিজ্ঞাপনের মূল্য অগ্রিম দেয়।'

রমেশ বলিল, 'না না, ওটা নয়।' সে টেবিলের উপর যে বই পইয়াছিল, তাহাই ফুলিয়া সুকুমারীকে পড়িতে দিয়াছিল। এবার একটা পাঠ্যপুস্তক পড়িতে দিল। সুকুমারী পড়িল,—

"দক্ষিণ আমেরিকায় লামা নামে এক প্রকার চতুষ্পদ জন্তু আছে। লামা সেই দেশবাসীদের অশেষ উপকারে আসিয়া থাকে। যতদিন জীবিত থাকে, ততদিন সে ভারবাহী জন্তুরূপে ব্যবহৃত হয়। মাদী লামার দুধ আবাদ-বুদ্ধবনিতা পান করিয়া জীবন পোষণ করিয়া থাকে। মৃত্যুর পর তাহার লোমে উৎকৃষ্ট পশম প্রস্তুত হয়। তাহার চর্মে পাছকা, চর্মপেটিকা, অশ্বের বুজা প্রভৃতি প্রস্তুত হইয়া থাকে।"

রমেশ জিজ্ঞাসা করিল, 'আবাদ-বুদ্ধবনিতার অর্থ কি ?'

সুকুমারী ভাবিয়া দেখিল, বাল শব্দের মানে চুল। বলিল 'যে বুড়ো লোকের অনেক চুল ও দাড়ি আছে, আর সে বনে জঙ্গলে থাকে।'

রমেশ। অশ্বের বজার মানে কি ?

সুকুমারী। যে ঘোড়ার গায়ে খুব জোর আছে।

অতঃপর ইতিহাসের পরীক্ষা হইল। রমেশ জিজ্ঞাসা করিল,

'বিক্রম সাল সম্বন্ধে কিছু জানেন কি ?'

সুকুমারী উত্তর করিল, 'হাঁ'।

প্রশ্ন। কি জানেন তাহা বলুন।

উত্তর। কান্দীরে তৈরী হয়। কখন কখন লামার লোমেও তৈরী হয়।

প্রশ্ন। আজকাল যুদ্ধ হইতেছে জানেন ?

উত্তর। হাঁ।

প্রশ্ন। কাদের মধ্যে যুদ্ধ হইতেছে ?

উত্তর। ইংরাজ আর সিরাজুদ্দৌলার মধ্যে।

বরদাবাবুর মেয়ে নলিনী স্বকুমারীর পশ্চাতে বসিয়া তাহাকে অনর্গল চিন্তি করিয়া বসিতেছিল। রমেশ তাহাকে জিজ্ঞাসা করিল 'আপনি বলিতে পারেন ?'

নলিনী বলিল, 'ইংরাজ আর জর্মানদের সঙ্গে যুদ্ধ হইতেছে। ইংরাজের দিকে ফরাসী, রাশিয়া, তুর্কী আর ইতালীয়েরা আছে।'

এইরূপ নানা প্রশ্নোত্তর চলিতে লাগিল। হেমেন্দ্র বলিল, 'এসব কোয়েশ্বন শু পাববে কেন ? আমরাই কতটা পারি তার ঠিক নাই। ওহে নলিন, তুমি কথা বল না যে!' নলিন বলিল, 'কি গণ্ড-গোল ক'রছ!'।

ইতিমধ্যে বরদাবাবু আসিয়া বলিলেন, 'আপনাদের হইয়া থাকিলে একবার ভিতরে আসিবেন।'

রমেশের মেয়ে পছন্দ হইল কি না কিছুই জানিতে পারা গেল না। বরদাবাবু রমেশের বাপুকে পত্র লিখিলেন। বগলাসুন্দরী ধরিয়া বসিলেন, স্বকুমারীর ত সম্বন্ধ ঠিক হইল; হেমেন্দ্রের বন্ধু নলিনীকে দিয়া মেয়ের এক ছবি আঁকিয়া লইতে হইবে। মেয়ে শশুরবাড়ী গেলে তিনি কি লইয়া থাকিবেন ?

নলিনীকে জিজ্ঞাসা করতে সে জানাইল, দরকার হইলে এক মাসের মধ্যেই ছবি তৈয়ারী করিয়া দিতে পারিবে। পানিশ্রমিকের কথা উঠিলে সে বলিল সে কিছুই চায় না, তবে যদি একান্ত পীড়াপীড়ি করেন ত তাঁহার বাহা দ্বিবেন তাহাই লইবে।

পরদিন হইতে সে স্বকুমারীর ছবি আঁকিতে হুকু করিল। প্রথম দুই দিন বরদাবাবু উপস্থিত ছিলেন, কিন্তু কেবলই নলিনীর আঁচড়কটা দেখিয়া দেখিয়া, তিনি রাস্তা হইয়া যুমায়া পড়িতে

লাগিলেন। পরদিন হইতে তিনি পূর্বমত রীতিমত শয্যা ঘুমের ব্যবস্থা করিলেন।

নলিনী জিজ্ঞাসা করিল, 'হুকু, আমার চিন্তে পার না বৃষ্টি।'

স্বকুমারী বলিল, 'চিন্ত্ব না কেন ? তুমি সেদিন একটিও কথা কইলে না বলে, যুদ্ধের কথা কিছুই বলতে পারি নি। নলিনী, তুমি নও, আমার মেয়ে, সে আমার যুদ্ধের কথা অনেক বলেছিল। আমি ভেবেছিলুম ও-সব গল্প। আচ্ছা, তুমি চুকট খাও কেন নলিন দা ?'

নলিনী বলিল, 'চূপ! এবার মুখটা আঁকছি; নজুলে ছবি খারাপ হ'য়ে যাবে।'

কিছুক্ষণ পরে স্বকুমারী বলিল, 'নলিন দা, তুমি এতদিন কোথায় গেছিলে ?'

নলিনী বলিল, 'সব মাটি ক'রে দিলে! চূপ—মাথাটা একটুও নাড়িও না।' পাঁচ মিনিট পরে স্বকুমারী বলিল, 'কতক্ষণ এমনি ক'রে বসে থাকুব! আমার ভারি ক্ষিদে পেয়েছে। আমার কিছুট এনে দাও।'

নলিনী বলিল, 'ফের কথা শোনেন না! কিছুট কাল পাবে। এখন শ্বির হ'য়ে বসে পা।' পরদিন সে বিকুট লইয়া আসিল। ক্রমে সন্দেশ, গজা, মতিচূর প্রভৃতি লইয়া আসিতে লাগিল। শেষে রস-গোলা, পান্ডুরা, চমচম প্রভৃতিও আসিতে লাগিল। এখন স্বকুমারী মোটেই নড়ে না, কথাটিও কয় না। কেবল উপযুক্ত সময়ে বলে, 'কই আমার খাবার এনেছ ?'

এ কথাটিও চাপা থাকিল না। বরদাবাবু আসিয়া বলিলেন, 'এ কি মশায়! মেয়েকে খাবার টানার এসব কি এনে দিচ্ছেন ? এ সব বন্ধ করুন। আপনাদের যা কাজ তাই ক'রবেন।'

নলিনী বলিল, 'কাজ করি কি ক'রে বলুন ত! আপনাদের এ মেয়ে এক দণ্ড শ্বির হ'য়ে বসতে পারে না—এর ছবি আঁকি কি ক'রে

১৬ নম্বর মদন বোসের লেনের অধিবাসী শ্রীযুক্ত হেমেন্দ্রপ্রসাদ রায়ের শুভবিবাহ নিকাহ হইবেক। মহাশয় অমুগ্রহপূর্বক সবাক্বে এবাটীতে আগমনপূর্বক শুভকার্য সম্পাদন করাইবেন।

হেমেন্দ্রের কপোল ঈষৎ রক্তিমভাব ধারণ করিল। বলিল, 'কি বীদ্যামি করছ!'

নলিনী। 'পত্র দ্বারা নিমন্ত্রণ জানাইলাম।'

হেমেন্দ্র। ফের! বন্ধ কর বলছি।

নলিনী। 'ক্রেতা মার্জ্জনা—'। হেমেন্দ্র সবলে তাহার গলা টিপিয়া ধরিল। নলিনী আর্তনাদ করিয়া উঠিল—'আহা কর কি! ছাড় সব বলছি এখন।' হেমেন্দ্র তাহার গলা ছাড়িয়া দিল।

নলিনী বলিল, 'ভায়া, বন্ধুর কথা একটু বিশ্বাস কোরো। শুধু খবরটা তোমায় দিতে বাকী। আমার ভাই, বরাবর এই রকম ইচ্ছাটা। মা'র অনুমোদন আছে। লাভিকে জিজ্ঞাসা করা প্রয়োজনীয় মনে করি নাই। এখন শুধু কর্তাকে বাগান' দরকার, কিন্তু তার আগে তোমার যদি অমত থাকে—।

হেমেন্দ্র পুলক-গদগদ-কণ্ঠে কহিল, 'ভাই তোমার স্বপ্ন এ জন্মে—'

নলিনী বলিল 'ও সব বাদ দাও। তবে এদিকটা ঠিক?' হেমেন্দ্র বলিল, 'ভাই আমি কি তার যোগ্য!' নলিনী কহিল, 'কার যোগ্য হে! লবির? পাগল হ'লে দেখছি। কিন্তু ভায়া, আমার একটা কাজ ক'রে দিতে হবে।'

উভয়ের কিছুক্ষণ ধরিয়াকি এক ঘোর ষড়যন্ত্র চলিল। লেখকেরও তালা প্রকাশ করা নিষিদ্ধ।

'হর হর বোম্ব! জয় ভোলানাথজীকাজয়! জয় শস্ত্রো মহাদেও!'

হেমেন্দ্র হাঁকিল, 'নরসিং, দেখো তো কোন ছায়? নরসিং বলিল, 'বাবু, এক সাধু ছায়, অন্দর আনেকো মাছতা! সাধু ভিতরে আর্গিল।'

হেমেন্দ্র বিরক্তির কণ্ঠে জিজ্ঞাসা করিল 'কৈও দরওয়াজেকো সীমনে খড়া রহকর চিন্নাতে হো?'

সন্ন্যাসী জটাজুট-বিমণ্ডিত, হাতে ত্রিশূল, কমণ্ডলু, টিমটা, সবই আছে। কপালে প্রকাণ্ড এক তিলক, সর্বগাত্ৰ ভঙ্গাচ্ছন্ন। কিছুক্ষণ স্থির ভাবে দাঁড়াইয়া রহিল, পরে বলিল, 'বাবুজী, তুস্কী কিনো রাগ করছে? হামি আপনা ঘুম ভাঙায়েছি, বলিয়ে রাগ করছে? লোকেন ধর্ম্মশাস্ত্রে লিখেছেন—উত্তীর্ণত জাগ্রত প্রাপ্যবরান্ নিবোধত। হামি ত আপনা উপকার করেছি বাবুজী।'

সন্ন্যাসীর সংস্কৃত উচ্চারণ শুনিয়া হেমেন্দ্রের ভগিনী নলিনী আসিয়া দেখিল তাহার দাদা এক সাধুর সহিত কথা কহিতেছে। জিজ্ঞাসা করিল, 'দাদা, একে জিজ্ঞেস কর না, হাত গুণ্ডে জানে কি না। সে দিন একটা সন্ন্যাসী মালতীদের বাড়ী এসে সকলের হাত দেখে দিয়েছিল।'

সন্ন্যাসী নিজেই বলিল, 'তুস্কার হাত দেখব মা? হামার কাচে আসুবে।'

নলিনী ভয় পাইল। হেমেন্দ্র বলিল, 'আমার হাত দেখে বল দেখি কি বলতে পার।'

সন্ন্যাসী হাত দেখিয়া বলিল, 'তুস্কার মা বাপ জীতা আছে। তুস্কার সাদি নাহি হ'ল। পাঁচ বরষ আগে তুস্কার তবিয়ে ভারি-বিপড়ে গেল, খুব বিমার হ'ল।' এইরূপ অনেক অনর্গল বলিয়া যাইতে লাগিল। হেমেন্দ্রের মুখে এক বিশ্বয়ের ভাব প্রকাশ পাইতে লাগিল। সে বলিল, 'আচ্ছা আমার নাম বলতে পার, সাধুজী?'

সাধু কিছুক্ষণ তাহার হাত নিরীক্ষণ করিয়া বলিল, 'হোম-ইন্দর—হেমেন্দ্র—হেমেন্দ্র।'

হেমেন্দ্র কহিল—'আশ্চর্য্য!'

ইতিমধ্যে নলিনী বাড়ীর ভিতর গিয়া খবর দিয়াছে যে এক গণৎকার আসিয়াছে। সে দাদার জীবন-কথা সব যথাযথ ভাবে

বলিয়া দিতেছে। গিরিবালা দরজার কাছে আসিয়া বলিলেন, 'হেম, ওকে ভিতরে আসতে বল।'

সন্ন্যাসী ভিতরে গেল। সে কাহারও হাত স্পর্শ করিল না। একবার মাত্র দেখিয়াই তাহার গণনাফল বলিয়া যাইতে লাগিল। আশ্চর্য্য! একটা কথাও মিথ্যা নাহে! সকলে চমৎকৃত হইলেন। নলিনীর একটা পোষা বিড়াল পরশু দিন মারা গিয়াছিল সে কথাও যখন সন্ন্যাসী অবলীলাক্রমে বলিতে পারিল, তখন আর তাঁহাদের বিশ্বাস ও শ্রদ্ধার ইয়ত্তা রহিল না। কেবল একটা কথা মুষ্টিতে পারা গেল না। সন্ন্যাসী বলিল, স্নুকুমারীর সহিত যাহার বিবাহ হইবে জাহার নাম নলিনী। নলিনী ত সেই চিত্রকর ছোকরার নাম। তবে কি রমেশের সঙ্গে তাহার বিবাহ হইবে না? বগলাসুন্দরী বলিলেন, স্ববিশ্বাস করিবার-ত কোনো কারণ নাই ইনি সিদ্ধপুরুষ। নলিনীর ইচ্ছা হইল কেহ জিজ্ঞাসা করে তাহার সহিত কাহার বিবাহ হইবে, কিন্তু দুর্ভাগ্যের বিষয় কেহই এ প্রশ্ন করিল না।

প্রচুর সিধা এবং শিকি ও পয়সা লইয়া সন্ন্যাসী বিদায় হইল।

সেই দিন বগলাসুন্দরী বরদাবাবুকে ধরিয়া বলিলেন—স্নুকুমারীর কপালে যখন নলিনীর সঙ্গে বিবাহ আছে তখন তাহার সহিতই বিবাহ হউক। বরদাবাবু শুধু গম্ভীরভাবে বলিলেন, 'পাগল হয়েছে! কোন জুয়াচোর-বুঝুঝুকে এসে ঠকিয়ে গেছে তার জন্তে এমন সন্দেহটা ভেঙ্গে ফেলি আর কি।'

বগলাসুন্দরী বিস্তর সাধাসাধনা করিলেন, কিন্তু বরদাবাবু অটল। শেষে বগলাসুন্দরী বলিলেন, মেয়ে ত তাঁহারই, তাঁহার ইচ্ছামত মেয়ের বিবাহ হওয়া উচিত।

বরদাবাবু এবার বিচলিত হইয়া কহিলেন, 'একটু সবুধ কর, রমেশের বাপের আগে চিঠিটা পাই, পরে দেখা যাবে।'

রমেশের বাপের চিঠি শীঘ্রই আসিল। তিনি লিখিয়াছেন, তিনি শুনিয়া চম্বিত হইলেন রমেশ যে কতাকে দেখিতে গিয়াছিল সে

তাঁহার সম্পূর্ণ মনোপূত হয় নাই। তাহার বিদ্যাশিক্ষা নাকি সমুচিত মত হয় নাই। রমেশের হঠাৎ অস্থির হওয়াতে ইতিপূর্বে তিনি বরদাবাবুর পত্রের উত্তর দিতে পারেন নাই—তিনি- যেন তাঁহাকে ক্ষমা করেন। তিনি অবগত আছেন বরদাবাবুর নিজের একটি কথা আছে, এবং সে বিবাহযোগ্য। তাহার সহিত রমেশের বিবাহ দিতে তাঁহার কোনও আপত্তি নাই।

কিছুক্ষণ নিভৃত বরদাবাবু ও গিরিবালার বিশ্রান্তালাপ হইল। বরদাবাবুর মুখ প্রশান্ত হইল এবং গিরিবালা সহাস্তাননা হইয়া উঠিলেন। বরদাবাবু বলিলেন, 'বগলাকে ডেকে আন।'

দ্রুত পারম্পর্যের সহিত তিনটি বিবাহ হইয়া গেল। নলিনী ও স্নুকুমারীর আগে হইল। হেমেশ্র ও রমেশকে নলিনী গতামুগতিক বলিয়া প্রচার করিতে লাগিল।

নলিনী স্নুকুমারীকে জিজ্ঞাসা করিল, 'রমেশের সঙ্গে বিয়ে হ'ল না বলে কষ্ট হচ্ছে?'

স্নুকুমারী বলিল, 'ভেঙে। সে সালের কথা জিজ্ঞেস করে, যুদ্ধের কথা জিজ্ঞেস করে, তাকে কে বিয়ে করবে?'

রমেশ নলিনীকে জিজ্ঞাসা করিল, 'বিবাহ করিয়া কিরূপে বোধ হইতেছে?'

নলিনী জানাইল, এখন আর কুলে যাইতে হয় না, ইহাতে বেশ শ্রুষ্টিই অশুভব করিতেছে। 'বলিল, 'তুমিও কুলে বেয়ে না।'

রমেশের কঠোর নীতিবুদ্ধি দেখিল জীবুদ্ধি কিরূপে প্রলয়ঙ্করী। সে স্থির করিল, শীঘ্রই নলিনীকে কোনও বিদ্যালয়ে পাঠাইতে হইবে। হেমেশ্র লাভ্যাকে বলিল, 'তোমায় প্রথম যে দিন দেখলুম, সেই দিন থেকেই তোমাকে ভাল বেসেছি।'

লাভ্যা বলিল, সেদিন ত আমায় পিসিমার মেয়ে ভেবেছিলে।' হেমেশ্র। না, যখন থেকে জানলুম তুমি আমার কেউ হও না।

লাবণ্য। সে কি, আমাকে বিয়ে করে কোন মুখে বলছ তোমার
কেউ হই না।

হেমেন্দ্র। আহা! তা নয়, এখন ত তোমায় বিয়ে করেছি—।

লাবণ্য। ভারি কীর্তি করেছ।

হেমেন্দ্র। কি তোমায় বিয়ে করি নি?

লাবণ্য। করেছ ত বয়ে গেছে।

৩।

নাটুকে রামনারায়ণ

ভাস্কর ও আশিনের 'নারায়ণে' আমাদের প্রবেশ বন্ধ শ্রীযুত
নলিনীকান্ত ভট্টশালী এম, এ, নাটুকে রামনারায়ণের জীবনী ও
বাঙ্গলা দৃশ্যবাক্য সম্বন্ধে আলোচনা করিয়া সেই প্রসঙ্গে বলিয়াছেন—
'মফঃস্বলে বসিয়া এ কাজ সর্বদাঙ্গসুন্দর হইয়া উঠা কঠিন।' এ কথা
অতি সত্য। শুধু দৃশ্যবাক্যের সমালোচনা বলিয়া নহে—মফঃস্বলে
বসিয়া কোন কিছুই ভাল ভাবে লেখা সাধ্যায়ত্ত নহে। তার প্রধান
কারণ—ভাল পুস্তকালয়ের অভাব। তাই তিনি কলিকাতার সাহিত্য-
সেবিগণকে রামনারায়ণের নাট্য-জীবনের কাহিনী উদ্ধার করিয়া,
মাসিক-পত্রিকার পৃষ্ঠায় প্রকাশ করিতে অনুরোধ করিয়াছেন।

আমরা পণ্ডিত রামনারায়ণের বিস্তৃত জীবনী ও বাঙ্গলা দৃশ্য-
বাক্যের প্রকৃত ইতিহাস জানিবার জন্য বাস্তবিকই বড় উৎসুক হই-
য়াছি। আশা করি, শীঘ্রই হটক বা বিলম্বেই হটক, কলিকাতার
কোন উত্তমশীল সাহিত্যসেবী নলিনীবাবুর আস্থানে কর্বপাত করিয়া,
আমাদের সে উৎসুক্য নিবারণ করিবেন। কলিকাতার সাহিত্য-
সেবিগণ এ বিষয়ের উপকরণ সংগ্রহ করিতে থাকুন; তবে সে সময়টা
মফঃস্বলবাসী আমরা একেবারে চুপ করিয়া না থাকিয়া, পুস্তকাদি
পাঠ করিয়া তর্করত্ন মহাশয়ের কথা ঘেটুকু জানিতে পারিয়াছি,
এ স্থলে সেটুকুই প্রকাশ করিবার প্রয়াস পাইব।

রঙ্গপুর কুণ্ডীর সাহিত্যামুরাগী জমীদার কালীচন্দ্র চৌধুরী মহা-
শয়ের বিজ্ঞাপিত পুরস্কার ও উৎসাহেই যে রামনারায়ণকে 'কুলীন
কুলসর্বস্ব' লিখিতে উদ্বোধিত করিয়াছিল, তাহা ঠিক; কিন্তু এ বিষয়ে
তিনি প্রস্তুত হইয়াছিলেন বহু পূর্বে। প্রথম আমরা সেই কথাই
বলির।

রামনারায়ণ তর্করত্ন মহাশয় কৈশোরাবস্থায় যশোহরের এক মাননীয় অধ্যাপকের টোলে অধ্যয়ন করিতেন। তৎকালে সেই স্থানে রাত্তিশ্রেণীর কুলীনদিগের মধ্যে বহুবিবাহ কুপ্রথা বিশেষ বন্ধমূল ছিল। অধ্যাপক মহাশয়ের এক রূপগুণবতী কন্যা ছিল। পিতা কুলপ্রথাগুস্যারে সেই কন্যাকে এক বহুবিবাহকারী কুলীনের হস্তে সম্প্রদান করেন। কন্যার নাম কামিনীদেবী। বিবাহের পর অশ্রদ্ধ কুলীন-কন্যাগণের যে দুর্দশা ঘটে, কামিনীদেবীর তাহাই ঘটিল। বিবাহের পর চার পাঁচ বৎসর বালিকা, স্বামীর মুখ দেখিতে না পাইয়া ব্যাকুল হইয়া উঠিলেন। কিন্তু কি করিবেন, তিনি বালিকামাত্র, কিছুই সাধ্য ছিল না; তাই মনের দুঃখ মনে চাপিয়া রাখিয়া, সংসারের কাজে অগ্রমনস্ক থাকিবার চেষ্টা করিলেন।

একদিন সত্য সত্যই কামিনীদেবীর অদ্ভুত স্নপ্ৰসন্ন হইল— তাঁহার স্বামী উপস্থিত হইলেন। তাঁহার মনে কত আশা, কত ভরসা। নানা স্মৃৎকরী চিন্তায় ও কল্পনায় দিন কাটাইয়া, রাত্রিতে শয়ন-গৃহে শযায় শয়ন করিয়া, স্বামীর আগমন প্রতীক্ষা করিতে লাগিলেন।

যশাসময়ে শয়ন-গৃহে স্বামী উপস্থিত হইয়া দেখে, পত্নী শযায় শয়না। তাঁহাকে তদবস্থায় দেখিবামাত্র, স্বামী ক্রোধে জ্বলিয়া উঠিল এবং এক পদাঘাতে তাঁহাকে শয্যাচ্যুত করিয়া, নিম্নে ফেলিয়া দিয়া কর্কশস্বরে বলিয়া উঠিল—‘কি? আমাকে অর্থদ্বারা পূজা না করিয়া শয়ন করিয়া আছিস? আমি কত বড় কুলীনের ছেলে তাহা বুঝি মনে নাই? আমার মাগের টাকা কই? আগে টাকা বাহির কর, পরে নিদ্রা বাস।’

স্বামীর এই অশ্রুতপূর্ব ব্যবহারে কামিনীদেবীর হৃদয় ভাঙ্গিয়া গেল। তিনি একটা মর্শ্বভেদী দীর্ঘনিশ্বাস ত্যাগ করিয়া দণ্ডায়মান হইয়া, কন্থযোড়ে অক্ষটম্বরে বলিতে লাগিলেন—‘স্বামি! তুমি আমাকে টাকা না দিলে আমি কোথায় টাকা পাইব?’ এই কথা বলিতে বলিতে শোকে কামিনীদেবীর গুণ্ডণ্ডয় ক্ষুরিত হইতে লাগিল,

চক্ষু দিয়া প্রবল বেগে অশ্রু প্রবাহিত হইতে লাগিল। তাঁহার মুখে আর কথা সরিল না। স্বামীর উপর তাঁহার এত যে আশা ভরসা, সমুদয় অন্তর্মিত হইল।

স্বামী পত্নীর মুখে এই শেষ বাক্য শুনিয়া ক্রোধে উগ্ৰত হইয়া উঠিল এবং—‘আমার যেখানে পূজা নাই সেখানে একবিন্দু সময় থাকিতে নাই—বলিয়া মক্রোধে বহিগত হইয়া যে চতুষ্পাটীগৃহে রামনারায়ণ শয়ন করিয়াছিলেন, তথায় শয়নার্ণণ মন করিল।

কুলীন বিবাহ-ব্যবসায়ীদিগের ব্যবহার জানিতে তর্করত্ন মহাশয়ের কিছুই বাক ছিল না। তিনি তাহাকে আশ্রয় না দিয়া হাঁকাইয়া দিলেন।

কামিনী দেবী স্বামীর এই নিশ্চয় ব্যবহারে জীবনে হতাশ হইয়া আত্মবিসর্জন করিলেন। তর্করত্ন মহাশয় কামিনীদেবীকে কনিষ্ঠা ভগিনীর স্থায় বড়ই স্নেহ করিতেন, তাঁহার পাঠে সাহায্য করিতেন, তাঁহার নিকট দয়ান্ত্রী, সীতা, সাবিত্রীর পতি-পরায়ণতা সম্বন্ধে ইতিহাস বর্ণন করিতেন; হুতরাং কামিনীদেবীর এই আত্মবিসর্জনে অত্যন্ত মর্ম্মাহত হইয়া কুলীনদিগের উপর হাড়ে হাড়ে চটিয়া গেলেন ও এই কুপ্রথার মূলে কুঠারাঘাত করিবার জন্ম বন্ধপরিকর হইলেন। কিন্তু তর্করত্ন মহাশয়ের তেমন অর্থ ছিল না, তাই মনের আশা মনে চাপিয়া রাখিয়া সময়ের অপেক্ষা করিতে লাগিলেন। ইহার কিছুকাল পরে কালীচন্দ্র চৌধুরী মহাশয় সংবাদপত্রে বিজ্ঞাপন দেন যে, বঙ্গাল-প্রবর্তিত কোলীয় প্রথাতে সমাজের যে-দোরতর অনিষ্ট হইতেছে, তাহা দেখাইয়া যিনি একখানি উৎকৃষ্ট নাটক রচনা করিতে পারিবেন, তাঁহাকে তিনি ৫০ টাকা পুরস্কার দিবেন।

তর্করত্ন মহাশয় এ সুযোগ উপেক্ষা করিলেন না। পূর্ব হইতেই তাঁহার হৃদয়ে এ কোথামূল ধর্ম্মায়িত হইতেছিল। এখন সমস্ত পুইয়া হৃদয়ের সমস্ত শক্তি দিয়া, প্রাণের সমস্ত ঝাঁপা চালিয়া তিনি কুলীন-কুল-সর্বপন নাটক রচনা করিয়া মনের খেদ কতকটা

মিটাইলেন। তাই কুলীন-কুল-সর্বধ্ব শাঠ্য করিলে কৌলীভ্য প্রথার বিষয় ফলগুলি যেন চোখের সম্মুখে নৃত্য করিতে থাকে। এখন তর্করত্ন মহাশয়ের সম্বন্ধে আর দুই একটা কথা বলিব। বাল্যকালে একদিন তিনি আত্মীয়ভবনে যাইতে-যাইতে পথে ক্ষুধায় কাতর হন, কিন্তু তাঁহার নিকটে মাত্র একটা পয়সা ছিল। তবে তখন দেশের অবস্থা এত শোচনীয় হয় নাই, তিনি এক পয়সা দিয়া এক বুদ্ধার নিকট হইতে পঁচিশটি আন্ন ক্রয় করিলেন এবং নিকটবর্তী এক জলাশয়ের বাঁধান ঘাটে গিয়া উহার কয়েকটা আন্ন খাইয়া ক্ষুদ্রিত্ব করিলেন। তিনি বয়সে বালক ছিলেন সুতরাং চার পাঁচটি আন্নেই তাঁহার উদর পূর্ণ হইয়া গেল। তিনি অবশিষ্ট আন্ন লইয়া বালকসুলভ চপলতায় পুকুরিগীর জলে ছিনি মিনি খেলিতে একটা আন্ন সজোরে জলে ফেলিলেন। কিন্তু তখনই যেন কে তাঁহার ভিতর হইতে ডাকিয়া বলিল, 'দ্রব্য রুখা নয় করিও না।' এই কথা শুনিয়া তাঁহার শরীর শিহরিয়া উঠিল, তিনি আন্নগুলি যত্ন করিয়া পরিধেয় বসনে বাঁধিয়া রাখিলেন। তাঁহার গন্তব্য পথ বহুদূরে ছিল, এতগুলি আন্ন কি করিয়া লইয়া যাইবেন এই ভাবিয়াই যেন একটু বিপন্ন হইয়া পড়িলেন। এমন সময় কয়েকটা কৃষক সেই জলাশয়ে জলগান করিতে আসিল। তর্করত্ন মহাশয় ঐ আন্নগুলি তাহাদিগকে লইয়া যাইবার জন্ম অনুরোধ করিতে লাগিলেন। কৃষকেরা বালকের অনুরোধ উপেক্ষা না করিতে পারিয়া সেগুলি গ্রহণ করিয়া তাহার ঘরা ক্ষুদ্রিত্ব করিল। তর্করত্ন মহাশয়ও নিরুদ্দিগ্য মনে গন্তব্য পথে যাত্রা করিলেন।

কিন্তু তিনি কিছুদূর যাইতে না যাইতে পথে ভীষণ ঝড় বৃষ্টি আরম্ভ হইল। বালক পথে আশ্রয় স্থান না পাইয়া একেবারে মুতকন্ন হইলেন। তাহার পশ্চাতে কিছুদূরেই কৃষকগণ আসিতেছিল। তাহারা ঐই দৈবদুর্ভোগ দেখিয়া বালকের জন্ম অত্যন্ত ক্রীত ও চিন্তিত হইয়া পরস্পর কলাবলি করিতে লাগিল—'সে বালক আমা-

দিগকে আন্ন দিয়া পরিতোষ করিয়াছে চল আমরা সকলে মিলিয়া এই বিপন্ন সময়ে তাহাকে রক্ষা করি।' এই বলিয়া তাহারা উচ্চশ্বাসে পৌড়িয়া বৃতকল্প বালকের নিকট উপস্থিত হইয়া তাঁহাকে যত্ন করিয়া উঠাইয়া লইয়া কৃষকদের একজনের বাড়িতে লইয়া গেল এবং সকলে প্রাণপণে শুশ্রূষা করিয়া তাঁহাকে সুস্থ করিয়া দিল। তর্করত্ন মহাশয় মনে মনে ভাবিলেন, 'আমি আমগুলি ফেলিয়া না দিয়া যত্ন করিয়া রাখিয়াছিলাম বলিয়া সেই আম হইতেই কৃষকেরা আমার জীবন রক্ষা করিল। আমি বাহাকে রাখিয়াছিলাম সেই আমাকে রাখিল। জীবনে আমি কোনদিনই কোন সামান্য জিনিসও রুখা নয় করিব না।' তর্করত্ন মহাশয় চিরজীবন ধরিয়া 'যা'কে রাখ সেই রাখে' এই মহাবাক্যের অনুসরণ করিয়া গিয়াছেন।

তর্করত্ন মহাশয় সম্বন্ধে আর একটা কথা—তাঁহার বাৎপটুতা। তিনি একদিন নিমন্ত্রিত হইয়া কলিকাতায় ছাত্তাবুর বাটতে বিদায় লইতে যান। ছাত্তাবুর স্বয়ং উপস্থিত থাকিয়া ত্রাঙ্কণদিগকে বিদায় করিতেছিলেন। এক ত্রাঙ্কণকে ছাত্তাবুর ৩ টাকা ও একখানি পিতলের থালা বিদায় দিলেন। ইহার পর তর্করত্ন মহাশয়ের পালা পড়িল। ছাত্তাবুর তাঁহাকে দুইটা টাকা একখানি থালা বিদায় দিলেন। তর্করত্ন মহাশয় বলিলেন—'বাবু, আপনি পূর্ব ত্রাঙ্কণের প্রতি নেত্রপাত করিয়া আমার প্রতিপক্ষপাত করিলেন।' ছাত্তাবুর বড়ই গুণগ্রাহী ছিলেন। তিনি তর্করত্ন মহাশয়ের বাৎকাত্যুর্ভ্য বুঝিয়া বলিলেন, 'আপনি কি চান?' তর্করত্ন মহাশয় বলিলেন, 'আমার প্রতি পক্ষপাত না করিয়া পূর্ব ত্রাঙ্কণের স্থায় আমার প্রতিও নেত্রপাত করুন।'

ছাত্তাবুর বলিলেন 'নেত্র ত মানুষের নাই। তিন নেত্র ত মহা-দেবের। তর্করত্ন মহাশয় বলিলেন, 'আপনাকে আশুতোষ বলিয়াই ত আমি তুবে নেত্রের অভাব কেন হইবে? বরং তিন নেত্র স্থানে পঞ্চদশ নেত্রের সম্ভাবনা।' ছাত্তাবুর রাশ নাম 'আশুতোষ' ছিল।

আশুতোষ মহাদেবের নাম, মহাদেবের পঞ্চ মুখ, শ্রীতি মুশে, ত্রিনেত্র
হেতু পঞ্চদশ নেত্র।

তর্করত্ন মহাশয়ের এই বাক্যকৌশলে ছাত্ত্বাবু আনন্দে একে-
বারে উদ্ভ্রান্ত হইয়া উঠিলেন। তিনি তৎক্ষণাৎ পঞ্চদশ নেত্র স্থানে
পঞ্চদশ মুদ্রা ও এক ঘড়া বিদায় দিয়া মহা আনন্দে তাহার পদধূলি
লইলেন ও চিরদিনের জন্য তাহার সহিত আত্মীয়তাসূত্রে আবদ্ধ হই-
লেন। তর্করত্ন মহাশয়ের এ বাক্যকৌশল, এ রসধারা তাহার কুলান-
কুল-সর্বস্বের পরে পরে ছত্রে ছত্রে শ্রাব্যহিত। তর্করত্ন মহাশয়
চলিয়া গিয়াছেন। কিন্তু যতদিন বাঙ্গলা ভাষা থাকিবে ততদিন বাঙ্গালী
তাঁহার এই রুসের উৎস 'কুলান-কুল-সর্বস্ব' হইতে 'আনন্দে
করিবে পান স্বধা নিরবধি'।

শ্রীশ্রীশিবীকুমার সেন।

সেনহাটি (খুলনা)

মায়াবতী পথে

পূজার ছুটির কিছু পূর্বে হইতে মনের মধ্যে, খুব প্রবল ভাবে না
হইলেও, দেশভ্রমণের একটা বাসনা আগিয়া উঠিয়াছিল। বন্ধুবর
শ্রীযুক্ত শ্যামরতন চট্টোপাধ্যায় মহাশয়ের সহিত কথা ছিল, ছুটি
হইলে কলিকাতায় গিয়া তাঁহার সহিত মিলিত হইয়া কোন একটা
স্থান নির্বাচন করিয়া লইয়া উভয়ে ভ্রমণে নিগত হওয়া যাইবে।
যথা সময়ে, অর্থাৎ ছুটির দিন পনের পূর্বে, বন্ধুবরের নিকট হইতে
যথারীতি নোটসও পাইলাম। কিন্তু ছুটি যতই নিকটবর্তী হইয়া
আসিতে লাগিল ততই কিংকর্তব্য-বিমুঢ় হইয়া পড়িতে লাগিলাম।
কোথায় যাই! কোথায় যাই! শিমলা শৈল হইতে শ্রীযুক্ত মেজ-
দাদা মহাশয়ের আস্থান পাইলাম, কয়েকজন বন্ধু দার্জিলিং যাইবার
ব্যবস্থা করিতেছিলেন, তাঁহাদের সহিত যাইবার কথাও হইতেছিল
এক সর্বোপরি কলিকাতা যাইবার কথা ত ছিলই।

সিমলা আমার খুব ভাল লাগে। সিমলার কথা মনে হইলেই
আমার মনের মধ্যে চিরদিনই এক অপূর্ব বিরাট ও মধুর দৃশ্য সৃষ্টিয়া
উঠে, যাহার আকর্ষণ আমার মনে হয় কোনদিনই মন্দীভূত হইবে
না। কিন্তু তথাপি সিমলা বহুবার গিয়াছি। দার্জিলিং দেখিবার
বাসনা বহুদিন হইতে মনের মধ্যে আছে। বাঙ্গলাদেশ হইতে সহস্রা-
ধিক মাইল দূরে হিমালয়ের ঝড়ুর পশ্চিম প্রান্তে স্থিত সিমলা বহুবার
আমাকে আকর্ষণ করিল, অথচ বাঙ্গলার শীর্ষদেশে স্থিত একরাত্রির
পথ দার্জিলিং এ পর্য্যন্ত দেখা হইল না, ইহা শুধু কিস্ময়ের নহে,
লজ্জারও কথা বটে। শুনিয়াছি দার্জিলিং হিমাচ্ছন্ন, কুম্বাসাময়,
কুঞ্জবাটিকার প্রহেলিকায় রহস্তপূর্ণ। না দেখিয়া, এবং দেখিবার
একটা তীব্র বাসনা মনের মধ্যে সজাগ রাখিয়া, আমার মানম-দার্জিলিং
লিঙ্গকে বাস্তব দার্জিলিং অপেক্ষা বোধ হয় দশগুণ রহস্তময় করিয়া

তুলিয়াছি। মনে করিতেছিলাম, কলিকাতা গিয়া বন্ধুবরকে সম্মত করিয়া লইয়া এবার পূজার অবকাশে চির-রহস্যময় দার্জিলিংয়ের রহস্য-ভেদ করা- যাইবে, এবং তদনুযায়ী মনে মনে প্রস্তুত হইয়া লইতেছিলাম, এমন সময়ে আর একবার সেই মহামত্যা ক্ষয়ক্ষয় করিবার কারণ ঘটিল বাহা জীবনের মধ্যে বহুবার ক্ষয়ক্ষয় করিয়াছি এবং বহুবার ক্ষয়ক্ষয় করিতে হইবে। অর্থাৎ "Man proposes and God disposes", ভারতের ভাষায় 'নিয়তিঃ কেন বাধতে।' দার্জিলিং যাইবার সঙ্কল্প যখন মনের মধ্যে প্রায় গড়িয়া উঠিয়াছিল তখন সহসা অশ্রু একদিক হইতে এবং অশ্রু একদিকের অশ্রু প্রবল ভাবে আমন্ত্রণ লাভ করিলাম। একটি বড় মকদ্দমায় একপক্ষের অধিনায়করূপে শ্রীবৃক্স চিত্তরঞ্জন দাশ ব্যারিষ্টার মহাশয় তখন সপরিবারে ভাগলপুরে অবস্থান করিতেছিলেন। তিনি আমাকে তাঁহাদের সহিত মায়াবতী ভ্রমণে যাইবার অশ্রু বিশেষ ভাবে আমন্ত্রণ করিলেন।

প্রথমটা কি যে করিব তাহা স্থির করিতে বিজ্ঞত হইয়া পড়িলাম। বহু বিধাবস্থা তুর্ক এবং আলোচনার পর যে সিদ্ধান্তে উপনীত হইয়াছিলাম, তাহাকে একেবারে বর্জন করিতে হয়, বন্ধুবরের নিকট ব্রীচ অর্থাৎ প্রমিসের অপরাধে অপরাধী হইতে হয় এবং পুনরায় নুতন ভাবে, নুতন করিয়া নিজের পেষ ও মনকে প্রস্তুত করিয়া লইতে হয়। মনের মধ্যে খুব একটা গোলযোগ বাধিয়া গেল। কিন্তু দুইটা প্রবল এক অনতিক্রমণীয় শক্তির অধীনতায় অবশেষে মায়াবতী যাত্রাই স্থির করিয়া ফেলিলাম। প্রথমতঃ, মায়াবতীর নাম শুনিয়াই মনের মধ্যে একটা অদ্ভুতপূর্ব ভাব আধিপত্য বিস্তার করিয়া বসিল! অজ্ঞাত, অপরিচিত, হিমালয়ের নিভৃত অন্তরে স্থিত, দুর্গম মায়াবতী এক অপূর্ব মায়ার মোহজ্বালে আমার মনকে আচ্ছন্ন করিয়া ফেলিল। তাহা হইতে মুক্ত হইবার অশ্রু যতই চেষ্টা করিতে লাগিলাম, ততই যেন অধিকতর জড়িত হইয়া পড়িতে লাগিলাম। দার্জিলিং তাহার

দুর্ভেদ্য কুজঝটিকার আবরণ লইয়া ধীরে ধীরে মন হইতে সরিয়া যাইতে লাগিল এবং চুক্তি-ভঙ্গ অপরাধের কুঠা ক্রমশই কমিয়া আসিতে লাগিল। দ্বিতীয় কারণটিকে শুধু শক্তি বলিলে ঠিক বলা হয় না, শক্তির নৈকট্য বলিলেই ঠিক বলা হয়। বাঁহারা গণিত শাস্ত্র অধ্যয়ন করিয়াছেন তাঁহারা জানেন দুইটি একই মাত্রার শক্তি যখন দুই বিভিন্ন দিক হইতে কোন বস্তুকে আকর্ষণ করিতে আরম্ভ করে, তখন তাহারা তাহাদের দূরত্বের বিপরীত হিসাবে আকর্ষণ করে। মানস-জগতেও শক্তির আকর্ষণ কতকটা এই হিসাবে চলে, এই মহাগতাকে স্বীকার করিয়া লইয়া আশা করি আমার কলিকাতার বন্ধু আমাকে ক্ষমা করিবেন। একটি শক্তি ভাগলপুরে অর্ধ মাইল দূরে অবস্থিত, এবং অপর একটি শক্তি কলিকাতার দুই শত পঁয়শটি মাইল দূরে স্থিত, তাহারা যে একই মাত্রায় একটি বস্তুকে আকর্ষণ করিবে এমন আশা করা নিশ্চয় ন্যমোচিন নহে। অতএব স্বাভাবিক শক্তির টানে নিজেকে নির্বিকারচিত্তে অর্পণ করিয়া মায়াবতী যাওয়াই স্থির করিয়া ফেলিলাম।

মায়াবতী-যাত্রীর দলে আমার সর্বশুদ্ধ চৌদ্দজন প্রাণী ছিলাম। তন্মধ্যে একজন মহিলা, দুইটি বালিকা, একজন পরিচারিকা ও পাঁচজন পরিচারক। ব্যবস্থা হইতেছিল একটি টুরিস্টকার ভাড়া করিয়া ভাগলপুর হইতে বেরেলী পর্যন্ত যাওয়ার জুত। ব্যবস্থা করিবার অশ্রু যাত্রীদেরই মধ্যে একজন কলিকাতায় গিয়াছিলেন, এবং তৎসংক্রান্তে ভাগলপুর হইতে কলিকাতা, এবং কলিকাতা হইতে ভাগলপুর প্রত্যহ আট দশখানি করিয়া টেলিগ্রাম আসিতে যাইতেছিল। কিন্তু এত যত্নেও টুরিস্টকার পাওয়া যাইবে কি না, সে বিষয়ে কোন স্থিরতা পাওয়া গেল না। এই অক্টোবর আশ্বিনের রওয়ানা হইবার কথা ছিল। একদিন যাত্রার দিন পিছাইয়া দিতে হইল, কিন্তু তথাপি সুবিধার কোন লক্ষণ দেখা গেল না। অগত্যা টুরিস্টকারের আশা পরিত্যাগ করিয়া একখানি ফাস্ট ক্লাস ক্যারেজ রিজার্ভ করিবার অশ্রু

তার করা হইল। কিন্তু গ্রহ যখন বিরূপ হয় তখন কোন ছেঁটাই সফল হয় না। এই অক্টোবর সমস্ত দিনের মধ্যে কলিকাতা হইতে প্রায় বার তেরখানি তার আসিল। রাত্রি দশটার সময় সকলে মিলিয়া সেই দুর্বোধ্য টেলিগ্রামগুলির অর্থ সংগ্রহ করিবার জন্ত বসি গেল। দীর্ঘকালব্যাপী আলোচনা ও গবেষণার পর এইটুকু ফলস্বরূপ করা গেল যে ফার্স্ট ক্লাস ক্যারেজ রিজার্ভ পাওয়া যাইবে না, টুরিস্টকার পাওয়া যাইতে পারে, কিন্তু কবে, কোথায় এবং কোন ট্রেনের সহিত, তাহার কোন সন্ধান পাওয়া গেল না। পাঁচ ছয়দিন ধরিয়া টুরিস্টকারের নিশ্চল ব্যবস্থা করিতে করিতে সকলের মন 'বিরক্তিতে ভিক্ত হইয়া উঠিয়াছিল—আবার তিন চারি দিন অপেক্ষা করিয়া টুরিস্টকারের জন্ত ব্যবস্থা করিবার ঐর্ধ্য কাহারও ছিল বলিয়া দেখা গেল না। মন তখন বাহির হইবার জন্ত অধীর হইয়া উঠিয়াছে—তা' মে যত বড় অনিশ্চয়তার মধ্য দিয়াই হউক না কেন। "মাত্রা যখন পুরিয়া উঠে তখন মিষ্টই বা কি আর ভিক্তই বা কি!" যাইবার ইচ্ছা যখন প্রবল হইয়া উঠিয়াছে তখন ফার্স্ট ক্লাসই বা কি আর পার্স ক্লাসই বা কি! রিজার্ভ হইলেই বা কি, আর না হইলেই বা কি! কথা হইল পরদিন প্রাতে একবার স্টেশনে টুরিস্টকারের সংবাদ লওয়া যাইবে। যদি কোনও সংবাদ না পাওয়া যায়, তাহা হইলে অক্টোবর উপর নির্ভর করিয়া অপরাক্রমে ওটার ট্রেনে রওনা হইয়া কিউল পর্যন্ত যাওয়া যাইবে। কিউল হইতে বেয়েলী পর্যন্ত একখানি ফার্স্ট ক্লাস ক্যারেজ রিজার্ভ করিবার জন্ত টেলিগ্রাম করা হইবে। পাওয়া যায় ভালই, না পাওয়া গেলে হাওড়া-আত্রা প্যাসেঞ্জারে মোগলসরাই পর্যন্ত গিয়া, তথা-হইতে বেয়েলী পর্যন্ত যাইবার একটা ব্যবস্থা করিয়া লইতে হইবে। বেয়েলী হইতে কাঠগুদাম পর্যন্ত যাওয়ার জন্ত একখানি গাড়ী রিজার্ভ করিবার জন্ত পথ হইতে টেলিগ্রাম করা হইবে—এবং কাঠগুদাম হইতে মায়াবতী যাইবার জন্ত কি ব্যবস্থা

করিতে হইবে তাহার ধারণা আমাদের কাহারও ছিল না, অতএব সে জন্ত ভাবনাও ছিল না। আমরা মায়াবতী যাইতেছি শ্রীশ্রী রামকৃষ্ণ মিশনের অন্তর্গত অদ্বৈতাশ্রমবাসীগণের অতিথি হইয়া। কাঠগুদাম হইতে মায়াবতী যাইবার ব্যবস্থা করিবার তার তাঁহারা হইয়াছিলেন। কিন্তু কাঠগুদাম পর্যন্ত যাইবার যে ব্যবস্থা আমরা স্বিক করিলাম তাহা অক্টোবরই মত অনিশ্চিত হইল।

ভাগলপুর হইতে কাঠগুদাম এই দীর্ঘ পথ, যাহার মধ্যে তিন জায়গায় গাড়ী বদল করিতে হইবে, এইরূপ অনিশ্চয়তার মধ্য দিয়া অতিক্রম করিতে হইবে শুনিয়া মহিলাগণ প্রথমে একটু সন্ত্রস্ত হইয়া উঠিলেন। কিন্তু যখন ভাবিয়া দেখা গেল যে বিভিন্ন চারিদিন ধরিয়া টেলিগ্রামের পর টেলিগ্রাম করিয়াও কুল যাইবার কোন লক্ষণ দেখা যায় নাই, তখন পুনরায় ভাগলপুরে বসিয়া টেলিগ্রাম করিবার প্রবৃত্তি তাঁহাদেরও হইল না। তাঁহারাও আমাদের সহিত একমত হইলেন।

৮ই প্রাতে শ্রীমান চিত্তরঞ্জন টুরিস্টকারের সংবাদ লইবার জন্ত ভাগলপুর রেলওয়ে স্টেশনে গমন করিলেন। কিন্তু স্টেশনের কর্তৃপক্ষগণ টুরিস্টকারের গতিবিধি বা অস্তিত্ব সম্বন্ধে কোন সংবাদই যখন দিতে পারিলেন না, তখন ভগবানের নাম স্মরণ করিয়া বাহির হইয়া পড়া ভিন্ন আর উপায়াস্তর বা মতান্তর রাখিল না। সেদিন আমাদের উপর কোন গ্রহ নক্ষত্র প্রভাক বিস্তার করিয়াছিল তাহা আমরা জানি না—কিন্তু তিথিটি আসিয়া স্মৃতিয়াছিল সর্বভৌতাবে আমাদের উপযোগী হইয়া। সেদিন অমাবস্যা ছিল। বাহির হইয়া পড়িবার জন্ত আমাদের মনে এমনই একটা অনতিক্রমণীয় সৌঁফ আসিয়া উপস্থিত হইয়াছিল যে জ্যোতিষ শাস্ত্রের সহস্র নিষেধবচনও কোন প্রকারে ফলপ্রদ হইল না। ওটার গাড়ীতে যাত্রা করিবার জন্ত আমরা প্রস্তুত হইতে লাগিলাম। কিন্তু অমাবস্যায়া যাত্রা শুরু করিবার কল যে হাতে হাতেই পাওয়া যায় তাহা আমরা সেদিন মর্শ্বে

মর্মে উপলব্ধি করিয়াছিলাম। হায়, জ্যোতিষ শাস্ত্রের নিষেধবচন আমরা যদি সে দিন লঙ্ঘন না করিতাম। কিন্তু বুধা সে দুঃখ করা। নিয়তি কে কবে খণ্ডন করিয়াছে।

গৃহ হইতে যখন নিজস্ব হইলাম তখন ট্রেন আসিবার মাত্র পঁচিশ মিনিট বিলম্ব ছিল। ট্রেন মিস করিবার আশঙ্কা যখন মনের মধ্যে সহসা প্রবল হইয়া উঠিল তখন ক্ষণে ক্ষণে আমার রথ-চালককে পর্যায়ক্রমে ভয় ও প্রলোভন প্রদর্শন করিতে লাগিলাম। এই যুগল প্রক্রিয়ার ফলে আমার রথ যে গতিভরে চলিল তাহাতে আমার নিরন্তর মনে হইতে লাগিল, “চাকা আগে ছাড়ে কিবা ঘোড়া আগে পড়ে!” ইহা নিঃসন্দেহ, সেদিন ভাগলপুরের স্টেশন-পথে “Society for the Prevention of Cruelty to Animals” এর কোন সভ্য যদি উপস্থিত থাকিতেন তাহা হইলে আমাকে ট্রেন মিস করিতেই হইত। কোন প্রকারে ট্রেন আসিবার দুই মিনিট পূর্বে স্টেশনে উপনীত হইয়া দেখিলাম সকলেই প্রস্তুত আছেন, শুধু আমিই বাকি ছিলাম। আমার বিলম্ব দেখিয়া সকলেই আমার আশা পরি-
ত্যাগ করিয়াছিলেন, এমন আমাকে যথাসময়ে উপস্থিত হইতে দেখিয়াও কেহ কেহ এমন সন্দেহ প্রকাশ করিলেন যে আমি না আসিবার ফন্সীই খাটাইয়াছিলাম; কিন্তু সময়ের ঠিক হিসাব করিতে না পারায় ট্রেন ছাড়িবার কিছু পূর্বে স্টেশনে আসিয়া পড়িয়াছিলাম।

প্ল্যাটফর্মের স্তম্ভীকৃত স্তম্ভের সঙ্গে ঘাইবার আসবাবপত্রের সংখ্যা ও আয়তন দেখিয়া আমার চক্ষু স্থির হইল। এই বিরাট লটবহর বহন করিয়া এক্রপ দুর্গমপথ অতিক্রম করিবার ভাবনাই আমার নিকট একটা দুঃসাহস বলিয়া মনে হয়। প্ল্যাটফর্মের একটি অংশ আমা-
দের জিনিসে ভরিয়া গিয়াছিল। দেখিলাম এই বিপুল ভ্রব্য-সম্ভার উঠাইয়া দিবার জ্ঞান ফোড়ের মত দুই তিন সারি কুলী দলবন্ধ হইয়া দাঁড়াইয়া রহিয়াছে। যেমন অবস্থা তেমনিই ব্যবস্থাও বুটে। এই মহা-সমারোহের দৃশ্য দেখিয়া মনে হইল না যে নির্জন্ম মাঘাবতীর

কোড়ে আমরা শান্তিলাভের উদ্দেশ্যে চলিয়াছি—মনে হইল যেন আমরা কোন এক বিরাট অভিযানের জ্ঞান যাত্রার উল্লেখ করি-
তেছি।

গাড়ী আসিলে সৌভাগ্যক্রমে দেখা গেল দুইখানি কাউন্সিলার কারার খালি আছে। সেখিতে দেখিতে আমরা দুইখানি জিনিসপত্র ও লোকজনে ভরিয়া গেলাম। ট্রেন ছাড়িলে আমাদের যাত্রার প্রথম পর্বের জ্ঞান নিশ্চিত হওয়া গেল বাটে, কিন্তু সর্বাপেক্ষা গুরুতর আশঙ্কার কারণ ছিল কিউল জংশন লইয়া। সেখানে শুধু যে গাড়ী বদল করিতে হইবে তাহা নহে—টাইম টেবল্ হইতে হিসাব করিয়া জানা গিয়াছিল যে আমাদের ট্রেন কিউলে পৌঁছান খুব হাওড়া-
আগ্রা প্যাসেঞ্জার কিউল স্টেশন ছাড়ার মধ্যে সময় মাত্র ২৪ মিনিট! এই অল্প সময়ের মধ্যে এতগুলি জিনিসপত্র প্ল্যাটফর্মের একদিক হইতে অপর দিকে বহন করিয়া গাড়ীতে উঠানই ত একটি গুরুতর ব্যাপার। তাহার উপর আমাদের মস্তুর-গতি ট্রেনখানি দয়া করিয়া যদি দশ পনের মিনিট বা ততোধিক লেট হইয়া পড়েন, তাহা হইলে ত বিপদের আর পরিসীমা থাকিবে না! আমাদের দলের মধ্যে কাহারও কাহারও এমন অভিজ্ঞতা ছিল যে কখন কখন লুপ্ লাইনের এই ট্রেনখানি হইতে হাওড়া-আগ্রা প্যাসেঞ্জার ধরিবার জ্ঞান উদ্ভা-
সনে দৌড়াইবার প্রয়োজন হয়। এক্রপ কৃথাও আমাদের মধ্যে কেহ কেহ শুনিয়াছিলেন যে, সময়-সমস্র এমন ঘটনা ঘটয়া যায় যে, প্রায়শ্চৈতে দৌড়াইয়াও হাওড়া-আগ্রা প্যাসেঞ্জার ধরিবার উপায় থাকে না। এক্রপ অবস্থায় আমরা যদি কিউলের কথা ভাবিয়া ক্রিষ্টিং চিন্তাশ্রিত হইয়া থাকি, তাহাতে আমাদের প্রতি কেহও
কোন প্রকার দোষারোপ করিতে পারেন না। ভক্তিম হাওড়া-
আগ্রা প্যাসেঞ্জারে যদি আমাদের জ্ঞান রিজার্ভ গাড়ী না আসে এক খালি কামরা না পাওয়া যায় তাহা হইলে কি দুর্দশা হইবে, সে সকল গুরুতর আশঙ্কার কথা ত ছিলই।

ভাগলপুর স্টেশন ছাড়ার পর প্রতি স্টেশনেই আমরা ঘড়ি ও টাইম টেবুল মিলাইয়া দেখিতে লাগিলাম ট্রেণ ঠিক যাইতেছিল কি নেট যাইতেছিল। দুইটি ঘড়ির সময়ে দুই মিনিটের পার্থক্য ছিল। কোন ঘড়িটি ঠিক চলিতেছিল সে বিষয়ে আমাদের বিশদভাবে আলোচনা চলিল। তখন আমরা অর্ধমিনিট সময়ও ছাড়িয়া দিতে স্মরুত ছিলাম না। বাল্যকালে শিশু-শিক্ষার উপদেশ হইতে অগ্রসর করিয়া আজ পর্য্যন্ত সংখ্যাত্মক উপদেশবচন সেবেও কত সময় নষ্ট করিয়া আসিয়াছি। প্রহর ঘণ্টা কত দুয়ের কথা, মাসকে মাস জ্ঞান করি নাই, বৎসরকে বৎসর জ্ঞান করি নাই। আর আজ ট্রেনের উপর উঠিয়াই সময়ের অমূল্যতা সম্বন্ধে সংসা জ্ঞান পরিপূর্ণ হইয়া উঠিল! আজ স্পষ্ট বোঝা গেল উপদেশ কিছু নহে, অধ্যয়ন কিছু নহে; অভিজ্ঞতাই মামুযকে যথার্থভাবে বড় করিয়া তোলে। বুকিলাম অভিজ্ঞ না হইলে প্রাজ্ঞ হইবার উপায় নাই।

জামালপুরে স্টেশনের ঘড়ির সহিত আমরা আমাদের ঘড়ি দুইটি ঠিক করিয়া মিলাইয়া লইলাম। জামালপুরের তিন চারিটি স্টেশন, পরেই আমাদের স্মকল সংখ্য-উদ্দেশ্য-আশঙ্কার স্থল কিউল। জামালপুর হইতে ঠিক সময়েই ট্রেণ ছাড়িল। তাহার পর প্রতি স্টেশনেই আমরা ঘড়ি ও টাইম টেবুল মিলাইতে লাগিলাম। কোন স্টেশন হইতে এক মিনিট পরে গাড়া ছাড়ে, কোন স্টেশন হইতে বা এক মিনিট আগে ছাড়ে। এইরূপে যুগপৎ আশা ও আশঙ্কার হস্তে নিপীড়িত হইতে হইতে আমরা যখন কিউল স্টেশনের নিকট-বর্তী হইলাম তখন হিসাব করিয়া দেখা গেল নির্দিষ্ট সময়ে দুই তিন মিনিট পূর্বেই স্মাশ্রয়-কিউল পৌঁছিব। সে দিক হইতে আমাদের হিসাবে কোন ভুল হয় নাই। তিন মিনিট পূর্বেই আমাদের ট্রেণ প্ল্যাটফর্মের আসিয়া স্থির হইল। মনে করিলাম পরম করুণাময় পরমেশ্বর এতগুলি প্রাণীর ঐকান্তিক কামনার প্রতি উদাসীন হন নাই। কিন্তু হায়, তখন কি জানিতাম আমরা যখন ভাগলপুর

হইতে কিউলের পথে সুকম হিসাব লইয়া গভীরভাবে নিবিষ্ট ছিলাম তখন আমাদের অদৃষ্ট-পুত্রল অশুভরাল হইতে আমাদের প্রতি দৃষ্টিপাত কুরিয়া সকেতুকে মধুর হস্ত করিতহছিল।

আমার একথা শুনিয়া কেহ যেন মনে করিবেন না আমাদের পৌঁছিবার পূর্বেই হাওড়া-আগ্রা প্যাসেঞ্জার ছাড়িয়া গিয়াছিল। প্যাসেঞ্জার পৌঁছিবার তখনও এগার মিনিট বিলম্ব ছিল। গাড়া খামিবা মাত্র একমিনিটও সময় নষ্ট না করিয়া আমরা সত্বর জিনিসপত্রসহ প্ল্যাটফর্মের অপর দিকে উপস্থিত হইলাম। আমাদের রিজার্ভ আসিতেছে কি না সে সংবাদ লইবার জন্ত শ্রীমান চিত্তরঞ্জন স্টেশন মাস্টারের সহিত সাক্ষাৎ করিতে গেলেন। তিনি যে সংবাদ লইয়া ফিরিয়া আসিলেন তাহা শুনিয়া আমাদের সকলের মন এক অপূর্ব মিশ্র বিশ্বাস, বিরক্তি, কৌতুক ও আনন্দের রসে ভরিয়া গেল। সেই বহুদৃষ্টিত বহু-কন্ঠের বহু-প্রমাদের টুবিফকার আসিতেছে! কিন্তু মনে করিবেন না হাওড়া-আগ্রা প্যাসেঞ্জারের সহিত। বেলা ১ টার সময় হাওড়া হইতে একখানি লুপ প্যাসেঞ্জার ছাড়ে তাহারই সহিত! রাত্রি ১২ টার সময়ে ভাগলপুর পৌঁছিব এক কিউল পৌঁছিব রাত্রি তটার সময়ে।

ইহাকেই বলে “খেয়ার কড়ি দিয়ে চুবে পার!” অমাবস্তায় যাত্রা আরম্ভ করিবার যথা সময়ে আহারাদি সমাপন করিয়া শান্ত-চিত্তে স্মর দেখে রাত্রি বারটার সময়ে টুবিফকারের উঠিয়া আমরা ঝেরলী পর্য্যন্ত নিশ্চিন্ত হইতে পারিতাম। তৎপরিবর্তে অসময়ে উরিয়াচিত্তে বিপুল ব্যয় বহন করিয়া আসিয়া পড়া গেল ৬০ মাইল দূরে কিউল জংশনে। ২৪ মিনিটের মধ্যে কি করিয়া সময় মজুলান হইবে ভাবিয়া আমরা চিন্তিত হইয়া- উঠিয়াছিলাম, আর দীর্ঘ নয় ঘণ্টাকাল এখানে কন্ঠে বসবাস করিবার ব্যবস্থা করিতে হইবে! ট্রেনে বসিয়া আমরা এক মিনিট আধ মিনিট সময় লইয়া কাড়া-কাড়ি করিতেছিলাম—আর এখন মুঠা মুঠা সময় নষ্ট করিবার কোন

উপায় খুঁজিয়া পাওয়া যাইতেছে না। কিউলের পথে যে অমূল্য শিক্ষালাভ করিয়াছিলাম তাহার অবাবহিত পিছনে যে এমন নিষ্ঠুর বিরূপ ছুটোয়া আসিতেছিল তাহা কে জানিত! হে অনাদি অনন্ত মহাকাল, তোমার সোমাহীন অববনের মূলা-অমূল্যতার রহস্য একা তুমিই অবগত আছ! কার্যের রজু দিয়া, সফলতার বন্ধন দিয়া আমরা তোমাকে বাঁধিতে চেষ্টা করি। কিন্তু তোমার পিচ্ছিন্ন দেহকে বাঁধিতে পারে এমন কৌশলী অতি অল্পই আছে।

বধা সময়ে আমাদের বহু-উদ্বোধের বস্তু আশ্রয় প্যাসেঞ্জার আসিয়া উপস্থিত হইল। কিন্তু তখন আর তাহার মধ্যে আমাদের কোন উদ্বোধ-উৎসাহের কারণ ছিল না। অদৃষ্ট তাহার বিচিত্র মায়াদেয়ের প্রভাবে হাওড়া-আশ্রয় প্যাসেঞ্জার সম্বন্ধে আমাদের মনেই নির্বিকার করিয়া দিয়াছিল যে, সে গাড়িতে বাইতে হইলে আমাদের স্থান সঙ্কুলান কি-প্রকার হইত তাহা পর্যন্ত আমরা একবার চাহিয়া দেখিলাম না। প্রাটফরমে প্যাসেঞ্জারের পাশ দিয়া পদচালনা করিতে করিতে মনে হইল কবে সেই প্রকৃত মায়াবতী বাইবার দিন উপনীত হইবে যে দিন এমনই ভাবে মস্তুর প্যাসেঞ্জারের প্রতি সম্পূর্ণ ভাবে উমানীনা থাকিয়া ক্রমতগামী টুপিকারের জন্ত উদ্গীরণ ভাবে অপেক্ষা করিব! হায় টুরিষ্টকারের দুর্ভাগ্যজ্ঞা! একখানা হরিদ্রা বর্ণের টিকিট সংগ্রহ করিতে পারি কি না তাই সন্দেহ।

আহা! যদি সমাপন করিয়া স্টেশনের দুইখানি গ্যায়টিংরুম অধিকার করিয়া আমরা রাত্রি যাপনের চেষ্টায় বাস্তব হইয়া পড়িলাম। এই অন্তবিহীন গোলমুগের মধ্যে, বিজ্ঞান খুলিয়া আরাম কবিবার দুঃসাহস কাহারও হইল না। ইঞ্জিনের, সোফা, বেঞ্চ, যেখানে যে পাইল, কেহ লক্ষ্যমান হইয়া কেহ কুণ্ঠিত হইয়া কেহ ত্রিভঙ্গ হইয়া, যেমন করিয়া, যে স্থবিধা পাইল একটু নিদ্রা ও বিশ্রামের ব্যবস্থা করিয়া লইল। আমার ভাগ্যে একখানি একটু বিচিত্র গঠনের

ইঞ্জিনের পড়িয়াছিল। সেই ইঞ্জিনের গঠনের অস্বরূপ নিজের ক্রিষ্ট দেহকে স্থাপিত করিয়া নানাশ্রকার চিন্তা করিতে করিতে কখন যুমাইয়া পড়িয়াছিলাম ঠিক জানি না—রাত্রি দুইটার সময় হঠাৎ ঘুম ভাঙ্গিয়া গিয়া দেখিলাম বেদনার সমস্ত শরীর আড়ক হইয়া উঠিয়াছে। ব্যথিত দেহকে কোন প্রকারে চেয়ারের গ্রাস হইতে মুক্ত করিয়া যখন দণ্ডায়মান হইলাম তখন দেখিলাম—শরীরের ঋজুত্ব প্রায় লুপ্ত হইয়াছে—চেয়ারে বেরূপভাবে শয়ন করিয়াছিলাম চেয়ার হইতে উঠিয়া প্রায় সেইরূপ ত্রিভঙ্গিম ঠামেই দাঁড়াইয়া রহিয়াছি! কন্ধের মধ্যে ইতস্তস্ত; চাহিয়া দেখিলাম স্ত্রীমান চিত্তরঞ্জন ও স্ত্রীমুক্ত সত্যেন্দ্রনাথ কখন দীর্ঘ বেতের বেঞ্চ হইতে গাত্রোথান করিয়া একখানি বড় গোলাকৃতি টেবিলের উপর ওভার কেট পাতিয়া দিব্য আরামে নিদ্রা যাইতেছেন। সত্যেন্দ্রনাথের গভীর নাসিকা গর্জন শুনিয়া মনে বাস্তবিকই একটু সঁর্বীর সঞ্চার হইল। কতকটা দুঃখিত অস্তঃকরণে কক্ষ ভ্যাগ করিয়া গ্যাটফরমের সিদ্ধ শীতল নিস্তকতার মধ্যে পদচারণা করিতে লাগিলাম। কিছুকাল পরে সত্যেন্দ্রনাথ ও চিত্তরঞ্জন আসিয়া আমার সহিত যোগ দিলেন। সত্যেন্দ্র বলিলেন কাঠের উপর শয়ন করিয়া তাঁহাদিগকে বিলক্ষণ কষ্টভোগ করিতে হইয়াছে। শুনিয়া আমার নূতন শিক্ষালাভ হইল। স্বগভীর নাসিকাগর্জন যে শারীরিক যন্ত্রণার পরিচায়ক এ ধারণা আমার এতদিন ছিল না!

রাত্রি তিনটার কিছু পরে হাওড়া-গরা প্যাসেঞ্জার অপরাধিকের প্রাটফরমে আসিয়া প্রবেশ করিল। আমরা সকলে উশুণ হইয়া ব্যগ্রভাবে চাহিয়াছিলাম। আসিয়াছে! আসিয়াছে! দেখিয়াই বুঝিলাম আমাদের সেই বহুদুঃখের বহুদুঃখের বহু আশা-আনন্দের নিকটন টুরিষ্টকার আসিয়াছে! স্ত্রীদীর্ঘ স্বগঠিত শুভ হৃদয়ের কার দেখিয়াই। বুঝিলাম আর কিছু নহে, তাই বটে। সেই হৃদ-শুভবর্ণ দেখিয়া আমাদের মনও শান্তি ও আনন্দের স্তব্ররূপে রঞ্জিত হইয়া উঠিল।

আমাদের সহিত গুপ্তপ্রেস পঞ্জিকা ছিল না—কিন্তু আমরা সকলেই
বুঝিলাম এক্ষণে আমাদের কাটিয়া গেল।

কিছুক্ষণ পরেই উজ্জ্বল জিনয়ন ধক্ ধক্ করিতে করিতে উন্নত
গতিতরে পাঞ্জাবমেল আসিয়া আমাদের পার্শ্বে স্থির হইয়া দাঁড়া-
ইল; এবং পরক্ষণেই আমাদের চৌরক্ষকার সেরের পশ্চাতদিকে যোগ
করিয়া দিল। উজ্জ্বল তড়িতালোক-আলোকিত সর্বপ্রকারে আরম্ভ
ও আনন্দপ্রদ সেই গতিশীল গৃহে প্রবেশ করিয়া আমাদের সঞ্চিত দুঃখ
ও বিরক্তি অপসৃত হইয়া গেল। অবশিষ্ট রাত্রিকুর মত আমাদের
স্রাবাদি যথাসম্ভব শুছাইয়া লইয়া দুইটি শয়নকক্ষে আমরা নিজ নিজ
শয্যায় শুইয়া পড়িলাম। অন্ধকারে প্রস্তু হইয়া আমাদের গাড়ীখানি
যত্ন মধুর বোল দিতে দিতে আমাদের গন্তব্যের দিকে
লইয়া ধাবিত হইল। ইলেক্ট্রিক ফ্যানের গুঞ্জন শুনিতে শুনিতে
শুনিতে কখন আমরা নিজের শাস্ত ক্রোড়ে অভিভূত হইয়া পড়িয়া-
ছিলাম ঠিক মনে নাই।

শ্রী উপসম্পাদনা পদ্মোপাধ্যায়।

প্রাণ-প্রতিষ্ঠা

[গল্প]

তাহার নাম ছিল আশালতা—তাহাকে কেহ লতা, কেহ লতি
বলিয়া ডাকিত। জাতিতে ব্রাহ্মণ, তাহার পিতা অতি শৈশবেই
তাহার বিবাহ দিয়াছিলেন; ছয় মাসের মধ্যেই সে বিধবা হয়।
আমাদের পাড়াতেই তার বাপের বাড়ী—সে সেখানেই থাকিত।
দুই বৎসর বয়স হইতেই সে মাতৃ-হারী—মা কেমন সে কখনও
জানে নাই। তাহার এক বন্ধা বিধবা পিসীমা সেই বাড়ীতেই
থাকিতেন, তাঁর কাছ থেকে সে যথেষ্ট আদর যত্ন পাইত; কিন্তু
যেলে কি মেটে দুধের তৃষ্ণা ?

বড় অভিমানী মেয়ে। আদর পাইলে গলিয়া যাইত; কিন্তু কেহ
'অলক্ষণে' বলিয়া গালি দিলে, সে এক দৌড়ে পিসীমার কাছে আসিয়া
তাহাকে জড়াইয়া ধরিয়া কাদিত। কখনও কখনও বিনা কারণে
হাসিত ও বিনা কারণে কাদিত।

তাকে কেউ বুঝিতে পারে নাই। পাড়ার সকলেই তাকে শুধু
দস্তি মেয়ে বলিয়াই জানিত। পাড়ায় পাড়ায় ছেলেদের সঙ্গে খেলা
করিয়া বেড়াইত। সকল রকম ছুটু মিতে একেবারে সিদ্ধহস্ত—ছেলে-
দের চেয়েও ঢের বেশী গুস্তাদ। তাহার দৌরাঙ্গাতে সকলেই কিছু
ব্যতিক্রম হইয়া থাকিত। ভোর হইলেই, একদৌড়ে তাহাদের
বাড়ীর কাছে পেয়ারা বাগান, সেই বাগানে গিয়া সেই পেয়ারা
গাছের ডালের উপর উঠিয়া আর একটা ডালে ঠেসান দিয়া পেয়ারা
খাইত, আর গুন্ গুন্ করিয়া গান করিত। কোথা হইতে গান
শিখিল কেহ জানে না, কিন্তু গলা বড় মিঠে বড় প্রাণভরা। সমস্ত
সকালটা এমন করিয়া গাছে গাছে বাড়ীতে বাড়ীতে ঘুরিয়া বেড়া-

হইত। যেখানেই বাউক, একটা না একটা গণ্ডগোল হইতই হইত, কাহাকেও ভেড়ু চাইত, কাহাকেও কান মলিয়া কাঁদাইয়া আসিত, কাহারও সঙ্গে খুব গলা ছাড়িয়া ঝগড়া করিত, কখনও হাতি কাটিয়া, কখনও কাপড় পোড়াইয়া বাড়ী ফিরিত।

আসিয়াই পুকুরে স্নান—রাঁপাইয়া রাঁপাইয়া অনেকক্ষণ ধরিয়া স্নান করিত। চিং, উপড়, কাঁধা সেলাই—এইরূপ নানা রকমের সঁতার কাটিত সঁতার কাটিতে কাটিতে গলা ছাড়িয়া গান—মাঝে মাঝে আমরা অবাক হইয়া শুনিতাম।

তারপর দুপুরে চোখে ঘুম নাই, কেবল দুর্দান্তপনা—বাগানে বাগানে একদল ছেলে লইয়া কেবল দহাবৃত্তি—কাঁচা আমের দিনে টোপেরে একরাশ আম আর হাতে লুণ লইয়া ঘুরিত, সকল দুই-মির মধ্যে চাটনির মত কাঁচা আম দাঁতে ছিলিয়া লুণ লাগাইয়া কচ-কচ করিয়া চিবাইয়া খাইত। ভাত খাবার সময় খুব কমই খাইত, কিন্তু কাঁচা আমের বেলায় একেবারে রান্ধসী! তার পিসীমা বলিতেন, “ভাত রোচেনা রোচে মোয়া”। তিনি বড় একটা রাগ করিতেন না—মা-হারা বিধবা মেয়ে, বড় মায়া হইত। মাঝে মাঝে যখন আর সখ্য করিতে পারিতেন না, তখন বলিয়া উঠিতেন, “ওরে তুই ছেলে হলি না কেন?” চাটুঘো মহাশয়দের বাড়ীতে একবার গোবিন্দ অধিকারীর যাত্রা হয়, তার পর থেকে অনেক দিন পর্যন্ত আমাদের পাড়ার বাগানে বাগানে রোজ যাত্রা হইত। কান ঝালা পালা হইয়া গেল, সকলেই জানিত দস্তি মেয়ের দল, কেহ বড় একটা ঘাঁটাইত না।

কিন্তু এমন দুর্দান্ত মেয়ে সন্ধ্যা হলেই একেবারে কাবু, কখনও পিসীমার বকে লুকাইত, কখনও ছাদের উপরে চূপ করিয়া বসিয়া থাকিত, কি একটা অভাবনীয় করণ রসে যেন তাহাকে একেবারে আচ্ছন্ন করিয়া ফেলিত। কখনও আপন মনে প্রাণ কাঁদান গান গাহিত, কখনও চূপ করিয়া কাঁদিতে কাঁদিতে ঘুমাইয়া পড়িত।

তখন আমার প্রায় বিশ বৎসর বয়স, শৈশবেই পিতৃ-মাতৃ-হীন, আমার সংসারে আর কেহই ছিল না। একেবারে একা থাকিতাম। বাবা যে টাকা রাখিয়া গিয়াছিলেন তাতেই আমার চলিয়া যাইত। ছেলে বেলা হইতেই ছবি আঁকিতাম, গান বাজনাও খুব ভাল বাসিতাম, কিন্তু ছবি আঁকার মধ্যেই আমার মনটা পড়িয়া থাকিত। কেহ আমাকে শেখায় নাই, আমি আপনা-আপনিই শিখিয়াছিলাম, সমস্ত দিনই ছবি আঁকিতাম। আমার ছবি জ্ঞান ছবি ধ্যান ছিল। পাড়ার প্রবীণেরা বলিতেন, “ছেলেটা একেবারে বয়ে গেল, এত লেখাপড়া শিখে একটা পাশও দিলে না, অমূল্য বাড়ুঘোর ছেলে শেষকালে নাকি পঢ়ুয়া? ছিঃ!” আমার তাহাতে কোনও কষ্ট হইত না, প্রাণের মধ্যে সর্বদা একটা গর্ভ, একটা আনন্দ অনুভব করিতাম। সর্বদাই মনে হইত যেন কোন দেবতার ইচ্ছিত অনুসরণ করিয়া চলিয়াছি, এক রকম সম্মানীয় মতনই থাকিতাম, কোন ভোগেই আমার বড় একটা আসক্তি ছিল না। সংসারে একমাত্র বন্ধন লতার পিসীমা ও লতা। লতার পিসীমাকে মা বলিয়া ডাকিতাম, তিনিও আমাকে ছেলের মতই স্নেহ করিতেন, দিনান্তে একবার তাঁহার সঙ্গে দেখা করিতাম, শ্রীশ্রীচৈতন্য চরিতামৃত, গোবিন্দ দাসের করতা ও বৈষ্ণব পদাবলী তাঁহাকে পড়িয়া শুনাইতাম, আর তিনি চোখ বুজিয়া যেন ধ্যানস্থ হইয়া শুনিতেন। লতা তখন ছেলে মানুষ, মাঝে মাঝে চূপ করিয়া বসিয়া শুনিত—আর আস্তে আস্তে প্রদীপের শলিতা বাড়াইয়া দিত। লতা বড় দুই-মেয়ে-কিন্তু আমার বড় ভাল লাগিত। তাহার মুকল দুর্দান্তপনার মধ্যে যেন সুসের খেলা দেখিতে পাইতাম, ভাল করিয়া বুঝিতাম না, তবুও ভাল লাগিত।

কত ছবি আঁকিতাম, নরনারী জীবজন্তু তরুণতা পীড়াপূর্ণকর্ত সকলই আঁকিতাম। বাহারা ছবি ভালবাসিত তাহারা বলিত—এ

অনেক অন্তরে তপস্কার ফল। আমার প্রাণ যেন ফুলিয়া ফুলিয়া উঠিত। থাকিয়া থাকিয়া মনে হইত, এই রূপ-রস-গন্ধভরা বিশাল বিশ্বব্রহ্মাণ্ড যেন এক বিরাট অচল, অটল, অনন্ত হৃন্দরের প্রাণ-তরঙ্গে ভাসিয়া ভাসিয়া ফুটিয়া উঠিয়াছে। এই যে ভাব, মনে হইত যেন ইহা আমারি আর কাহারও নহে, একমাত্র আমিই এই সৌন্দর্যের সন্ন্যাসী। মনে করিতাম, এই প্রাণতরঙ্গকে বর্ণ-বন্ধ করিয়া প্রাণে প্রাণে বাঁধিয়া রাখিয়া দিব। তখন যে সেই প্রাণহৃন্দর প্রাণারাম আমার মুখের পানে চাহিয়া মুখ টিপিয়া টিপিয়া হাসিতেন, আমি কি ছাই দেখিতে পাইতাম ?

লতা দিনে দিনে বাড়িতেছিল। একদিন তাহার সকল দুর্দান্ত-পনার অবশান হইল, সে আর পাড়ার ছেলোদের সঙ্গে খেলে না, বাহিরের কাহারও সঙ্গে বড়একটা কথা কয় না। তাহার চরণের চঞ্চলতা শুধু নয়নে নহে তরঙ্গের মত সমস্ত শরীরে ছড়াইয়া পড়িল, কিন্তু কি গভীর নিশ্চিন্ত চঞ্চলতা, কি স্থির তরঙ্গের মুক্তি! কি-জানি কেমন জ্বল জ্বল দোল দোল ভাব। তাহাকে দেখিলে সে হৃন্দর কিনা, কি কতখানি কি, কি রকম হৃন্দর, এরকম কোন প্রব্রূই মনে উদয় হইত না। গৌরবর্ণ, দুটি টানা টানা জাগর চোখ সুগোল স্থললিত বাহুযুগল, মাথায় এক রাশ চুল কোমর ছাড়াইয়া ফুলিয়া পড়িয়াছে। একবার দেখিলে চোখ ফিরান অসম্ভব, আবার দেখিতেই হইবে।

সে এখন আস্তে আস্তে কথা বলিত, কিন্তু কথায় যেন হ্রুৎ বর্ণন করিত। এখন আর সে গলা ছাড়িয়া দিয়া গান করিত না, সর্বদাই আপন মনে গুন গুন করিত; কিন্তু কি মন-গলান স্বর! কি প্রাণ গলান স্বর! কি মধুর ভাব-স্রোত! এখন যে তাহার “মৌবন নিরুত্তর বনে গাহে পাখী”!

তার শরীরের শিরায় শিরায় যেন শত শত রাগ রাগিণী বাজিয়া উঠিত, সে যেন সচকিত হইয়া তাহাই শুনিত! তাহার আশে পাশে যেন শত সহস্র ফুল ফুটিয়া থাকিত, সে যেন তাহারি গন্ধে বিভোর হইয়া স্বপ্নাবিষ্টের মত জীবন যাপন করিত! তাহার প্রাণের মধ্যে কে যেন সোনার বাঁধিয়া ঢুলিত, সে যেন তন্ময় হইয়া সেই স্থলন দেখিত! একটা অভাবনীয় ভাবে সন্দর্ভাই তাহাকে ঘিরিয়া থাকিত, সে যেন শুধু সে ভাবেই মধ্যে অন্ধ হইয়া ঘুরিয়া বেড়াইত।

একটা দুর্দমনীয় স্রোত যেন সর্বদাই তাহার বুকের ভিতর বহিয়া বাইত—সে যেন সে স্রোতের মধ্যে গা ভাসাইয়া দিয়া, কখনও ভাসিয়া বাইত, কখনও হাবুডুবু খাইত! আমি অবাক হইয়া দেখিতাম! মাঝে মাঝে চোখে জল আসিত, কিন্তু তাহার চোখে সে সময় জল দেখি নাই। সে যে লাগণের ফুল স্রোতের তরঙ্গ, সে যে আগুনের বলক, ঝড়ের ঝাপটা। নিখিল বিশ্বের প্রাণে সে যেন একটা পাগলা স্বর—কিছুতেই যেন স্বর গ্রামে স্বর তান নয় বন্ধ হইয়া গীত হইয়া উঠিতে পারিতেছে না। সে যেন একটা পাগলা পাখী, দিবারাত্র পাখা ঝাপটাইত, কিন্তু কিছুতেই যেন তাহার উড়বার আকাশ খুঁজিয়া পাইত না।

৪

আমার যে ছবি জ্ঞান, ছবি ধ্যান, আমি যে সৌন্দর্যের সন্ন্যাসী। তোমরা হাসিও না, আমি যে তখন সত্য সত্যই তাই মনে করিয়া অপার আনন্দ পাইতাম। যেখানে ফুলটি ফুটিত, ফলটি ঢুলিত, গিরিশূক আপন মহিমায় হাসিয়া হাসিয়া উঠিত, গগনে জলদগুণ্ড, আপনার গান্ধার্যের মধ্যে আপনাকে আবৃত করিয়া ফেলিত, যেখানে মাগর-অপনারি তরঙ্গের মালা আপনারি বৃকে দোলাইয়া ভাসিয়া ভাসিয়া বহিয়া ঝাইত, আমি যে সেইখানে তখনই তাহাদের ছবি

আঁকিয়া লইতাম। কত শিশু, বালক বালিকা, কিশোর কিশোরী, কত তরলিত রক্তহারা শীঘ্র-বৌবন-ভারাবনত-দেহা, কত ত্বি-শ্ৰামা শিখর-দশনা-পক্ষ-বিদ্বাধরেষ্ঠি, কত জীবন মধ্যাহ্নের প্রৌঢ় প্রৌড়া, জীবন অপরাহ্নের বৃদ্ধ বৃদ্ধা, আমার চিত্রপটে অঙ্কিত হইয়া বিরাজ করিত। কত সম্যাসী, কত সম্যাসিনী, কত দেব দেবী, কত বর্ষে বর্ষে আমার চিত্র-কলকে ফুটিয়া উঠিত। আমি যেন স্বাধর জন্ম, জীব জন্তু সকলেরই প্রাণ লইয়া কাড়াকাড়ি করিতাম। আমি মনে করিতাম আমার হৃদয় অনন্ত হৃন্দরের পূজার মন্দির, আর জগৎ সংসারের রূপরাশি তাঁহারই ভিন্ন ভিন্ন বিগ্রহ মাত্র। আমি ছবি আঁকিয়া সেই পূজার মন্দিরে অনন্ত হৃন্দরের বিগ্রহ প্রতিষ্ঠা করিতাম।

উদ্ভাসের মত সমস্ত দিন ধরিয়া ছবি আঁকিতাম। ক্রমে ক্রমে মনের ভাব আরো গাঢ় হইয়া পড়িল, কি আঁকিতাম নিজেই জানি না, তন্ময় হইয়া ছবি আঁকিতে আঁকিতে দিনগুলি কাটিয়া যাইত। মাঝে মাঝে কখনও দিনমানে একবার কখনও দুইবার কখনও বারে বারে লতাদের বাড়ী যাইতাম, আবার কিরিয়া আসিয়া ছবি আঁকিতাম। কি জানি কেমন একটা নেশার মধ্যে ধাক্কাভাষা, আমার ঘোঁষনের সকল আগ্রহ অকাতরে বিনা চেঁচায় ছবি আঁকার মধ্যেই ঢালিয়া দিতাম।

একদিন নিশাশেষে আশ্চর্য্য স্বপ্ন দেখিলাম—আমি যেন একটা শ্রামল বৃক্ষ আর লতা যেন সোনালি রঙ্গের লতার মত আমাকে জড়াইয়া জড়াইয়া উঠিতেছে। তখনই প্রভাত হইল, চমকাইয়া উঠিলাম, দেখিলাম আমার বৃক্ষ কাঁপিতেছে, কপাল বামে ভিজিয়া গিয়াছে, বারের চারিদিকে দেবি শুধু লতারি ছবি! অনেক দিন ধরিয়া শুধু লতারি ছবি আঁকিতেছিলাম। আমি ত জানিতাম না যে আমি শুধু লতারি ছবি আঁকিতেছিলাম, যত কল্পিত মূর্ত্তি আঁকিতেছিলাম সব লতারি মূর্ত্তি, লতা শোঁয়া লতা বসী লতা দাঁড়ান,

প্রভাত সূর্য্য-করে বিভাসিত লতারি মুখমণ্ডল। সন্ধ্যার ধূসর অন্ধকারে বাগানে বেড়া ঠেমান দিয়া দাঁড়াইয়া আছে লতা। মুক্ত মধু স্বপ্নের মত চন্দ্রালোকে চুল এলাইয়া দিয়া, পুকুরের সিঁড়ির উপর বসিয়া আছে লতা। অপরাহ্নে স্নান করিয়া জলদেবীর মত পুকুরের সিঁড়ি বাহিয়া উঠিতেছে, সর্বাঙ্গ হইতে বিন্দু বিন্দু জল ফুলের মত ঝরিয়া পড়িতেছে—সেও লতা। আবার দিবা দ্বিপ্রহরে হুশীতল ছায়া ঘেরা পল্লবকুঞ্জে ফুলের পাতার উপর অর্দ্ধশায়িতা—সেও লতা। লতা যে আমাকে এমন করিয়া ঘিরিয়া ছিল, আমিতো বুঝিতে পারি নাই! এ যে দেখি লতা ধ্যান, লতা জ্ঞান,—চীৎকার করিয়া বলিলাম, “হে অনন্ত-হৃন্দর একি করিলে? আমি যে তোমার সম্যাসী!” তখনই মনে হইল, লতাই যে সেই শ্রাণ-হৃন্দরের পূর্ণ বিগ্রহ! একি প্রেম ভালবাসা? ছিঃ! আমার মনে তো লতার জন্ম কোন বাসনা ছিল না। একি স্নেহ? তাহাও নহে। লতা আমার অপূর্ব্ব শ্বেত-শতদল, মধুর নিব্বলক্ক কাম-গন্ধ-বিহীন! আমি এই অপূর্ব্ব ফুলে অনন্ত হৃন্দরের চরণযুগল সাজাইতেছিলাম, আমি যে আর সকল বিগ্রহ ঠেলিয়া ফেলিয়া, এই নব বিগ্রহের প্রতিষ্ঠা করিয়াছিলাম। তাই লতা ধ্যান, লতা জ্ঞান, আমি সেই শ্রাণহৃন্দরেরই সম্যাসী। তোসেরা হাসিও না, আমি যথার্থই তাই ভাবিতাম।

লতাদের বাড়ীতে আসাযাওয়া আমার সেইরকমই চলিতে লাগিল। লতার আরও অনেক ছবি আঁকিলাম। মনে করিলাম এ দুৱকমের বিগ্রহ! লতা যেন একেবারে জাগ্রত বিগ্রহ, অক্ষর চিহ্নগুলি যেন একই বিগ্রহের ভিন্ন ভিন্ন রূপ মাত্র। কখনও মনে হইত জাগ্রত, চিত্রিত—প্রত্যেক মুহূর্ত্তেই যেন শ্রাণহৃন্দরের ভিন্ন ভিন্ন বিগ্রহ। আবার কখন মনে হইত এই সব মূর্ত্তিগুলি মিলিয়া মিশিয়া একটি মূর্ত্তি হইয়াছে, আর তাহারই মধ্যে আমার

কনয়-মন্দিরে যেন অনন্তহৃদয়ের প্রকাশিত হইতেছেন। এইরূপে আমার প্রার্থনের মধ্যে আমার প্রাণ-স্বন্দরের পূজা চলিল। সেই ছবিগুলি কাহাকেও দেখাইতাম না, লতাকেও দেখাই নাই। সে-গুলি যেন আমার গোপন মন্ত্র। আমি যে সাধক, মন্ত্র-গুপ্তী না শিখিলে কি সাধনা সফল হয়? এক একবার খুব ইচ্ছা হইত যে শুধু লতাকেই এই ছবিগুলি দেখাই, কিন্তু তৎক্ষণাৎ সে বাসনা দমন করিতাম।

লতা এতদিন একটু একটু করিয়া নিজে নিজেই লেখাপড়া শিখিত। কখন কখন আমার কাছে পড়া বুঝাইয়া লইত। আমি তাহাকে পড়া-বুঝাইয়া দিয়া ও তাহার ছবি আঁকিয়া পরম আনন্দ পাইতাম। জীবনটা বড় মিঠে লাগিত। এইরূপে অনেক দিন কাটিয়া গেল।

লতার পিতা তান্ত্রিক সাধক ছিলেন। বাড়ীতে থাকিতেন, কিন্তু কাহারও সহিত বড় একটা সম্বন্ধ ছিল না। আমি তো রোজই সেই বাড়ীতে বাইতাম, কিন্তু দুই একবার ছাড়া কখনও তাঁহাকে দেখিয়াছি বলিয়া মনে হয় না। একদিন স্ত্রীতা বলিল, “বাবার খুব স্বপ্ন, বোধহয় আর বাঁচবেন না।” আমি তাঁর ঘরে গিয়া দেখিলাম বৃদ্ধ স্বপ্নে অচেতন—একবারে হুঁ নুঁ নাই। লতার গমন বিক্রয় করিয়া তাহার পিতার ত্রিকুণ্ডলা চলিতে লাগিল। লতা আর কাহাকেও কিছু করিতে দিত না, সে নিজেই সেবার সব ভার লইল। স্নান আহার খুম সব ছাড়িয়া প্রাণ দিয়া পিতার সেবা করিতে লাগিল। এরূপ অদ্ভুত সেবা আমি আর কোথাও কখন দেখি নাই। এ যে লতার—এক নূতন মূর্তি! ধীর, শান্ত, হাসি-হাসি মুখে সকল কষ্ট স্ময় করিত। আমি দেখিলাম যেন এক নবী-সন্ন্যাসিনী কোন এক কঠোর ব্রত উদ্যোগ করিতেছে।

ভট্টাচার্য্য মহাশয় এইরূপে প্রায় একমাসকাল কঠিন পীড়ায় ভুগিলেন। একদিন ভোর বেলা তখন তাঁর জ্ঞান ছিল, কথা কহি-

বার শক্তি ছিল না, লতা ওফুরের গেলস মুখের কাছে ধরিলে তিনি মাথা নাড়িলেন, খাইলেন না। লতাকে ইস্তিক করিয়া তাঁহার কাছে কসিতে বলিলেন। তাহার মাথার উপর কোন রকমে যেন মনের জোরে আপনার শীর্ষ হাতখানি রাখিলেন। পরমুহুর্ত্তেই প্রাণ বাহির হইয়া গেল।

• লতার পিসীমা মাটিতে পড়িয়া “আমার লতির কি হবে গো” বলিয়া কাদিতে লাগিলেন। লতা দেখিলাম বেশ শান্ত ধীর গভীর। চোখে জল আসিলেই আঁচল দিয়া চোখ পুঁছিয়া ফেলে। তাহার মুখে চোখে একটা নূতন ভাব দেখিতে পাইলাম। তাহার সমস্ত শরীরের মধ্য দিয়া যেন একটু অপূর্ব মূর্ত্তি গড়িয়া উঠিতেছিল।

লতা পিতার সঙ্গে সঙ্গে শ্মশানে গেল, ধীর শান্তভাবে মুখাঘি করিল। তারপর শ্রাদ্ধ পর্যান্ত সে কয়েকদিন লতার বড় একটা খোঁজ পাই নাই। সে যেন একটু তফাত তফাত থাকিত। মাঝে মাঝে বিদ্রোহের মত তাহাকে দেখিতে পাইতাম, কিন্তু কাছে গেলে কোন ছুতায় সে সরিয়া বাইত। মনে হইত সে ধরা দিতে চাহে না—যেন সর্বদাই ধ্যানমগ্ন নিজের মনের ভিতর জীবনের সমস্ত আশ্রয়ভর কি খুঁজিয়া বেড়াইতেছে। এ'ও এক অপূর্ব মূর্ত্তি!

শ্রাদ্ধের পরে একদিন দুপুর বেলা লতাকে যেন একটু শ্বশির দেখিলাম। তাহার পিসীমা ও আমি একখানে বসিয়াছিলাম, সে সেই-খানে আসিয়া বসিয়া পড়িল। সে—আমাকে ছেলেবেলা হইতেই ‘তুলিদাদা’ বলিয়া ডাকিত। বলিল, “তুলিদাদা, আমি কি করব? আমি ত কিছুতেই মন বাঁধতে পারছি নে—সবই যেন কাঁকা কাঁকা লাগে।” মা বলিলেন, “ম' গো, বিধবায় ত্র্যমুখ্য ছাড়া আর কি আছে?” আমি চূপ করিয়া রহিলাম; লতা মুহূহুত করিল। বলিল, “আমিও কোন দিন সখ্যা ছিলাম না, বিধবা হইলাম কি করিল? আমি সখ্যাও নয় বিধবাও নয়, আমি যে অধবা।” সেই হাসির মধ্যে এটো অসীম বেদনার আভাস পাইলাম। তাহার কথা-

গুলির মধ্যে যেন একটা প্রাণস্পর্শী রূপ, একটা মর্মান্বিতক বেদনার ভাব জাগিয়াছিল। আমি স্বাক হইয়া নীরব রহিলাম। লতাও অনেকক্ষণ চুপ করিয়া রহিল, পরে বলিল, “তুলিদাদা, আমাকে ভাল করিয়া লেখাপড়া শেখাও।” আমি বলিলাম, “তুমি ত লেখাপড়া জান। তুমি ত বাঙ্গলা বই সবই পড়িতে পার।” সে বলিল, “আমি ইংরাজী সংস্কৃত সব শিখিতে চাই—আমি ভাল করে লেখাপড়া শিখব।” আমি বলিলাম, “আচ্ছা, আমি যতটা পারি তোমাকে শেখাব।”

তারপর তাহাকে ইংরাজী ও সংস্কৃত শিখাইতে লাগিলাম। সে খুব সহজেই শিখিয়া লইতে লাগিল। এই রকম করিয়া প্রায় দুই বৎসর কাটিয়া গেল।

একদিন দেখিলাম আমার ছবি স্বীকা বন্ধ হইয়া গিয়াছে। আমি এখনও সেই হৃন্দরেরই পূজা করি, শুধু আমার চিত্রিত বিগ্রহগুলি সহজে অনায়াসে মন্দিরচ্যুত হইয়া পড়িল। এখন প্রাণহৃন্দরের জীবন্ত বিগ্রহ—লতা ও তাহার নব নব মূর্তি।

৬

আমি তখন দিবানিশি মূর্তি-শ্রোতে ভাসিতেছি। লতার শৈশবের, প্রথম বৌবনের শত শত মূর্তি আমাকে বিভোর করিয়া রাখিত। আমি নব নব ভাবে, নব নব মন্ত্রে, নব নব বিগ্রহে আমার সেই প্রাণহৃন্দরেরই পূজা করিতাম। এখন আমার অধিকাংশ সময় লতাদের বাড়ীতেই কাটিত।

একদিন বিশ্বমঙ্গল নাটক পড়িয়া শুনাইতেছিলাম। লতা তখন হইয়া শুনিতেছিল। পড়া শেষ হইলেই বলিল, “তুলিদাদা আমাকে থিয়েটারে লইয়া যাও—আমি অভিনয় দেখিব।” সেই সঙ্গে সঙ্গেই মা বলিয়া উঠিলেন, “আমিও যাইব।” আমি দুইজনকে লইয়া বিশ্বমঙ্গল দেখিতে গেলাম। লতা অতি সহজেই অনেক কথা ও গান আদায় করিয়া লইল। বলিল, “কি চমৎকার! আমি আবার যব।” তারপর অনেকবার তাহাদের লইয়া থিয়েটারে গিয়াছিলাম। লতা

যাহা দেখিত তাহাই অভিনয় করিত। সব চরিত্রগুলিই একেবারে জীবন্তভাবে ফুটাইয়া তুলিত। মনে হইত লতা যেন লতা নয়, যাহা অভিনয় করিতেছে তাই। সে একেবারে তন্ময় হইয়া তাহাদেরই মধ্যে ডুবিয়া যাইত। কি অদ্ভুত সৃষ্টি! কি অপূর্ব রসের স্ফুর্তি! কি জাগ্রত জীবন্ত অভিনয়! আমি সেই নব নব রসমূর্তির মন্ড্যেই যেন জীবন যাপন করিতে লাগিলাম। বলিলাম, “হে প্রাণ-হৃন্দর, তোমার কি মূর্তির অন্ত নাই!” পরকণ্ঠেই মনে মনে ভাবিলাম, আমার প্রাণহৃন্দর যে অনন্ত হৃন্দর, তাঁহার যে অনন্ত মূর্তি!

একদিন সূর্য্য ডুবু ডুবু। লতা ও আমি একখানি নূতন প্রকাশিত পুস্তক পড়িতেছিলাম। আমি পড়িতেছিলাম, “লতা দেখিতেছিল আর শুনিতেছিল। তখনও সন্ধ্যা-প্রদীপ জ্বালান হয় নাই। সন্ধ্যার পূর্ববাস কোমল ছায়ার মত ভাসিতেছিল।” কেমন করিয়া জানি না আমাদের হাতে হাত ঠেকিল। মুহূর্তমুহূর্ত মধুর বাতাসে লতার চুলগুলি উড়িয়া উড়িয়া আমার মুখে চোখে পড়িতে লাগিল। আমার শরীরের রক্তশ্রোত যেন পাগলের মত নাচিয়া উঠিল।

লতার মাথা আমার বুকে চলিয়া পড়িল—আমি তাহাকে দুই হাতে জড়াইয়া ঘন ঘন চুষন করিতে লাগিলাম। পরকণ্ঠেই চৈতন্য হইল। চাঁৎকার করিয়া বলিলাম, “এ কি করিলে প্রাণহৃন্দর—বাসনা কি এমন অন্তঃশালিলা হইয়া লুকাইয়া থাকে? আমার যে পূজার মন্দির ভাঙ্গিয়া পড়িল!” লতার চক্ষু দেখিলাম—একেবারে স্থির হইয়া গিয়াছে। শরীর অসাড়, নিশ্বাস পড়ে না। কে আমার কানে কানে বলিল “পালা, পালা।” আমি আপনাকে ছিঁড়িয়া লইয়া একদোড়ে বাহির হইয়া পড়িলাম। চক্ষু ভাল করিয়া দেখিতে পাইতেছি না, কোনরকমে একেবারে বাড়ীতে আসিয়া বসিয়া পড়িলাম। ঘরে দেখিলাম প্রদীপ জ্বালা, সন্ধ্যা হইয়াছে। আমার প্রাণে অনন্ত অন্ধকার। আমি না সাধক? আমি না সন্ন্যাসী? লজ্জায়, দুঃখে, অপমানের একেবারে ভাঙ্গিয়া পড়িলাম। ভাবিলাম এ প্রাণ

আর রাখিব না। কতক্ষণ কাটিয়া গেল জানি না কোথা হইতে প্রাণে একটা বল আসিল। উঠিলাম—সব ছবিগুলি আগুনে পুড়াইলাম। কত যত্নে আঁকা কত সাধের ছবি! প্রাণহৃন্দরের কত কত বিগ্রহ আগুনে পুড়িয়া ছাই হইয়া গেল। আমি পাগলের মত হো হো করিয়া হাসিয়া উঠিলাম। তারপর প্রাণে প্রাণে একটা প্রতিজ্ঞা করিয়া বাহির হইয়া পড়িলাম। তখন রাত্রি প্রায় শেষ হইয়া গিয়াছে; সূর্য ওঠে নাই—কিন্তু তাহার রঙ্গীন আভাস বুকে করিয়া আকাশ উজ্জ্বল হইয়া উঠিয়াছে।

কোথায় গেলাম কেমন করিয়া বলিব? যে দিকে দুই চক্ষু যায় সেই দিকেই চলিলাম। কত দেশ পর্যটন করিলাম, কত বাধা বিড় অতিক্রম করিলাম। কত পাহাড় পর্বতে আশ্রয় লইলাম, কত তীর্থস্থানে সন্ন্যাসী সাজিয়া বাসা বাঁধিলাম। কই মাহাকে ছাড়াইতে চাই সে ছাড়ে কই? সে যে আমার শিরায় শিরায় রক্তের মধ্যে নাচিয়া উঠে, সে যে আমার প্রাণে প্রাণে প্রত্যেক ভাবের মধ্যে হাসিয়া উঠে! এত বাসনা, এত চূষন পিপাসা, এত আলিঙ্গন লালসা, কেমন করিয়া আমার প্রাণের মধ্যে লুকাইয়া ছিল। আমি ত জানিতাম না! চোখ মেলিলেই সব অন্ধকার দেখিতাম, চক্ষু বুজিলেই সে যেন কোথা হইতে ছুটিয়া আসিয়া আমাকে জড়াইয়া ধরিত। আমি যতই নিবৃত্তি নিবৃত্তি বলিয়া নিবৃত্ত হইতে চাহিতাম, ততই যেন সাপের মত জড়াইয়া জড়াইয়া আমাকে বাঁধিয়া ফেলিত। মুখে মুখ-লাগাইয়া আমার হৃদয়-শোণিত পান করিত, আমি বিষের জ্বালায় জ্বলিয়া পুড়িয়া মরিতাম। আমি মুখে যতই দেবতা দেবতা বলিয়া ডাকিতাম, প্রাণের মধ্যে ততই কে যেন লতা লতা বলিয়া ডাকিত। উঠিত, আর তাহার প্রতিধ্বনি লতা লতা বলিয়া আমাকে উপহাস করিত! সে যে রাকসীর মত আমার দেহ মনে প্রাণ সব-গিলিয়া ফেলিয়াছিল। দিনের পর দিন, মাসের পর মাস, এমন করিয়া একটি বৎসর চলিয়া গেল, কিছুতেই তাহাকে ছাড়াইতে

পারিলাম না। মাঝে মাঝে কঁাদিতে কঁাদিতে আমার প্রাণহৃন্দরকে ডাকিতাম। বলিতাম “হে প্রাণহৃন্দর! আমার কি কোন উপায় নাই?” কোন সড়া পাইতাম না। আকাশে বার্তাসে শুধু “নাই নাই” ধ্বনি শুনিতাম। কষ্টে, দুঃখে, নিরাশায়, অনশনে, অনিত্রায় আমার দেহ মনে একেবারে শুকাইয়া উঠিল। আমার হৃদয় তখন শ্মশান, মহাশ্মশান! লতা ভয়ঙ্করী ভৈরবীর মত আমার হৃদয়-শ্মশানে দিবানিশি বিকট হাস্য করিতে করিতে ঘুরিয়া বেড়াইত। মনে মনে ভাবিতাম, কেন আসিলাম, আমার যে সব শ্মশান হইয়া গেল, আমি ফিরিয়া যাই। পারিলাম না, মনে মনে দিক্কার আসিল। ভাবিলাম প্রাণহৃন্দর ত আমাকে লইলেন না, আমি এ নিরর্থক প্রাণ আর রাখিব না—তাঁহারই চরণে বিসর্জন দিব। তখন বৃন্দাবনের কাছে একটা জায়গায় কুটার বাঁধিয়া থাকিতাম। অদূরে যমুনা। সব আশা শেষ হইয়া গিয়াছে, কেন আর বুঝা ভার বহন করি? গভীর রাতে উঠিয়া যমুনায় প্রাণত্যাগ করিতে চলিলাম। কে যেন পিছন থেকে বলিল, “পাগল!” আমি স্পষ্ট শুনিতে পাইলাম। সেই ঘোর অন্ধকারের মধ্যে স্পষ্ট শুনিতে পাইলাম, “পাগল!” চমকিয়া উঠিলাম। পিছন ফিরিয়া সিজ্ঞাসা করিলাম “কে তুমি?” আবার শুনিলাম, “পাগল!” আমি কি পাগল? এ-তো স্বপ্ন নয়! কল্পনা নয়! আবার শুনিলাম, “পাগল! গাইয়া ছাড়িতেছিস? লতা যে সত্য সত্যই প্রাণ-হৃন্দরের বিগ্রহ। লতাই জোর ইষ্ট মন্ত্র। ফের, ফের, জপ কর, ধ্যান কর।” আমি নতজানু হইয়া ডাকিলাম। বলিলাম, “তুমি যেই হও, আমার সঙ্গে প্রত্যারণ করিওনা। এস এস আমার চোখের কাছে এস, আমি তোমাকে একবার দেখিব।” কাহাকেও দেখিতে পাইলাম না। আমার সর্বদীর তখন কাঁপিতেছিল। দুয় হইতে একটা হাসির রব ভাসিয়া আসিতেছিল। সেই অন্ধকারের মধ্যে যেন আগুনের মত জ্বলিতেছিল।

কোথা হইতে প্রাণে বল আসিল জানি না—কে যেন আমাকে হাতে ধরিয়া কিরাইয়া লইল। কুটীরে ফিরিলাম। লতা-মঞ্জু জপ করিতে লাগিলাম—লতার মুক্তি ধ্যান করিতে লাগিলাম। ষাঁচ বৎসর যেন এক রাত্রির মত কাটিয়া গেল। কোথা হইতে আহার আসিত জানি না, কে খাওয়াইত জানি না, কে দেখিত জানি না। কি দেখিলাম? কি পাইলাম? কেমন করিয়া বলিব? আমি যেন সব দেখিলাম, সব পাইলাম।

মন্ত্র জপ করিতে করিতে অনেক দিন কাটিয়া গেল। শেষে দেখিলাম মন্ত্র দিবারাত্র আপনি চলিতেছে। একটা বিমল আনন্দ অনুভব করিলাম। দেখিলাম দিনে দিনে আমার বাসনাগুলি শুষ্ক পত্রের মত আপনা-আপনি করিয়া পড়িতেছে। তারপর ধ্যান আরম্ভ করিলাম। লতার শত শত মুক্তি ধ্যান করিতে লাগিলাম। দিবারাত্র মুক্তি-ধ্যান। চোখে আর কিছুই ভাসে না, মনে আর কিছুই আসে না, শুধু লতার শত শত মুক্তি! বিশ্ব ব্রহ্মাণ্ড যেন ছায়াময় হইয়া যাইতে লাগিল। একটা অগাধ অনন্ত ছায়া—আর তার মধ্যে যেন আমি আর শত শত লতা! ক্রমে ক্রমে সেই শত শত মুক্তি মুছিয়া গেল। শুধু একটি অপূর্ণ আনন্দময়ী মুক্তি দেখা দিল! সে কি লতা? সে কি দেবতা? বিশ্ব ব্রহ্মাণ্ড টলমল করিয়া উঠিল—মন-সাগরে স্বপ্নবৎ ভাসিতে লাগিল। চন্দ্র, সূর্য্য, গ্রহ-উপগ্রহ সব লুপ্ত হইয়া গেল! শরীর খসিয়া পড়িল! আমি আর আমার দেবতা, আর কেহ নাই; আর কিছু নাই! কত ভাব, কত অমুরাগ কত রসের খেলা! শুধু ভাব, শুধু রসলীলা! শুধু আনন্দে জড়াইয়া আমি আর তুমি! তুমি-কৃষ্ণ, আমি-রাধা, আমি-কৃষ্ণ, তুমি-রাধা! কি মধুর সন্তোগ, কি অনন্ত বিরহ, কি আনন্দের লীলা! তখন বলিলাম—হে প্রাণ-স্বন্দর! কেন আমি তুমি? কেন আমি, কেন তুমি? কেন তুমি, কেন আমি? কেন এক হইয়া বাবধূম! আমি ডুবিব ডুবিব! আমাকে তোমার মধ্যে একেবারে হাইয়া দাও!

তার পর কোথায় গেল আমি, আর কোথায় গেল তুমি! আমি ত ডুবলাম, প্রাণস্বন্দরও ডুবিয়া গেল! শুধু আনন্দ, শুধু আনন্দ! আমি নাই তুমি নাই, কেহ নাই, শুধু আনন্দ! শুধু প্রেম, প্রেম!

সেটা কি? কেমন করিয়া বলিব? সে যে মহাভাব? দেখিতেছি না, আমার সর্ব শরীর কণ্টকিত হইয়া আছে? চোখ স্থির হইয়া আসিয়াছে? আমি যে এখন ডুবিয়া যাইব! এই মহানন্দে কাল কাটাইতে লাগিলাম। কখন একেবারে ডুবিয়া যাইতাম, কখন আমি তুমি হইয়া ভাসিয়া উঠিতাম! আমিই এক হইয়া প্রেম হইয়া যাইতাম, আবার লীলানন্দে মাতিয়া ছুই হইতাম! আবার ধীরে ধীরে আপনাকে নামাইয়া আনিতাম, অর্দ্ধবাহ অবস্থায় এই নিখিল বিশ্বের লীলাভঙ্গ দেখিয়া দেখিয়া আনন্দ পাইতাম! স্বাবর জন্ম জীব জন্তু সবই যে আমার মধ্যে! সকল লীলা যে আমারই লীলা! কি আনন্দ! কি আনন্দ!

একদিন প্রভাতে শুনিতে পাইলাম লতা আমাকে ডাকিতেছে। দেখিলাম লতা অভিমানে করিয়া আপনাকে দ্রুত বিকৃত করিতেছে! মনে মনে বলিলাম, “মানময়ি, আর আশ্রয়হারা হইয়ো না—গুলিয়া পুড়িয়া মরিয়ো না, আমি আসিতেছি, আমি আসিতেছি!

লতা যে আমার প্রাণ-স্বন্দরের জাগ্রত বিগ্রহ!

৮

কলিকাতা আসিয়া শুনিলাম “লতা দেবী” সর্বপ্রধান রঙ্গালয়ের নামজাদা অভিনেত্রী। তাহার বাড়ী খিজিয়া বাহির করিতে কোন কষ্ট হইল না—বরানগরের কাছে গঙ্গার ধারে। সন্ধ্যার আগেই তাহার বাড়ীতে গেলাম। লতার গলা শুনিতে পাইলাম, সে বাবা-শুয়া বশিয়া গান গাহিতেছিল। ঘারোয়ান আমাকে সম্মানী দেখিয়া আটকাইল না। বলিল, “ধবর দেগা?” আমি বলিলাম, “নেহি!”

সিঁড়ী দিয়া আস্তে আস্তে উপরে উঠিতে লাগিলাম। গদার কুলু-কুলু শব্দের সঙ্গে লতার ঘুর মিশিয়া যাইতেছিল। আমি আস্তে আস্তে গিয়া তাহার সামনে দাঁড়াইলাম। লতা একমনে গাহিতেছিল, অনেকক্ষণ আমাকে দেখিতে পায় নাই। হঠাৎ আমাকে দেখিয়া চমকিয়া উঠিয়া গান বন্ধ করিয়া দিল। বলিল, “আগনি কে ? বহন।” আমি বলিলাম, “আমি সন্ন্যাসী।” আমার পা দুখানি প্রায় হাঁটু পর্যন্ত খুলাভরা দেখিয়া লতা একজন দাসীকে ডাকিয়া বলিয়া দিল, “ইনি মুখ হাত ধোবেন। এঁকে নিয়ে যা।” আমি ঘর-সঙ্গে চলিলাম। দু’তিন খানি ঘর পার হইয়া হাত পা ধোবার ভার—সেই ঘরে গেলাম। দেখিলাম লতার বাড়ী বাস্তবিকই বিলাস-ভবন। বাড়ীর নামও “বিলাস-ভবন”—যেমন নাম তেমন বাড়ী। মুখ হাত পা ধুইয়া আবার সেই বারান্দায় আসিলাম। লতা গম্ভীর হইয়া বসিয়া ছিল, আমি তাহার কাছে একথানা চেয়ারে বসিলাম। খানিকক্ষণ আমার দু’জনেই চুপ করিয়া ছিলাম। আমি হঠাৎ বলিলাম, “লতা আমাকে ডাকিয়াছে কেন ?” সে অবাধ হইয়া খানিকক্ষণ আমার মুখের “পানে চাহিয়া রহিল, তাহার পর “তুলিদালা, তুলিদালা” বলিয়া চিৎকার করিয়া অজ্ঞান হইয়া পড়িল। আমি তাহাকে তুলিয়া বিছানায় শোয়াইয়া দিলাম। জল লইয়া তাহার মুখে চোখে ছিটাইলাম। তার কপালে ও মাথায় হাত বুলাইতে লাগিলাম। খানিকক্ষণ পরে সে চোখ মেলিল। আবার টাঁৎকার করিয়া উঠিল; বলিল, “আমাকে ছুঁয়োনো, আমি অপবিত্র। আমি সন্ন্যাসী হইতে বসিয়াছি। তুমি কেন আমাকে কেলিয়া চলিয়া গেলে ? কেন তুমি আমাকে মধুর আবাদ দিয়া, আমার প্রাণ-পাখিকে মধুর পিঞ্জরে আবদ্ধ করিয়া চলিয়া গেলে ? আমাকে যে আখার দেবার কেহ ছিল না। তুমি কি জান না আমি শৈশব হইতে লতারই মত তোমাকে জড়াইয়া জড়াইয়া বাড়িতে ছিলাম।” দেখিলাম, বলিতে বলিতে সে রাগে অভিমানে একেবারে

ফুলিয়া উঠিয়াছে—যেন সহস্র সর্পিণী একাধারে সহস্র কণা তুলিয়া দাঁড়াইয়াছে। আমি তাহার পিঠে হাত বুলাইয়া বলিলাম, “শ্বর হও।” লতা মন্ত্র-শাস্ত্র ভুল্লভের মত মন্তক নত করিল। শয্যা হইতে নামিয়া একটু সরিয়া বসিল। আমি বলিলাম, “লতা আমি যে তোমার প্রেমেই সব হারাইতে বসিয়াছিলাম—আবার তোমার প্রেমেই প্রাণ-সুন্দরের দেখা পাইয়াছি। আমি যে তোমার ডাক শুনিয়া প্রেমের আনন্দ চেষ্টা করিয়া তোমাকে আনন্দ দিবার জন্য আনন্দ বারতা লইয়া আসিয়াছি।” লতা আমার মুখের দিকে চাহিয়া রহিল। আমি বলিলাম, “অভিমানিনি! আগে তোমুর সব কথা বল। তারপর তোমাকে আনন্দধামে লইয়া যাইব।”

লতা বলিতে লাগিল, “তুমি চলিয়া গেলে প্রথম ভাবিলাম আবার আসিবে। দিনের পর দিন গেল, একেবারে একা অসহায় ভক্তিগ্না পড়িলাম। জীবনটা একেবারে শূন্য হইয়া গেল। খুব যত্নে পিসী-মার সেবা করিতে লাগিলাম। ভূতের মত সংসারে কাজ করিতে লাগিলাম, কিন্তু কিছুতেই সে শূন্য পূরণ করিতে পারিলাম না। আমার কপালগুণে পিসীমাও টেকিলেন না—একদিনের স্বরে চলিয়া গেলেন। তখন তোমাকে কত ডাকিলাম, তুমি আসিলে না। তারপরে একদিন ভোর হইবার আগেই বাহির হইয়া পড়িলাম। যে থিয়েটারে এখন কাজ করি, সেই থিয়েটারের, ম্যানেজারের সঙ্গে দেখা করিলাম। তিনি আমাকে দেখিয়া জিজ্ঞাসা করিলেন, “মা, তুমি কি চাও ?” আমি বলিলাম, “আমি থিয়েটারে অভিনয় করিব।” “পারিবে ?” আমি বলিলাম, “পারিব।” তাঁহাকে গান ও দুই একটা অভিনয় করিয়া শুনাইলাম। তিনি বলিলেন, “আচ্ছা, বেশ! খুব সুন্দর!” তারপর খানিকক্ষণ আমার মুখের দিকে চাহিয়া থাকিয়া বলিলেন, “মা, এ পদার্থে যে বড় কীটা!” আমি বলিলাম, “আমি কীটার ঘু খাইতেই আসিয়াছি।” তিনি একটু হাসিলেন।

“তারপর থেকে আমি থিয়েটারের অভিনেত্রী। আমার সমস্ত

জীবনবাপন যেন স্বপ্নের মত মনে হইত। শুধু যখন অভিনয় করিতাম তখন জাগিতাম—মনে হইত তোমার কাছে অভিনয় করিতেছি। আবার থিয়েটারের বাতি নিভিলেই সব স্বপ্নের মত মনে হইত! সে স্বপ্নের মধ্যে শুধু একটা ভাব, আশুনের মত স্বলিত—তোমার উপর রাগ ও অভিমান। আমি প্রসাদে গা ঢালিয়া দিয়াছি। কেন জান ? শুধু তোমার উপর রাগ করিয়া। কেন তুমি আমায় ফেলিয়া গেলে ?”

আবার দেখিলাম সে অভিমানে ফুলিতেছে, তাহার চোখ স্বলিত-তেছে। স্নেহ আবার বলিতে আরম্ভ করিল, “আরও স্মৃতিতে চাপ ? আমি যে তোমার পরশেই ফুটিতেছিলাম। কেন আমার সব কোটা বন্ধ করিয়া দিলে ? কে যেন আশুনের অক্ষর দিয়া আমার প্রাণের মধ্যে লিখিয়া দিল, ‘যার জন্ম সব রাখিয়াছিলি সে যে তোকে পরিত্যাগ করিয়াছে।’ আমি রাগে অপমানে অভিমানে পাগল হইয়া আশুনে ঝাঁপ দিলাম। শুধু তোমারই জন্ম বাহা ফুটিতেছিল, তুমি তুচ্ছ করিলে আমি কুকুর বিড়ালকে বাঁটিয়া দিলাম। আমি আশুনে ঝাঁপ দিয়া হাসিতে হাসিতে পুড়িতে লাগিলাম। আমার হৃদয় যে পুড়িয়া ভস্ম হইতেছিল, কেউ দেখিতে পায় নাই! আমার কথা বিশ্বাস করিও। আমি প্রসোভনে পড়িয়া আশুহারা হই নাই—আমি অভিমানে আশুঘাতিনী—কলঙ্কিনী, পাপিষ্ঠা, আশুঘাতিনী। কিন্তু কে আমার এ দশা করিল ? তুমি! আমি ত তোমার কাছে কিছু চাই নাই!—আমি যে তোমাকে শুধু দেখিয়া দেখিয়া আনন্দে জীবন কাটাইতে পারিতাম! এখন—একবারে অসহ হইয়াছে, তাই তোমাকে পাগলের মত ভাবিতেছিলাম।”

লতা নীরব, আর কথা বলিতে পারিতেছিল না। আবার সেই ভাব, অভিমানে ফুলিয়া ফুলিয়া উঠিতেছিল। আমি বলিলাম, “না, না, তুমি ত কলঙ্কিনী নও! আমি তোমার হৃদয় দেখিতেছি, দুই একটা আঁচড় লাগিয়াছে মাত্র। তোমার সমস্ত পাপ সমস্ত কলঙ্ক

আমি লইলাম। আমি তোমাকে আনন্দের পথে লইয়া যাইব।” লতা যেন অবিশ্বাসের হাসি হাসিল। তাহার জীবনের সমস্ত নৈরাশ, সমস্ত ভীতভা যেন সেই হাসির মধ্যে লাল হইয়া ফুটিয়া উঠিল! আমার সমস্ত শক্তি সংগ্রহ করিয়া তাহার পৃষ্ঠ স্পর্শ করিলাম। লতা চমকিয়া উঠিল। বলিল, “তুমি কি ?” আমি বলিলাম, “আমি সুদ্রক, তোমারই সাধক। তুমি ত আপনাকে পাও নাই, আমি পাইয়াছি। কাল প্রাতে তোমার ছবি আঁকিয়া দেখাইব।”

৯

আমি সে রাতে ঘুমাই নাই। লতার প্রকৃত মূর্তি ধ্যান করিতেছিলাম। যে মূর্তি আমার ধ্যানের মধ্যে অনেকবার দেখিয়াছি, সে মূর্তি আবার ধ্যান করিলাম। ধীরে ধীরে ফুটিতে লাগিল—উজ্জ্বল প্রাণসুন্দর মূর্তি! এই ত প্রাণসুন্দরের বিগ্রহ, কোথায় কলঙ্ক, কোথায় কালিমা ?

প্রভাত হইতে না হইতে গঙ্গায় স্নান করিলাম। ছবি আঁকবার জিনিসপত্র আগেই সংগ্রহ করিয়া রাখিয়াছিলাম—সেগুলি লইয়া উল্লুরে গেলাম। তখন সেই প্রাণসুন্দর মূর্তি আমার বুকের মধ্যে স্বল স্বল করিয়া স্বলিতেছিল।

লতা স্নান করিয়া আমার জন্ম অপেক্ষা করিতেছিল। আমি জিনিসপত্রগুলি সাফাইয়া রং ঠিক করিলাম। তুলি হাতে করিয়া বলিলাম, “লতা, আমার দিকে চাপ।” সে চাহিল—খানিকক্ষণ চাহিয়া রহিল, তারপর ঝাঁপিয়া উঠিল, বলিল, “আমি যে ার চাহিয়া থাকিতে পারি না” আমি বলিলাম, “আবার চাপ, আবার চাপ!” আমার সমস্ত শক্তি দিয়া সেই আনন্দ মূর্তি তাহার মনের মধ্যে সঞ্চার করিতে লাগিলাম।

তারপর ছবি আঁকা আরম্ভ হইল। রেখায় রেখায় তাহার শরীরের কাঠাম গড়িয়া উঠিল। বর্ষে বর্ষে তাহার রং ফুটিয়া উঠিতে

লাগিল। এইবার ভাব ফুটাইয়া তুলিতে লাগিলাম। স্নেহে করুণা, মায়া মমতা, বলকে বলকে ফুটিয়া উঠিতে লাগিল। এক একবার লতা চাঁৎকার করিয়া উঠিতে লাগিল, “এ-তো আমি নই, এ-তো আমি নই! সম্মাসি, মিথ্যা আঁকিও না। এ যে করুণাময়ী! আমি ত জন্মে কাঁদি নাই!” আমি বলিলাম, “কাঁদ নাই? শৈশবের কথা ভুলিয়া গিয়াছ। কাঁদিয়াছ, আবার কাঁদিবে। তারপর হাসিলে। আমার দিকে চাও। আবার স্থির হইয়া চাও।” তাহার পর পবিত্রতা রেখা ও বর্ণে মিলিয়া ফুটিয়া উঠিতে লাগিল। কলঙ্কের ছায়া শুদ্ধ পবিত্র উজ্জ্বল আলোকে মিলিয়া গেল। হৃদয়ের দাগগুলি, যাহা মুখে ছায়ার রেখার মত পড়িয়াছিল, কোথায় ভাগিয়া গেল।

আবার লতা চাঁৎকার করিয়া উঠিল, “ও কি? ও কি? এ যে শুদ্ধ শুদ্ধ পবিত্র কুহুম! আমি যে কলঙ্কিনী! এই ছবি যে বশ্চিকের মত আমাকে দংশন করিতেছে!” আমি বলিলাম, “তোমার যে সব কলঙ্ক আমি নিঃশাছি। তুমি ত আর কলঙ্কিনী নও। আমার দিকে চাও, আবার চাও। তুমি এই ছবিই মত শুদ্ধ হৃদয় পবিত্র।”

তখন বেলা পড়িয়া গিয়াছে। আমি বলিলাম, “আজ থাক। আবার কাল আসিবে।”

তখনও ছবিতে আনন্দমূর্ত্তি কোটে নাই। সে রাত্রে আবার একনিষ্ঠ হইয়া তাহার আনন্দমূর্ত্তি ধ্যান করিলাম। পরদিন প্রত্যয়ে নান করিয়া আবার আঁকিতে লাগিলাম। এবার রেখার আঁকে আঁকে, রূপের আভার আভায় আনন্দ ফুটিতে লাগিল। সেই হৃদয় শুদ্ধচিত্ত পবিত্র মুখের উপরে আনন্দের আভা ভাসিতে লাগিল। সখী-ভাব, দাসী-ভাব, ভক্তের আঁকিওন সকলই যেন মূর্ত্ত হইতে লাগিল। সেই করুণার রেখা আঁকি করুণারূপিনী দেবী হইয়া ফুটিয়া উঠিল! যেন সে করুণার প্রস্রবণে জগৎ ভাসাইয়া দিতে পারে। সেই বহু-মমতা জননীরূপে অসম্ভব মহিমায় জাগিয়া উঠিল।

যেন তার রক্তের স্রাবধারায় জগতের দুখা মিটাইতে পারে। সেই অভিমান যাহার রেখা পুঁছিয়া দিয়াছিলাম, সেই অভিমানকে নিত্যাধামে উড়াইয়া আঁকিলাম; এখন যে লতা বৃন্দাবনের মানময়া রাখিকা। কোথায় রাগের আগুন, কোথায় বিষের স্বালা! এ যে প্রেমভরা মান, স্বার্থহীন বাসনাবিহীন উজ্জ্বল প্রদীপের মত স্বলিয়া উঠিল! তারপর রাখিকারই গদগদ ভাব ফুটাইয়া তুলিলাম। প্রেম-ময়ী রাখিকা অনন্ত-বিরহ-কাতরা—যেন কৃষ্ণ-অঙ্গে চলিয়া পড়িয়াও কৃষ্ণ কই কৃষ্ণ কই বলিয়া কাঁদিতেছে!

লতা এক একবার ‘ও কে? ও কে?’ বলিয়া চাঁৎকার করিয়া উঠিতেছিল। আমি কিছু না বলিয়া আঁকিতেছিলাম। সমস্ত প্রাণ চলিয়া উন্নয় হইয়া আমারই ধ্যানের মূর্ত্তি সম্পূর্ণরূপে ফুটাইয়া তুলিলাম। লতার প্রাণের ছবি শেষ হইল। আমি অনেকক্ষণ এক দৃষ্টে সেই মূর্ত্তির পানে চাহিয়া রহিলাম। আমার চোখে জলে ভরিয়া গেল! তারপর প্রণাম করিয়া বলিলাম, “লতা ছবি শেষ হইয়াছে, কাজে আসিয়া দেখ, স্থির হইয়া দেখ। আপনাকে দেখিয়া লও।” লতা দেখিল। তাহার চোখে দেখিলাম নূতন ভাব ছল ছল করিয়া উঠিয়াছে! লতা অক্ষুটপরে বলিতে লাগিল, “এই আমি আমি? আজ কি স্বপ্ন দেখিতেছি! এই কি আমি!” তাহার কথাগুলি যেন চোখের জলে ভেজা ভেজা। আমি বলিলাম, “এই ত তোমার প্রাণের ছবি। ওই যে বীণীর ডাক। তুমি ত আমাকে চাও নাই! তুমি যে জীবন ভরিয়া চাঙ্কিয়াছিলে মদনমোহনকে। ওই যে মদনমোহন! ওই যে বৃন্দাবন! ওই শুন বীণীর ডাক! তোমার যে শেষ অভিনয় ওইখানে!” লতা আবার ছবির দিকে চাহিয়া রহিল। দুই চক্ষু দিয়া জ্বল গড়াইয়া পড়িতে লাগিল। তারপর সেই বারাগুর মেজতে উপুড় হইয়া শুইয়া হাতের উপর মাথা রাখিয়া গুমরাইয়া গুমরাইয়া কাঁদিতে লাগিল। তখন অন্তপ্রায় সৃষ্টির আলো কোমল হইয়া স্বলিতেছিল। সেই রাজ্য কোমল

আলো, তাহার চুলের উপর পিঠের উপর পায়ের উপর গোরবের মত ছড়াইয়া পড়িল।

আমার নয়ন স্থির; তুলি হাতে সেই ছবির কাছে দাঁড়াইয়া রহিলাম। বোধ হয় আনন্দে মূঢ় মূঢ় হস্ত করিতেছিলাম।

শ্রী শ্রীকৃষ্ণ-তত্ত্ব।

[৯]

ভগবদগীতায় কৃষ্ণ-জিজ্ঞাসা (৪)

[প্রথম বর্ষের, দ্বিতীয় ষণ্ডের ১৩২২ সালের ভাদ্র সংখ্যার "নারায়ণের" ১১১৬ পৃষ্ঠার অন্তর্ভুক্ত]

ভগবদগীতার ষষ্ঠ অধ্যায় পর্বাঙ্ক মোটের উপরে আমরা প্রাচীন উপনিষদের ব্রহ্মজ্ঞানের ও ব্রহ্মসামর্থনেরই আলোচনা ও উপদেশ প্রাপ্ত হই। ঐ অধ্যায়ের শেষ শ্লোকেই সর্বপ্রথমে শ্রীকৃষ্ণ আপনাকে ব্রহ্মতত্ত্ব ও পরমাত্ম-তত্ত্ব অপেক্ষা শ্রেষ্ঠ বলিয়া প্রচার করিয়াছেন। ব্রহ্মযোগে ও পরমাত্মার উপাসনাতে যে পদ প্রাপ্ত হওয়া যায় না, আমার ভজনাতে তাহা পাওয়া যায়, এইভাবে ব্রহ্মাশীল হইয়া আমার ভজনা যে করে, সেই বোগিগণের মধ্যে সর্বশ্রেষ্ঠ,—“স মে যুক্ততমো মতঃ”—ইহাই আমার মত, এখানেই শ্রীকৃষ্ণ সর্বপ্রথমে এই দাবী করেন। এই শ্রীকৃষ্ণ কে ?

এই প্রশ্নের উত্তরেই যেন ভগবান সপ্তম অধ্যায়ের প্রথমেই বলিতেছেন—

• ময্যাসক্তমনঃ পার্থ বোগ্যং যুগ্মদ্বাদাশ্রয়ঃ।

অসংশয়ঃ সমগ্রঃ মাং যথা জ্ঞাস্যসি তচ্ছূণুণা

“হে পার্থ! আমাতে একৈকচিত্ত হইয়া, আমাকে আশ্রয় করিয়া বোগাভ্যাস করিলে, যেক্ষেপে সর্বসংশয়াতীত হইয়া, আমাকে সমগ্রভাবে জানিতে পারিবে, তাহা তোমাকে বলিতেছি, শোন।”

জ্ঞানের কথা পূর্ব পূর্ব অধ্যায়েও বলা হইয়াছে, কিন্তু যাহাতে সকল সংশয় দূর হয়, সকল জিজ্ঞাসার নিরুত্তি হয়, এবং সমগ্ররূপে পরম তত্ত্বকে জানিতে পারা যায়, এখনও সে জ্ঞানের উপদেশ দেওয়া হয় নাই। ব্রহ্মের কথা বলা হইয়াছে, ব্রহ্মনির্ব্বাণ কিরূপে লাভ করিতে পারা যায়, তার কথা বলা হইয়াছে। পরমাত্মার কথাও বলা হইয়াছে। ব্রহ্মতে বিশ্বের উৎপত্তি-স্থিতি-নয়ন হয়। ব্রহ্মকে পাইতে হইলে, ব্রহ্মাণ্ডের মধ্য দিয়া তাহার অন্বেষণ করিতে হয়। জন্মান্তর যতঃ—বঁাহা হইতে এই ব্রহ্মাণ্ডের জন্ম-আদি হয়, এই ভাবেই উপনিষদ মুখ্যভাবে ব্রহ্মতত্ত্বের প্রতিষ্ঠা করিয়াছেন। পরমাত্মাকে পাইতে হইলে আত্মতত্ত্বের নিমগ্ন হইতে হয়। বাহির হইতে ভিতরে আসিতে হয়। বাবতীয় অনাস্ত্রাবিয় হইতে চিত্তকে প্রত্যাহৃত করিয়া, আপনার শুদ্ধ দ্রষ্টৃস্বরূপের মধ্যে ভূবিয়া যাইতে হয়। ব্রহ্মাণ্ড যেমন ব্রহ্মজ্ঞানের দ্বার-স্বরূপ; এই অশ্বদ-প্রত্যয়বাচক আশ্ববস্ত্র,—যাহাকে আমরা সত্যত আমি, আমি বলি, যাহা দ্রষ্টা-শ্রোতা-ভোক্তা-অনুমন্তারূপে আমাদের মধ্যে থাকিয়া, আমাদের জীবনের সকল জ্ঞান ও ভোগ সম্ভব করিতেছে, যাহার মধ্যে আমাদের চকল অন্তত্ব-প্রবাহের স্থায়িত্ব, জীবনের একত্ব প্রতিষ্ঠিত,—সেই আত্মাই পরমাত্ম-জ্ঞানের দ্বার-স্বরূপ। ব্রহ্মাণ্ডের মধ্যদিয়া, এই ব্রহ্মাণ্ডের জন্ম-আদির হেতুরূপে যে ব্রহ্মকে প্রাপ্ত হই, তিনি আমাদের অন্তর্ভুক্তি ও অভিজ্ঞতার একদেশ মাত্র অধিকার করিয়া আছেন। নিজের আত্মার মধ্যে, পরমাত্মারূপে যাহাকে প্রাপ্ত হই, তিনিও এই অন্তর্ভুক্তির ও অভিজ্ঞতার আর একদেশ-মাত্র পূর্ণ করিয়া আছেন। ঐ ব্রহ্মকে যদি সমগ্র-তত্ত্ব-রূপে ধরিতে যাই, তাহা হইলে অজ্ঞেয়তাবাদে বাইয়া পড়ি। কারণ,

এ ব্রহ্মকে কেবল তটস্থ লক্ষণার দ্বারাই প্রতিষ্ঠিত করিয়া থাকি। এই প্রত্যক্ষ জগতের জন্ম-স্তিতি-লয়ের অপ্রত্যক্ষ কারণরূপেই কেবল এই ব্রহ্ম আমাদের জ্ঞানগোচর হন। তিনি আছেন, এইমাত্র বলিতে পারি। কলতঃ “তিনি” এই সর্বনাম পর্যাপ্ত সত্তাভাবে তাঁহাতে প্রয়োগ করা যায় না। তাঁহাকে উপনিষদ এইজন্ম “তৎ”-তাহা বলিয়াছেন। সর্বদা “তিনি” বলিতে পারেন নাই। ইংরাজিতে এই ব্রহ্মতত্ত্বকে আমরা He বলিতে পারি না, That বলিয়া থাকি। ইংরাজ দার্শনিক হার্বট্টি স্পেনসার (Herbert Spencer) যাহাকে Unknown এক Unknowable, অজ্ঞাত ও অজ্ঞেয় বলিয়াছেন, কোনও কোনও দিক্ দিয়া বিচার করিলে, আমাদের প্রাচীনতম ব্রহ্মতত্ত্বও তাহাই। এই তত্ত্ব সম্বন্ধে কেনোপনিষৎ ত স্পষ্টই বলিয়াছেন—

ন বিদ্যো ন বিজানামো যথৈতদমুখিম্যাং।

আমরা তাঁহাকে জানি না। কিরূপে তাঁহার উপদেশ দিতে হয়, তাহাও জানি না।

অমৃতদেব ত্ববিদিতাদধো অবিদিতাদধি।

ইতি শুশ্রাম পূর্বেবাং যে ন স্ত্বদ্যাচচাক্ষিরে ॥

তিনি জ্ঞাত হইতে ভিন্ন, অজ্ঞাত হইতে শ্রেষ্ঠ—যেসকল পূর্ব পূর্ব আচার্য্যগণ এই ব্রহ্মের উপদেশ দিয়াছেন, তাঁহাদের নিকটে আমরা এইরূপই শুনিয়াছি।

অস্ত্যতি ক্রবিতি কথং তদুপলভাতে।

ব্রহ্ম আছেন—এই মাত্রই বলিতে পারা যায়। তাঁহার উপলব্ধি হইরে কিরূপে ?

এসকলই উপনিষদের ব্রহ্মতত্ত্বের মূল ও প্রাচীনতম কথা। ক্রমে এই ব্রহ্মশব্দ আয়ত্ত্ব পর্যাপ্ত বুঝাইয়াছে, সত্য। বাহিরে, বিশ্বে ব্রহ্মাণ্ডে, পরমতত্ত্বের অন্বেষণ করিয়া, তাঁহাকে সেখানে ধরিতে না পারিয়া, প্রাচীন ব্রহ্মসাধকেরা নিজের আত্মার মধ্যে সকল সত্তার ও জ্ঞানের মূলে তাঁহাকে প্রত্যক্ষ করিয়া, এই ব্রহ্মকেই

আত্মারূপে ভজনা করিয়াছেন, সত্য। কিন্তু এই আত্মাকেও তাঁহার কেবল সাক্ষীরূপেই দেখিয়াছেন,—

সাক্ষীশেতা নিগুণশচ

তিনি সাক্ষীচৈতন্য ও নিগুণ,—এইভাবেই পরম-তত্ত্বকে আত্ম-তত্ত্ব-রূপে প্রত্যক্ষ করিয়াছেন। এইজন্ম পরমাত্মার উপাসকেরা পর্যাপ্ত নিগুণ-তত্ত্বের উপরে উঠিতে পারেন নাই। ব্রহ্মাণ্ডে যে ব্রহ্মের সন্ধান পাওয়া যায়, তিনি অজ্ঞেয় বা কেবল সত্তা-মাত্র-জ্ঞেয়। জগতের অজ্ঞাত, অপ্রত্যক্ষ, অসুমানপ্রতিষ্ঠ, অজ্ঞাত-কারণরূপেই এই ব্রহ্ম-তত্ত্বের প্রতিষ্ঠা হয়। আত্মার মধ্যে, সাক্ষীচৈতন্যরূপে যাহার সাক্ষাৎকার পাওয়া যায়; তিনি অজ্ঞেয় নহেন, সত্য; কিন্তু নিগুণ। সকল সম্বন্ধের অতীত। তিনি, নিঃসঙ্গ, নিষ্ক্রিয়, সর্বপ্রকারের বিকার ও পরিণাম রহিত। সকল বর্ধিবয়সকে মন হইতে একান্তভাবে বিহ্বলত করিয়া, সকল ইন্দ্রিয়কে নিরুদ্ধ করিয়া, সমাধিতে এই পরমাত্মাকে প্রত্যক্ষ করিতে হয়।

ব্রহ্ম যেমন আংশিক তত্ত্ব, এই পরমাত্মাও সেইরূপ আংশিক। এই আত্মতত্ত্বের সঙ্গে প্রকৃতপক্ষে জগতের কোনও সম্বন্ধ বা সমন্বয় সাধন করা যায় না। এই নিগুণ-তত্ত্বের দ্বারা বিশ্ব-সমস্তার সীমাংসা করিতে যাইয়া, প্রাচীনেরা এইজন্মই জগৎকে মায়ী, জগতের সম্বন্ধ-সকলকে মায়িক ও পরমার্থতঃ মিথ্যা বলিয়া প্রচার করিতে বাধ্য হইয়াছেন। জগতের প্রত্যক্ষ অনুভূতির, সংসারের প্রত্যক্ষ বহুদেয়, জীবনের বিচিত্র সম্বন্ধসকলের, কোনও তৃপ্তিকর অর্থ এপথে খুঁজিয়া পাওয়া যায় না। জীবনের সমগ্র অভিজ্ঞতার নিঃশেষ সীমাংসার জন্ম ব্রহ্ম-তত্ত্ব বা পরমাত্মা-তত্ত্ব, হুঁএর কোনটিই পর্যাপ্ত হয় না। এইজন্মই ভগবান বলিতেছেন, ব্রহ্মজ্ঞানীগণ ও অধ্যাত্মাযোগীগণ যে পথে গমন করেন, তাহাতে পরম-তত্ত্বকে নিঃসংশয়রূপে, সমগ্রভাবে, জানিতে পারা যায় না। কোন পথে পাওয়া যায়, তাহা বলিতেছি,

শোন। এই শ্রেষ্ঠতম, পূর্ণতম, সমগ্র-তবের উপদেশের জগাই
গীতার সপ্তম অধ্যায়ের অবতারণা।

জ্ঞানং তেহং সবিজ্ঞানমিদং বক্ষ্যাম্যশেষতঃ।

যজ্ঞব্রাহ্মা নেহভূয়োহম্ভজ্ঞ জ্ঞাতব্যমবশিষ্যতে।।

অক্ষুভ্ৰুতি-সমবৃত্ত সম্পূর্ণ জ্ঞানের সমগ্র ব্যাখ্যা করিতেছি, প্রবেশ
কর। এই জ্ঞানলাভ হইলে পরে, সকল জিজ্ঞাসার নিঃশেষ নিবৃত্তি
হয় বলিয়া, আর কিছু জ্ঞাতব্য অবশিষ্ট থাকে না।

এই জ্ঞান কি? না, পুরুষ-প্রকৃতির জ্ঞান। এই তত্ত্ব অক্ষত
নহে। ইহা পরমানন্দ-তত্ত্বও নহে। ইহা প্রকৃতি-পুরুষ-তত্ত্ব। গীতার
সপ্তম অধ্যায়ে ঔগবান এই তত্ত্বের উপদেশই আরম্ভ করিয়াছেন।
এখান হইতেই গীতা প্রাচীন উপনিষদের অক্ষ-তত্ত্ব ও আত্ম-তত্ত্বকে
অতিক্রম করিতে আরম্ভ করিয়াছেন। এই সপ্তম অধ্যায়ই, আমার
মনে হয়, গীতার পরমতত্ত্বের বা ভগবত্তত্ত্বের চাবি-স্বরূপ। ক্রমে
ইহার সবিস্তার আলোচনা করিব।

শ্রীবিপিনচন্দ্র পাল।

কলিকাতা পিটল ম্যাগাজিন লাইব্রেরি
ও
গবেষণা কেন্দ্র
৯৯/এম, ট্যাওয়ার স্টেট, কলকাতা-৭০০০০৯

নারায়ণ

২য় বর্ষ, ১ম খণ্ড, ২য় সংখ্যা।

[পৌষ, ১৩২২ সাল

গান

পাহাড়ী—একতারা।

আজিকে বঁধু থেকে না পুরে
গোনা না জমন করণ সুরে।
ঝড়ের মাকে বাইলা হাওয়ায়
ঝড় উঠেছে পরাণ পুরে।
আজিকে তোমার সোহাগ ভরে
সকল দেহ উথলে পড়ে
আজিকে তোমার পরশ লাগি
ঝর ঝর ঝর নয়ন ঝরে।
আজিকে ঘোর বিরহ বাঁহি
উঠেছে ঝড় পরাণ পুরে।

ঐ—স্বরলিপি

[শ্রীউপেন্দ্রনাথ গঙ্গোপাধ্যায় কর্তৃক]

মাত্রা	১			+			°		
সা রে সা	নি	নি	নি	সা	সা	রে	সা	রে	—
আ জি কে	—	ব	ধু	খে	কো	না	বু	রে	—
মা গা মা	—	—	—	গা	রে	গা	রে	সা	—
ধে ধো না	—	এ	মন	ক	ক	ন	হু	রে	—

সম্বন্ধ সকল বজায় থাকে, না থাকে না? মৃত্যুর পরপারে বাইরা জীব সংসারের স্নেহ-প্রেম-ভক্তির বন্ধন হইতে মুক্তিলাভ করে, না এসকল বন্ধন সেখানেও থাকে? কিছুদিনের জন্ম থাকে, না নিত্যকাল থাকে? এই সকল প্রশ্নের সঙ্গে শ্রাদ্ধাদি পারলৌকিক ক্রিয়ার অতি ঘনিষ্ঠ সম্বন্ধ।

এ সংসারকে যাহারা মায়িক বলিয়া ভাবে, এসকল সম্বন্ধ অবিচার সৃষ্টি, আর এই অবিজ্ঞা বহুদিন ধরিয়া জীবকে অধিকার করিয়া থাকিলেও পরিণামে এই অবিচার বিনাশ করিয়াই জীব মোক্ষ-লাভ করে, এই যাহাদের বিশ্বাস; মৃত ব্যক্তির এই অবিজ্ঞা-বন্ধন-মোচন করিবার জন্ম জাহারা তাহার শ্রাদ্ধ করিতে পারে। কিন্তু সে শ্রাদ্ধ প্রাচীন বৈদিক যাগযজ্ঞের মতন একটা ঐন্দ্রজালিক ব্যাপার হইয়া রহে। বাজীর যেমন শূণ্য হইতে বস্তুর প্রস্তুত করিয়া দেখায়, আকাশে হাত পাতিয়া অঞ্জলি পূরিয়া টাকা বাহির করে, অথবা মন্ত্রোচ্চারণ করিয়া প্রাচীনকালে লোকে যেমন রোগ আরোগ্য করিত বলিয়া শোনা যায়, কিম্বা মন্ত্রবলে মারণ উচ্চাটন প্রভৃতি কর্মসাধনের কথা যাহা আছে, শ্রাদ্ধও এইরূপ একটা অতিপ্রাকৃত ঐন্দ্রজাল মাত্র হইয়া দাঁড়ায়। কোনও মন্ত্রাদি উচ্চারণে কিম্বা কোনও ক্রিয়াবিশেষের অনুষ্ঠানে, কোনও প্রত্যক্ষ বা বোধগম্য উপায়-উদ্দেশ্যের কিম্বা কার্যকারণ-সম্বন্ধের প্রতিষ্ঠা ব্যতীত, কোন প্রত্যক্ষ বা অপ্রত্যক্ষ, বর্তমান বা ভবিষ্যৎ ফল উপাদান করাকেই আমরা ঐন্দ্রজাল বলি। আমাদের দেশের প্রচলিত শ্রাদ্ধক্রিয়াতে-এরূপ বহুবিধ ঐন্দ্রজালিক ব্যাপার আছে। পুরকপিগাণ্ডি দানে মৃত ব্যক্তির পারলৌকিক অভাব পূরণ হয়, ইহাও প্রত্যক্ষ ঐন্দ্রজাল; এখানে পিশুদান করিয়া, 'জে! পিশু গয়ায়াঃ ত্রজ' বলিবামাত্রই এই পিশু বা তাহার অদৃশ্য সারভাগ বা এই ক্রিমার ফল গয়াতে বাইয়া কলিবে, ঐন্দ্রজাল ব্যতীত আর কোনও প্রকারে ইহা সম্ভব হয় না। দর্ভময় ত্রাজ্ঞ প্রস্তুত করিয়া, তাহাকে তিলাঞ্জলি দান করিলে, সেই অঞ্জলি পিতৃলোকেরা এাণ্ড হইবেন

বা এাণ্ড হইয়া থাকেন; অথবা এখানে বুঝাৎসর্গ করিলে সেই ক্রিমার ফলে প্রেতব্যক্তি সংসারমাগর উত্তীর্ণ হইয়া স্বর্গলোকে গমন করিবেন, ইহা সত্য বলিয়া যাহারা বিশ্বাস করেন, তাহারাও ইহাকে ঐন্দ্রজাল বলিয়া মানিতে বাধ্য হইবেন। ঐন্দ্রজাল সত্য হইতে পারে, কি পারে না; সে প্রশ্ন এখানে উঠে না। সে প্রশ্ন স্বতন্ত্র। কিন্তু ঐন্দ্রজাল সত্যই হউক আর মিথ্যাই হউক, প্রচলিত শ্রাদ্ধানুষ্ঠানের মধ্যে যে বিস্তর ঐন্দ্রজালিক ব্যাপার আছে, ইহা অস্বীকার করা অসম্ভব। বৈদিক যাগযজ্ঞাদি সকলই এরূপ ঐন্দ্রজালিক ব্যাপার ছিল। যথা-বিধি বৈদিক মন্ত্র উচ্চারণ করিয়া, যাগযজ্ঞাদি করিলে, সেই সকল মন্ত্রের ও ক্রিমার অতিপ্রাকৃত শক্তির প্রভাবে ইহলোকে বা পরলোকে নির্দিষ্ট ফল উৎপন্ন হয়, যাজ্ঞকেরা ইহা বিশ্বাস করিতেন। জৈমিনি মুনি ইন্দ্রাদি দেবতার অস্তিত্ব পর্যন্ত অস্বীকার করিয়াছেন, অথচ শুদ্ধ বৈদিক মন্ত্রের ও যজ্ঞাদি কর্মের আপন আপন নির্দিষ্ট ফল উপাদান করিবার শক্তি আছে, ইহা প্রতিপন্ন করিতে চেষ্টা করিয়াছেন। প্রাচীন ধর্মনীমাংসায় বা পূর্বনীমাংসায় এই সিদ্ধান্তেরই প্রতিষ্ঠা হইয়াছে।

উপনিষদের ত্রাজ্ঞান ও অধ্যাত্তত্ব প্রচার হইয়া, ক্রমে এসকল প্রাচীন কর্মকাণ্ড জ্ঞানীগণের চক্ষে হীন হইয়া পড়ে। তাঁহারা স্বর্গাদিলোকে বিশ্বাস করিতেন, সত্য; কিন্তু এই ভুলোকের মতন ঐ সকল স্বর্গাদিলোকও অস্বাভাবিক; জীব-পুণ্যবলে স্বর্গলাভ করিতে পারে, কিন্তু সেই পুণ্য ক্ষয় হইয়া গেলে, তাহাকে পুনরায় এই মর্ত্যলোকে আসিতে হয়। অতএব স্বর্গাদিলোকপ্রাপ্তিতে জীবের নিশ্চেষ্টসলাভ হয় না। যাগযজ্ঞাদিমাত্র স্বর্গাদি-লাভ সম্ভব হইলেও, মোক্ষলাভ হয় না। কেবল আত্মজ্ঞান বা ত্রাজ্ঞানের দ্বারা এই নিশ্চেষ্ট বা চরম মুক্তিলাভ হয়। এই মুক্তি যখন লোকের চরম মাধ্য হইল- আর ত্রাজ্ঞ-জ্ঞান ভিন্ন কোনও প্রকারের ক্রিয়াকলাপের দ্বারা মুক্তিলাভ যখন অসাধ্য বলিয়া প্রচারিত হইল, তখন বৈদিক

বাগবজ্রাদির প্রভাব যেমন হ্রাস হইতে লাগিল, সেইরূপ, তারই সঙ্গে সঙ্গে, শ্রাদ্ধাদি পারলৌকিক ক্রিয়ার মূল্য এবং সার্থকতাও কমিয়া গেল। যে স্বর্গাদিলোক ইচ্ছা করে, সে শ্রাদ্ধাদি কর্ম করিতে পারে; কিন্তু মুক্তি যে চাহে, তাহার এলকলের কোনও অপেক্ষা নাই। ব্রহ্মজ্ঞান যে লাভ করিয়াছে, তাহার শ্রাদ্ধ নিশ্চয়োজন। দেহটা আত্মা নয়; দেহ নশ্বর, আত্মা অবিনাশী; দেহের জন্মমৃত্যু আছে, আত্মা অজ ও অমর; দেহের বিনাশে আত্মার বিনাশ, দেহের বিকারে আত্মার বিকার ঘটে না; এই জ্ঞান বাহার ফুটিয়াছে, তাহার আর শ্রাদ্ধের প্রয়োজন কি ?

আমাদের দেশে বহুদিন হইতে বৈদান্তিক ব্রহ্মজ্ঞান সংসারের পারমার্থিক সম্পর্ক অস্বীকার করিয়া আসিয়াছে। ব্রহ্ম সত্য, জগৎ মিথ্যা—ইহাই এই ব্রহ্মজ্ঞানের মূল সূত্র। এসকল ব্রহ্মজ্ঞানী এই মন্ত্রই সাধন করিয়া থাকেন। ব্রহ্মের সঙ্গে এক হইয়া যাওয়াকেই তাঁহারা চরম মুক্তি বলিয়া মনে করেন। জগৎ মায়ায় খেলা। সংসারের বিবিধ স্নেহ-প্রেম-ভক্তি-সেবার সম্বন্ধ সকল মায়িক, মিথ্যা। পিতামাতা, পুত্রকন্যা, সখাসখী, পতিপত্নী প্রভৃতিতে সকল মমত্ববোধ নষ্ট করাই কর্তব্য, এগুলির অনুশীলন করা ব্রহ্মসাধনের অন্তরায়, মায়াবাদী ব্রহ্মজ্ঞানীর এই উপদেশ।

তুমি কার, কে তোমার, কারে বল রে আপন,

মহামায়া নিজাবেশে দেখিছ স্বপন,—কারে বল রে আপন!

জীবের কানে ইহারা এই গানই গাহিয়া থাকেন।

কা তব কান্ধা রুপ্তে পুস্ত্রঃ

সংসারোহয়মতীব-বিচিত্রঃ—

মৃত্যু-চিন্তা এই বৈরাগ্যই জাগাইয়া দেয়। সংসারের মায়ায় বন্ধন আলগা করিবার জন্মই ইহারা "শেষের সে দিন ভয়ঙ্করকে" মনে করাইয়া দেন। এপথে বাঁহারা চলেন, তাঁহাদের নিকটেও, শ্রাদ্ধের কোনও গভীর মূল্য কিম্বা সত্য সার্থকতা থাকিতে পার্বে না।

একঃ প্রজ্ঞাতে জন্তুরেকএব প্রলীয়তে।

একোহমুভুক্তস্তে স্কৃততমেকএব তু দ্রুতং ॥

জীব একাকী জন্মগ্রহণ করে, একাকী লয়প্রাপ্ত হয়, একাকী আপনার স্কৃত ও দ্রুত উপভোগ করে—বলিয়া, ইহারা মৃত্যুর সঙ্গে সম্বন্ধ সংসারের সকল প্রকারের সম্বন্ধের একান্ত উচ্ছেদ সাধন করেন।

নামৃত্ব হি সহযার্থং পিতা মাতা চ তিষ্ঠতঃ।

ন পুত্রদারং ন জ্ঞাত্বিধর্ম্মতিষ্ঠতি কেবলঃ ॥

মৃত্যুর পরপারে জীবের সাহায্যার্থে পিতা মাতা, পুত্র বা স্ত্রী, কিম্বা জ্ঞাত্তিবর্গ কেহই থাকে না, ধর্ম্মই কেবল তাহার সঙ্গে থাকে—এই বলিয়া ইহারা এপার ও ওপারের মধ্যে একটা ঐকান্তিক বিচ্ছেদ ও ব্যবধান কল্পনা করেন। আর এই বাঁহাদের সিদ্ধান্ত, এই বাঁহাদের বিশ্বাস, এই বাঁহাদের মত, পরলোকে বিশ্বাস করিয়াও, বাঁহারা ঐ পরলোকের সঙ্গে ইহলোকের কোনও সত্য, সজীব, প্রাণগত সম্বন্ধ বা যোগ আছে বা থাকিতে পারে, বিশ্বাস করেন না, তাঁহাদের নিকটে শ্রাদ্ধ একটা অল্পবিস্তর নিরর্থক লৌকিক ও সামাজিক ক্রিয়া মাত্র।

কিন্তু পরলোকগত শ্রিয়জনের শ্রাদ্ধ করিতে যে বাসিবে, তার নিকটে প্রথম ও প্রধান প্রশ্ন কেবল মৃত ব্যক্তির অস্তিত্ব আছে কি নাই, তাহা নহে, কিন্তু তাহার সঙ্গে আমার ইহলোকের স্নেহ-প্রেম-ভক্তির সম্বন্ধও আছে, না নাই? যে দেহকে আশ্রয় করিয়া এসকল সম্বন্ধ প্রকাশিত হইয়াছিল, সে দেহ নষ্ট হইয়া গিয়াছে। শাশুতো ভাহাকে দখল করিয়া আসিয়াছি। সে পঞ্চভৌতিক শরীর পঞ্চভূতে মিশিয়া পঞ্চপ্রাপ্ত হইয়াছে। কিন্তু এই দেহের নাশে তার সর্কীই কি নষ্ট হইয়া গিয়াছে? তার আত্মা অজর, অমর,

এই আত্মার মৃত্যু নাই, দেহের বিনাশে আত্মা বিনষ্ট হয় না ; আত্মা চিরদিন থাকে । কিন্তু এই থাকার অর্থ কি ? আধুনিক জড়বিজ্ঞান যেভাবে শক্তির গননখরবের প্রতিষ্ঠা করে, আত্মার-অমরত্বও কি তারই মতন ? জড়বিজ্ঞান বলে—এই জগতে আমরা যে সকল শক্তির খেলা দেখি তাহা এক ও অনন্যর । শক্তির আকার বা প্রকাশের পরিবর্তন হয়, কিন্তু মূল বস্তু সর্বদা এক ও সমান থাকে । যে শক্তি রাসায়নিক রাজ্যে ভিন্ন ভিন্ন পদার্থের যোগ ঘটায় ও বিভিন্ন রূপ পদার্থের সংযোজনে ও বিয়োজনে বিবিধ মিশ্রপদার্থের সৃষ্টি করিতেছে, তাহাই আবার অবস্থাবিশেষে তড়িৎশক্তিরূপে প্রকাশিত হইতেছে । এই ভাবে এক জাতীয় শক্তি অল্প জাতীয় শক্তিতে পরিণত হয় ; কিন্তু তার প্রকাশের পরিবর্তন ঘটিলেও, মূল শক্তিস্তা সমানই থাকে । জড়বিজ্ঞান এই যে conservation of energy এবং transmutability of force এর কথা বলে, আত্মার অমরত্বও কি ইহারই অনুরূপ ? মানুষের শরীরটা মৃত্যুতে যে এইরূপ ভিন্ন ভিন্ন ভৌতিক পদার্থে পরিণত হয়, ইহা প্রত্যক্ষ কথা । দেহের ভৌতিক উপাদান ভূতগ্রামে মিশিয়া যায়, নিঃশ্বাস বায়ুতে, দুগ্ধি তেজে, শোণিতের জলভাগ জলেতে, অস্থিসংসমেদ প্রকৃতি পৃথিবীর ভিন্ন ভিন্ন পদার্থেতে মিশিয়া যায়, ইহা প্রত্যক্ষ বিষয় । প্রাচীনরা ইহা দেখিয়াই, মৃত্যুকে পঞ্চপ্রাপ্তি বলিতেন । কিন্তু এই শরীরের ভৌতিক উপাদান বেরূপ ভূতগ্রামে মিশিয়া যায়,—তাদের আকারেরই পরিবর্তন হয়, কিন্তু বস্তুর ধর্ম ও পরিমাণ সমান থাকে ; সেইরূপ আত্মাও কি আপনার সজাতীয় বা স্বজাতীয় বস্তুতে বাইরা মিশিয়া ধ্বংস ? নিঃশ্বাস যেমন এই নির্খল তেজোমণ্ডলে মিশিয়া যায়, চক্ষুর তেজ যেমন এই নির্খল তেজোমণ্ডলে মিশিয়া যায়, সেইরূপ বাহ্যকে আত্মা বলি, আমাদের অহংবস্তু বাহ্য, বাহ্যকে লইয়া আমাদের জীবন, ব্যক্তিত্ব, তাহাও কি নির্খল আত্মাঙ্গণ্যে মিশিয়া যায় ? মৃত্যুতে আমাদের আত্মা কি বিখ্যাত্তে, মিশিয়া

যায় ? রাসায়নিক শক্তি বা chemical force যেমন তড়িৎ শক্তিতে বা electricity'তে পরিণত হয়, তখন তার রাসায়নিক যেমন অদৃশ্য হইয়া যায়, আর তাহা জ্ঞানগমা হয় না ; আমাদের মৃত্যুতে আত্মা-বস্তু কি সেইরূপ বিখ্যাত্তে বা ত্রস্মেতে বা অনস্তেতে মিশিয়া যায়, আমাদের এ সংসারের ব্যক্তিত্ব বা personality আর থাকে না ? যে রূপেতে আমরা ছিলাম, সে রূপেতে আর থাকি না, অল্প রূপেতে পরিণত হই ? তাহাই যদি হয়, তবে দেহের বিনাশে আত্মার বিনাশ হয় না, আমাকে একথা বলিয়া ও শুনাইয়া ফল কি ? কারণ ঐ রূপই ত আমার সর্বস্ব । এই শরীরের রূপ নহে, কিন্তু আমার এই আত্মার, এই অহং'এর, এই আমি'র, রূপই ত আমার সর্বস্ব । কারণ রূপের ধর্মই এক বস্তুকে অপর বস্তু হইতে পৃথক করা । বৈশিষ্ট্য যাহাতে প্রকাশিত হয়, তাহাই বস্তুর রূপ । আর • আমার আত্মার কোনও বৈশিষ্ট্য আছে, না নাই ? আত্মারূপে আমি অল্প সকল আত্মা হইতে স্বতন্ত্র, কি না ? এই স্বাতন্ত্র্যই আমার বৈশিষ্ট্য । ইহাই আমার আমিত্ব । ইহাই আমার ব্যক্তিত্ব । ইহাই আমার personality—এই ব্যক্তিত্ব যদি মৃত্যুর পরেও না থাকে, তবে অমৃতের পুত্র বলিয়া আমাকে আশ্বাস দান করিবার চেষ্টা বৃথা । এ ত আশ্বাস নহে, মর্দংঘাতী বিক্রম মাত্র !

আমাদের দেশের প্রাচীন শাস্ত্রে বলে জীবের যেমন একটা ভৌতিক, স্থূল দেহ আছে ; সেইরূপ একটা সূক্ষ্ম দেহও আছে । মৃত্যুতে এই ভৌতিক দেহই নষ্ট হয়, • এই ভৌতিক শরীরের অভ্যন্তরে যে সূক্ষ্মশরীর বা লিপশরীর আছে, তাহা বিনষ্ট হয় না । • মৃত্যুর পরে ঐ লিপদেহকে আশ্রয় করিয়াই, জীবাত্মা আপনার বৈশিষ্ট্য, আপনার স্বাতন্ত্র্য, আপনার ব্যক্তিত্বকে রক্ষা করে । সাংখ্য-সূত্র বলেন—সংস্থতির্লাভানাং—এই সকল লিপদেহই মরিয়া আবার জন্মে, জন্মিয়া আবার মৃত্যুর দ্বারা আচ্ছন্ন হয় । এই লিপশরীরকে আশ্রয় করিয়াই জীব আপনার কর্মফল ভোগ করিবার অল্প বার-

যার এই সংসারে জন্মগ্রহণ করে। দেহ-শ্রেণ-ভক্তি-সেবা প্রকৃতি সধকের আশ্রয় ও প্রতিষ্ঠা এই লিঙ্গশরীর। জীবের বুলশরীরের উপাদান যেমন এই ভূতগ্রাম, তার লিঙ্গশরীরের উপাদান সেইরূপ তার কৰ্ম্মজ সংস্কারাদি। কৰ্ম্মকয়ে, সংস্কারের বিনাশে, বাসনার নিঃশেষ বিলোপে, এই লিঙ্গশরীরও নষ্ট হইয়া যায়। তখনই তার কৈবল্যালাভ হয়। তখনই জীবাত্মা পরমান্বাতে বিলীন হয়। তলে যেমন জল মিশিয়া যায়, বায়ুতে যেমন বায়ু মিশিয়া যায়, সেইরূপ নিশ্চিন্ত হইয়া, নিঃশেষে মিশিয়া যায়। ইহাই জীবের চরমাবস্থা। তখন আর তাহার কোনও সংসার-সম্বন্ধ থাকে না। এ অবস্থালভ যার হইয়াছে, তার কোনও শ্রদ্ধাও হয় না। লিঙ্গশরীরের জন্মই শ্রদ্ধার প্রয়োজন। লিঙ্গশরীরই, মূরগাও, সংসারের সম্বন্ধের স্মৃতি জাগাইয়া রাখিয়া, শোকদ্ভুগাদি ভোগ করে। এইজন্মই জীব পঞ্চ-প্রাপ্তিতে ভৌতিক বন্ধনমুক্ত হইয়াও, সংসারের বন্ধনে আবদ্ধ থাকে। দেহ না থাকিলেও, স্বপ্নাবিষ্ট লোকের মত, দেহের ক্ষুৎপিপাসাদির দ্বারা পীড়িত হয়। এইজন্মই পিণ্ডাদি দান করিয়া, তাহার তৃপ্তি-সাধন করিতে হয়। আর এই তৃপ্তি সাধিত হয়, ইন্দ্রজাল প্রভাবে

—শ্রদ্ধার মন্ত্র ও অমৃত্যুনের অন্তর্নিহিত অতিপ্রাকৃত শক্তির বলে।
মধ্যযুগের বৈদান্তিক মায়াবাদ এই মীমাংসাতেই সন্তোষলাভ করিয়াছে। সংসারকে যাহারা মায়ার খেলা বলিয়া ভাবে, সর্ব-প্রকারের ভেদবুদ্ধি ও ব্যক্তিত্ব-জ্ঞানকে যাহারা অবিজ্ঞা বা অজ্ঞান-প্রসূত বলিয়া মনে করে, সকলপ্রকারের সম্বন্ধের বিলোপ-সাধনেই জ্ঞান পরিপূর্ণ ও সার্থক হয়, ইহা যাহারা মনে করে, অথচ জীবের এই ব্যক্তিত্ববোধকে একেরারে নষ্ট করা অসাধ্য না হউক অত্যন্ত দুঃসাধ্য ইহা প্রতিদিন প্রত্যক্ষ করে, অদ্বৈতব্রহ্মসিদ্ধি লাভ না করিয়াই কোটি কোটি জীব মুক্ত্যুপে পড়িতেছে ইহা দেখে, তাহাদের পক্ষে একটা সিদ্ধান্তের প্রতিষ্ঠা করা স্বাভাবিক। এই মীমাংসাতে তাহারা তৃপ্ত হইতে পারে। কিন্তু ইহা ত কেবল

জীবের ব্যক্তিত্ব নহে, ঈশ্বরের, ঈশ্বরহ পর্ধ্যস্ত প্রকৃতপক্ষে বিলোপ প্রাপ্ত হয়। এই পথে যে ঈশ্বর-তবে বা ব্রহ্মতবে বা পরমতবে পৌঁছিতে হয়, তাহা নিশ্চয়তঃ। তাহার অস্তিত্ব মাত্র মানিতে পারা যায়, কিন্তু তাহাতে সত্যভাবে জ্ঞান-প্রেমাদি ধর্ম্মের প্রতিষ্ঠা করা সম্ভব হয় না। কারণ জ্ঞান বলিতেই জ্ঞাতা, জ্ঞেয়, এবং এতদ্ব্যয়ের সম্বন্ধ বুঝায়। জ্ঞেয় নাই, জ্ঞাতা আছেন; জ্ঞাতা ও জ্ঞেয়ের সম্বন্ধ নাই, অথচ জ্ঞান আছে, ইহা বুদ্ধির অগম্য। পরম-তবে আপনি আপনার জ্ঞেয়, আপনি আপনার জ্ঞাতা, ইহা বলা যায় বটে। আর ইহাই সত্য সিদ্ধান্ত। কিন্তু তাহা হইলেই তাঁর নিজের স্বরূপের মধ্যেই একটা ভেদ, একটা বৈত, এবং তারই সঙ্গে সঙ্গে একটা অভেদ, একটা অদ্বৈত তবের প্রতিষ্ঠা করিতে হয়। এই ভেদ নিত্য। এই অভেদ নিত্য। এই অভেদের মধ্যেই নিত্য। এই নিত্য ভেদের সৃষ্টি হইতেছে। এই ভেদের মধ্যেই নিত্য অভেদ প্রতিষ্ঠিত হইতেছে। এই অচিন্ত্য ভেদাভেদের মধ্যে জ্ঞান-স্বরূপ আপনার নিত্য জ্ঞানলীলায় নিযুক্ত রহিয়াছেন। এই পথে, এই ভাবেই, পরমতবেতে “স্বাত্মিকী জ্ঞান-বল-ক্রিয়ার” প্রতিষ্ঠা হইয়াছে। জ্ঞাতারূপে এই অদ্বৈততবেই পুরুষ। জ্ঞেয়রূপে এই অদ্বৈততবেই আবার প্রকৃতি। সেইরূপ, প্রেমলীলার জন্মও, এই অচিন্ত্য ভেদাভেদের প্রতিষ্ঠা করিতে হয়। শ্রেমিকরূপে এই অদ্বৈততবেই পুরুষ; এই প্রেমের বিষয় বা প্রেমের পাত্ররূপে এই অদ্বৈততবেই প্রকৃতি। এইরূপে আপনি আপনার প্রেমের আশ্রয়, ও আপনি আপনার প্রেমের বিষয় হইয়া, তিনি আপনার মধ্যে নিত্য প্রেমলীলাতে নিযুক্ত রহিয়াছেন। -এইভাবে যে পরমতবের সাধন না করে, এই সিদ্ধান্তকে যে গ্রহণ না করে, কিম্বা না করিতে পারে, তাহার নিকটে ব্রহ্মের জ্ঞান ও আনন্দ, অর্থাৎ ব্রহ্মের আশ্রয় কখনই স্বল্পতন্ত্র (real) হয় না। সংসার তার নিকটে সত্য নয়। সংসারের ক্রিয়াকর্ম্ম, ধর্ম্মাধর্ম্ম, প্রেমভক্তিসেবার হৃদয় সম্বন্ধসকল,

এসকল সৃষ্টির উৎকর্ষসাধনের জন্ম বাহা কিছু যমানয়বাদি অব-
লম্বিত হইত না কেন, এমন কি ভগবানের ভজনপূজন পর্য্যন্ত
অবিভাববিষয়ানি হইয়া যায়। অজলোকের মনোরঞ্জনের ব প্রাকৃত
জনের চিত্তশুদ্ধির জন্ম এগুলির প্রয়োজন থাকিলেও এসকলের
কোনও পারমার্থিক ও নিত্য অর্থ বা সাফল্য নাই ও থাকিতে পারে
না। এই জনাই সকলপ্রকারের দৈতবুদ্ধি নষ্ট করিয়া যাহারা
অস্বাভাবিকসিদ্ধিলাভ করেন, তাঁহাদের জীবনে কোনও সাধনভঙ্গনের,
মৃত্যুতে কোনও শ্রাদ্ধার আর শ্রেয়োজন থাকে না। এই কারণেই
দণ্ডীসম্মাসীদের শ্রাধ হয় না।

ফলতঃ মধ্যযুগের মায়াবাদ এদেশের হাড়ে হাড়ে প্রবেশ করিয়া
রহিয়াছে বলিয়া, প্রায় সকল লোকেই, প্রকৃতপক্ষে, একটা ঐন্দ্র-
জালিক ব্যাপারের মতনই, প্রচলিত শ্রাদ্ধক্রিয়ার অনুষ্ঠান করিয়া
থাকেন। এই বিষয়ে গৃহস্থ বৈদান্তিক ও বৈষ্ণবের, জানামার্গাবলম্বী
ভক্তিকের এবং ভক্তিপন্থাবলম্বী ভাগবত সম্প্রদায়ের মধ্যে বিশেষ কোনও
পার্থক্য দেখা যায় না। সকলেই সংসারের স্নেহপ্রেমভক্তির সধকক্ষে
মায়ািক বলিয়া মনে করেন। এ মায়ার বন্ধকে অতিক্রম করিবার
জন্ম সকলেই ইচ্ছুক। আর মৃত ব্যক্তির এই কর্মবন্ধন ছেদন
করিবার জন্মই ইঁহার বৈদিক মন্ত্রাদি উচ্চারণ করিয়া, পুরকপিণ্ডাদি দান
করেন। যাহারা ভেদধারী বৈষ্ণব, দণ্ডীসম্মাসীদের ছায়, কেবল
তাহাদেরই শ্রাধ হয় না। সম্মাসীদের মৃত্যুতে “ভাণ্ডারা” আর
ভেদধারী বৈষ্ণবের মৃত্যুতে “মহোচ্ছব” দিয়াই জীবিতেরা তাহাদের
সধক্ষে বাহা কিছু পারলৌকিক কর্তব্য সাধন করিয়া থাকেন।

শ্রাদ্ধের সত্য অর্থ-বুঝিতে হইলে, সকলের আগে, এই মধ্যযুগের
সম্মাসমুখী মায়াবাদকে অতিক্রম করিতে হইবে। এ সংসার মায়া
খেলা নয়, কিন্তু ভগবানের অন্তরঙ্গ নিত্য-রসলীলারই বিহরাভিনয়, এইটি
যে বিশ্বাস না করে, সে সত্যভাবে শ্রাদ্ধের মর্ম গ্রহণ করিতে পারে
না। ঈশ্বরকে আমরা পিতা বলিয়া ডাকি। সত্যই কি তিনি পিতা ?

শিশুধর্ম কি সত্য সত্যই তাঁর স্বরূপের অন্তর্গত ? তাহা যদি হয়,
তবে এই শিশুদের সার্থকতার জন্ম, তাঁর স্বরূপের মধ্যেই পুত্রদেরও
স্থান করিতে হইবে। খৃষ্ট-ধর্মেতে এই তথটিকে বুঝি ফুটাইয়া
ডুলিয়াছে। ঈশ্বরের শিশু প্রার্থিতা করিতে যাইয়া খৃষ্টীয়ান ত্রিঈশ্বর
বা Trinity, তাঁর অজ বা অগ্রজ একমাত্র পুত্রেরও প্রার্থিতা করিয়াছে।
খৃষ্টীয় ঈশ্বরতত্ত্ব কেবল পিতা বা Father নহেন; কিন্তু পিতা এবং পুত্র,
Father এবং Son, আর এই পিতা-পুত্রের দৈতকে প্রতিনিয়ত
প্রার্থিতা ও নম্র করিয়া, যে তত্ত্ব ইঁহাদের একত্ব প্রাকৃত ও রক্ষা করিতেছে,
সেই Holy Ghost বা “পবিত্রাত্মা”—এই তিনি মিলিয়া খৃষ্টীয় ঈশ্বর-
তত্ত্বের বা পরম ভগ্নের প্রার্থিতা হইয়াছে। খৃষ্টীয় ঈশ্বর-তত্ত্ব এই পিতা-
পুত্রের সধকের মধ্য দিয়াই আপনার জ্ঞান-শ্রেমাধিকে সম্বল ও পূর্ণ
করিতেছে। অন্যদিকাল হইতে পিতা-পুত্রের মধ্যে এই লীলা
চলিয়াছে। আমাদের ভক্তিশাস্ত্র যাহাকে লীলা বলেন, খৃষ্টীয়ান শাস্ত্র
তাহাকেই Eternal Colloquy between the Father and the
Son—অর্থাৎ পিতাপুত্রের মধ্যে অনাতনস্তু “স্বগতোক্তি” বলিয়াছেন।
নাম ভিন্ন, কিন্তু বস্তু এক। ঐ পারমার্থিক শিশু-পুত্রের অনুকরণেই
সংসারের পিতৃ-পুত্র সধকের ব্যাপ্তি হইয়াছে বলিয়া, এই সধকও সত্য;
এই সধকের দায়িত্ব ও কর্তব্য সত্য। সংসারের সর্ববিধ সধক এই
পিতা-পুত্রের সধক হইতেই গড়িয়া উঠে, তাহারই সঙ্গে যুক্ত বলিয়া,
সকল সধকই সত্য।

কেন সত্য ? ইহার নিগূঢ় তত্ত্ব খৃষ্টীয় সাধনা যতটা ধরিতে
পারিয়াছে, আমাদের দেশের ভক্তিসাধনা তদপেক্ষা অনেক বেশী
ধরিয়াছে। আমাদের ভক্তিসাধনা পরমতত্ত্বের কেবল পিতা-পুত্রের
নহে, কিন্তু সংসারের সকল প্রেমের বা রসের সধকেরই প্রার্থিতা
করিয়াছে। ভগবানের স্বরূপের মধ্যে দাস-ও-প্রভু, যথা-ও-সখা,
পিতামাতা-ও-পুত্রকন্যা, পতি-সত্য, প্রণয়ী-প্রণয়িনী, নায়ক-নায়িকা,
সকল রসের সধকের প্রার্থিতা করিয়াছে। এই ভাবে আমাদের ভক্তি-

পদ্ম তাঁহার অন্তরঙ্গ নিত্য-লীলার মধ্যে, এই সকল প্রত্যক্ষ সম্বন্ধের অপ্রত্যক্ষ ও নিত্যসিদ্ধ আদর্শের প্রতিষ্ঠা করিয়া, দ্বন্দ্ব, সখা, বাৎসল্য, মাধুর্য্য এই চারিটিকে স্বায়ীরসরূপে গ্রহণ করিয়াছে ও সাধন করিতে চেষ্টা করিয়াছে। এই স্বায়ী রসচতুষ্টয়ের অনাদি, অনন্ত, নিত্য আশ্রয় ও প্রতিষ্ঠা বলিয়াই, ভগবানকে এই ভক্তিপদ্ম নিখিলরসামৃত-মূর্তিরূপে ভজন করিয়াছে। এই সিদ্ধান্ত ব্যতীত জটিল ও বিপরীত ও বিচিত্র বিশ্ব-সমস্তার আর কোনও মীমাংসার পথ খৃষ্টিয়া পাওয়া যায় কি ?

সংসারের বিবিধ মেহ-প্রেমের সম্বন্ধের মধ্যে যে একটা নিগূঢ়, অভেদ্য রহস্ত জাগিয়া রহে, তার মীমাংসা করিবে কে ? এ সকল সম্বন্ধ মাত্রেই অহেতুকী। সন্তান ভূমিষ্ঠ হইবার পূর্বে হইতেই মাতা যে তার কল্যাণ-ধ্যানে নিযুক্ত হন, সেই অদৃষ্ট সন্তানের মুখ দেখিবার জন্ত ক্ষুধিত তৃপ্ত হইয়া রহেন, ভূমিষ্ঠ হইবামাত্র যে সেই রক্তমাংসের পিণ্ডকে শ্রোণ দিয়া প্রাণের ভিতরে টানিয়া লয়েন, এই অদ্ভুত বিশ্ব-বিজয়ী মেহের মূল কোথায় ? শত শত কুমারীর মধ্যে যে কোনও না কোনও যুবকের প্রাণ দৃষ্টিমাত্র একজনকে আপনার বলিয়া বাছিয়া লয়, এই প্রেমেরই বা মূল কোথায় ? শত শত বালক বা বালিকার মধ্যে যে স্নানর শৈশব-বৌবনের প্রদোষালোকে দাঁড়াইয়া, এক একটিকে নিজের বলিয়া প্রাণে টানিয়া আনি, এই সখ্যারই বা মূল কোথায় ? এ-ই যে ইহাদের সঙ্গে প্রথম পরিচয়, এমনটা ত মনে হয় না। এইরূপ সত্য রসের সম্বন্ধ যেখানেই গড়িয়া উঠে, সেই-খানেই, তার পশ্চাতে যেন একটা অনন্তকালের ইতিহাস, একটা অনাচলন্য রহস্ত লুকাইয়া আছে,—মনে হয়। ইহা কি কেবলই কল্পনা ? কল্পনাই যদি হয়, তবু এ কল্পনাও ত অহেতুকী নহে। অকারণে বিশেষ কোনও কার্যই ত কল্পনা করা যায় না। এই যে রসের ক্রিয়া, তাহাকে তবে অকারণ বলিবে কেমন করিয়া ? বিশেষ সর্বিত্রই একটা পূর্বাবির সম্বন্ধের জাল দিগ্ভূত রহিয়াছে দেখিতে পাই। এই

সকল রসের সম্বন্ধেরই কেবল কোনও পূর্বাবির নাই, এরূপ কল্পনা করিবে কেমনে ? এসকল মায়ার খেলা বলিলেও, মূল সমস্তার মীমাংসা, গোড়ার প্রশ্নের কোনও উত্তর—হয় না। মায়াই বা আসিবে কেন ? আসিল কোথা হইতে ? মায়াকে অহেতুকী বলিলেও ইহার মীমাংসা হয় না। যাহার হেতু নাই, তাহা খেয়াল। এই খেয়াল কার ? খেয়ালীটা নিত্যস্বই "গোলমেলে" বস্তু। সে কোনও শৃঙ্খলাতে আবদ্ধ হয় না ; কোনও বিধিবাধন মানে না ; কার্যকারণ-জালে ধরা পড়ে না। সংসারের মূলে যদি এই খেয়ালই থাকে, তবে সংসারে কোনও শৃঙ্খলা ত সম্ভবে না। শৃঙ্খলা না থাকিলে, নিয়ম ত হয় না। নিয়ম না থাকিলে, বিজ্ঞানও সম্ভব হয় না, নীতিও গড়ে না। নীতি না গড়িলে, পাপ-পুণ্য ধর্ম্মাধর্ম্ম সকলি নষ্ট ও মিথ্যা হইয়া যায়। মায়ার সিদ্ধান্তে কেবল যে সংসার মিথ্যা হয় তাহা নহে, ধর্ম্মাধর্ম্ম, ভালমন্দ, ভজনপূজন, সাধনা ও সাধা, ভক্ত ও ভগবান সকলই মিথ্যা হইয়া যায়। Cosmos chaos-এতে পরিণত হয়। ফলতঃ এই সিদ্ধান্ত মানিলে কেবল ধর্ম্ম নশ; জড়বিজ্ঞান, জীববিজ্ঞান, মনোবিজ্ঞান, রস-বিজ্ঞান বা এশ্বেটিকস্, সমাজবিজ্ঞান, সকলই নষ্ট হইয়া যায়। জীবনে কোনও কিছুই সত্য প্রতিষ্ঠা থাকে না।

আর সংসারের সম্বন্ধ সকলকে যদি মায়িক বা আকস্মিক—illusory বা accidental—বলিয়া উড়াইয়া দিতে না পারি, তাহা হইলে পরমতত্ত্বের মধ্যেই ইহাদের মূল খুঁজিতে হইবে।

এ সংসারে যার আরম্ভ হয়, তারই শেষ দেখি। জন্মেতে, অথবা জন্ম বলিতে যদি ভূমিষ্ঠ হওয়া বুঝি, তাহা হইলে তার পূর্বে মাতৃগর্ভে—এই দেহের আরম্ভ হয়। মৃত্যুতে এই দেহের অবসান প্রত্যক্ষ করি। দেহের উপাদান যে একান্ত নষ্ট হয়, তাহা নহে ; কিন্তু এ সকল মিলিয়া যে একটা বিশিষ্ট সম্বন্ধের প্রতিষ্ঠা করিয়া, প্রাণের সঙ্গে যুক্ত হইয়া, একটা বিশেষ যন্ত্রের নির্মাণ করিয়াছিল, মৃত্যুতে তাহাই ভাঙিয়া যায়, তার যজ্ঞ বা দেহত্ব বিলুপ্ত হয়, তাহা আর দেহ-রূপে

ধাকে না ও কার্যকরী হয় না। এই বিশিষ্ট সঞ্চয়ই দেহের জীবন বা দেহের রূপ বা দেহের দেহত্ব। এই সঞ্চয়ের একটা আয়ত্ত্ব হইয়াছিল, সেই সঞ্চয় শেষ হইয়া যায়। আত্মা বলিয়া যে বস্তুকে বলি, তাহার যদি কাল-বিশেষে আয়ত্ত্ব হয়, তবে আশুই হউক আর বিলম্বেই হউক, এই আয়ত্ত্বও বিনাশ অবশ্যস্তাবী। এইজন্ত, আমাদের দেশের আত্মতত্ত্বেতে জীবের আয়ত্ত্ববস্তুর জন্মও নাই, মৃত্যুও নাই,—অম্ম নাই বলিরাই মৃত্যু নাই;—এই কথা চিরদিন বলিয়া আসিয়াছে।

ন জায়তে স্মিয়তে বা কদাচিত্যায়ং ত্বথা ভবিত্বি বা ন ভুয়ঃ।

অজ্ঞানিতাঃ শাস্ত্যতোহয়ং পুরাণে ন হস্ততে হস্তমানে শরীরে ॥

এই আত্মা জন্মে না, মরে না; হইয়া নষ্ট হয় না, নষ্ট হইয়া পুনরায় হয় না; ইহা জন্ম-রহিত, ইহা নিত্য, ইহা চিরস্থান, ইহা পুরাতন, শরীর হত হইলে ইহা হত হয় না—ইহাই আমাদের দেশের আত্মতত্ত্বের মূল কথা। এটি না মানিলে, বিশ্বের বিধানকে অন্ধুর রাধিয়া, আত্মার অন্তরের প্রতিষ্ঠা করা অসম্ভব হয়।

নাসতে বিজ্ঞতে ভাবো নাভাবো বিজ্ঞতে সতঃ

যাহা সৎ তাহার অভাব হয় না, যাহা অসৎ তাহার প্রকাশ বা অস্তিত্বও সম্ভবে না। আত্মবস্তু সৎবস্তু। তাই আত্মা অবিনাশী। এই জন্তই আমরা এই আত্মার অন্তরে বিশ্বাস করি। আমাদের প্রাণ মানে না, মন বুঝে না যে মানুষ মরণ একেবারে নষ্ট হয়—এত জ্ঞান, এত প্রেম, এত আকাঙ্ক্ষা, এত অনন্ত পিপাসা, এত উন্নতির সম্ভাবনা যে মানুষের মধ্যে দেখি, হঠাৎ তার সব ফুরাইয়া গেলে, বোধন হইতে না হইতে তার বিসর্জন হইল, স্থলিতে না স্থলিতে দীপ নিভিয়া গেল;—ইহা আমাদের প্রাণ মানে না, মন বুঝে না,—এই ভাবে অপর লোকে আত্মতত্ত্বের, পরলোকের, মৃত্যুতে মানুষ যে একান্ত বিনীত হয় না, এ সকল কথার প্রতিষ্ঠা করেন। আমরা বলি,—কেবল তাহা নহে। আমাদের জ্ঞান, আমা-দের বুদ্ধি, আমাদের জ্ঞান ও বুদ্ধির মূল সূত্র ও প্রকৃতির সঙ্গে এই

নাশদাত্ত্বিত্ববাদের—ইহলোকের পরে আর কিছু নাই, এই মতের—মৌলিক বিরোধ উপলব্ধি করিয়া, জ্ঞান-প্রয়োজনে, necessity of thought-এর দ্বারা প্রেরিত হইয়া, আত্মার অন্তরে বিশ্বাস করি। এই আত্মা যদি অন্তর না হয়, তবে জগৎ অসৎ, বিশ্ব মিথ্যা, সংসার ইন্দ্রজাল, জীবন নিরর্থক, ঈশ্বর অসিদ্ধ হন। যে পথে আমরা ঈশ্বরের প্রতিষ্ঠা করি, সেই পথেই আত্মার প্রতিষ্ঠা করি। যে পথে ঈশ্বরকে পাই, সেই পথেই আত্মাকে পাই। আত্মাকে পাইয়া ঈশ্বরকে পাই। ঈশ্বরকে পাইয়া আত্মাকে পাই। এই পথে আমরা আত্মতত্ত্ব ও ব্রহ্মতত্ত্ব উভয় তত্ত্বকে পাইয়াছি বলিয়া আমাদের আত্মতত্ত্ব আর ব্রহ্মতত্ত্ব একই বস্তু। উপনিষদ আত্মতত্ত্বের প্রতিষ্ঠা করিতে যাই-য়াই ব্রহ্মতত্ত্বের এবং ব্রহ্মতত্ত্বের প্রতিষ্ঠা করিতে যাইয়াই আত্মতত্ত্বের প্রতিষ্ঠা করিয়াছেন। ঈশ্বর যেমন অনাশ্রয়নস্ত সচ্চিদানন্দ বস্তু, আমরা যাহাকে আত্মা বলি, এই অশ্রয়প্রত্যয়বাচক বস্তুও সেইরূপ অজ, নিত্য, শাস্ত, পুরাণ, সচ্চিদানন্দ-স্বরূপ। ঈশ্বরের সঙ্গে এই আত্মার এই সজাতীয়তা বা স্বজাতীয়তা আছে বলিয়াই, আমরা ঈশ্বরকে জানিতে পারি, ঈশ্বরের ভজনা আমাদের পক্ষে সম্ভব হইয়াছে। এই সজাতীয়তা বা স্বজাতীয়তা স্বীকার করিলে ধর্মের মূল নষ্ট হইয়া যায়। এই সজাতীয়তা বা স্বজাতীয়তা স্বীকার করিয়াই প্রাচীনকাল হইতে, আমাদের দেশের ব্রাহ্মণেরা সন্ধ্যা-বন্দনাকালে—

অং দেবো ন চাশ্চোহস্মি ব্রহ্মস্মি ন চ শোকভাক্

সচ্চিদানন্দরূপোহস্মি নিত্যমুক্তত্বাবাবানু—

প্রতিদিন এই মন্ত্র উচ্চারণ ও এই জ্ঞান সাধন করিয়া আসিয়াছেন। মন্ত্র যেমন যুগপৎ নিশ্চয়, অর্থাৎ সকল সঞ্চয়ের অতীত, এবং সপ্তম, অর্থাৎ যাবতীয় সঞ্চয় হইয়া পূর্ণ হইয়া আছেন, জীবাশ্রয়ও সেইরূপ একই সঙ্গে এই নিশ্চয় ও সপ্তম

বভাবপন্ন হইবেই হইবে। ঈশ্বর জ্ঞাতা, তাঁর আপনার-মধ্যে নিত্য-কাল জ্ঞাতা-জ্ঞেয়ের সম্বন্ধ রহিয়াছে। তিনি ভোক্তা, তাঁর আপনার মধ্যে নিত্যকাল ভোক্তাভোগ্য সম্বন্ধ রহিয়াছে। তিনি পিতা, তাঁর মধ্যে নিত্যকাল পিতা-পুত্র সম্বন্ধ রহিয়াছে। তিনি প্রভু, তাঁর মধ্যে নিত্যকাল প্রভু-দাস সম্বন্ধ রহিয়াছে। তিনি সখা, তাঁর মধ্যে নিত্যকাল এই সখ্য সম্বন্ধ রহিয়াছে। তিনি পতি বা প্রণয়ী, তাঁর মধ্যে এই মাধুর্যের সম্বন্ধও নিত্যসিক হইয়া আছে। এ সকল সম্বন্ধের অভাবে তার জ্ঞানস্বরূপ ও আনন্দস্বরূপ দুই বিলোপ প্রাপ্ত হয়। পরমতত্ত্বের আপনার স্বরূপের মধ্যে এ সকল সম্বন্ধ নিত্যসিক হইয়া আছে বলিয়াই, আমরা তাঁহাকে সচ্চিদানন্দ পুরুষ বলিয়া জানি। এই সকল নিত্যসিক দান্ত-সখ্য-বাৎসল্য ও মাধুর্যের সম্বন্ধের মধ্য দিয়াই আমরা তাঁহার এই সচ্চিদানন্দ-স্বরূপের প্রতিষ্ঠা করিতে পারি। এ সকল সম্বন্ধ না থাকিলে, তিনি নিঃশব্দ, নির্বিশেষ, অজ্ঞেয় কিংবা কেবল সত্ত্বামাত্রজ্ঞেয় হন। তাঁহার পুরুষবিধের * বা Personalityর প্রতিষ্ঠা থাকে না। এই পুরুষবিধ বা Personality বস্তুটিই এসকল জ্ঞান প্রেমের সম্বন্ধের উপরেই প্রতিষ্ঠিত। এ সকল সম্বন্ধের বিলোপে ঐ পুরুষবিধের বা Personalityর বিলোপ হয়। এ সকল যদি নিত্য-সিক না হয়, তাহা হইলে বাঁহাকে ভগবান বা পুরুষ বলি, তাঁহারও নিত্যত্ব থাকে না। এ সকল যদি মায়িক হয়, তাহা হইলে ব্রহ্মের পুরুষবিধ বা Personalityও মায়িক হয়। শুদ্ধাত্মতত্ত্ববোধীগণ এই

* ইংরাজিতে আমরা Person বলি, তাহাকেই তৈত্তিরীয়োপনিষদে "পুরুষ" বলিয়াছেন, স্বার এই পুরুষের লক্ষণকে "পুরুষবিধতাম" বলিয়াছেন।

"তস্মাৎ এতৎস্বাদানন্দসমগ্রং অচ্ছেদ্যং আত্মা প্রাণময়ঃ।

তেনৈন পূর্ণঃ। স বা এষ পুরুষবিধ এব। তন্ত পুরুষবিধতাম্।"

এইসকল এখানে পুরুষবিধই ব্যবহার করিলাম। পুরুষত্ব কথাতে এই অর্থটি সত্যক ব্যক্ত হইবে না।

কন্তই ঈশ্বরতত্ত্বকে মায়াদিষ্ঠিত বলেন। ভক্তিবাদী ইহা অস্বীকার করেন। কারণ, পরমতত্ত্ব যদি পুরুষ না হন, পরমতত্ত্বের মধ্যে যদি দান্তসখ্যাদি স্বায়ীরসের নীলা-বিগ্রহের প্রতিষ্ঠা না হয়, তাহা হইলে, এ সকল রসের পথে তাঁর নিত্য ভজন্যার সম্ভাবনা থাকে না। আর এই ভজন্যই যে ভক্তির চরম সাধ্য।

পরমাত্মা পুরুষ—Person; কারণ তাঁহার আপনার মধ্যে জ্ঞান-প্রেমাদির বিচিত্র অনন্ত সম্বন্ধ সকল নিত্য প্রতিষ্ঠিত রহিয়াছে। এসকল সম্বন্ধের অভাবে তাঁর পুরুষবিধের বা Personalityর প্রতিষ্ঠা সম্ভব হয় না। তিনি নিত্য, অনাদানন্ত—এ সকল সম্বন্ধও তাঁর মধ্যে নিত্য ও অনাতনন্ত। তিনি পূর্ণ, তাঁর মধ্যে এসকল সম্বন্ধও পূর্ণ হইয়া আছে। আমরাও পুরুষ, আমরাও Person। এই পুরুষবিধ, এই Personality আমাদের আত্মার নিত্য-সিক ধর্ম, ইহাই আমাদের আত্মার, আমাদের ব্যক্তিত্ব। এই Personality যদি নিত্য না হয়, তাহা হইলে আমাদের আত্মার অমরত্বের প্রতিষ্ঠা অসম্ভব হয়। আমাদের বৈশিষ্ট্য, আমাদের ব্যক্তিত্ব নিত্যকাল থাকে, এই বৈশিষ্ট্য ও এই ব্যক্তিত্ব অজ, নিত্য, শাস্ত, পুরাণ, ন হস্ততে হস্তমানে শরীরে—শরীর হত হইলে এই Personality, এই বৈশিষ্ট্য, এই ব্যক্তিত্ব লুপ্ত হয় না—ইহাই সত্য, ইহাই একমাত্র পারলৌকিক সিদ্ধান্ত। ইহারই উপরে আমাদের পরলোকে বিশ্বাস, পরলোকের আশা ভরসা, পরলোকের শাস্তি ও উন্নতি সকলে নির্ভর করিতেছে। অ্যর এই Personality, এই বৈশিষ্ট্য, এই ব্যক্তিত্ব যদি সত্য হয়, ইহা যদি নিত্য হয়, তাহা হইলে যে সকল জ্ঞানের প্রেমের সঁহার ভক্তির সম্বন্ধের ভিতর দিয়া আমাদের এই বৈশিষ্ট্যের এবং এই ব্যক্তিত্বের, এই Personalityর প্রতিষ্ঠা হইয়াছে, যে সকল সম্বন্ধের সাহায্যে আমাদের এই ব্যক্তিত্ব ও বৈশিষ্ট্য, এই পুরুষবিধ বা Personality সৃষ্টিয়া উঠিয়াছে ও উঠিতেছে, সে সর্বল সম্বন্ধও আমাদের আত্মার নিত্যসদী হওয়া আবশ্যিক। জানিবার বস্তু নাই, অথচ

জ্ঞান আছে; বিষয় নাই, অথচ বিষয়ী আছে; স্নেহের পাত্রপাত্রী নাই, অথচ স্নেহ আছে; সখাসখী নাই, অথচ সখা আছে; প্রণয়প্রণয়ী নাই, অথচ প্রণয় আছে; প্রেম-পাত্র বা প্রেম-পাত্রী নাই, অথচ প্রেম আছে; ভক্তির পাত্রপাত্রী নাই, অথচ ভক্তি আছে; এসকল সম্বন্ধের ও রসের আশ্রয় নাই, অথচ এ সকল রস ও সম্বন্ধ আছে; ইহা হইতেই পারে না। এই সকল সম্বন্ধ লইয়া যদি আমার পুরুষবিধ্বের, আমার Personality, আমার বৈশিষ্ট্যের, এক কথায় আমার আত্মার প্রশংসা ও প্রতিষ্ঠা হয়, তাহা হইলে, এই আত্মার অমরত্বের প্রয়োজনে এই সকল সম্বন্ধ যে নিত্য, ইহাও স্বীকার করিতেই হইবে।

উপনিষদ “যতো বা ইমানি জ্ঞানি জায়ন্তে” বাহা হইতে এই ভূতগ্রাম জন্মগ্রহণ করে,—বলিয়া জগতের জন্ম স্থিতি ও পরিণতির মূলে ত্র্যক্ষকে প্রতিষ্ঠিত করিয়াছেন। বেদান্তসূত্র সর্বোপনিষদের সার সংগ্রহ করিয়া “জন্মান্তস্ত যতঃ”—এই জগতের জন্ম-আদি বাহা হইতে হয়, বলিয়া এই তত্ত্বেরই প্রতিষ্ঠা করিয়াছেন। মৃতিকাল লইয়া কুস্তকার ঘটনারাবাদি নির্মাণ করে; এই ঘটনানির্মাণ-কার্যে মৃত্তিকাকে উপাদান কারণ ও কুস্তকারকে নিমিত্ত কারণ কহে। এই ত্র্যক্ষই এই বিশ্বত্র্যাক্ষণ্ডের উপাদান কারণ এবং নিমিত্ত কারণ দুই। এই চরাচর বিশ্বের, এই চেতনচেতন-পদার্থ-সমষ্টির ত্র্যাক্ষণ্ডের উপাদানও ত্র্যক্ষ, আর ইহার ক্রমবিকাশের নিমিত্তও ত্র্যক্ষ। এই যদি সত্য হয়; তাহা হইলে, এই বিশ্ব ও এই বিশ্বের যাবতীয় পদার্থ ও যাবতীয় জীব, সকলে—বর্তমান বিকাশ-ধারাতে বা স্থিতি-ধারাতে প্রকাশিত হইবার পূর্বে, ত্র্যাক্ষেরই মধ্যে বিচ্যমান ছিল, ইহা মানিতেই হয়। চিত্তকরের মনের মধ্যে, তাঁহাব্যুৎপাদনে, যেমন চিত্তবিশেষের পরিপূর্ণ ছবিটি পরিপূর্ণভাবে বিচ্যমান থাকে; এই বিশ্ব সেইরূপে, সেইভাবে, অনাদিকাল হইতে এই জগৎ-কারণরূপ ত্র্যাক্ষের মধ্যে বিচ্যমান ছিল। চিত্তকরের চিত্তপটের পরিপূর্ণ রসমুষ্টি যেমন তিলে তিলে

তাঁর সম্মুখের চিত্তপটে মুটিয়া উঠে, সেইরূপ এই স্থিতিধারাতে বিশ্বের এই নিত্যসিদ্ধ পরিপূর্ণ স্বরূপটিই ক্রমে ক্রমে মুটিয়া উঠিতেছে। ত্র্যাক্ষেতে যাহা নিত্য-সিদ্ধ—eternally realised—তাহাই স্থিতিতে ক্রমবিকাশ পাাইতেছে। এই বিকাশ-ধারা সেই নিত্যসিদ্ধ স্বরূপের দ্বারাই নিয়ন্ত্রিত হইতেছে। এই নিত্যসিদ্ধ স্বরূপের দ্বারাই ইহার পূর্ণাঙ্গ, ভালমন্দ, ছোটবড় প্রভৃতির বিচার হইয়া থাকে। ওখানে, ত্র্যাক্ষস্বরূপে, ত্র্যাক্ষও পরিপূর্ণ; এখানে পূর্ণ হইতে পূর্ণতর হইতেছে। ওখানে ইহা পরিষ্কৃত, এখানে ক্রমে মুটিতেছে। যখন যতটা পরিমাণে এই বিশ্ব সেই নিত্যসিদ্ধ স্বরূপের প্রকাশ করে, তখন তাহাকে তত শ্রেষ্ঠ কহিয়া থাকি। যখন যতটা এই স্বরূপ হইতে নীচে পড়িয়া থাকে, তখন তাহাকে তত নিকৃষ্ট বলি। আমাদের সকল সমালোচনার, সকল পরিমাণের, সকল বিচারের মাপকাঠি ওখানে, এই নিত্যসিদ্ধ স্বরূপবস্তুরে। এটি না থাকিলে, আমাদের সত্যাসত্যের, ভালমন্দের, পূর্ণাঙ্গপূর্ণের, ধর্ম্মাদর্শের, হৃন্দরকুৎসিতের, সুখদুঃখের এ সকলের কোনও অর্থ থাকে না।

কিন্তু উপনিষদ বাহাকে “জন্মান্তস্ত যতঃ”—বলিয়া বিশ্বের আদি কারণ রূপে প্রতিষ্ঠিত করিয়াছেন, তাঁহার মধ্যে কি এই ত্র্যাক্ষও কেবল সমান্তরূপেই নিত্যসিদ্ধ হইয়া আছে, না এই বিশ্বের অন্তর্গত ভিন্ন ভিন্ন ব্যক্তির ব্যক্তিত্বও সেখানে, এরূপ পরিপূর্ণ, প্রস্কৃত, এবং নিত্যসিদ্ধ eternally realised হইয়া রহিয়াছে? যদি ত্র্যাক্ষণ্ডের ভিন্ন ভিন্ন বস্তু ও ভিন্ন ভিন্ন জীব, ত্র্যাক্ষেতে ব্যক্তিভাবে নিত্যসিদ্ধ না eternally realised না থাকে, তাহা হইলে, ব্যক্তিত্বের, ব্যক্তিত্বের আত্মাদের নিজ নিজ বৈশিষ্ট্যের ও নিজ নিজ বিকাশ-ক্রমের, আমাদের ভিন্ন ভিন্ন পুরুষবিধ্বের বা Personalityর ক্রমোন্নতির ও ক্রম-ক্ষুণ্ণির—আমাদের individual development বা evolution বা progress-এর—আমাদের ব্যক্তিগত উন্নতির কোনও অর্থ ও থাকে না। গতি আছে, কিন্তু চরম গন্তব্য নাই; নিয়ম আছে,

কিন্তু লক্ষ্য নাই; ফুটিতেছে, কিন্তু ফুটিয়া ফুটিয়া অশেষে কি যে হইবে তার ঠিকানা নাই;—এও কি কখনও হয়? উন্নতি বলিতেই, উন্নীত অবস্থা যে একটা আছে, ইহা বুঝায়। জীবের সে অবস্থা কি? জ্ঞানেতে, প্রেমেতে, ইচ্ছাতে উন্নতিলাভ করিব, ইহাই আমাদের নিয়তি, একথা যদি সত্য হয়, তাহা হইলে পরিপূর্ণ জ্ঞানের, পরিপূর্ণ প্রেমের, পরিপূর্ণ পরিব্রতার একটা নির্দিষ্ট অবস্থা আছে, ইহাও মানিতেই হইবে। আর এই উন্নীত অবস্থায় আমাদের ব্যক্তিত্ব বা ব্যক্তিব্যব বা বৈশিষ্ট্যও পরিস্কৃত হয়, এটি না মানিলেও এই ব্যক্তিত্বের উন্নতির কোনও বিধি-বিধান প্রতিষ্ঠিত হয় না। চরমাবস্থায় আমরা কি সকলে একাকার হইয়া যাইব, না ব্যক্তিরূপে থাকিব? একাকারই চরম নিয়তি হইলে, ব্যক্তিব্যব-সোপাই মুক্তির অর্থ হয়। ইহা ত অবৈতবাদীর কৈবল্যেরই নামান্তর ও রূপান্তর মাত্র। আমাদের ব্যক্তিত্ব যে নিত্য-বস্তু ইহা না মানিলে, মানবাত্মার অমরত্বের কোন অর্থ থাকে না। আর এই আত্মার জ্ঞান, প্রেম প্রভৃতি যখন জ্ঞানপ্রেমাদির বিশিষ্ট সঞ্চদের মধ্য দিয়াই প্রকাশিত হয়, সঞ্চক ছাড়া হয় না, তখন এই সকল সঞ্চদের পূর্ণতার ঘরাই জ্ঞানপ্রেমাদি পূর্ণ হয়, ইহাও স্বীকার করিতে হইবে। আর এসকল সঞ্চক যখন ইহ সংসারের ক্রমশঃ ফুটিয়া উঠিতেছে, প্রত্যক করিতেছি; ক্রমশঃ সংকীর্ণ হইতে উদার, অশুদ্ধ হইতে শুদ্ধ, পূর্ণ হইতে পূর্ণতর, পূর্ণতর হইতে পূর্ণতম—এইভাবে উন্নত হইতেছে, ইহাও দেখি ও বুঝি; তখন এ সকল সঞ্চদের এক একটি নিত্যসিদ্ধ স্বরূপ যে আদিকারণের মধ্যে অনাদিকাল হইতে বিद्यমান রহিয়াছে, ইহাও মানিতেই হয়। হঠাৎ ত শূন্য হইতে আমরা এলোকে আসিয়া উৎপন্ন হই নাই। অসৎ হইতে ত সত্যের উৎপত্তি হয় না। আমার বর্তমান প্রত্যক সত্যই আমার পূর্ণতম অপ্রত্যক সত্যের সাক্ষ্য দেয়। আমি যে তিলে তিলে একটা বিশেষ ভাবে ফুটিয়া উঠিতেছি, তাহাতেই আমি অনাদিকাল হইতে কোথাও পরিপূর্ণরূপে প্রাক্কটভাবে, বিद्यমান আছি, ইহা প্রমাণ করে। গীতা—

বীজং মাং সর্বভূতানাং বিদ্ধি পার্থ সনাতনম্

“হে পার্থ! আমাকে যাবতীয় ভূতসকলের সনাতন বীজ বলিয়া জান”—এই ভগবদ্বাক্যে এই সত্যেরই প্রতিষ্ঠা করিয়াছেন। বীজ কাহাকে বলে? যাহাতে কোনও বস্তুর সমগ্র রূপটি অন্তর্নিহিত থাকে, তাহাকেই আমরা সেই বস্তুর বীজ বলি। বটবীজে পরিপূর্ণ বট বৃক্ষটি লুক্কইয়া আছে। আমরা বীজের মধ্যে তাহাকে প্রত্যক না করিয়াও ইহা জানি যে তাহাতে অসংখ্যশাখা দিগন্তবিস্তৃত অভভেদী বনস্পতির সমগ্র, পরিপূর্ণ স্বরূপটি নিত্যসিদ্ধ বা eternally realised হইয়া আছে। ঐ নিত্যসিদ্ধ, সমগ্র, সম্পূর্ণ বট-স্বরূপই ক্রমে এই বীজ হইতে বিকাশধারায় ফুটিয়া উঠিতেছে। জন্মের মধ্যে এই বিশ্ব বীজরূপে ছিল, নিত্যকাল আছে, নিত্যসিদ্ধ হইয়া আছে। বিশ্বের ব্যতিরস্তসমূহ, বিশ্বের প্রত্যেক পার্শ্ব, প্রত্যেক জীব তাঁর মধ্যে বীজরূপে ছিল, নিত্যসিদ্ধ হইয়া আছে। আমরা প্রত্যেকে সেখানে নিত্যসিদ্ধ হইয়া আছি। আমাদের ঐ নিত্যসিদ্ধ স্বরূপকেই গীতা ভগবানের বিভূতি বলিয়াছেন।

আর এই আমরা ত একা নই। আমরা আমাদের সকল সঞ্চককে লইয়াই আমরা হইয়াছি। আমার জ্ঞেয় নাই, প্রেয় নাই, শ্রেয় নাই; জ্ঞানের বিষয় নাই, প্রেমের পাত্র নাই, কর্মের ক্ষেত্র নাই, এক কথায় যাহাকে সংসার বলে, অর্থাৎ এই সংসারের জ্ঞান-প্রেম-সেবা-তত্ত্বি-প্রভৃতির সঞ্চক নাই, অথচ আমি পূর্ণ হইয়া আছি, ইহা ত হয় না। আমাদের আশির ব্যক্তিত্ব সকলই এই সংসারকে লইয়া। স্মৃতরাং এই সকল সঞ্চকেতে আবদ্ধ হইয়াই আমরা অনাদিকাল হইতে, ভগবানের মধ্যে, তাঁর নিত্যসিদ্ধ বিভূতিরূপে ছিলাম, এখনও রহিয়াছি; এই স্মৃতিরূপেই সেই নিত্যসিদ্ধ সঞ্চক সকলকে লইয়া আমরা প্রত্যেকে ঐ ভগবাবিভূতিকেই তিলে তিলে ফুটাইয়া তুলিতেছি। ঐ বিভূতিই আমাদের স্বরূপ; এ সংসারের রূপ ঐ স্বরূপেরই প্রতিবিম্ব।

এই ভাবে যখন নিজেদের দেখি, এই ভাবে যখন নিজেদের ব্যক্তিত্ব বা ব্যক্তিব্যব আত্মাকে দেখি, তখন দেখি যে পিতামাতা প্রভৃতি

প্রিয়জনের সঙ্গে আমাদের সম্বন্ধ কেবল দুদিনের নয়, কিন্তু চিরদিনের। অনাদিকাল হইতে আমরা তাঁহাদের পুত্র কহা ছিলাম। অনাদিকাল হইতে আমরা তাঁহাদের বাৎসল্যের ও তাঁহারা আমাদের দাত্তের আশ্রয় হইয়া আছেন। অনন্তকাল পর্য্যন্ত আমরা পরম্পরকে আশ্রয় করিয়া ভগবানের নিত্যসিদ্ধ বাৎসল্য ও দাত্ত-মূর্তিকে উত্তরোত্তর ফুটাইয়া তুলিব ও সন্তে তাঁহার বিজুতির সারূপ্য লাভ করিয়া, তাঁর নিত্যলীলার মহায় ও সহচর হইয়া থাকিব।

পিতার বা মাতার সঙ্গে আমার সম্বন্ধ কি কেবল এই বর্তমান জীবনের না চিরদিনের? যদি এই জীবনেই এই সম্বন্ধের আরম্ভ হইয়া থাকে, তবে এই জীবনের সঙ্গে সঙ্গেই তার শেষ হইবে না, বা হয় নাই একথা কে বলিবে? এ জগতে যাইর আসন্ন আছে তার শেষও হয়। যে সম্বন্ধের দেশকালেতে আরম্ভ হইয়াছে; দেশকালেতে তার শেষও অনিবার্য। অনন্ততঃ তাহা অনন্ত কালের হইতে পারে না। জন্মের সঙ্গে যে সম্বন্ধের আরম্ভ হয়, তার আশ্রয় এই দেহ। এই দেহের বিনাশে সে সম্বন্ধ ধাকিতে পারে না। আর সম্বন্ধ মাতেই বিশিষ্টকে আশ্রয় করিয়া গড়ে। নির্বিশেষের কোন সম্বন্ধ নাই। পিতামাতার পিতৃহ ও মাতৃহ বিশিষ্ট সন্তানকে আশ্রয় করিয়া ফুটে। সন্তানের পিতৃমাতৃভক্তি বিশিষ্ট পিতামাতাকে আশ্রয় করিয়া জন্মে ও সেই আধারকে ধরিয়াই বিকশিত হইয়া উঠে। এই বিশিষ্ট আশ্রয় নষ্ট হইলে সত্য সম্বন্ধও নষ্ট হইয়া যায়। পিতামাতার সঙ্গে তাঁহাদের নিজ নিজ পুত্র-কন্যার সম্বন্ধ যদি নিত্য না হয়, অনাদিকাল হইতে যদি ইঁহারা পরম্পরে এই সম্বন্ধে আবদ্ধ না থাকেন, তবে ইঁহা-দিগকে আশ্রয় করিয়া, এসংসারে ভগবানের বাৎসল্যলীলার অভিনয় অসম্ভব হয়। নিত্যকাল আমি আমার পিতার পুত্র, নিত্যকাল তিনি আমার পিতা, নিত্যকাল আমাকে আশ্রয় করিয়া তাঁহার বাৎসল্য ফুটিয়া আসিতেছে, নিত্যকাল তাঁহাকে অবলম্বন করিয়া আমার পিতৃভক্তি ও দাত্তরস ফুটিয়া আসিয়াছে, এ যদি সত্য না হয়, তবুও তাঁর সঙ্গে

আমার সম্বন্ধ জীবনাবধি, মৃত্যুর পরে সে সম্বন্ধের অনুকরণ বা অনু-শীলন করা ক্রমসংকার ও পণ্ডশ্রম মাত্র।

আর এ সম্বন্ধ যদি নিত্য না হয়, তবে বাৎসল্য এবং দাত্ত এই দুই রসকে স্থায়ী রসও বলিতে পারি না। আর এসকল রস যদি স্থায়ী না হয়, তাহা হইলে পিতৃশাস্ত্রের প্রয়োজনই বা কি? তাহা হইলে রসের পথেও ভক্তির পথে ভগবানের ভজনাও কবি-কল্পনাতে পরিণত হয়।

এ সংসারে পিতাকে পাইয়াছি বলিয়াই ঈশ্বরকে পিতারূপে জানিতে ও ভাবিতে পারিতেছি। এ সংসারে মাতাকে পাইয়াছি বলিয়াই বিশ্বজননাকে মা বলিয়া ডাকিয়া প্রাণ জুড়াইতেছি। এই পিতামাতার সঙ্গে সম্বন্ধ যদি অনিত্য ও মায়িক হইয়া যায়, তবে ঈশ্বরের পিতৃষের ও মাতৃষের প্রমাণপ্রতিষ্ঠাই বা যেকো ধায়? তাহা হইলে ঈশ্বরের পিতৃহ ও মাতৃহ যে বন্ধা-পুত্রবৎ অলোক ও মায়িক হইয়া দাঁড়ায়। ঈশ্বরের পিতৃহ ও মাতৃহ নিত্য-সিদ্ধ বলিয়াই সংসারের পিতা-পুত্র বা মাতা-পুত্র সম্বন্ধ পরিণামী হইয়াও নিত্য। এই সম্বন্ধ ঈশ্বরের মধ্যে পরিপূর্ণ ও প্রস্ফুট হইয়া আছে, এই সংসারে ক্রমে ক্রমে পূর্ণতর ও স্ফুটতর হইয়া উঠিতেছে। এ সম্বন্ধ সেই সম্বন্ধেরই প্রতিবিম্ব। এই বাৎসল্য সেই বাৎসল্যেরই প্রতিবিম্ব; এখানে তিলে তিলে ফুটিতেছে, সেখানে প্রস্ফুট হইয়া আছে; এখানে তিলে তিলে গড়িয়া উঠিতেছে, সেখানে স্থগতিত ও পরিপূর্ণ হইয়া আছে; এখানে ক্রমশঃ শুদ্ধ হইয়া উঠিতেছে, সেখানে নিত্য-সিদ্ধ হইয়া আছে। আমাদের এই পিতৃহ মাতৃহ পুত্রহ কন্যাহ প্রভৃতি সম্বন্ধের মধ্যে, দর্পণে যেমন লোকে আপনার মুখ দর্শন করে, ভগবান সেইরূপ অনাদিকাল হইতে আপনার নিত্য-সিদ্ধ রসমূর্তির অনন্ত বিকাশ প্রত্যক্ষ করিতেছেন। যেদিন এই ছবি সেই মূলের সম-তুল হইয়া উঠিবে, সেদিন তাঁহার "বহু" হইবার বাসনা তুও হইবে। "বহুস্থায়ী প্রজ্ঞায়েতি" বলিয়া তিনি প্রজ্ঞা-সত্তির আরম্ভ করিয়াছিলেন;

সেদিন তাঁর সেই সংকল্প সার্থকতা লাভ করিবে। তারই জন্তু এসকল
সম্বন্ধকে জাগাইয়া রাখিতে চাই। এই সকল নিত্য সম্বন্ধের নিত্যত্বের
জ্ঞান জাগাইয়া রাখিবার ও প্রোৎসাহ করিবার জন্তুই, ভক্তিপথের
পথিকের নিমিত্ত এই সকল শ্রাদ্ধাদি অনুষ্ঠান বিহিত হইয়াছে। তাঁহার
নিকট শ্রাদ্ধ শ্রাচীন বৈদিক যাগ-যজ্ঞের স্থায় কেবল একটা ঐশ্বরিক
ক্রিয়া নহে। তাঁহার নিকটে শ্রাদ্ধ একটা বাহ্য সামাজিক ক্রিয়াও
নহে। তাঁহার নিকটে শ্রাদ্ধ ভক্তিপথের একটা শ্রেষ্ঠ সাধন।

শ্রীবিপিনচন্দ্র পাল।

প্রশ্নোত্তর

হে প্রণয়ী, নিত্য তব এমন কেন
নানান্ ভাব কহ ?
কভু বা তুমি মুখর, কভু
নীরব হয়ে রহ।
কখন তুমি দাসের সম
কখন মোর প্রভু,
নয়ন তব বেদনা-ভরা
চপল হাসে কভু !
কভু বা তুমি শীতল কর
কভু বা মোরে দহ !
নিত্য তব এমন কেন
নানান্ ভাব কহ ?

হে প্রেমসী, সরস মম জীবন-বীণা
পরশ তব পেয়ে,—
কত-না স্বরে বাজিয়া উঠে,
কত-না রাগে গেয়ে !

হে সাধক, নিত্য কেন পড় গো তুমি
মন্ত্র নব নব ?
কত-না জ্ঞান অর্থা মোরে,
কোনটি আমি লব ?

নিরালা কভু নয়ন মুদি
 খেয়ানে রহ রত,
 কভু বা তুমি কাঙাল সম
 মাগিছ বর কত !
 বলিছ মোরে কমলা কভু
 কভু বা রাখা তব !
 নিজা কেন পড় গো তুমি
 মন্ত্র নব নব !

'হে দেবী, ভাবের হৃদা-সাগর মাঝে
 রতন আছে কত—
 কত-না রূপে কত-না রঙে
 রঙীন শত শত !'

হে শিল্পী, হর্ষে মম অঁকিলে ছবি
 গাছিলে কত গান,
 আজো কি তব কাজের, বল,
 হল না অবশান ?
 কত-না মালা কত-না হার
 পাঁথিলে মোর তরে,
 কত-না বাতি জ্বালালে তুমি
 আমার ঘরে ঘরে ।
 পাষাণ কাটি মুরতি গড়ি
 করিলে মোরে দান,—
 আজো কি তব কাজের, বল,
 হল না অবশান ?

'হে হৃন্দরী, তোমারে হেরি হরষ মম
 পেয়েছে রূপে কাগা—
 যা কিছু গড়ি যা কিছু গাছি
 সবি যে তব ছায়া !'

সমুদ্র-দর্শনে

[পুরীস্বামি লিখিত]

কবিতার মুগরতা হইল নীরব,
 ধেম গেল সম্বাদের হ্রস্ব,—
 সমুদ্রের মহাগান করে অভিজব
 মন, বুদ্ধি; চিত্ত ভরপুর ।

ভাষা ভবে ভাবে, ভাব প্রাণের স্পন্দনে,
 সর্বেশ্বরী অতীন্দ্রিয়তায় ;
 বাহ্য ভবে অভ্যন্তরে,—নিগূঢ় মরমে
 কি এ কিছু আনন্দ ছড়ায় ।

এ কি নিত্যা ? এ কি স্বপ্ন ? এ কি জাগরণ ?
 এ কি দেহ ? কই, আমি কই ?
 শুধু চেউ—শুধু চেউ—অমৃত-পান,
 হৃদা-সিন্ধু করে খই খই ।

শ্রীভক্তদ্বন্দ্বের রায় চৌধুরী ।

ক্রয়াবধ

১। শিক্ষা

শুনিতে পাই বাঙ্গালা দেশে আজকাল নাকি একটা নূতন ভাবের প্রবল বহা আসিয়া বাঙ্গালী জীবনের দ্বিত্তি পর্য্যন্ত অতি গভীর ভাবে নাড়া দিয়াছে ও তাহারই ফলে চারিদিকেই একটা নব-জাগরণের সাজা পড়িয়া গিয়াছে, এবং সেই প্রচুর তাজা রক্তের তপ্ত স্রোতে বাংলার শিক্ষা, সাহিত্য ও শিল্প প্রভৃতির বিলাস শিরা-উপশিরা শুলিতে ভ্রাতৃ মাসের ভরা নদীর মত টান পড়িয়া পুষ্টির আনন্দের কল-রাগিণী বাজিয়া উঠিয়াছে। এ নাকি একটা পুরাতন্ত্রের renaissance.

শুনিতেই মনটা আনন্দে আপনাই নাচিয়া উঠে ও বড় ইচ্ছা হয় কথটা সত্য হোক। কিন্তু যখন বাস্তব-ক্ষেত্রে নামিয়া চারিদিকে চাহিয়া দেখি, তখন একটা গভীর নৈরাশ্রের ভাব ঘীরে ঘীরে আসিয়া মনটাকে জড়িয়া বসে। কিন্তু একটা বহা যে আসিয়াছে সে বিষয়ে কোনও সংশয় নাই। কারণ বহাই যদি না আসিবে, তবে শুকনো ডাঙা পুকুরে ভরাইয়া বাঙ্গালার আনাচে-কানাচে এত বেনো কাণ জল ঢুকিল কোথা হইতে? নবনদী থানা ডোবা সবই বায়ে জলে একাকার। কিন্তু আজ একজন মারিকেরও ত পাল তুলিয়া বঁধন খুলিয়া বহা আনন্দে ভাটিয়ালো স্বরে তান ধরিয়া নৌকা খুলিতে দেখিলাম না। শুধু দেখিতেছি বহা প্রবল বৃণিপাকে বদনদী আজও কুমারের, চাকের ছায় ঘুরিতে ঘুরিতে হাবুডুবু খাইয়া প্রচুর পরিমাণে কাদাজল গলাধঃকরণ ও সময়াস্তরে তাহা উপসারণ করিতেছে। এই বহাটি যে বাঙ্গালী জীবনে কিছু

মাত্র শাত-শহা হইয়াছে তাহার কোনও লক্ষণই ত এপর্য্যন্ত লক্ষ্য করা গেল না।

বন্যাক্র বাহারা অপেক্ষা রাখে ও তাহার জন্য আপমানের প্রস্তুত রাখিতে পারে, বন্যা তাহাদের জন্যই মুক্তি ও আনন্দের বার্তা লইয়া আসে। কিন্তু শুক মরুভূমির তপ্ত বাতুতে পড়িয়াও বাহাদের 'অন্তরের মাকে উন্মত্ত বিপ্লবের ডঙ্কর বাজিয়া উঠে না, সনাতনী নাগ-পাশের কঠিন বেষ্টিনের ভিতর অসাড় হইয়া পড়িয়া একদিনও বাহাদের মরিয়া হইয়া উঠিবার সাধ্য ঘটে নাই, বন্যা তাহাদের পক্ষে বিড়ম্বনা মাত্র—ঘৃণিপাকে তাহাদের শুধু হাবুডুবু খাইয়া মরাই সার! গভীর সংশয় জাগিতেছে—আমাদেরও ঠিক তাহাই হইয়াছে।

শিক্ষা, সাহিত্য ও প্রস্তুতভূত-সামাজিক আচারের ত্রয়াবর্ধে পড়িয়া আমরা শুধু ঘুরিয়া মরিতেছি। এই ঘৃণিপাকে ছাড়া বাঙ্গালী জীবনে আর কোনও প্রকার গতির লক্ষণ দেখা বাইতেছে না। ঘুরপাক ব্যাপারটা যেমন নিতান্ত হাঙ্গোদীপক, নিরর্থক ও অতি কিস্তু-কিমাকার, বাঙ্গালীও আপনার ঘারা 'ক্রমশঃ সেই ভাবটা জাগাইয়া তুলিয়া নিজেকে শুধু হাঙ্গোদীপ করিয়া তুলিতেছে।

শিক্ষার ভিতর সাধনা নাই—আছে শুধু ফাঁকি; আর শুধু আমরা ছাড়া সেই ফাঁকিতে আর কেহ পড়িতেছে না। বৈদিক কর্মকাণ্ডের ক্রিয়া-কলাপের ঘোরপ্যাচ, নিরর্থক জটিলতা, ও নিক্তিওজনে দিন-কাল নিগণ প্রভৃতির অশেষবিধ ব্যাধমার মত শিক্ষার বিচিত্র ব্যবস্থার ভিতর দিয়া অগ্রসর হইয়া যখন গভীর সীমানায় আসিয়া পৌঁছাই, তখন আমরা হাড়ে হাড়ে ঘুবিতে পারি—বৈদিক কর্মকাণ্ডের মতই আমাদের শিক্ষার এই লক্ষ্যকাণ্ডে বস্ত্ত আগাগোড়াই এক ভূতগত ব্যাপার। শুধু হেঁটে-চিঙের সহিত কোনো সঞ্চকই

• আজ শুধু শিক্ষাসংঘে আলোচনা করিতে চাই—ত্রয়াবধের আর দুটি আবর্ধে বর্ধন সমাজ ও সাহিত্যের বহা-ক্রমশঃ তুলিবে।

নাই। শিক্ষার উদ্দেশ্য, মানুষের ভিতরকার সত্য মানুষটিকে আগাইয়া তুলিবে ও তাহার অভ্যন্তরস্থ গর্ভভটিকে ঘুম পাড়াইয়া ফেলিবে, বৈন মধ্যরাত্রে সে তাহার অঙ্গ উচ্চাস শুরু করিয়া না দেয়। অনেক সময় সত্য সত্যই সন্দেহ হয়, আমাদের শিক্ষা-পদ্ধতি ঠিক ইহার উঁচুদিকের কাছ করিয়া যাইতেছে কি না।

হাতে-পড়ির পর হইতে বাঙ্গালীর কিরূপ শিক্ষালাভ হয় তাহা একটু খেঁচা খরিয়া চিন্তা করিয়া দেখিলেই অবস্থাটা অতি সহজেই বোধগম্য হইবে।

শিশুকাল হইতে চিরকালই বাঙ্গালীর ছেলে 'তেলেজলে' মানুষ বলিয়া, একটা কথা চলিয়া আসিতেছে। আমি সে বিষয়ে বিন্দু-মাত্র সন্দেহ করি না। শ্রবণটিকে গূঢ়ার্ণ এই মনে হয় যে, বাঙ্গালীর জলভরা মাথায় যা কিছু বিদ্যা প্রবেশলাভ করে তাহাই তেলের মত উপরে ভাসিয়া থাকে। তাহার প্রমাণ সর্বত্রই স্পষ্ট। বাহা হউক, শিক্ষা শুরু হইতে না হইতে পাঠ আরম্ভ হইল— গোপাল বড় হুবোধ বালক, তাহাকে যে যা দেয় তাই খায় ও যে যা বলে তাই করে। যে প্রাণীকে যে যা দেয় তাই খায় ও যে যা বলে তাই করে, সে যে কি জন্ত তাহা কোনও প্রাণী-তথ্যই তাহার জীবন-ব্যাপী অনুসন্ধান ও গবেষণার ফলে স্থির করিতে পারেন কি না সন্দেহ—অস্বস্তঃ জগতের কোনও পশুশালায় আজ পর্যন্ত এরূপ একটি জীব সংগৃহীত হয় নাই। তারপর সনাতনী বিদ্যার গোয়ানে সংযুক্ত হইয়া গুরুমহাশয়ের লাম্বলমর্দন উপভোগ করিতে করিতে বাঙ্গালী-নন্দন সেই যুগসন্ধানিত চক্রান্ত চলিতে শুরু করিল। এইরূপে শনশায়মান বেধুবনের মধ্যদিয়া ভূতভয়গ্রন্থ বেচারীর মত সচকিত চিত্তে বিভাগার্গের বল্লভর স্মৃত্তিকিক পৃষ্ঠে অক্ষিয়া কোনোরূপে বাবি খাইতে খাইতে সে উচ্চ বিদ্যালয়ের প্রাঙ্গণে আসিয়া দাঁড়ায়। সেখানে আসিয়া মাথার ভিতর তাহার সবই গোল বাধিয়া যায়।

এতদিন টারিফিকের তাড়ায় বে বুদ্ধিরক্তি তাড়াহুত মুখকের মত কূটস্থ হইতেই শিক্ষালাভ করিয়া আসিয়াছিল, আজ বড় বিদ্যালয়ের সর্বনিম্নশ্রেণীতে প্রবেশ করিতেই ইতিহাস, ভূগোল, বিজ্ঞান, জ্যোতিষ, স্বাস্থ্যতত্ত্ব, দেহতত্ত্ব, উদ্ভিদবিদ্যা, জ্যামিতি প্রভৃতি অসংখ্য বিষয়ের ভিতর ছড়াইয়া পড়িবার জন্ম তাহার উপরে কড়া হুকুম আসে। পাঠশালায় কোরা তাড়া খায়, ছড়াইয়া-পড়া বুদ্ধিরক্তি কেছোড়িত করিবার জন্ম,—আর সকলে আসিয়া আবার তাহাকে বিকেন্দ্রীকরণ করিবার জন্ম তাড়া খাইতে খাইতে তাহার প্রাণ যায়। এইরূপে তাপমানের এক যায়গায় ঠাসা পানরকে হঠাৎ একঘাটে ভাঙিয়া দিলে তাহার যে-দশা হয়, ইহাদের অবস্থাও কতকটা সেইরূপই দাঁড়ায়। তারপর দিনে দিনে, মণ্ডাহে সপ্তাহে, মাসে মাসে, বৎসরে বৎসরে পরীক্ষার বিষম ঠেলা ও তাহার তাড়নায় মরিয়া হইয়া শিক্ষার্থীদের, বাজারের বর্তমান কালের পেটেট ঔষধের মত 'সর্ব-রোগহর' নোট মুগ্ধ করিবার পালা। স্তত্রং ঘটে যাহা দাঁড়ায় তাহা বুঝাই যায়। তারপর অবিভাবক ও পাড়ার বিজ্ঞ মুকুন্দবি-দিগের উপদেশ এবং সভ্যতাভব্যতা শিক্ষার্থীর অসহ অত্যাচার। এই নীতিশিক্ষা ও হিতোপদেশের ফলেই তাহারা শৈশবে অকালপক যৌবনে মহাপ্রবণ ও বুড়োবয়সে নতুন খোঁকা সাজিতে শিখে।

এইরূপে অশুদ্ধসার নামক পদার্থটির নিঃশেষ-বিনিময়ে অমূল্য বিজ্ঞা অর্জন করিয়া তরুণ বয়সস্থান বিশ্ববিদ্যালয়ের সিংহঘারে জগৎজয়ে উৎফুল্ল দশাননের মত বীরদর্পে 'রণে দেখি'র পরিবর্তে 'বিভাগে দেখি' বলিয়া আসিয়া দাঁড়ায়। মহাকাব্য বালীর মত আমাদের বিশূল ইউনিভার্সিটি গম্ভীর ভাবে তাহার বিশাল লাম্বলে সমাগত বিভাগার্থীর কণ্ঠদেশে মকমরূপে জড়াইয়া ধরিয়া পরীক্ষার সপ্ত সমুদ্রে পরম যত্নের সহিত বার বার উত্তমরূপে চূষাইয়া অবশেষে লাম্বল-পাশ হইতে যখন তাহাকে মুক্ত করে, তখন সে বেচারী ঠাঁক ছাড়িয়া বাঁচিবে কি-খাবি খাইয়া মরিবে তাহা ভাবিয়া ঠিক করিয়া উঠিতে

পারে না। অতঃপর চিরজীবনটাই তাহার গলাধঃকৃত লবণাক্ত সলিলরাশি উল্কারণ করিতে করিতে প্রশান্ত হইতে হয়।

এইরূপে বিশ্ববিদ্যালয়ের আলিঙ্গনের দৃঢ় পাশ হইতে বিজ্ঞানী যখন মুক্তিলাভ করিল তখন সে বহুদিনের জ্বলে জ্বড়ানো শুষ্ক পুরাণো নিম্ন মাছটি। লোকে ভাবে বিজ্ঞান আধিক্যবশতঃ চাকলা ও প্রশলভতা ত্যাগ করিয়া সে গভীর হইয়া গিয়াছে। চোক মুখ পা ডানা সবই আছে, নাই শুধু প্রাণ নামক একটি পদার্থ—
Finished and finite clods, untroubled by a spark.

হুতরাং দেখা যাইতেছে যে আমাদের পরম গৌরবের বিশ্ববিদ্যালয়টি একটি লৌহ নিকাসনের চূর্ণী বিশেষ (blast furnace)। এখানে বঙ্গ খনিজাত তরুণবয়স্ক যত খনিজ লৌহ (ores) প্রবেশ করাইয়া তাহাদের মধ্য হইতে বাঁটি লৌহের অংশটি সম্পূর্ণরূপে নিকাসিত করিয়া অবশেষে ডিগ্রী পাশের দ্বার দিয়া অপদার্থ অঙ্গার-রূপে (slags) সংসারের ক্ষেত্রে অর্ধচন্দ্র দিয়া তাহাদিগকে বহিষ্কৃত করিয়া দেওয়া হয়।

এই অবস্থায় যখন পৌঁছান গেল, তখন বঙ্গসন্তান বহিরাকারে 'কুঙ্ক পৃষ্ঠ-মুক্ত দেহ' এক পৃষ্ঠে একগাদা অজ্ঞাত ভূতের বোঝা লইয়া সংসারের নরকভূমির মধ্য দিয়া একটা অকারণ যাত্রা করিয়াছে। বয়সে নবীন হইলেও দেহে মনে তখন সে বৃদ্ধ—মাথা হইতে তাহার স্বাধীন চিন্তাবৃত্তি, আশা-আবেগ ও উদ্দাম-আকাঙ্ক্ষা-স্বপ্নলিত মগজটি সম্পূর্ণরূপে নিকাসিত হইয়াছে। তখনই হইল শিক্ষার সমাপ্তি। অর্থাৎ তাহার সম্বন্ধে অদৃষ্টের যে একটা মন্ত পরিহাস ছিল, সেটা সে প্রচুর রসিকতার সহিত পুরাদস্তুর সারিয়া লইল। বাঙ্গালী জীবনের এই নাট্যাটিকে ট্যাঞ্জিডি বলা উচিত, না ইহা বাস্তবিকই প্রেমসন আখণ্ড পাইবার যোগ্য, তাহা নিষ্কারণ করা অনেক সময় কঠিন হইয়া দাঁড়ায়।

বাস্তবিকই আমাদের শিক্ষাপদ্ধতি যেন প্রতিজ্ঞা করিয়া বসিয়াছে

যে-মামুদকে আর কিছুতেই মামুদ থাকিতে দেওয়া হইবে না। যে খুঁটিটাকে অবলম্বন করিয়া ও যাহার জোরে পৃথিবীর সব টানাহেঁচক আমরা সহ্য করিব, সেই খুঁটিটাকেই সে বিঘম ঢিলা করিয়া দিতেছে। হুতরাং একটু ঠেলা লাগিলেই—একটু টান পড়িলেই সমুদ্র বিপদের সম্ভাবনা। বাস্তবিকই পুরুষবহীন করিবার, উৎসাহ উত্তেজনা ও উদ্দাম আগ্রহকে দমাইয়া দিবার এমন ধ্বংস্তুরি আমাদের দেশের বর্তমান শিক্ষাপদ্ধতির মত আর আছে কি না সম্ভেদ।

বাজীকরের কি সংগোহন ভেরীই আজ বাঙ্গলার দৈনিক দিকে প্রতিধ্বনি জাগাইয়া বাজিয়া উঠিয়াছে। মনের আবেগ উন্মাদকে ছেলে-ভুলানো ছড়ায় ঘুম পাড়াইয়া, আপনাদর ব্যক্তিত্বকে উচাইয়া ধরিবার শক্তি ও আগ্রহকে ক্লোরোফর্ম করিয়া সাজ্জারীয় বিঘম ছুরি ঢালাইয়া আমাদের মুচ্ছিতাবস্থায় সে আমাদের মস্তিষ্ক ও হৃদ-পিণ্ডটা কাটিয়া বাহির করিয়া লইতেছে। তিন দিনে একটা লাল রক্তের তাজা মামুদকে পোষা বিড়াল বানাইয়া দেয়—এমন যাত্র-কর আর কি কোথাও আছে ?

মেয়েদের শিক্ষার অবস্থাটাও ঠিক ঐ একরকমই। অর্ধশতাব্দী কালেরও অধিক 'প্রাশিকা' 'প্রাশিকা' করিয়া এত অদ্ভুতের এত টাংকার যে আমরা করিলাম তাহার ফল কি হইল ? শুধু অশিক্ষায় যদি ইহার পর্য্যবসান হইত তাহা হইতে বিশেষ ক্ষোভ কিছা দ্বন্দ্বিতার কারণ ছিল না। কারণ সাত শ বছরকার অন্ধকারের মহাসমুদ্রে পঞ্চাশ বৎসরের অশিক্ষার কুম্ভসলিলা স্রোতস্বিনীটি এমন বিশেষ কিছু আর আধিক্য আনিতে পারিত না। কিন্তু প্রকৃত পরিভাপের বিষয় এই যে, অশিক্ষা নয়, কুশিক্ষাই আমরা আমাদের নারী-সমাজের হাতে পরম আদরে তুলিয়া দিয়াছি।

পুরুষের শিক্ষার তবু একরূপ ব্যবস্থা আছে বলা চলে, কিন্তু প্রাশিকার সম্বন্ধে সেরূপ কোনো অপবাদ দিবার ঘোঁ নাহি। মেয়ে-

দের শিক্ষার ভারটা সম্পূর্ণই আমরা মিশনারীর হাতে সমর্পণ করিয়া দিয়া নিশ্চিন্ত আছি। আমাদের দেশে খ্রীশিক্ষার আশু ও ঐকান্তিক প্রয়োজনীয়তা সম্বন্ধে 'স্বকথিত বক্তৃতা' ও 'স্বলিখিত প্রবন্ধের' অভাব হইবার আদৌ কথা নহে। কিন্তু সৌখীনতাটা যে অতবড় একটা জরুরী ব্যাপার তাহা ত ইতিপূর্বে মোটেই জানা ছিল না। কারণ আমাদের দেশে খ্রীশিক্ষাটা একটা সখ বই আর কি? মিশনারী মেয়ে-বুলে আর কি হয়? সেখানে বোলতার মত কোমর-বাঁধা যত বিবিধ দল ক্রমাগত ভন্ ভন্ করিয়া মেয়েদের কাণে অনায়ত্ত গৃহীন ধর্মের ধান ভানিতে থাকে ও মাঝে মাঝে শিবের গীতের মত ছুঁচার পাত ইংরাজী পড়া হয়। শিক্ষা সমাপ্ত করিবার পর মেয়েরা গৃহে উজনা করিতে শিখুক না শিখুক, ভারতের আবহাওয়াটাকে অসহ্য বোধ করিতে ও ভারতীয় জীবনের আশংকটিকে অবজ্ঞা করাটাই শিক্ষিত মহিলাজীবনের দপ্তর মনে করিতে বিলক্ষণ শিখে। কারণ অধিকাংশ মিশনারীই অশিক্ষিত ও পেশাদার গৃহেভক্ত। ভারতের আদর্শ, প্রথা ও ধর্মতত্ত্ব সম্বন্ধে তাহাদের যে জ্ঞান, আপনাদের প্রচার্য গৃহেধর্মতত্ত্বের সত্যার্থবোধও তাহাদের তরুণই। কাজেই তাহাদের জ্ঞানবুদ্ধির অধিষ্ঠান স্থানটিকে মুচুতা ও অজ্ঞতার গদ্যযমুনা-সদম বলিলে অত্যুক্তি হয় না। সুতরাং উক্ত মিশনারী-বুদ্ধির প্রয়োগ মহাতীর্থে স্থান করিয়া আমাদের বালিকারা যে কি শিক্ষালাভ ও পুণ্যসঞ্চয় করেন তাহা সহজেই বোধগম্য হয়। বৎসরের পর বৎসর দরিদ্র বিশিষ্ট ভারতের রক্তে তাহাদের চির-অনিবৃত্ত পিপাসা মিটাইবার চেষ্টা করিয়া মেয়েরা শিখে শুধু বিলাতি প্যাটার্নে কাপেট বুনিয়া শোভন করিবার আকাঙ্ক্ষার ঘরের দেওয়াল অশোভন করিয়া তুলিতে ও সস্তা বিলাতি আসবাবপত্রে ঘরখানির পরিক্রতা ও সৌন্দর্য্য একেবারে লোপ করিতে। ইহা ছাড়া বর্তমান খ্রীশিক্ষা-পদ্ধতি আমাদের আরও কয়েকটি গুরুত্ব উপকার সাধন করিতেছে। পঢ়া পিঠানোর ছই

চারিটা কুঁঠাং শব্দ করিতে শিখাইয়া তাহারা আমাদের দেশের অতুলনীয় সঙ্গীত-কলার গদ্যযাত্রার ব্যবস্থা করিয়া দিতেছে। আমাদের দেশের মেয়েরা এখন পিয়ানো ও অর্গ্যানো মশগুল! দেশের প্রাণস্পন্দনের সঙ্গে সঙ্গে যে সঙ্গীত-কলা নানা যন্ত্রসহযোগে একদিন সমস্ত দেশখানিকে আনন্দের আবেশময় ঝঞ্ঝারে মুগ্ধ করিয়া তুলিত, আজ তাহা অজ্ঞানের অথও স্তব্ধতার অতলতায় ডুবিয়া গিয়াছে। বাঙ্গালায় এখন—

নীরব ররাব বীণা মুগ্ধ মুগ্ধী।

ভারতীয় সঙ্গীতের নিত্য নব নব লাগিতা-ভঙ্গিমায় যে "চিরন্তন রাগিণীটি একদিন আমাদের পরিত্যক্ত অন্তরেও শাস্তির স্খাধারা বর্ণন করিতে বিরত থাকিত না, "আজ পশ্চিমের বোড়ো হওয়ায় সে "রাগরাগিণী, সে সঙ্গীতলাপ কোথায় ভাসিয়া গিয়াছে! কিন্তু সর্বপেশেকা পরিতাপের বিষয় এই যে আমরা তাহাতে কিছুমাত্র বিধাদের লক্ষণ প্রকাশ না করিয়া নিশ্চিন্ত মনে বসিয়া খোড়ো হাওয়ার হুর ভাঁজিতেই ব্রহ্ম করিয়া দিয়াছি! বৈকব কবিদের সেই পূর্বরাগ সন্তোষ অভিম্বার মান বিরহ ও মিলনের মধুময় সঙ্গীত, বাউলদের আপন-ভোলা ও মন-উদাস-করা একতারায় বাজানো গান-গুলি, রাখাল কৃষাণের মেঠো হুর, মাঝিদের ভরা-বাদলের চাটিয়ালা আলাপ, নর্ভকীদের হাস্যলাস ও আবেগ মাধুরীপূর্ণ গীত ও নৃত্য-কলা, প্রবীন তপস্বীদিগের জীবনব্যাপী সাধনার প্রাণময় জীবন্ত সঙ্গীত বর্তমানের পৃষ্ঠা হইতে নিঃশেষে মুছিয়া গিয়া বাঙ্গালায় আজ তাহা অজ্ঞানের স্মৃতি হইয়া দাঁড়াইয়াছে। বীণা, তানপুরা, সারেং, মৃদঙ্গের স্থলে হারমোনিয়াম ও গ্রামোফোনকে পরম "আমদের সহিত বরণ করিয়া লওয়া হইয়াছে। যেখানে সঙ্গীতের স্পন্দমান জীবন্ত মুক্তি বিবাজ করিত, আজ সেখানে জীবনহীন যন্ত্রের প্রতিষ্ঠা হইয়াছে,—যেখানে তপস্বী ও সাধনা ছিল, কার্যাবকাশের দৌখিনতা আসিয়া স্বেচ্ছানু অধিকার করিয়াছে। সেই জন্মই বলিতেই শিক্ষা

আমাদের মানুষের মত মানুষ করিয়া-ভুলিতে পারিতেছে না। মনের ক্ষমতা মিটাইতে পারে বা জগত-ব্যাপারে কাজে লাগিতে পারে এমন কোনো সম্বলই সে আমাদের হাতে দিতে পারিতেছে না। আমাদের দেশে একটা ধূয়া উঠিয়াছে যে বর্তমান বিদ্যাতী—‘অর্থকরী’ বিদ্যা। এই ‘অর্থ’ যদি শূন্যর মহাশয়ের অর্থ না হয়, তবে কথাতার কোনো অর্থই নাই। কারণ প্রকৃতপক্ষে অর্থনীতি সম্বন্ধে কোনো বিশেষ কার্যকারী জ্ঞানই আমাদের হইতেছে না। আমাদের— বিশেষতঃ বঙ্গালীদের theorist হইবার একটা অসাধারণ ক্ষমতা ও দ্বি-প্রভা আছে। তাই কি practical কি theoretical যে কোনো বিষয়েই শিক্ষালাভ করিয়াও আমরা আপাগোড়া সকলেই অবশেষে হতাশভাবে theorist হইয়া পড়িতেছি। সর্বাপেক্ষা কোনও কার্যকারী (practical) বিষয়ে শিক্ষালাভ করিয়াও শিক্ষার শেষে আমরা উক্ত কার্যকারী বিদ্যাকে সম্পূর্ণরূপে একটি অকেজো theoryতে পরিণত করিতেই বরাবরই আশ্চর্যরূপ দক্ষতা দেখাইয়া আসিতেছি। কাজে কাজেই অর্থনীতির সর্বাপেক্ষা উচ্চশিক্ষা লাভ করিয়াও আমরা আইন ব্যবসা ও অধ্যাপনা ছাড়া ব্লার কোনও কাজই খুঁজিয়া পাই না। ব্যবসা-বাণিজ্যের দিকে লোকে মাধ্য-পক্ষে যাইতে চায় না। এ বিষয়ে আমাদের ক্ষমতা ও চেহঁটা উভয়েরই সমান অভাব। সুতরাং আমাদের বিদ্যাতী যে অর্থকরী বিদ্যা, তাহা কেমন করিয়া বলা যায়? অর্থকরী হইলে বর্তমান অবস্থায় আমাদের চ্ৰুণিত হইবার বিশেষ কোনও কারণই ছিল না। কিন্তু গভীর অনু-র্তাপের বিষয় এই যে, বিদ্যাতী আমাদের কোনও মতেই অর্থকরী ও নয়ই, বরং বহু-বিধেই যে ঘোরতর অর্থকরী, চ্ৰুণের বিষয়, সে বিষয়ে সন্দেহ করিয়া কোনও লাভ নাই।

আমাদের শিক্ষার এই ‘অর্থকরী’ অভাবটার দ্বিতীয় যে স্মরণটি ও লালিত্য বোধের (aesthetic culture) দ্বারা আংশিক ভাবেও পূরণ হইয়াছে জানিয়া একটু সাহস লাভ করিব তাহারও উপায় নাই।

কারণ স্মরণটি ও লালিত্য বা সৌন্দর্য-বোধ বলিয়া কোনো শস্যের চাষ বর্তমানে বঙ্গালীর মাটিতে আর্দ্র হয় না, যদিও পূর্বে ইহার চাষ প্রচুর পরিমাণেই হইত। এ বিষয়ে অনুসন্ধান বা গবেষণা নিষ্ফলো-জন; কেননা প্রতিনিয়তই ইহা আমাদের আচরণে ব্যবহারে বেশ-ভ্রমায় ও দৈনন্দিন জীবনের প্রত্যেক খুঁটিনাটিতেই অতি নিলজ্জ-ভাবে প্রকাশ হইয়া পড়িতেছে।

পরিচ্ছদ আমাদের কি অপূর্ণ! দ্বিতীয় উপর কামিজ, কলার ও বুকখোলা কেট পায়ে মোজা ও বুট। এ এক অপরূপ অর্ধ-বঙ্গালী অর্ধ-ফিরিশী মুক্তি যেন মধ্যযুগের ইউরোপের পরিকল্পনার মৎস্তমানব বা merman.

নারীর অবস্থাও ঠিক সেইরূপ দাঁড়াইয়াছে। ফিরিশী বা পার্শী সমাজ তাঁহাদের আকাজক্ষার সর্বরাজ্য বা utopia। কি কুৎসেই বঙ্গদেশের নারীসমাজে পার্শী চং আসিয়া ঢুকিয়াছিল। আজকাল একদল ফিরিশী অপর দল রূপান্তরিত পার্শী চণ্ডে মশগুল! যেন বঙ্গালীর বেশ বা বঙ্গালীর রুচি ও লালিত্যবোধ বলিয়া কোনো জিনিসের অস্তিত্বই নাই। এই হীন অনুকরণ-স্পৃহা মানুষকে যে অধঃপতনের পথে ক্রমশঃ টানিয়া আনে সে বিষয়ে আর সন্দেহ নাই। দেশীয়তার প্রতি অবজ্ঞা প্রকাশ করাটাই এখন আজকালকার দস্তুর হইয়া দাঁড়াইয়াছে। এখন ঢাকাই, শাড়ী ও মসলিন, বেনারসী শাড়ী ও রেশম, মুর্শিদাবাদের গরদ, অমৃতসরী শাল প্রভৃতি গিয়া জাংশীণ সিন্ধের পার্শী শাড়ী ও জাপানী সিন্ধের বীভৎস বডিসের রাজত্ব ও প্রতিপত্তির দিন আসিয়াছে।*

আসল কথা, আমাদের গোড়ায় হইয়াছে গলাদ এবং সঙ্কট হইয়াছে উভয় দিকে। সমস্যাটী দাঁড়াইয়াছে ঐ ধানেই। নৃতনে ও পুরাতনে যে গজ-কচ্ছপের যুদ্ধ বাধিয়াছে, তাহারই মাঝে পড়িয়া

* লেখক এখানে পঁচিশ বৎসরের আগেকার কথা কহিতেছেন।

আজ আমরা নিষ্পেষিত হইয়া মরিতেছি। কেহ কাহারও শপ মানিতে চায় না। পরম্পর পরম্পরের স্বপিণ্ড টানিয়া ছিঁড়িয়া প্রাণস্পন্দনকে নিমেষে স্তব্ধ করিয়া দিতে চায়। আপোষে আপনাবের বিবাদ কেহ মিটাইতে রাজী নহে। পৌরাণিকী কল্পনাতে ও বৈজ্ঞানিক তথ্যে, প্রাচীন স্মৃতির আধিপত্যে ও বর্তমানের নূতন অবস্থা-জ্ঞাত নব নব প্রয়োজনের দাবীতে, দেশের আবহাওয়ায় ও বিদেশের শিক্ষায় চিরদিনের সংস্কারে ও আঙ্গিকালিকার আকাজক্ষাতে, বিরামের আলক্ষে ও ছুটিবার বেগে প্রাচ্যে ও পাশ্চাত্যে বিঘম বৃন্দ বাধিয়া গিয়াছে। বিবাদ কেহ মিটাইতে চায় না—আক্রোশ কেহ ভুলিতে চায় না। কিন্তু বিবাদ মিটাইতেই হইবে, আক্রোশ ভুলিতেই হইবে—আপোষের যথেষ্ট সময় হইয়াছে।

কিন্তু আপোষের কোনও চেষ্টা এপর্যন্ত ত দেখা গেল না। পুরাতন পন্থী বাঁহারা, তাঁহারা ভারতের সৌখ-শশান হইতে জীর্ণ ইট কুড়াইয়া তাহারই সাহায্যে প্রাচীনের আদর্শ বজায় রাখিয়া ভারতের নব গৌরবের মহামন্দির রচনা করিতে চান—কিন্তু জীর্ণ ইটে নূতন এমারত বনাইবার চেষ্টা ব্যর্থতায় পর্যাবসিত হইবেই। অপর দিকে নূতন বা পাশ্চাত্যপন্থীরা বিলাতী ইট ও মালমসলায় শক্ত করিয়া এক নূতন স্ট্রাকচার তৈয়ার করিতে চাহেন। এ পর্যন্ত তাঁহাদের চেষ্টা প্রশংসার যোগ্য বটে। কিন্তু যখন তাঁহারা সেই নূতন স্ট্রাকচারটিকে একটি মার্চেন্ট হোসে পরিণত করিবার জন্ত কোমর বাঁধিয়া দাঁড়ান, তখন তাঁহারা একটা নিত্যস্ত আন্তি ও ক্ষয়হীনতার কাজ করিয়া বসেন। দুই দলই দুই সীমানায় উৎকট রূপে কুঁকিয়া বসিয়াছেন, স্তব্ধতাং কাজ কিছুই হইতেছে না—অনর্থক শুধু ঘন্ড বাধিতেছে। কারণ জীর্ণ ইটে নূতন মন্দির রচনা ও চিরস্তন মন্দিরের ভিটায় সওদাগরী হোস খাড়া করিতে যাওয়া এই উভয় চেষ্টাই যে ব্যর্থ হইবে তাহা নিঃসন্দেহ। প্রকৃত প্রয়োজন এখন প্রতীচ্য কারখানার ইট ও মালমসলার সাহায্যে অতিদ্রুত ও স্মৃদ্ধ

করিয়া ভারতের চিরস্তন ও নিত্য আদর্শের অসুরূপে একটি স্থিলাল নূতন মন্দির নির্মাণ করা। ইউরোপীয় কারখানার শক্ত মালমসলার পরিবর্তে ভারতের প্রাচীন জীর্ণ ইট ব্যবহার করিলে চলিবে না বা ভারতের চির-আনন্দ-নিকেতন কত যুগযুগান্তের স্বধনুঃখ ও পতন অভ্যাদয়ের স্মৃতি-জড়োনা মন্দিরের পরিবর্তে সওদাগরী হোসও তৈরি করিলে চলিবে না। ভারতের আদর্শ ও প্রতীচ্যের মালমসলার সহযোগে বাহা দাঁড়ায়—আমাদের তাহারই এখন প্রয়োজন।

সারা বাহির যখন বর্তমানের দক্ষিণে হাওয়ায় মাতাল হইয়া উঠিয়াছে, অন্তরের কুন্দ কুন্দমটিকে তখন আর বাতাসের লহর হইতে আড়াল করিয়া অতীতের কোটিরের ভিতর সংগুণ্ড রাখিলে চলিবে না। বর্তমানের দক্ষিণে হাওয়ায় অন্তরের কোরকটিকে তখন ফুটাইয়া তুলিতেই হইবে। মানুষের জাতীয় জীবনটা এইরূপ কতকটা ফুল গাছের মতই। তরুটি যখন নবীন ও সতেজ থাকে তখন সে আপনার সঞ্চিত রসের অঙ্গ উচ্ছ্বাসে সারা বৎসর ধরিয়াই দলে দলে অজস্র ফুল ফুটাইয়া তুলিতে থাকে। গ্রীষ্মের প্রখরতা, বর্ষার অশ্রাস্ত ধারাকুল কাতরতা, শীতের তুহিনাবাত তাহার সেই ভিতরকার বসন্তের উদ্দাম আনন্দের উচ্ছ্বাসিত ফেনিল বিকাশকে কোনো মতেই আর বাধা দিতে পারে না। একটা নবোন্মেষিত জাতির প্রাগলভ্য প্রতিভাকে রোধ করিতে পারে, এমন দুর্ধর্ষ বাধা পৃথিবীতে অতি অল্পই আছে। সেই পৃথিবীর গাছই আবার যখন প্রাচীন হইয়া আসিতে থাকে—যখন তাহার ভিতরকার জীবনী-স্রার সফেন মাদকতার তীব্রতা ক্রমশঃ মন্দীভূত হইয়া আনন্দের অঙ্গ অবেগ মন্থর হইয়া আসে, তখন গ্রীষ্মের তাপে সে স্তিমমাণ হইয়া মাটিতে হুইয়া পড়ে—শীতের অসাড়তা তাহাকে আর্ন্ত আচ্ছন্ন করিয়া ফেলে। ভাদ্রা দেউলের মলিন সিংহাসন তাহার সারা বৎসর শূন্য পড়িয়াই থাকে—শুধু ভরা বসন্তের মহোৎসবের দিনে পুরাতনের স্মৃতি ও চিরদিনের প্রাণ বজায় রাখিবার জন্ত শীর্ণ ছত্রাচিটি কিম্বলয়ে

পূজার উপচার সাঙ্গাইয়া আনন্দহীন উৎসবের ক্ষীণ আয়োজন হয় !
বসন্তের সুরা আর তাহার প্রাণে সে যৌবনের তীব্র মাদকতা ফিরা-
ইয়া আনিতে পারে না। তাই উৎসবময় অতীত জীবনের আনন্দের
স্মৃতি মনে জাগাইয়া চক্রে শুধু জল আনে।

শ্রীশ্রীরোদকুমার রায়।

গান

তেমনি করে হেসে হেসে

এস, এস, এস হে !

সকল ব্যথা জুড়িয়ে যাবে

মধুর তব পরশে !

সকল দুঃখ ডুবিয়ে দেব,

নীরব তব হরষে !

চোখের জল ফুলের প্রায়

সরবে তব পদ-তলায় !

হাসুন আমি আরো হাসব

তব হাসির চেউয়ে ভাসব

আমি সারাজীবন ছড়িয়ে দেব

মধুর তব পরশে !

তবে তেমনি করে হেসে হেসে

এস, এস, এস হে !

বৌদ্ধ-ধর্ম।

[১১]

বৌদ্ধ-ধর্ম কোথায় গেল ?

মুসলমানের আক্রমণে বৌদ্ধ-ধর্ম বাঙ্গালা হইতে লোপ হইয়াছে
একথা পূর্বেই বলা হইয়াছে। কিন্তু যেখানে মুসলমান যাইতে
পারেন নাই, সেখানে বৌদ্ধ-ধর্ম কিছু কিছু ছিল। ইংরাজেরা যেরূপ
সমস্ত দেশ একেবারে দখল করেন, মুসলমানেরা সেরূপ পারেন নাই।
অনেক স্থানেই যুদ্ধ করিয়া তাঁহাদের ছোট ছোট রাজ্য দখল করিতে
হইয়াছিল। গিয়াহুদ্দিন বোলবন্ যখন কুগ্রালের বিক্রোহ দমনের
জগু বাঙ্গালায় আসিয়াছিলেন, তখন তিনি ১২৮০ খৃঃ অব্দে সোণার-
গাঁওর রাজার সহিত সন্ধি করিয়াছিলেন। সকলেই জানেন নব-
দ্বীপ ও গোড়জয়ের পর পূর্ব বাঙ্গালা জয় করিতে মুসলমানদের
প্রায় একশত কুড়ি বৎসর লাগে। সোণারগাঁওর রাজারা যে
সব হিন্দু ছিলেন এরূপ বোধ হয় না। কারণ পূর্ব বাঙ্গালায়
অনেক বৌদ্ধ ছিল। আমরা বাঙ্গালা অন্ধরে লেখা একখানি পঞ্চ-
রক্ষার পুঁথি পাইয়াছি। পুঁথিখানি ১২১১ শকাব্দায় বা ১২৮৯ খৃঃ অব্দে
লেখা। পঞ্চরক্ষার পুঁথিখানি বৌদ্ধ, উহাতে পাঁচখানি পুঁথি আছে।
পাঁচখানিই আরম্ভ হয়—

“এক ময়া শ্রুতমেকশ্বিন সময়ে ভগবান” ইত্যাদি। লেখক বলি-
তেছেন এ সময়ে পরমভট্টারক - মহারাজাধিরাজ পরমসৌগত মধু-
সেন আমাদের রাজা। মধুসেন যে পূর্ব বাঙ্গালারই রাজা ছিলেন
একথা আমরা জ্ঞোর করিয়া বলিতে পারি না, তবে কুলগ্রাহে বঙ্গালের
পর মধুসেন বলিয়া একজন রাজার নাম দেখিতে পাওয়া যায়।
অল্প প্রমাণ না পাইলে আমরা মধুসেনকে বঙ্গালসেনের বংশধর

বলিতে চাহি না। তবে ১২৮৯ খৃষ্টাব্দে বাঙ্গালাদেশে একজন স্বাধীন বৌদ্ধরাজা ছিলেন একথা বেশ বলা যায়। এবং তাঁহার দেশে যে অনেক বৌদ্ধ বাস করিত সে কথাও বলা যায়।

মহামহোপাধ্যায় শূলপাণি চৌদ্দ শতকের শেষকালে তাঁহার প্রসিদ্ধ স্মৃতির গ্রন্থসকল রচনা করেন। এই সকল গ্রন্থের মধ্যে 'প্রায়শ্চিত্তবিবেক' খুব চলিত। তিনি একটি বচন তুলিয়াছেন যে নয় বেশিলাই প্রায়শ্চিত্ত করিতে হইবে। নয় শব্দের অর্থ করিয়াছেন—“নয়াঃ বৌদ্ধাদয়ঃ”। বৌদ্ধ না থাকিলে তিনি এরূপ অর্থ করিতে পারিতেন না। আমি একখানি বাঙ্গলা অক্ষরে তালপাতায় লেখা বোধিচর্যাবতারের পুঁথি পাইয়াছি। সেখানি বিক্রম সংবতের ১৪৯২ অব্দে লেখা অর্থাৎ ইংরাজী ১৪৩৬ সালে। বোধিচর্যাবতারখানি মহাযানের পুঁথি—বৌদ্ধদিগের গভীর দর্শনের পুঁথি। পুঁথিখানি সোহিনচরী প্রদেশে বেণুগ্রামে মহত্তর মাধবমিত্রের পুত্রের অঙ্ক নকল করা হয়। একজন বৌদ্ধভিক্ষু উহা লেখেন আর একজন উহার পাঠ মিলাইয়া দেন। সুতরাং বাঙ্গালার অনেক কায়স্থ যে তখনও বৌদ্ধধর্মাবলম্বী ছিলেন একথা বেশ বোধ হয়। কেপ্তিজে একখানি বাঙ্গলা হাতে তালপাতায় লেখা বৌদ্ধধর্মের পুঁথি আছে। সেখানি ইংরাজী ১৪৪৬ সালে লেখা। সেখানি মূল কালচক্রতন্ত্রের পুঁথি। পুঁথিখানি শাক্যভিক্ষু জ্ঞানশ্রী কোন বিহারে দান করিয়াছিলেন। লেখক মগধদেশীয় ঝাড়গ্রামনিবাসী করণকায়স্থ শ্রীজয়রাম দত্ত। উহাতে লেখা আছে “পরম ভট্টারক ইত্যাদি রাজাবলী পূর্ববৎ” অর্থাৎ জয়রাম দত্ত পূর্বের আরও অনেক পুঁথি নকল করিয়াছিলেন। ব্রিটিশ মিউজিয়মে এরূপ আর একখানি তালপাতার পুঁথি আছে, সেখানি ১৪৭৯ বিক্রম সংবৎ বা ১৪২৩ খৃঃ অব্দে লেখা। এখানি কাতন্ত্রের উদাহরুত্তি। বৌদ্ধধর্মের শ্রীবরহস্ত মহাশয় আপনার পাঠের অঙ্ক লিখাইয়াছিলেন। লিখিয়াছিলেন কপলিয়া গ্রামের কায়স্থ শ্রীরাগীশ্বর। ব্রিটিশ মিউজিয়মে শ্রীবরহস্তের অঙ্ক লেখা আরও অনেক-

গুলি কাতন্ত্র ব্যাকরণের পুঁথি আছে। তাহার মধ্যে দুই একখানি বাঙ্গলা ভাষায়ও লেখা আছে। সুতরাং প্রমাণ হইতেছে উৎকালে বাঙ্গলাদেশে বৌদ্ধবিহার ছিল বৌদ্ধধর্মের ছিলেন। তাঁহার ব্যাকরণশাস্ত্র বিশেষ যত্ন করিয়া পড়িতেন। শ্রীবরহস্তের যে সকল বিশেষণ দেওয়া আছে তাহাতে তিনি যে মহাযানমতাবলম্বী ছিলেন সে বিষয়ে সন্দেহ নাই। একটি বিশেষণ এই “শুভাসম্বন্ধকারবরোপেত মহাকল্পণী” “সর্ববালম্বনবিবর্জিতাবয়বোথিচিত্তমণিশিত্তিরূপক”। সুতরাং পনের শতকেও বাঙ্গলায় অনেক জায়গায় বৌদ্ধ ছিল এবং বৌদ্ধধর্মের পুঁথিপাঁজীও লেখা হইত। এই শতকে রঢ়াশ্রেণী মহিষ্ঠা গাঁই বৃহস্পতি নামে একজন বড় পণ্ডিত গোড়ের স্থলতান, রাজা গণেশও তাঁহার মুসলমান উত্তরাধিকারীগণের নিকট “রায়মুকুট” এই উপাধি পাইয়াছিলেন এবং তিনি একখানি স্মৃতি, অনেকগুলি কাব্যের টীকা ও অমরকোষের একখানি টীকা লিখিয়া বাঙ্গলাদেশে সংস্কৃতশিক্ষার বিশেষ উপকার করিয়া যান। তাঁহার অমরকোষের টীকা একখানি প্রামাণিক গ্রন্থ। তিনি ঐ টীকায় চৌদ্দ-পনেরখানি বৌদ্ধ-পুস্তক হইতে প্রমাণ সংগ্রহ করিয়াছেন। তাঁহার অমরকোষের টীকার তারিখ ইংরাজী ১৪৩১ সাল। তাহা হইলে তখনও বৌদ্ধশাস্ত্রের পঠন-পাঠন ছিল এবং জাম্বুদ্বীপের অন্ততঃ শব্দশাস্ত্রের প্রমাণ সংগ্রহের অঙ্ক বৌদ্ধ পুঁথি পড়িতে বাধ্য হইতেন—একথা বেশ বুঝা যায়।

চৈতন্যদেবের তিরোভাব হয় ইংরাজী ১৫৩৩ সালে। তাহার পর তাঁহার অনেকগুলি জীবন-চরিত লেখা হয়। চূড়ামণি দাস একখানি চৈতন্য-চরিত লেখেন। তাহাতে লেখা আছে চৈতন্যের জন্ম হইলে সকলেই আনন্দিত হয় তাহার সঙ্গে বৌদ্ধেরাও আনন্দিত হয়। জয়ানন্দ আর একখানি ‘চৈতন্য-চরিত’ লিখিয়াছেন। তিনি পুরীর জগন্নাথদেবকে বৌদ্ধমূর্তি বলিয়া বর্ণনা করিয়াছেন। সুতরাং ১৬ শতকেও বৌদ্ধেরা বাঙ্গলা হইতে একেবারে লোপ পায় নাই।

১৭ শতকে মঙ্গোলিয়া দেশে উর্গানামক নগরে এক মহাবিহারে তারানাথ নামে একজন প্রসিদ্ধ লামা ছিলেন। তিনি ভারতবর্ষে বৌদ্ধ-ধর্মের অবস্থা কিরূপ আছে জানিবার জ্ঞত ১৬০৮ সালে বুদ্ধ-গুপ্ত নাথ নামে একজন লামাকে পাঠাইয়াছিলেন। তিনি জগন্নাথ ও তৈলঙ্গ যুরিয়া বাঙ্গলাদেশে আসেন। তিনি কাশ্রমগ্রাম ও দেবীকোট, হরিভঞ্জ, কৃকবাদ, ফলগ্র, প্রভৃতি নানা স্থানে ভ্রমণ করেন। এই সকল স্থানেই অনেক বৌদ্ধ-ধর্মিত ছিলেন, অনেক বৌদ্ধ পুঁথি-পাঁজী ছিল, বৌদ্ধ-ধর্মও খুব প্রবল ছিল। হরিভঞ্জ বিহারের ধর্ম-গণ্ডিতের নিকট তিনি বৌদ্ধ-ধর্ম সম্বন্ধে নানারূপ শিক্ষালাভ করেন। হেতুগর্ভধন নামে একজন পণ্ডিত উপাসিকা তাঁহাকে নানারূপ শিক্ষা দিয়াছিলেন। এইখানে তিনি অনেক সূত্রের মূলগ্রন্থ দেখিতে পাইয়াছিলেন। বাঙ্গালার বাহিরেও তিনি অনেক স্থানে বৌদ্ধ-ধর্মের উন্নতি দেখিতে পান। কিন্তু সে-সকল কথাই আমাদের কাজ নাই। তাঁহার সময়ে রাঢ়ে ও ত্রিপুরায় বৌদ্ধ-ধর্ম বেশ প্রবল ছিল। তিনি বোধগয়ায় মহাবোধিমন্দিরে ও বজ্রাসনের নিকটে অনেক বৎসর বাস করিয়াছিলেন। তিনি এই অঞ্চলে কোন বিহারে জনকায় সিদ্ধনায়ক ডাক প্রভৃতি অনেক মণ্ডলের চিত্র দেখিয়াছিলেন। তিনি তৈলঙ্গ, বিজ্ঞানগর, কর্ণাট, প্রভৃতি অঞ্চলে অনেক যুরিয়াছিলেন। তিনি শান্তিগুপ্ত নামে একজন সিন্ধের নিকট দৌকিত হইয়া “নাথ” উপাধি পাইয়াছিলেন। সেই অবধি তাঁহার নাম হইয়াছিল “বুদ্ধ-গুপ্ত নাথ”। যোগিনী দিনকরা ও মহাগুরু গভীরমতির নিকট তিনি অনেক অলৌকিক ক্ষমতা পাইয়াছিলেন। তিনি মহোত্তর সুধী-গর্ভের নিকট শিক্ষালাভ করিয়াছিলেন। রাজগৃহের গুপ্তকূট গিরি-গুহায় ও প্রয়াগে অনেক বড় বড় তীর্থস্থান দেখিয়াছিলেন। তিনি বগেন্দ্রি পাহাড়ের উপর যোগীদের থাকিবার জ্ঞত এক প্রকাণ্ড বাড়ী নির্মাণ করিয়াছিলেন।

নেপালে বলিতপত্নন নামে এক নগর আছে। উহাকে এখন

‘পাটন’ বলে। এখানকার একজন বজ্রচার্য্য ১৬৬৫ খৃঃ অব্দে তীর্থ করিতে আসিয়া কিছুদিন মহাবোধিমন্দিরের নিকট বাস করেন। তখন তাঁহাকে স্বপ্ন হয়, তিনি যেন মহাবোধিসূত্রের মত একটি স্তূপ নিজের দেশে নির্মাণ করেন। তিনি তিন বৎসর মহাবোধিতে থাকিয়া উহার একটি চিত্র আঁকিয়া লইয়া যান এবং পাটনে মহাবোধি নামে এক বিহার নির্মাণ করেন। উহার ঠিক মধ্যস্থলে মহাবোধি স্তূপ নির্মাণ করেন। পাটনের সে বিহার ৬ সে স্তূপ আজও আছে। নীচের দিকে একটু একটু লোণা ধরিয়াছে কিন্তু উপরের অংশ ঠিক আছে। আশ্চর্যের বিষয় এই যে, বোধিগয়ার মন্দির ইংরাজেরা মেরামৎ করিয়া দিলে যেরূপ হইয়াছে সেটও ঠিক সেইরূপ! মহাবোধি বিহারের বজ্রচার্য্যেরা নেপালের বৌদ্ধদিগের মধ্যে আজিও অতি উচ্চস্থান লাভ করিয়া আসিতেছেন।

আঠার শতকের প্রথমে কাশীতে নাথুরাম নামে একজন ব্রহ্মচারী ছিলেন। তাঁহাকে লোকে নথমন ব্রহ্মচারী বলিত। বদরিকাশ্রমের সহিত তাঁহার খুব ঘনিষ্ঠ সম্বন্ধ ছিল। তিনি নামে বৌদ্ধ ছিলেন কিন্তু বৌদ্ধ-ধর্ম সম্বন্ধে বড় কিছু জানিতেন না। তাঁহার সংস্কার ছিল সংবৎ ১৭৫৫, ৮ই মাঘ বুদ্ধদেব বদরিকাশ্রমে অবতীর্ণ হইবেন। ৫ই মাঘ বিষ্ণু শিব গণপতি শক্তি এবং সূর্য্য নথমলের নিকট আসিয়া তাঁহাকে মুখভাষাগ্রন্থ লিখিতে বলেন। সেই গ্রন্থে বুদ্ধের অবতার হওয়া, বৌদ্ধ-ধর্মের শ্রাবণ প্রভৃতি অনেক কথা লেখা থাকিবে। তিনিও সেইমত কাশীর রামাপুরায় থাকিয়া ভিন্ন ভিন্ন দেশীয় চারি পাঁচ জন বিজ্ঞানীর সাহায্যে সাড়ে-বার লক্ষ শ্লোকে এক প্রকাণ্ড পুস্তক লেখেন। ঐ পুস্তকের খানিক খানিক কাশীর পুঁথিওয়ালাদের নিকট দেখিতে পাওয়া যায়। খানিকটা এগিয়াটিক সোসাইটীতেও আছে। কিন্তু সেটা মূল পুঁথি নয়—নকল করা। পুঁথির নাম এখন হইয়াছে ‘বুদ্ধচারিত’। বুদ্ধদেব অবতীর্ণ হইয়া শুরসেন দেশে বুদ্ধনামক এক পৈতোর সহিত যুক্ত করিয়া তাহাকে পরান্ত করিলেন।

মুসলমানেরা যখন ভারতবর্ষ অধিকার করেন তখন ভারতবর্ষে যে একটা বৌদ্ধ বলিয়া প্রবল ধর্ম ছিল তাহা তাঁহারা জানিতেন না। তাঁহারা ভারতবাসী সভ্যজাতিমাত্রকেই হিন্দু বলিতেন। হুতরাং বৌদ্ধ-ধর্ম ও জ্ঞানধর্ম-ধর্ম দুইই তাঁহাদের কাছে হিন্দুধর্ম ছিল। মিন্‌হাজ ওলশুপুরী বিহার বিনাশের যে ইতিহাস দিয়াছেন তাহাতে তিনি বলেন যে, মুসলমানেরা দুই হাজার সব মাধাকামান জ্ঞানগণকে বধ করিয়াছিলেন। তাঁহারা “ওলশুপুরী” বিহারকে “ওলদন” বিহার বলিতেন। সব মাধাকামান জ্ঞানগণ হইতে পারে না একথা বোধ হয় বাঙ্গালী পাঠককে বুঝাইতে হইবে না। সম্রাসীরাই সব মাধাকামায়। বিহারের ভিক্তুরা সব মাধাকামাইতেন যেহেতু তাঁহারাও সম্রাসী ছিলেন। আকবরের সময়-নানাদেশের ও নানাধর্মের পশ্চিমপন তাঁহার সভায় উপস্থিত থাকিতেন, কিন্তু তাঁহার সভায় কোন বৌদ্ধ পশ্চিম উপস্থিত ছিলেন না। ইংরাজেরা যখন প্রথম বাঙ্গালা হইতে আরম্ভ করিয়া একে একে সমস্ত ভারতবর্ষ অধিকার করেন, তখনও তাঁহারা ইংরাজ-অধিকৃত দেশে কোন বৌদ্ধ দেখিতে পান নাই। কিরূপে বৌদ্ধদের মাম পর্যন্ত এদেশে লোপ হইয়া গেল, তাহা জানিতে হইলে প্রথম বৌদ্ধদের ইতিহাস জানা চাই। পূর্বের পূর্বের অনেকবার লেখা হইয়াছে যে, শেষ অবস্থায় বৌদ্ধেরা বড় কদাচারী হইয়াছিল—অত্যন্ত ইন্দ্রিয়সক্ত হইয়াছিল এবং তাহারা শেষ অবস্থায় ধর্মের যে ব্যাখ্যা করিয়াছিল সে অতি কদাকার। সেই জন্ত জ্ঞানগণেরা তাহাদিগকে প্রথম বিরূপ করিতেন পরে ঘৃণা করিতেন। বিরূপের একটা উদাহরণ “প্রবোধচন্দোদয়” নাটকের তৃতীয় অঙ্কে দেখা যায়। হিন্দুবাজারাও বৌদ্ধদের বিরক্ত করিতে ক্রটি করিতেন না। আমাদের শাস্ত্রে লেখা আছে, যেখানে দেবোত্তর ভূমি আছে তাহার নিকটে জ্ঞানগণকে “ক্রোধোত্তর” দিবে না। কিন্তু সেন রাজাদের ক্রোধোত্তর দানে দেখা যায় যে উহার একসীমা “বুদ্ধবিহারী দেবমঠঃ”। কিন্তু বৌদ্ধদের প্রধান শত্রু রাজারাও ছিলেন না—জ্ঞানগণও

ছিলেম না—শৈবযোগীরাই উহাদের প্রধান শত্রু ছিল। শেষকালের বৌদ্ধগ্রন্থসকলে দেখিতে পাওয়া যায় শৈবযোগীদের উপর উহাদের বড়ই রাগ। স্বয়ম্ভুপুরায় নেপালের রাজা বক্ষমন্ডের সময়ে লেখা হয়। তিনি ইংরাজী চৌদ্দ শতকের শেষে রাজত্ব করিতেন। স্বয়ম্ভুপুরায়ের শেষে শৈবধর্মকে বিস্তর গালি দেওয়া আছে। বাঙ্গালাতেও বোধ হয় শৈবযোগীরাই ক্রমে প্রবল হইয়া বৌদ্ধদের নাম পর্যন্ত লোপ করিয়াছে। চৈতন্যদেব অনেক নীচ অস্পৃশ্য জাতির উদ্ধার করিয়াছেন। অনেক সময় মনে হয়, এই সকল নীচ অস্পৃশ্য জাতির পূর্বের বৌদ্ধ ছিল, এখন বৈষ্ণব হইয়া দাঁড়াইয়াছে। অহাতেও বৌদ্ধধর্মের নাম ক্রমে লোপ পাইয়াছে।

কিন্তু বাঙ্গালীর আশেপাশে বিশেষ উত্তর ও পূর্ব অঞ্চলে অনেক বৌদ্ধ ছিল। দার্জিলিং, শিলিগুড়ি প্রভৃতি স্থানে অনেক বৌদ্ধ বাস করিত; নেপালেও অনেক বৌদ্ধ ছিল; চাটগাঁয়ে অনেক বৌদ্ধ ছিল। চাটগাঁ ও জিপুরার পাহাড়ে বরাবরই বৌদ্ধ ছিল। ইহাদের মধ্যে নেপালী বৌদ্ধেরাই সেকালের ভারতবর্ষীয় বৌদ্ধদের উত্তরাধিকারী। দার্জিলিংদের বৌদ্ধেরা প্রায়ই তিব্বত হইতে তাহাদের বৌদ্ধধর্ম লাভ করিয়াছে। সিকিম ও দার্জিলিংকে কিরূপে বৌদ্ধধর্ম প্রবেশ করে তাহার কতক ইতিহাস পাওয়া গিয়াছে। সেটা সমস্ত তিব্বত হইতে আসা। নেপালেও তিব্বতীরা-আপনাদের প্রভাব কিছু কিছু বিস্তার করিয়াছে, কিন্তু নেপালের অধিকাংশ বৌদ্ধই পুরান ভারতবর্ষীয় বৌদ্ধ।

চট্টগ্রামে যে বৌদ্ধেরা আছেন তাঁহারা প্রাচীন ভারতবর্ষীয় বৌদ্ধ নহেন। প্রায় তিনশত বৎসর পূর্বের তাঁহারা আরাকান হইতে বৌদ্ধধর্ম লাভ করেন, সে ধর্মও বর্মী ও সিংহল হইতে আসিয়াছে। বাঙ্গালাটিতে যে সকল বৌদ্ধ আছেন তাঁহারা যদিও এখন চট্টগ্রামের বৌদ্ধদের শিষ্য, তথাপি তাঁহাদের মধ্যে এমন অনেক আচার-ব্যবহার আছে, তাহাতে বোধ হয় তাঁহারা প্রাচীন ভারতবর্ষীয় বৌদ্ধ, কিন্তু

নিকটবর্তী চট্টগ্রামের বৌদ্ধদের সংশ্রবে আসিয়া তাঁহারা অনেক পরিমাণে হীনযান মত গ্রহণ করিয়াছেন।

উড়িয়ার জঙ্গলে বৌদ্ধ-ধর্ম একেবারে লোপ পায় নাই। বোধ নামে যে একটি করদ মহল আছে, তাহার নামেই প্রকাশ, যে উহাতে এখনও বৌদ্ধ-ধর্ম বর্তমান আছে। কয়েক বৎসর পূর্বে মহামাছ ক্রীমুক্ত সার এডওয়ার্ড গেট সাহেব আমাকে কয়েকখানি উড়িয়া পুঁথি ও কতকগুলি কাগজপত্র দিয়াছিলেন। তাহাতে বেশ বোধ হয় যে উড়িয়ার সরাকী তাঁতিরা এখনও বৌদ্ধ। তাহাদের বিবাহের সময় বুদ্ধদেবের পূজা হইয়া থাকে। এই সরাকী তাঁতি যে কেবল জঙ্গল মহলেই আছে এমন নহে। পুরী জেলায় ছুই একটি ধানায় এবং কটকেরও কয়েকটি ধানায় সরাকী তাঁতি দেখিতে পাওয়া যায়। তাহারাও স্পষ্ট বুদ্ধদেবের পূজা করিয়া থাকে। আমাদের বাঁকুড়া ও বর্ধমান জেলায়ও সরাকী তাঁতি আছে। তাহারা কিন্তু সম্পূর্ণরূপে হিন্দু হইয়া গিয়াছে। বৌদ্ধধর্মের সহিত তাহাদের কোন সম্পর্ক নাই।

কাজে বৌদ্ধ, নামেও বৌদ্ধ, এরূপ লোক অনেক খুঁজিয়া বাহির করিতে হয়। কিন্তু খাঁটি বৌদ্ধ আছে, অথচ নাম পরিবর্তন হইয়া গিয়াছে, -এরূপও অনেক দেখিতে পাওয়া যায়। কিরূপে এই সকল বৌদ্ধকে খুঁজিয়া পাওয়া গিয়াছে, তাহার বৃত্তান্ত আগামী বারে বেওয়া যাইবে।

শ্রীহরপ্রসাদ শাস্ত্রী।

বিয়োগের বিলাস

এ জগৎটা ছুটেছে একটা মোহবন্ত মিলনের ঝোঁকে! মিলন! মিলন! মিলন! যোগ! যোগ! যোগ! হে যোগীন্দ্র! ঐ যে তুমি যোগে যোগে যুক্ত হ'তে মিলনের ভজন করছ, তুমি কি চিরতরে তাতে মিলিত হ'তে পেরেছ? আর তুমি শ্রেমিক! তুমি যে বাহুপাশে বেঁধে, বঁধুয়াকে বুক ধরে রয়েছ, তোমার এ বঁধুয়া লাভ কতকণের? ওগো মা জননি! আপনার গায়ের রক্ত দিয়ে ঐ যে প্রাতিমা গড়ে তুলেছ, একি তোমার আজন্মের আত্মবস্ত নিত্য ধন? যদি তাই না হলো, যদি পাওয়ার পরও আতঙ্ক রয়ে গেল, যদি আঁকড়ে ধরেও নিশ্চিত হ'তে না পারলে, তবে আর মিছে কেন মিলন মিলন করে মরছ? অমন করে তার পিছু পিছু ছুটছ! মিলনে কি মিলে বল?

কিন্তু মুখে বললে কি হয়! প্রাণটা যে পড়ে আছে ঐ মিলনের পায়। বুক হয়ে অবধি এরি চক্ষুতে পড়ে, দিবাশিখি কেবল "থাক" "থাক" "থাক", "রহ" "রহ" "রহ" রব শুনতে শুনতে, কাণের ভিতর তারি পড়ত। পড়ে যায়, না-থাকার কথা কেমন কাণে বাজে! ওকথা শুনলে কেমন প্রাণটা ধড়ফড়িয়ে উঠে! মনে হয় ঐ যা গেল! বৃষ্টি সব-গেল গো! ওগো মিলন! এ তোমার কি খেয়াল? তুমি হেলে ঢুলে এসে, খেলার ছলে এই মুখে, চক্ষে, বকে যা কিছু জড়িয়ে জড়িয়ে রেখে যাও, বিয়োগ এসে ত্রস্ত হাতে তা ছিঁড়ে দিতে গিয়ে, আরো তা শক্ত বাঁধনে বেঁধে দেয়। আমি তখন এক দরশনে আসক্ত, পরশনে আসক্ত, শ্রবণে আসক্ত হয়ে, নিতান্ত অশক্তের মত কেঁদে কেঁদে ডেকে বলি, "কোন ঋণদায় হতে মুক্ত হবার জন্মে, ওগো মাধব! ওগো রাজার ছালা! তুমি অমন করে আমাকে বিয়োগের

হাতে বিক্রিয়ে দিয়ে যাও ? সে-বে আমাকে পিচ্ছিল পথ দিয়ে, বন্ধুর পথ দিয়ে নিয়ে চলে। আমি যে এপথে-চলতে পারি না প্রভো! পা ফসকে গেলে, কে আমার ধরে তুলবে বল ? তুমি হাত বাড়াতো, করুণার বশে হাত বাড়াতো। আমি ও-হাতে ভর করে একবার সোজা হয়ে চলি। দেখা না হয় তুমি দিও না, দেখা আমি চাই না। চাই শুধু ভর করতে। পিচ্ছিল পথে ভর করতে পারলেই আমার চলবে, বন্ধুর পথে ও-বাছ পেলেই আমি বর্তে যাব। এক মিনতি, শক্ত করে ধরো, যেন আমার পা ফসকে গেলেও তোমার হাত ফসকে না যায়। ভয় কোরো না, ও হাতের পরশ আমি আপনি সামলে নিতে পারব। তখন দয়াল! আর ত দূরে রইতে পার না। মুহুর্তে পুলকসর্ব্বস্ব হয়ে এসে আমার সর্ব্বাস্ব ত্যাগে দেও, আমি যেন কদমের ফুল হয়ে যাই। আর তুমি বনমালি! তারি মূলে বসে, এক ঐর্ধা-বিলাসী দৃষ্টিকে চোখে রেখে, দেখার দেখায় আমার মাতিয়ে তোলা। এক মহা-জিয়নো কঠিনের আমার সমগ্র প্রাণটাকে একটা কাণ করে ছাড়। আমি যখন সে কাণ পেতে, চক্ষু যুড়ে কেবল একটা শোনার মধ্যে বিভোর হয়ে থাকি, তুমি সেই ফাঁকে একেবারে অন্তর্ধান হয়ে যাও। শোনার শেষে ছক্ষু মেলে চেয়ে দেখি আবার সেই ভোগ-বাড়ানো বিয়োগ! নাই তুমি নাই।

চুলছিন্নাঘ এভাবেই, ধোঁগ আর বিয়োগের লুকচুরির মধ্যে পড়ে, একটা কুহেলিকার ভিতর দিয়া, বড় দুঃখে। “স্বপ্নের লাগিয়া যে করে গীরিত, দুঃখ রহে তারি ঠাঁই”। দুঃখের উপর দুঃখ এসে বোকাই হয়ে আমার ঘিরে ফেলছিল। আর আমি তারি উপর উপুড় হয়ে পড়ে কীদন্তাম যখন তখন, চতুর্দিক অন্ধকার দেখে। জানতাম না যে, আমার এই অশ্রুজলই সে দুঃখরাশির রন্ধু, রন্ধু প্রবেশ করে, তাকে দাবিয়ে দাবিয়ে দূঢ় করে আঁটো করে তুলবে। দেশ আজ আমি সেই দুঃখকে ভিত্তি করে, তার উপরে উঠে

দাঁড়াতে পেরেছি। দুঃখ আজ আমার পদতলে পড়ে। সে আর আমার হৃদয় স্পর্শ করতে পারছে না। এখন বত দুঃখকে পাই, ততই উচুতে উঠে যাই। তবু যে এখনও মাঝে মাঝে অশ্রুজল! সে শুধু এ ভিত্তিকে ভিজিয়ে রাখতে। নয় ত শক্ত জমীতে যা পড়লেই যে ফাঁটল ধরত। তখন বিধা বিভক্ত হয়ে গেলে পর, আর ত জোড়া লাগত না। চির-শত্রু সে অবিশ্বাস, ছিত্রমাখো প্রবেশ করে ঘেষের খাতিরে, খুঁড়ে খুঁড়ে, শক্তকে শিথিল করে আবার স্তূপাকার করে তুলত। আবার সে স্তূপ আমার বুকে এসে ঠেকেত। ধখ গো বিয়োগ! ধখ তোমার রক্ত বিলাস! বিজুতি মুহুর্তেই তুমি বিরাট! তরাসে কীপানোতেই তুমি ক্রপাময়! অব-শ্রাদে কীদানোতেই তোমার শৈব শক্তির পরিচয়। এতদিন বুকি নাই, বুকি নাই, আমি বুকতে পারি নাই তোমার এ বিলাসের স্বরূপ।

আজ দুঃখদৈবের উপরে আমাকে দাঁড় করে, পূর্ণকাম হয়ে তুমি তাগী এসেছ আমাকে বিশ্ব-বিবাগীর বেশে সাজাতে। পরায়ে দিয়েছ সে নাম-জপমালা আমার কণ্ঠে, সে নামের নিছনি আমার কর্ণমূলে, দম্ব দেহের ভঙ্গ আমার ললাটে। পরায়ে দেছ বাধার রক্ত-অক্ষমালা আমার করে! আমি একে একে সে রক্তাক ঠেলে ঠেলে নীচে নামিয়ে দিচ্ছি, দেখে তুমি উল্লাসে অট্টহাসি হাসছ! তোমার হাসি শুনে মনে হয় বুকিবা আমার ভেলানামা নিজে! ওগো বিলাসিন! তুমি অঙ্গের ব্যাবধান সহিতে পারলে না বলে বুকি আকার সরিয়ে দিয়েছ, ব্যাবধানের বিভাবিকা ভাসবে বলেই বুকি এই বিয়োগের বেশে এসে এ বিলাস করছ? তুমি, নিজে শশানবাগী, ভয়ের মহিমা তুমি ছাড়া আর ত কেউ জানে না। পোড়াবার ভদ্রাতে কেউ ত আর শূন্যকে অমন করে পূর্ণ করে দিতে পারে না। এখন যে আদর্শন অসম্ভব! দূরে থাকে যে হ'ওঁই পারে না।

“সঙ্গম বিরহ বিকল্পে, বরমিহ বিরহো ন সঙ্গম স্তম্ভাঃ
সদ্যে সৈব তথৈকা ত্রিভুবনমপি তন্নয়ং বিরহে ॥”

এই বিশ্বচরাচরে অংশে অংশে যাকে প্রকাশ করছে; একাধারে কেউ যাকে ধরতে পারছে না, সেই বিশ্বস্তর পূর্ণ ভাবে, আজ আমাতে বিচ্যমান। তাবৎ স্বাবর জঙ্গনে যার হাসির কণা লয়ে কাড়াকাড়ি পড়ে গেছে, সে পূর্ণ হাসির বিকাশ আজ আমার চিত্তে। এ নিখিলের উদাম বাতাস, যার পরশের আভাস দিতে দিগন্তে ছুটাছুটি করছে, সে চুলভ পরশ আমাতেই নিবিড় হয়ে রয়েছে। আজ আমি নভোমণ্ডল হতেও রুহং, ত্রিভুবনের সীমা আজ আমি পেয়েছি। ওগো জনার্দন! যদি এ ক্ষুদ্র তব নির্জর পীড়নের প্রসাদেই এত বড় হয়েছে, যদি এভাবে রঙ্গ করেই বিয়োগের বিলাস, বিয়োগের বিকাশ দেখিয়েছ, জানিয়েছ, তবে এভাবে অনঙ্গ হয়েই বেদন চেতনে বিধিয়ে বিধিয়ে আমাকে বাঁচিয়ে রাখ জাগিয়ে রাখ। আমি অতঙ্গ হয়ে তোমার জুমা সন্টার মধ্যে নিমগ্ন হয়ে, এই মিলনকে আর ব্যাবধানকে, যোগকে আর বিয়োগকে এক বলে জানি। জানি আর ভুবি, ভুবি আর ভুবাই। তখন ভূতে ভূতে রুদ্ধ শ্বাসে বন্ধ নয়নে হে রক্ত! বলতে থাকি “মরণ রে তুঁছ মোর শ্রাম সমান”।

শ্রীগগদম্বা দেবী।

যাত্রাবতী পথে

[২]

প্রত্যয়ে অন-কোলাহলে ঘুম ভাঙ্গিয়া দেখিলাম বাঁকিপুরে উপনীত হইয়াছি। শরৎকালের স্নিগ্ধ প্রভাতের মধুর আলোকে আমাদের কক্ষটি ভরিয়া গিয়াছিল। গতরাত্রের অনিদ্রা-বশতঃ চক্ষে তখনও ঘুম জড়াইয়াছিল—কিন্তু সেই আলোক ও কোলাহলের মধ্য হইতে এমন একটা উদ্দীপনা অনুভব করিলাম যে প্রয়োজন সত্ত্বেও পুনর্বার শয্যা-গ্রহণ করিবার প্রবৃত্তি হইল না। দেখিলাম শুধু আমার নহে, আমাদের কক্ষের সকলেরই চক্ষে, প্রভাত-সূর্য্যের রশ্মি একই প্রকার ক্রিয়া করিয়াছে। আমার দৃষ্টিস্ত বান্ধুসরণ করিয়া সকলেই একে একে উঠিয়া বসিলেন।

এই বাঁকিপুর স্টেশন দিয়া কতবার যাত্রায়ত করিয়াছি—এই বাঁকিপুর সহরে কতদিন, কত মাস বাপন করিয়াছি—কিন্তু আজি-কার কোলাহল, উত্তেজনা, উদ্দীপনার মধ্যে যেন একটি বিশেষ প্রকার সজীবতা অনুভব করিলাম। এ যেন দীর্ঘ রক্তনীর নিস্তার পর জাগ্রত জীবনের মধ্যে প্রবেশ করিবার চঞ্চলতা। এ যেন সহজ-লব্ধ সৌভাগ্যকে অনুভব করিবার একটা উদ্দাম আনন্দ। হইতে পারে এ অনুভূতির কারণের অস্তিত্ব বাঁকিপুর স্টেশনে বিশেষ কোন জিনিসের মধ্যে না থাকিয়া আমার মনের মধ্যেই প্রধানতঃ ছিল—কিন্তু বাস্তবিকই আমার মনে হইতেছিল এ যেন ঐক নূতন বাঁকিপুর। প্লেগ কলেরার দীর্ঘকাল-এই অপ্রশস্ত দীর্ঘ অপরিচ্ছন্ন সহরটিতে একটি বিস্তৃত প্রদেশের রাজলক্ষনী একদিন যে তাঁহার বাসা বাঁধিবেন, এ কথা চারি বৎসর পূর্বে স্বপ্নেও বোধ হয় কাহারও গোচর ছিল না। শুনিয়াছিলাম প্রাদেশিক রাজধানীর

উপযুক্ত করিবার জন্ম সহরের পশ্চিম দিকে বহুসংখ্যক গৃহ ও অট্টালিকা নির্মিত হইতেছে। গাড়ী ছাড়িলে আমরা আগ্রহ সহকারে এই ভবিষ্যৎ রাজ-নগরীর চূর্ণ-স্বরকির কক্ষাল দেখিতে দেখিতে চলিলাম। হাইকোর্ট, রাজ-প্রাসাদ, রাজ-দপ্তর, নবগতগণের জন্ম অসংখ্য গৃহ প্রভৃতি অতি অল্প সময়ের মধ্যে নির্মিত করিয়া লইবার জন্ম একটা বিপুল ধুম লাগিয়া গিয়াছে। চূর্ণ স্বরকি ও ইঁটের স্তূপে স্তূপে-রেলের দুই দিক ভরিয়া গিয়াছে। দেখিলাম বাঁকিপুর বিস্তৃত হইয়া প্রায় দানাপুরের প্রান্তে আসিয়া ঠেকিয়াছে। এক-দিকে জাহ্নবী এবং অপর দিকে রেল লাইন কর্তৃক আবদ্ধ হওয়ায় এই শীর্ণ সহরটির পক্ষে পূর্ব-পশ্চিমে বাড়ি ভিন্ন উপায়স্বর নাই। তাই সহরটিকে রবাবের মত টানিয়া যতই বড় করা হইতেছে ততই যেন সরু হইয়া পড়িতেছে। ভবিষ্যতে এই সহরের মধ্যস্থল ভেদ করিয়া পূর্ব হইতে পশ্চিম একটি মাত্র ট্রাম্‌ লাইন যাইলেই সহরের সকল স্থান স্রুগম হইবে—এমন কি পর্যটকের পক্ষে ট্রেন হইতে অবতরণ না করিয়া ট্রেনের গবাঞ্চ হইতেই নগর পরিদর্শন করা একরূপ চলিতে পারিবে।

বেলা নয়টার পর আমরা মোগলসরাই পৌঁছিলাম। এইখানে আমাদের গাড়ী ইন্ট ইন্ডিয়ান রেলওয়ের পাঞ্জাব-মেল হইতে কাটিয়া আউথ রোহিলখণ্ড রেলওয়ের পাঞ্জাব-মেলো যোগ করিয়া দিল। সমস্ত দিন এবং রাত্রি চটা পর্য্যন্ত অবিশ্রান্ত ধাবনের পর আমরা বেরেলী স্টেশনে উপনীত হইলাম। বেরেলী আউথ রোহিলখণ্ড রেলওয়ের একটি খুব বড় স্টেশন। এখানে নানাদিক হইতে অনেকগুলি লাইন মিলিত হইয়াছে। আমাদেরগকেও এইখানে গাড়ী-বদল করিয়া রোহিলখণ্ড কুম্‌উন ছোট লাইনে এক রাত্রির পথ কাঠ-গুদাম পর্য্যন্ত যাইতে হইবে।

বেরেলীতে নামিয়া আমাদের বাস্ত হইবার কারণ ছিল না। কারণ রাত্রি এগারটার সময়ে অর্থাৎ তিন ঘণ্টা পরে—কাঠ-গুদামের

গাড়ী ছাড়িবে। স্টেশনের প্রায়টুকরমে পোর্ট-অফিস্‌ দেখিয়া চিঠি লিখিবার বানান বলবতী হইল। ডাকঘরের কক্ষে প্রবেশ করিয়া দেখিলাম * পোর্ট-মাস্টার, একটি পশ্চিমদেশীয় যুবক, বিশেষ ব্যস্ততাসহকারে ডাক প্রস্তুত করিবার ব্যবস্থা করিতেছেন। আমাকে দেখিয়া কহিলেন, “কি চাই আপনার ?” চাই ত আমার সবই! থাকিবার মধ্যে আমার মণিবাগে পয়সা ছিল। কহিলাম, “খাম, পোর্টকার্ড, এবং বিশেষ অতুবিধা যদি না হয়, দোয়াত-কলম।” মনে মনে বলিলাম, “এবং একটু বসিবার আয়গা।” পোর্ট-মাস্টার আমার মুখের দিকে একবার দৃষ্টিপাত করিয়া বাস্ত হইতে খাম পোর্টকার্ড বাহির করিয়া দিলেন এবং কহিলেন যেহেতু তিনি দোয়াত-কলম লইয়া কাজ করিতেছিলেন, দোয়াত-কলম দেওয়া সুবিধা হইবে না—তৎপরিবর্তে কপিং পেন্সিল আমাকে দিতে পারেন; এবং কপিং পেন্সিল যে দোয়াত-কলম হইতে নিষ্কৃত নহে বরং উৎকৃষ্ট সে বিষয়ে আমার মনে বিশ্বাস উৎপাদন করিবার জন্ম বিশেষভাবে ব্যস্ত হইয়া পড়িলেন। তাঁহাকে নিরন্তর করিবার জন্ম আমাকে এগুন ভাব ও ভাব্য প্রকাশ করিতে হইল যে পোর্ট-মাস্টার মনে করিলেন যে লিখিবার যত প্রকার সরঞ্জাম আছে তন্মধ্যে কপিং পেন্সিলই আমি সর্বাপেক্ষা অধিক পছন্দ করি—এবং গৃহে আমার লিখিবার জন্ম দোয়াত-কলমের স্থলে একমাত্র কপিং পেন্সিলেরই ব্যবস্থা আছে। দুইখানি চিঠি লিখিয়া লেটর-বস্ত্রে ফেলিতে গেলাম। পোর্ট-মাস্টার লেটর-বস্ত্রে ফেলিতে না দিয়া আমার হস্ত হইতে চিঠি দুইটি লইয়া ব্যাগে পুরিয়া দিলেন। কহিলেন চিঠি দুটি তখনই কলিকাতা রওয়ানা হইবে—লেটর-বস্ত্রে ফেলিলে একদিন বিলম্ব হইত। এই অযাচিত উপকারে আপায়িত হইয়া পোর্ট-মাস্টারকে বিশেষভাবে ধন্যবাদ দিয়া বিষায় গ্রহণ করিলাম।

রাত্রি এগারটার সময় গাড়ী ছাড়িলে আমরা শুইয়া পড়িলাম।

সমস্ত রাত্রি ট্রেণের পথ হইতে সম্পূর্ণভাবে আগেচর থাকিয়া প্রভুবাথ পাঁচ ঘটিকার সময়ে ভূম ভান্সিয়া দেখিলাম পুঁথিবীর মানসপুংস্বরূপ নগাধিরাজ হিমালয়ের পাদদেশে কাঠগুদামে পৌঁছিয়াছি! গাড়ীর জানালা হইতে মুখ বাড়াইয়া বাহিরের দৃশ্য দেখিয়া মন নাচিয়া উঠিল। সিন্ধু, গন্ধার মধুর রহস্যময় পর্বতের শ্রেণী পূর্ণ হইতে পশ্চিমে চলিয়া গিয়াছে—আদি নাই অস্ত নাই! এই দেব-ঋষি-মুনি-পবিত্র হরপার্বতীর লীলাক্ষেত্র চির-পুরাতন চির-নবীন রহস্যময় হিমালয়ের প্রায় নবই মাইল ধীরে ধীরে অতিক্রম করিয়া আমাদিগকে মায়াবতী পৌঁছিতে হইবে।

ট্রেণ হইতে নামিয়া শুনিলাম সোজা পথে আমাদের মায়াবতী যাওয়ার সুবিধা হইবে না, আলমোরা হইয়া মুন্সিয়া যাইতে হইবে। ইহাতে আমাদের এক দিনের পথ বেকী পড়িবে; কিন্তু কুলি প্রভৃত্তিষু বিষয়ে সুবিধা হইবে।

কুলি, ডাণ্ডি, ঘোড়া প্রভৃত্তির বন্দোবস্ত করিয়া কাঠগুদাম হইতে আমাদিগকে রওয়ানা করিবার জন্ত ট্রেণে একটা বাঙ্গালী ভদ্রলোক উপস্থিত ছিলেন। ইনি কাঠগুদামে বাস করেন—অদ্বৈত আশ্রমের কর্তৃপক্ষগণ ইঁহাকে আমাদের বিষয় সংবাদ দিয়াছিলেন। ইঁহার নিকট স্বগত হইলাম যে কুলিদিগের মধ্যে একটা কোন গোলাযোগের মত উপস্থিত হওয়ার কাঠগুদাম হইতে মায়াবতী পর্যন্ত বরাবর এককুলি পাওয়া যাইবে না। কাঠগুদাম হইতে আলমোরা গবর্নমেন্টের স্থাপিত কুলি সার্ভিস আছে—সেই জন্ত আলমোরা পর্যন্ত যাইবার কোন অসুবিধা হইবে না এবং সেইজন্তই আমাদিগকে আলমোরা হইয়া মুন্সিয়া যাইতে হইবে। আলমোরা হইতে পুনরায় নূতন কুলির বন্দোবস্ত করিতে হইবে। শুনিলাম আলমোরাতে কুলি যথেষ্ট পাওয়া যাইবে।

মালপত্র ওজন করিতে এবং যথোপযুক্ত কুলি সংগ্রহ করিয়া আমাদের রওয়ানা হইতে যথেষ্ট বিলম্ব হইয়া গেল। এই ওজন করা

ব্যাপারটি নিতান্ত সাধারণ নহে। প্রত্যেক কুলি বহন করিতে পারে এমন ভাবে পৃথক করিয়া সমস্ত জিনিষ ভাগ করিয়া ওজন করা, শুধু সময়ের নহে, বিশেষ কৌশলের কার্য। ষ্টোর সময় আমরা নামিয়াছিলাম। বেলা ৯টার সময় দেখা গেল আমাদের ডাণ্ডি এবং নিতান্ত অপরিহার্য জর্যাদি বহন করিবার মত কুলি কোন প্রকারে সংগ্রহ হইয়াছে। আর বিলম্ব করিলে সে রাত্রে আমরা রাত্রি যাপনের স্থল রামগড়ে উপস্থিত হইতে পারিব না বলিয়া আমরা আমাদের অবিকাংখ জর্যাদি পশ্চাতে ফেলিয়া রওয়ানা হইলাম। বাঙ্গালী ভদ্রলোকটি আমাদিগকে বিশেষভাবে ভরসা দিলেন যে যাহাতে আমাদের জর্যাদি আমাদের সহিত একসময়ে রামগড়ে পৌঁছিতে পারে তাহার বন্দোবস্ত তিনি করিবেন।

আমাদিগকে বহন করিবার জন্ত আটখানি ডাণ্ডি ও কয়েকটি ঘোড়া ছিল। শ্রীমান চিরঞ্জন (ওরফে শ্রীমান ভোঙ্খোল) অশ্ব-রোহী হইয়া অগ্রগামী হইলেন এবং পশ্চাতে আমরা দোলায় চড়িয়া ঢুলিতে ঢুলিতে অনুগামী হইলাম। বাঁহারা কেউ না কোন গিরি-নগর ভ্রমণ করিয়াছেন তাঁহাদিগের নিকট ডাণ্ডির পরিচয় অনাবশ্যক। বাঁহারা করেন নাই তাঁহাদিকে এইটুকু বলিলে যথেষ্ট হইবে যে ডাণ্ডি একপ্রকার মনুষ্য-যান—আমাদের দেশের পাকী, ডুলি বা খাটুলির মত নহে। একটা কাঠের চেয়ারের দুইদিকে পাকীর মত দুইটি দাঁড়ি মারা এবং সেই দুইটি দাঁড়িতে আর দুইটি দাঁড়ি আড়-ভাবে বাঁধিয়া চারিদিক লোকে বহন করিলে অনেকটা ডাণ্ডি বলা যাইতে পারে। অধিকন্তর মধ্যে যৌত্রস্থি হইতে বাঁচিবার জন্ত সামান্য আচ্ছাদন এবং পদ প্রশারিত করিয়া বসিবার জন্ত একটু ব্যবস্থা থাকে।

বেলা ৯টার পর আমরা কাঠগুদাম হইতে রওয়ানা হইলাম। কাঠগুদাম অনেকেরই নিকট পরিচিত। কারণ নাইনিতাল ও আল-মোরা উত্তরদানে যাইতে হইলেই কাঠগুদাম হইয়া যাইতে হয়।

একটি ডাকবাংলা, দুই চারিখানি স্কুজ দোকান এবং কয়েকটি খোঁড়ার আন্তাবল লইয়া কাঠগুদাম। সহর নহে, এমন কি গ্রামও নহে। কৌশনের পিছনদিকে পথের উপর ডাণ্ডি, টপ্পা ও ঘোড়া যাত্রীগণের লক্ষ্য অপেক্ষা করিতেছিল। পূর্বতরোহীর সংখ্যা দেখিলাম নিতান্ত কম—কারণ তখন পাহাড় হইতে নামিয়া আসিবার সময় পড়িয়াছে।

কৌশন হইতে বাহির হইয়াই কাঠগুদামের বাজারের পথ। বাজার অতিক্রম করিয়া প্রায় একমাইল যাওয়ার পর দেখিলাম পথ-খানি বিধা-ভিন্ন হইয়া দুইদিকে গিয়াছে। বামদিকের পথটি নাইনি-তাল গিয়াছে এবং দক্ষিণদিকেরটি আমাদের গন্তব্যস্থলে গিয়াছে। নাইনিতালের পথ অপেক্ষা আলমোরার পথ অনেক অশ্রুপ্ত এবং নিকৃষ্ট। সেই অল্প আলমোরার পথে টপ্পা চলিতে পারে না—ডাণ্ডি বা ঘোড়া ভিন্ন উপায়ান্তর নাই।

ডাণ্ডির উপর আরুঢ় হইয়া, কখন বা ইচ্ছাপূর্বক পদতলে আমরা ধীরে ধীরে পূর্বতরোহণ করিতে লাগিলাম। বেলা বাড়িবার সহিত সূর্যের কিরণ প্রথর হইয়া উঠিতে লাগিল বটে, কিন্তু যতই আমরা উপরে উঠিতে লাগিলাম, ততই হাওয়া শীতল হইতেছিল বলিয়া রৌদ্রে কোন কষ্টবোধ ছিল না; তদ্বিন্ন মন লিপ্ত এবং প্রচুর থাকিবার পক্ষে আরও দুইটি কারণ ছিল। প্রথমতঃ প্রকৃতির মধুর এবং বিচিত্র দৃশ্য এবং দ্বিতীয়তঃ ডাণ্ডিওয়ালাদের গল্প। এই ডাণ্ডিওয়ালার কুলিগুলি দেখিলাম অল্পত সরল-প্রকৃতির লোক। ইহারা গল্প শুনিতে যেমন ভালবাসে গল্প বলিতেও তেমন ভালবাসে। ইহাদের এই প্রকৃতিটি বিশ্লেষণ করিয়া আমার মনে হইল বিদেশী লোকের নিকট গল্প শুনিয়া এবং বিদেশী লোককে গল্প শুনাইয়া ইহারা পরিশ্রম রেশ হইতে নিজদের অহমসন্য রাখে। কথোপকথনের মধ্য দিয়া ইহাদের উদ্দেশ্য শুধু আনন্দ দেওয়া নহে, আনন্দ পাওয়াও বটে। আমি দেখিলাম অতি অল্প সময়ের মধ্যে হঠাৎ কখন ইহা-

দের অন্তরঙ্গ হইয়া পড়িয়াছি—এবং আমাদের মধ্যে অর্থাৎ মনো-বিষয়ে কথোপকথন চলিতেছে।

এই সুক্লান্তে একটি বিচিত্র ব্যাপার লক্ষ্য করিলাম। ডাণ্ডি-ওয়ালার কুলি ও ভারবাহী কুলিদের মধ্যে প্রায় সকলেই দেখিলাম হয় সক্রিয় নয় বাস্কণ। তাহার মধ্যে আবার ভ্রামণই অধিকাংশ। মুসলমান ত' একেবারেই ছিল না—ইতরজাতি হিন্দুও নিতান্ত অল্প। আমার চারিজন ডাণ্ডিওয়ালার মধ্যে চারিজনই বাস্কণ। চারিজন ভ্রামণের স্কন্ধে বাহিত হওয়ার পরম সৌভাগ্য যে জীবদ্দশাতেই কপালে লেখা ছিল তাহা জানিতাম না—মহাপ্রস্থানের দিনই সেরূপ সমারোহের সহিত যাত্রা করা যাইবে মনে মনে ধারণা ছিল। তাই সন্মুখের দুইজন কুলির স্কন্ধে উপবৃত্ত লক্ষ্য করিয়া পশ্চাতের দুজনেরও যখন দেখিলাম একইরূপ অবস্থা এবং অহুমসন্য করিয়া যখন জানিলাম চারজনই ভ্রামণ, তখন মনের মধ্যে একাধিক ভাবে সন্মোচন অনুভব করিতে লাগিলাম। মুহূর্ত্ত পরে যাহা প্রায় মুহূর্ত্ত পূর্বে তাহা হইতে বঞ্চিত থাকিলেই বোধ হয় অন্তরাস্ত্রা তৃপ্তি বোধ করে। আমাদের এই সজ্ঞানদের বাস-ভবন পৃথিবী এবং অনন্তকালের এক নগণ্য অংশ বর্তমান জীবনের আয় এই দুইটি দৃশ্যস্বায়ী এবং অনিশ্চিত ব্যাপারের মধ্যে আমাদের মনে দৃঢ় ও চিরস্থায়ী ভাবে ঐধিয়া রাখিবার চেষ্টা করি যে এই দুইটি ভিন্ন অল্প কোন প্রকার অবস্থা কল্পনা করিতে আমাদের অন্তর একেবারে বিরূপ হইয়া উঠে। ইহা একবারও মনে ভাবি না যে এই অন্তরবিহীন জীবন-রেলপথের মধ্যে মুহূর্ত্ত একটি বড় ধরণের জংশন, যেখানে গাড়ী বদল করিতেই হইবে, মলিপত্র ছড়াইয়া সংসার পাতিয়া নিজের কামরটিতে বসিয়া থাকিলে চলিবে না। ভুলিয়া যাই যে ইষ্ট ইন্ডিয়া কোম্পানী রেলওয়ে কর্ণ-চারীর দৃষ্টি অতিক্রম করা যাইতে পারে, কিন্তু এই নিখিল বিশ্ব-অঙ্গাণ্ডের কর্ণচারীর দৃষ্টি এড়াইবার উপায় নাই, সে যথাসময়ে এবং যথাস্থানে ঘাড় ধরিয়া নামাইয়া দিবেই।

আমার ডাণ্ডিওয়াল চারিজনই ব্রাহ্মণ দেখিয়া কৌতূহলাক্রান্ত হইয়া অনুসন্ধান করিয়া জানিলাম প্রায় সমগ্র ডাণ্ডিওয়ালী এবং ভারবাহী কুলিই ব্রাহ্মণ কিম্বা ক্ষত্রিয়। বিজ জাতির এখানে এরূপ অদ্ভুত অবনতি দেখিয়া বিস্মিত হইলাম। এ শুধু এখানেই নহে। কাঠগুদাম হইতে মায়াবতী এবং মায়াবতী হইতে টনকপুর সর্বত্র একই প্রকার ব্যাপার দেখিলাম। শিমলার পথে, কিম্বা শিমলায়, কুলিগণের মধ্যে অধিকাংশ পাঠান কিম্বা নিম্নশ্রেণীর পাহাড়ী হিন্দু, ব্রাহ্মণ কিম্বা ক্ষত্রিয় একজন দেখিয়াছি বলিয়া মনে পড়ে নাই। এ অঞ্চলে কিন্তু ব্যাপার একেবারে বিপরীত। কুলিগণের নিকট হইতে এবং পরে অস্বাস্থ্য লোকের নিকট হইতে ইহার এইটুকু কারণ নির্ণয় করিতে পারিলাম যে পৌরাণিক যুগ হইতে আরম্ভ করিয়া কতকটা আধুনিক কাল পর্য্যন্ত কুমাউন প্রদেশ এক হিন্দুরাজবংশের রাজত্ব ছিল এবং তাহার কয়েকটি রাজধানীর মধ্যে হিমালয়ের অভ্যন্তরস্থিত চম্পাবতীও একটি রাজধানী ছিল। এই হিন্দু-রাজবংশের রাজত্বকালে বহু ব্রাহ্মণ এবং ক্ষত্রিয়-পরিবার আসিয়া এই রাজ্যে বাস করে—বিশেষ করিয়া যুক্তপ্রদেশাঞ্চলে মুসলমানদিগের প্রভাব যখন খুব বাড়িয়া উঠে সেই সময়ে অনেক ব্রাহ্মণ আসিয়া এই পার্বত্য হিন্দুরাজ্যে আশ্রয় লয়। তাহাদেরই বংশধরগণের এখন এরূপ অবনত অবস্থা হইয়াছে। কুমিই প্রধানতঃ ইহাদের জীবিকা নিরূপণের উপায়—উৎপন্ন ইচ্ছায় বা অনিচ্ছায় কুলির কার্যও ইহাদিগকে করিতে হয়। অনিচ্ছায় কিরূপ করিতে হয় সে কথা পরে বলিব।

কাঠগুদামের পর আমাদের প্রথম আশ্রয়স্থলের নাম ভীমতাল, কাঠগুদাম হইতে আট মাইল পথ। কথা ছিল ভীমতালে পৌঁছিয়া তথায় আহায়াদি সমাপন করিয়া বেলা ১২টার সময়ে আমরা পুনরায় রওয়ানা হইব এবং সন্ধ্যার সময় আমাদের রাত্রি-বাগানের স্থল রামগড়ে পৌঁছিব। রামগড় ভীমতাল হইতে এগার মাইল দূরে।

বেলা ১১টার পর হইতে দেখিলাম দলে দলে লোক নামিয়া যাইতেছে। ইহার পর্বতের উচ্চপ্রদেশ হইতে প্রধানতঃ আলমোরা হইতে, নামিয়া আসিতেছে। শীতকালে দরিদ্র লোকের পক্ষে নান কারণে পাহাড়ের উপর বাস করা সুবিধা নহে। প্রথমতঃ বিপর্যয় শীতের জঘ শারীরিক ক্লেশ। দ্বিতীয়তঃ সেই শারীরিক ক্লেশ হইতে পরিত্রাণ পাইবার জগৎ ইন্দ্রনাথের অতিরিক্ত বায়। তৃতীয়তঃ খোড়া গরু মহিষ প্রভৃতির আহাৰ্য্য দ্রুপ্ত এবং অক্রেয় হইয়া উঠে। এতদ্বির অস্বাস্থ্য আনুসঙ্গিক এবং স্বস্তর কারণও অনেক আছে। এই সকল কারণে শীতের প্রারম্ভেই অনেকে পাহাড় হইতে নামিয়া আসে, এবং শীতকালের কয়েক মাস সমতল ভূমিতে বাস করিয়া শীতের শেষে পুনরায় উপরে ফিরিয়া যায়।

বিশেষ আগ্রহ ও কৌতূহলের সহিত আমরা এই নিম্নদেশের যাত্রীগণকে পর্যবেক্ষণ করিতে লাগিলাম। এক একটি পরিবার, কখন বা দুই তিনটি পরিবার একত্র হইয়া নামিয়া চলিয়াছে—সঙ্গে ঘোড়ার পিঠে সংসারের প্রয়োজনীয় জরাদি। বাহাদের গো মহিষ ছাগল প্রভৃতি আছে তাহারা নিজ নিজ পশু হাঁকাইয়া চলিয়াছে। প্রায় সকলেই পদজলে চলিয়াছে; বাহারা নিতান্ত অসক্ত ও অশ্মম, যথা শিশুগণ, অল্পবয়স্ক বালকবালিকাগণ এবং বৃদ্ধ ও পীড়িতগণ—তাহারা মালবোঝাই ঘোড়ার পিঠে আরোহণ করিয়া চলিয়াছে। বাহারা সকল তাহাদের শুধু হাঁটয়াই অব্যাহতি নাই—যুবকগণের মাথায় বা পৃষ্ঠে বোকা এবং যুবতীগণের জোড়ে শিশু। শিমলা অঞ্চলের দ্রৌলোকগণের পরিচ্ছদ হইতে এখানকার দ্রৌ-পরিচ্ছদ একটু পৃথক দেখিলাম। শিমলা অঞ্চলের অধিকাংশ ক্রমণী পায়জামা ব্যবহার করে—এ অঞ্চলে বাগরার ব্যবহারই অধিক দেখিলাম। তবে অঙ্গ-বরণ ওড়না শিমলার স্থায় এ প্রদেশেও খুব প্রচলিত।

রমণীগণের মধ্যে কয়েকটি দেখিলাম অপূর্ব সুন্দরী এবং অধিকাংশই সুস্বী। বর্ণ গঠন এবং আকৃতি, সর্বতোভাবেই ইহারা

সৌন্দর্যের দাবী করিতে পারে। অনেকের মনে ধারণা আছে যে পাহাড়ী রমণীগণ দেখিতে খুব সুন্দরী হয়। এ ধারণা সাধারণতঃ অসত্য নহে। যাহারা পাহাড়ের আদিম নিবাসী, তাহাদের মধ্যে অন্ততঃ আকৃতির সৌন্দর্য অল্পই দেখা যায়। পাঞ্জাবে ও যুক্ত-প্রদেশাঞ্চলে আমাদের বাঙ্গালা দেশের স্বর্ণবণিকের অনুরূপ এক বণিকশ্রেণী আছে। সেই শ্রেণীর রমণীগণ দেখিতে খুব সুন্দরী। পাঞ্জাব এবং যুক্তপ্রদেশের গিরি-নগরীগুলিতে এই শ্রেণীর বণিক বা বেণিয়া অনেক আসিয়া বাস করিয়াছে। বহুদিন হইতে শীতপ্রধান দেশে বাস করায় ইহাদের সৌন্দর্য, বিশেষতঃ বর্ণগত সৌন্দর্য, বিশেষভাবে উৎকর্ষ লাভ করিয়াছে।

কুলিগণের মুখে ভীমতালের প্রাকৃতিক দৃশ্যের বিবরণ শুনিয়া ভীমতাল দেখিবার জন্ম ব্যগ্র হইয়া উঠিলাম। নাইনিতালের মত ভীমতালেও একটি বৃহৎ 'তাল' বা হ্রদ আছে—যাহা হইতে স্থানের নাম হইয়াছে ভীমতাল।

বেলা ১টার সময় আমরা ভীমতালে উপনীত হইলাম।

শ্রী উৎকেন্দ্রনাথ গঙ্গোপাধ্যায়।

নবীনচন্দ্রের "শৈলজা"

[২]

শৈলজা আত্ম-পরিচয়-ছলে কি করণ শোক-গীত আত্মাধারা অঙ্কনকে সুনাইতে লাগিল।

শৈলজার এই আত্ম-পরিচয় শুধু শোক-গীত নহে, ইহা অন্যাদি অনন্ত অতল-স্পর্শ অশ্রু-পারাবার! মর্মভেদী তপ্ত দীর্ঘশ্বাস প্রবল বাত্যার স্যায় ইহার বন্দে প্রতিনিয়ত প্রবাহিত হইয়া ইহাকে ভীষণ তরঙ্গায়িত করিয়া তুলিয়াছে। মহাজলধিমগ্ননে একদিন বিশ্ব-লক্ষ্মীর উদয় হইয়াছিল, আর এই মহা অশ্রু-সিক্ত মগ্নন করিয়া আমরা প্রেমময়ী শৈলজাকে প্রাপ্ত হইয়াছি।

মহাকবি নবীনচন্দ্র শৈলজার আত্ম-পরিচয় বিস্তৃতভাবে প্রদান করিয়াছেন। তাহার সমগ্রাংশ এস্থলে সঙ্কলিত করিয়া তাহার করণ-সৌন্দর্য বিশ্লেষণ করিবার স্থান আমাদের নাই। আমরা ইহা পাঠে সংকোপতঃ ইহা অবগত হইতে পারিঃ—

শৈলজা ষাণ্ডবপ্রস্থাবিগতি নাগরাজ চন্দ্রচূড়ের কন্যা। একদিন এই নাগরাজবংশ প্রবল প্রতাপে-রাজ্যশাসন করিতেন এবং এই রাজহত্যের সিদ্ধ ছায়াতলে সমগ্র ভারতভূমি আচ্ছাদিত ছিল। কিন্তু যখন আর্ঘ্য-বিপ্লব-ঝটিকা সেই তুর্বিশাল ছত্র উড়াইয়া নিয়া ষাণ্ডবপ্রস্থ মহারণ্যে পরিণত করিল, যখন ধ্বংস-শেষ নাগ-জাতি পাতালে পশ্চিমারণ্যে আশ্রয় লইল, যখন "পশ্চিম সাগরে অস্ত গেলা নাগ-রবি চিরদিন তরে," তখন নাগরাজ চন্দ্রচূড়ও অনার্য্য-স্বাধীনতা-রবির শেষ-রশ্মির স্যায় ভ্রাতৃগৃহে নাগপুরে শরণ লইয়াছিলেন।

কিন্তু তিনি কৃষ্ণভক্ত ছিলেন বলিয়া শৈলের পিতৃব্যবৃত্ত

কৃষ্ণবেশী ক্রোধান্বিত বনের শাব্দিক অপেক্ষা ভাষণ নাগরাজ বাহুকীর সহিত মতভেদে তাঁহাকে সে স্থান পরিত্যাগ করিতে হয় এবং “বেড়াইয়া বনে বনে, অচলে অঙ্গে” ভারতের নানাস্থানে ছদ্মবেশে আর্ষা-ঋষিদের সেবা করিয়া আর্ষাধর্মজ্ঞা ও আর্ষাধর্ম শিক্ষা করেন।

তারপর বিদ্বাচলশিখরে স্বচ্ছতোয়া স্থানীর তীরে পুলিন-কুটার নামক একটি হৃন্দর আশ্রয় প্রস্তুত করিয়া তথায় বাস করিতে থাকেন। সেই পুলিন-কুটারে সেই শৈলশিখরে বালিকার জন্ম হইয়াছিল বলিয়া তাহার নাম “শৈলজা” রাখা হয়।—বক্ষতরা এত প্রেম সাহার, সে “শৈলজা” যে বাস্তবিকই শৈলনন্দিনী শৈলজা।

শৈলজার শৈশব-জীবন দেবদেবীমুষ্টি পিতামাতার স্নেহমাখা কোলে বনদেবীর শ্রামাঞ্চল-ছায়ায় বড় আনন্দে—বড় হুখেই কাটিয়াছিল;—প্রকৃতি-বানা শৈলজার শৈশব যে চিরকাল এমনই মধুময়!

পুলিন-কুটারবাসী নাগরাজ চন্দ্রচূড় প্রিয়তমা কছা শৈলজাকে কতই আদরে আর্ষাভাষা এবং অন্তরঙ্গকালন শিক্ষা দিতেন এবং “কহিতেন পাপ অকারণ জীবহত্যা, জীবমমন্তাপ”। কৃষ্ণতন্ত্র ধর্ম্যাচারী জনকের এ শিক্ষা শৈলজার জীবনে কিরূপ কার্য করিয়াছিল, তাহার পরিচয় ইতিপূর্বে কতকটা পাইয়াছি, পরে আরও পাইব।

হাছা হউক, এমনি করিয়া হাসি-খেলা-স্বপ্ন-সোভাগ্যের মধ্যে শৈলজার সপ্তম বর্ষ অতিবাহিত হইল। তারপর শৈলজা বলিতেছে :—

“অষ্টম বৎসর যবে,—অষ্টম বৎসরে
ভাবিল কপাল, দেব, এই অভাগীর!—

অষ্টম বৎসর যবে, বাগুবর্ণনে
গেলা সন্তনয় পিতা। যাইতেন সখা
দেখিতে সে অনাথের গৌরব-শুশান,
মানিতেন তাহা যেন পুণ্যভীর্ণ শান।

শুনিয়াছি কতদিন সে গৌরব-গাথা
গাইতে আকুল প্রাণে। জননীর কাছে
কহিয়া পূর্ব সেই গৌরব-কাহিনী
দেখিছি কাঁদিতে, মাতা কাঁদিতা বিবাদে,
শুনিতাম অঙ্কে আমি বসি অবশ্যে।
হইনু পীড়িতা আমি; ছুঙ্ক অদেখণে
গেলা পিতা ইন্দ্রপ্রস্থে, ফিরিলা না আর
তব অঙ্গে”—

শৈলজার কথা আর শেষ হইল না—তাঁহার শোক-নিবরিণী
—বিগুণবেগে প্রবাহিত হইল। কিন্তু অমনি—

উঠিয়া ফাঙ্কনী—

“শৈলজে! শৈলজে! তুমি সে অনাথা বাল্য!
চন্দ্রচূড়-কছা তুমি!” উন্মত্তের মত
শোকের প্রতিমাখানি লইয়া হৃদয়ে
চুম্বিলেন বারবার নীলাঞ্জবদন
অশ্রুসিক্ত। কহিলেন “শৈলজে! শৈলজে!
আমি তব পিতৃ-হস্তা জানিয়া কেমনে
দেবতার মত তুমি সেবিলে আমার
এতদিন? নাহি স্বর্গ, কে বলে ধরায়?
এবে স্বর্গ বন্ধে মম পূর্ণিত হুথায়!
করেছি বৎসর দশ তব অশ্রমণ
শৈল! আমি। আমি পাপী, ক্ষমিয়া আমার
দেহ পিতৃ”—

নাগবালা তাঁহার কথা শেষ হইতে দিল না, সে ত্রস্তকরে
অজ্ঞানের মুখারূত করিল। অজ্ঞান বিষ্ময়-বিহ্বল হইয়া নীরব হই-
লেন। শৈলজাও আবার তাঁহার পদতলে উপবেশন করিল।
মহারবী পার্শ্বের অন্তরে আজ কি মহাতরঙ্গ উথিত হইয়াছে,

মানবীয় ভাষা তাহা প্রকাশ করিতে পারে না। তিনি যে অজ্ঞান-
কৃত পাপের প্রায়শ্চিত্তবিধানের অল্প রাজ্যসম্পদ আঞ্জীয়-পরিবার
পরিভ্রমণ করিয়া হৃদীর্ঘ দশটি বৎসর ধরিয়া পরিত্রাজকবেশে দেশে
দেশে পরিভ্রমণ করিয়া বেড়াইতেছেন, আজ সকরণ অশ্রু-বহ্যার
মধ্য দিয়া সে গরম শুভমুহূর্ত আসিয়া দেখা দিয়াছে—সেই অফম-
বর্ষীয়া অনাথা বালিকা তরুণী যোগিনীবেশে—মর্ত্যালোকে হৃদ্যপূর্ণ
স্বর্ণের শোভায় তাঁহারই বন্দপাশে আসিয়া দাঁড়াইয়াছে। তাঁহার
সমগ্র প্রাণের স্নেহ-করণা আজ বে তাহাকে অভিবক্তা করিয়া
দিতে চায়!—জন্মের ধারা এমনই ভাবে প্রবাহিত হইয়া থাকে।
তিনি আবার জিজ্ঞাসা করিলেন—“শৈলজা, তোমার জননী
কোথায়?”—শৈলের উত্তরটি বড়ই করুণ—বড়ই কবিত্বময়!

“যথায় জনক মম, বৈকুণ্ঠ যথায়।”

কহিতে লাগিল বামা—“শোকসমাচার
শুনিলা জননী, চাহি মুহূর্ত আকাশ
পড়িলা ভুতলে, ছিন্ন এ জীবন-পাশ।
বিধির অপূর্ব যজ্ঞ,—দেবত্যা বিভব,—
মধ্য-গীতে ছিন্ন তার হইল নীরব।
এইরূপে চক্ষু সূর্য্য যুগল আমার
ডুবিল, বালিকা প্রাণ করিয়া আঁধার।
মুখে মুখ বুন্ধে বুক দিয়া জননীর,
কত ডাকিলাম আর কত কাঁদিলাম!
কাঁদিতে কাঁদিতে মৃত্যু জননীর বুক
পড়িলাম যুগাইয়া।”

শৈলের মুখে আর কথা ফুটিল না। জবিরল ধারে অশ্রু উচ্ছ-
সিত হইয়া অজ্ঞানের যুগল চরণ সিক্ত করিয়া দিল।
পার্শ্ব মনোবেদনায় অস্থির হইয়া কক্ষমধ্যে ঘুরিয়া বেড়াইতে
লাগিলেন। অবশেষে—

চাহি উজ্জ্বলনে

কহিলেন—“নারায়ণ! এ ঘোর পাপের
আছে কোন প্রায়শ্চিত্ত কহ এ দাসেরে।
কি পুণ্য-কুটার শূন্য করিয়াছি আমি!
নিবায়োছি কিবা দুই পবিত্র প্রদীপ।
কি দুঃখীর হৃৎ-স্বপ্ন নির্দয় অজ্বল
করিয়াছে ভঙ্গ আহা! কপোতকপোতী
পাপ-মর্গে কি জিহিব করিয়া নির্মাণ
ছিল স্বখে। সেই স্বর্ণ মম ধনুর্কীরণ
করিয়াছে ধ্বংস। আজি শাবক তাহার
পড়ি পদতলে মম করে হাহাকার!
হা কৃষ্ণ! নারকী হেন সখা কি তোমার?
ধরিব না ধনুর্কীরণ; দাও অনুমতি,
বীরবেশ পরিহরি যোগীবেশ ধরি
দেশে দেশে গাব এই শোকসমাচার;—
এ পাপের প্রায়শ্চিত্ত নাহি বুঝি আর।”

অজ্ঞানের—না, না, স্বীয় পিতৃহস্তার এ কাভরোক্তি প্রেমময়ী
শৈলজার অন্তর স্পর্শ করিল—সে যে শাস্তিকরণারূপিনী দেবী-
প্রতিমা! তাই সে পার্থের পদতলে স্মৃটাইয়া সকাভরে বলিল—

“ক্ষম এই অনাধায়, কি মনোবেদনা
দিতেছে তোমার দাসী। বৃথা মনস্তাপ
কেন পাও বীরমণি! পিতৃমুখে আমি
শুনিয়াছি, স্বথঙ্ক পূর্ব কৰ্মফল।
তুমি যদি পানী, তবে পুণ্যস্থান হায়,
আছে কোথা ধরাতলে কহ অবলায়!”

শৈলজা শুধু শাস্তিকরণারূপিনী নাহে, সে কৰ্মফল-বাদিনী—
সে মূর্ত্তিমতী কমা! তাই নিজে শোকসন্তপ্তা হইয়াও পিতৃহস্ত

পার্শ্বে এমন মধুর সান্দ্রনা দিতে পারিতেছে এবং তাঁহার মধ্যে ধরাতিত পুণ্যস্থানের সন্ধান পাইয়াছে। তাই সে ইতিপূর্বে পুনঃ পুনঃ তাঁহার প্রাণরক্ষা করিতে, তাঁহার চরণ-সেবার জীবন সমর্পণ করিতে কুণ্ঠিতা হয় নাই।

যাহা হউক, অর্জুন তাহাকে আবার আলিঙ্গন করিয়া কোলে লইয়া পর্য্যবেক্ষণে বসিলেন এবং গত দশ বৎসরের শৈলজার জীবন-কথা শুনিতে চাহিলেন।

মমুষাজীবনে এমন এক একটি মাহেন্দ্রক্ষণ আসে, যাহা সমগ্র জীবনের সকল স্মৃতি-সৌভাগ্যের বিনিময়ে আর কিরিয়া পাওয়া যায় না—জীবনের কোন আনন্দ-সম্পদ তাহার সহিত উপমিত হইতে পারে না। শৈলজা-জীবনেও আজ, তেমনি পরম মাহেন্দ্রক্ষণ আসিয়া উপনীত হইয়াছে, যাহা বড়ই রমণীয়—বড়ই অতুল। এক কথায়—“ন ভূত ন ভবিষ্যতিঃ!” তাহার তখনকার অবস্থা কবির ভাষায়—

“মুহূর্ত্তক নাগবালা রছিল বসিয়া,—
সে মুহূর্ত্ত স্বর্গ তার; মুহূর্ত্তক মুখ
রাধি সেই বীর-বন্দে শুনিবল নীরবে
বাঙ্কিতেছে কি সন্মত, বৃক্ষিল নিশ্চয়
দুইটি হৃদয়-যন্ত্রে এক তান-লয়।”

শৈলজার এ স্বর্গ-স্মৃতি শুধু মুহূর্ত্তের জন্ম। তারপর সে আবার শোকসম্প্রাপ্ত মর্ত্যলোকে কিরিয়া আসিল—অর্জুনের পদতলে বসিয়া আত্মকথা বলিতে লাগিল।

আমরা তাহার এই করুণ আত্মকথা পাঠে জানিতে পারি—
“দুঃখী নাহি মরে; মরিল না এই দাসী।” এতকাল সে তাহার পিতৃব্যপুত্র নাগরাজ বাহুকির গৃহে কাটাইয়াছে। তারপর পার্থ যখন রৈবতকে আসিলেন, তখন বাহুকি তাহাকে এই উপদেশ দিয়া তাঁহার নিকটে পাঠাইয়া দিল—

“শিত্বহস্তা তোর

আসিয়াছে রৈবতকে; সম্মুখ সমরে

○ পরাভবে নাহি বীর ভারত ভিতরে।

ছদ্মবেশে করি তার দাসত্ব গ্রহণ

কালভুক্তদ্বিনী মত করিবি দংশন।

আমায় স্ত্র্যযোগ দেখি দিবি সমাচার,

হরিব হুভঙ্গা, চিরবাসনা আমার।

সন্দেহ আমার, সেই চক্রী নারায়ণ

পার্শ্বে হুভঙ্গার পাণি করিয়া অর্পণ,

যদিব-কৌরব-শক্তি করিবে মিলিত,

তা হলে অনার্য্য ধ্বংস হইবে নিশ্চিত।”

তারপর যে কি হইল, কালভুক্তদ্বিনীর ষায় অর্জুনকে দংশন না করিয়া সে যে প্রথম দর্শন সময়েই কালভুক্তদ্বিনীর দংশন হইতে তাঁহার জীবনরক্ষা করিয়াছিল, এবং হুভঙ্গা-হরণে অনার্য্য দহ্মাদলের সহায়তা না করিয়া তাহাকে রক্ষাই করিয়াছিল, তাহা আমরা যথাসময়ে প্রত্যক্ষ করিয়া আসিয়াছি। শৈলজার অন্তরে এ ভাবান্তর ঘটাইল কে? কালভুক্তদ্বিনীকে শাস্তিকরুণারূপিনী মাজাইল কে?—বিশ্ব-বিজয়ী প্রেম যে ইহার স্মৃলে!

যাহা হউক, অর্জুন যখন জিজ্ঞাসা করিয়া জানিতে পারিলেন, তাঁহার প্রাণের হুভঙ্গারণাকাজনী বাহুকিই সেই দুঃস্বার্থ দহ্মাপতি, তখন তাঁহার প্রাণ অপূর্ব্ব আবেগে পূর্ণ হইয়া গেল।—সেদিন যে শৈলজাই বিচিত্র বিরামে তাঁহাকে—তাঁহার হুভঙ্গাকে রক্ষা করিয়াছিল। অমনি তাঁহার বিশাল হৃদয় ভেদিয়া পবিত্র গোমুখীধারার ষায় উদ্ভেদিত হইল—

“কি যে অভিসন্ধি তব; ক্ষুদ্র হৃদয়েতে

প্রথময়, কি রহস্য রয়েছে নিহিত

বুঝিতে না পারি আমি। নারায়ণ তব
রহস্য অপার! ক্ষুদ্র শুক্লির হৃদয়ে
ফলে মুক্তা, কি সৌরভ ক্ষুদ্র যুধিকায়।”

আমরা দেখিতেছি, অর্জুন এখনও শৈলজার হৃদয়-সৌরভ সম্যক
উপলব্ধি করিতে পারেন নাই। সে সৌরভ যে ক্ষুদ্র যুধিকার
নহে—সে সৌরভ যে বিশ্ব-দ্রলভ নন্দন-পারিজাতের।

শৈলজা বলিল—“দেব! এ সৌরভ ত আমার নয়—এ যে
তোমারই। আমি রৈবতকবনে দেবরূপ দেখিলাম—আমি দেবপুরে
আসিলাম।” শুনিলাম, তুমি আমার পিতার জন্ম কি শোকপূর্ণ
অনুভূত করিতেছ? আমার ক্ষুদ্র হৃদয় পূর্ণ হইয়া গেল। ফলে
“করিমু অর্পণ, পিতৃহস্তা-পদে এই অনাথ জীবন।” কত স্মৃৎসখ
দেখিলাম।

“কিন্তু হায়, সে স্মৃৎসখি আশার মন্দির বালিকার ক্রীড়া-
কুহুম-কুটারটির মত অচিরে ভাসিয়া পড়িল। বাহুকের সঙ্গে যে
প্রীতজ্ঞা করিয়া আসিয়াছিলাম, ঈর্ষাবশে তাহা আরও দৃঢ়তর
হইয়া দাঁড়াইল। আমি আত্মহারা হইয়া, কুমারোত্তরের সংবাদ বাহু-
কিকে দিলাম।”

পাঠক! শৈলজার এ ঈর্ষা কিসের জান? সে যে সমগ্র
নারীজাতির অন্তরের নিভৃত ঈর্ষা! পাঠিকাগণ! ক্ষমা করিবেন।—
আমি যাহাকে শুধু ‘আমার’ বলিয়া জানি—ভালবাসি, তাহাকে
কোন প্রাণে অস্তুর হাতে তুলিয়া দিব? সে যে ‘আমার’ নয়,
সে যে অপরের, সে যে অপরকে ভালবাসে, এ কথা আমি কেমন
করিয়া মনে করিব? কেমন করিয়া নীরবে সহ্য করিব?

শৈলজা বলিতেছে—“নাথ! উঠিল ভাসিয়া

ঈর্ষায় তমসাস্ফর হৃদয়ে আমার

পূর্ণ শশধর সম মুখ স্তম্ভজার,—

সেই চন্দ্রালোকে ভরা হৃদয় তোমার।

‘শৈলজা অপরাঞ্জিতা পাইবে কি স্থান
সেই সমুদ্ভুল স্বর্গে?’

এই আশঙ্কার—এই বেদনার মূলেই এবিধ ঈর্ষার জন্মভূমি।
এই ঈর্ষা নারী-হৃদয়ের সাধারণ ধর্ম—ইহাই মানবীয়তা। শৈলজা
এই মানবীয় ধর্মের বশীভূতা। তাই ইতিপূর্বের প্রবন্ধারম্ভে বলিয়া
আসিয়াছি, “অমরকবি নবীনচন্দ্রের হৃৎস্রা দেবী; শৈলজা দেবীভাবে
মানবী।”

কিন্তু এই দেবীভাব লাভ করিতে হইলে—ঈর্ষা-যাতনা হইতে
শান্তি-সাম্যতার রাজ্যে যাইতে চাহিলে, দেব-করণার যে প্রয়োজন,
আমাদের শৈলজা তাহা বিস্মৃত হইয়া নাই। শৈলজার প্রেমিক পিতার
প্রভাব এইখানেই অলক্ষ্যে বিঘ্নমান। শৈলজা বলিতেছে—

“অনাথার নাথে

মাটিতে পাতিয়া বুক ডাকিমু কাতরে।

শুনিলেন দয়াময় ভিক্ষা এ দাসীর,

পাইমু অপূর্ব শান্তি। কি ঘটিল পরে

জান তুমি প্রাণনাথ।”

সকল শাস্তির প্রভবণ যিনি, শৈলজা সেই অনাথার নাথকে
সকাতরে ডাকিয়া—উঁহা হইয়া চরণে শরণ লইয়া ঈর্ষা-নষ্ট বেদনা-
কাতরে প্রাণে অপূর্ব শান্তি লাভ করিয়াছে। জীব এমনি করিয়াই
শিব-পথের অধিকারী হয়।

কিন্তু শৈলজার আজ সংযমের বাঁধ ভাসিয়া গিয়াছে, হৃদয়ের
হৃদয়ে যে স্মৃতি স্মনারবে স্তম্ভ ছিল, অথবা যে স্মৃতি হৃদয়ের
হৃদয়ে ভয়ে ভয়ে আপনমনে যত্নগুঞ্জন করিয়া বেড়াইত, প্রেমময়ী
শৈলজা যাহাকে অতি যত্নে—অতি সতর্কতার সহিত গোপন করিয়া
রাখিয়াছিল, আজ তাহা প্রেমাস্পদের নিবিড় মিলনে অতর্কিতে
জাগিয়া উঠিয়াছে—বহির্জগতে অকস্মাৎ আত্মপ্রকাশ করিয়া ফেলি-

যাছে, অস্তুরের অব্যক্ত অমুরণ ভাবাসম্পদে ধরা পড়িয়াছে! তাই শৈলজা আজ অর্জুনকে অসঙ্কোচে প্রাণ ভরিয়া সম্বোধন করিতেছে—
“প্রাণনাথ!”

পক্ষান্তরে অর্জুন স্তম্ভর প্রেমাঙ্কজ্ঞী। তিনি শৈলজার প্রাণের গতি অহুত্ব করিয়া ক্ষুব্ধ হইলেন, মকাতরে বলিলেন—“শৈল, প্রতিজ্ঞা করিতেছি, আমি তোমাকে দুহিতানির্বিদ্যে প্রতীপালন করিব,

অনুতাপ মম,

তব পিতৃ-হত্যা-পাপ জুড়াইব, শৈল,

দেবি সুখা-হাসি তব সুখাঃশুবদনে।

চল শৈল, ইন্দ্রপ্রস্থে চল! অথবা তোমার পিতুরাজ্য ধাণ্ডব জ্বার উদ্ধার করিয়া তোমাকে সেখানে প্রতিষ্ঠা করিব—

শৈলজে, তোমায় বন্দে করিয়া ধারণ,
শোভিবে চন্দিকা-বন্ধ শারদ গগন!”

তারপর—

“কে আছে ভারতে, নারীরত্ন! তব কর,
হৃদয়-অমরবতী পবিত্র হৃন্দর,
পাইতে আগ্রহে নাহি হবে অগ্রসর!

সত্য জানিও শৈল! জীবনের মরীচিকাকে অমুসরণ করিয়া যখন আমি সমস্ত হইব, তখনই—

হৃদয় তোমার

হবে মম শাস্তিরাজ্য, এই ক্ষুদ্র সুখ

লইয়া হৃদয়ে আমি জুড়াইব বুক!”

মহাবীর অর্জুনের এ আকাঙ্ক্ষা—এ আকিঞ্চন, শাস্তিকল্পণা-রূপিণী প্রেমময়ী দেবীপ্রতিমার চরণে মুগ্ধ ভক্তের আত্ম-নিবেদন ব্যতীত আর কিছুই নহে! শৈলজা তাহা বুকিল। কিন্তু শৈলজা

ত অর্জুনের নিকটে আর এমনি ভাবে প্রেম-প্রতিদান চাহে না! সে নিকাম-প্রেমের নিগূঢ় রসাস্বাদন করিয়াছে—তাহার তৃষিত অস্তুরে দিবা জ্যোতিঃ প্রকাশ পাইয়াছে—সে আর কামনা-শৃঙ্খলে আবদ্ধ হইতে পারে না! তাই আবুল-চিত্ত অর্জুনকে—শুধু অর্জুনকে নহে, প্রত্যেক প্রেমিককে প্রবুদ্ধ করিয়া তাহার করণ কণ্ঠ অমৃত-বর্ষণ করিল—

“দাসীরও বাসনা তাহা! দাসীর হৃদয়ে

যেই শাস্তিরাজ্য নাথ, হয়েছে স্থাপিত,

তুমি সে রাজ্যের রাজা। মাতা প্রকৃতির

বনে বনে একে একে করিয়া ভ্রমণ

বাড়াইব সেই রাজ্য। বিখচরাচর

হবে সব পার্থময়। বনের কুসুম,

গগনের সুধাকর, নিখর, মলিল,

হইবে অর্জুন মম; আমার হৃদয়

রহিবে অভিন্ন নিত্য অর্জুনেতে লয়।

তুমি পিতা, তুমি ভ্রাতা, তুমি প্রাণেশ্বর,

তুমি শৈলজার এক অনন্ত, ঈশ্বর!

যেই রক্তবাসে যোগী সাজি, প্রাণনাথ,

খুঁজিলে এ অভাগীরে; পুরি সেই বাস

তব পুরাতন, নাথ! শৈলজা তোমার

চলিল খুঁজিতে আজি অর্জুন তাহার।”

বড় হৃন্দর! বড় হৃন্দর! জানি না, জগতে এমন কোন ভাষ্য-সম্পদ আছে কি না, বাহার দ্বায় ইহার অপূর্ক সৌন্দর্য্য যথায় বিলম্বণ করিতে পারা যায়? এ সৌন্দর্য্য যে শুধু অনুভবের,—প্রকাশের নহে।

অহেতুকী নিকাম প্রেমের একটি শ্রেষ্ঠ লক্ষণ এই যে, সে কখনও প্রেমাঙ্গনকে কেবলমাত্র আপনার বিহরেদ্রিয়ের বিঘ্নীভূত

করিয়া বাঁধিয়া রাখিতে চাহে না। সে আপন হৃদয়ের ধনকে হৃদয় দিয়াই স্পর্শ করিয়া তুলি লাভ করে—অস্তরের নিধিকে সে সর্বক্ষণ অস্তরেই রাখিতে, অস্তরেই পাইতে এবং অস্তরেই দেখিতে বেশী ভালবাসে।

পঞ্চাশতের নিকাম প্রেমের মধ্যে যখন যুগভীর একনিষ্ঠতা আসে, তখন সে আপনীর হৃদয়ের বিভিন্ন ভাবধারা যুগপৎ সংহত করিয়া একমাত্র প্রেমাঙ্গুদকেই সর্বব্যাপী মূর্তিতে বরণ করিতে চায়—একমাত্র প্রেমাঙ্গুদের প্রেমেই পিতা মাতা সখা ভ্রাতা প্রভৃতি সকলেরই সন্ধান পায়।

তারপর এই একনিষ্ঠ নিকাম প্রেম যখন সার্থকতার সর্ব্বোচ্চ গ্রামে প্রতিষ্ঠিত হয়, তখন সে প্রেমাঙ্গুদের বিশ্বরূপ বা বিশ্বময়-রূপ দর্শন করিয়া রত্নকুটার্ণ হইয়া থাকে। এ অবস্থায় আর চেতন-অচেতন-বোধ বা আত্ম-পর-ভেদাভেদ-জ্ঞান রহে না; সর্ব্বভূত প্রেমাঙ্গুদের পরিপূর্ণ সর্ষায় সজীব ও জাগ্রত হইয়া উঠে।

আমাদের প্রেমময়ী শৈলজা ধীরে ধীরে এমনি উন্নততর স্তরে আসিয়া দাঁড়াইতেছে, তাহার প্রত্যেকটি কথায় তাহার আভাস পাওয়া যায়। তাহার হৃদয়ে যে অন্বিতীয় শান্তিরাজ্য স্থাপিত হইয়াছে, সে এখন তাহারই একছত্রাধিপতিপদে প্রেমাঙ্গুদকে প্রতিষ্ঠিত করিয়া প্রকৃতির রমনিকেতনে সে শান্তিরাজ্যের বিস্তার করিতে চায়! তাহার অভিনায় এখন তাহার চক্ষে “বিখচরাচর হবে সব পার্শ্বময়!” এবং এই বিখচরাচর-কায়্য বিরাট অর্জুনের মধ্যে তাহার ক্ষুদ্র হৃদয়ধানি বিলুপ্ত হইয়া “রহিবে অভিন্ন নিত্য”। একমাত্র অর্জুনেই তাহার পিতা ভ্রাতা প্রাণেশ্বর হইবেন, সে তাঁহাকেই এক অনন্ত ঈশ্বর জ্ঞানে অর্চনা করিবে। সে আপন অস্তরে যে অস্তর-দেবতার আসন রচনা করিয়াছে, সে পাক্ণ্ডভৌতিক অর্জুনের সঙ্গ পরিচয় করিয়া সেই চিন্ময় অর্জুনের নিবিড় ও শাশ্বত-সাম্রিধ্য লাভ করিতে সে আজ যাইতেছে। প্রেমাঙ্গুদ অর্জু-

নের স্নেহ-স্মৃতি, তাহার তুমি আত্মার অশন; তাঁহার পরিত্যক্ত গৈরিক-বাস, তাহার কমনীয় অঙ্গের জুগল। শৈলজা আজ যৌবনে যোগিনী—যথার্থ প্রেম-তপস্বিনী! তাহার এ কর্তার প্রেমের তপস্বা সার্থক হইবে না কি?

কোন মহৎ ব্রত উদ্‌যাপন করিতে হইলে নিঃস্বার্থ আত্মত্যাগের প্রয়োজন। শৈলজা এমনি আত্মত্যাগে আজ কুণ্ঠিতা মছে। সে বহির্জগতে আপনার প্রিয়তম জীবনসর্ব্বস্বকেও অপরের করে সমর্পণ করিয়া চলিয়াছে, সে বলিতেছে—

“বাজিছে মকল বাত, পুরনারীগণ
চলিয়াছে হারবত্তী, যাও প্রাণনাথ,
শুভ বিভাবরী এবে হুয়েছে প্রভাত।
লণ্ড এই ফুলমালা, রণাস্তে যখন
পরিবে হুজ্জা-হার, ত্রিদিব-ভূষণ,
শুকায় পড়িবে মালা, মালাদাত্তী হায়।
হয় ত বাহুকি-অস্ত্রে শুকাবে ধনয়।”

প্রিয় পাঠক পাঠিকা! স্মরণ হইতেছে, এমনি ‘আত্মত্যাগ’ একবার আমরা অমর-ঔপচাসিক বর্ষিচন্দ্রের আয়েসায় দেখিয়া-ছিলাম; আর আজ দেখিতেছি, অমরকবি নবীনচন্দ্রের শৈলজায়! তবে উভয়ের উত্তর-জীবনে বিশেষ পার্থক্য আছে। প্রেমিকা আয়েসা আত্মত্যাগের পরে কোন নির্জন বোগ-গুহায় প্রেমাঙ্গুদের ধ্যান নিমগ্না হইল, বর্ষিচন্দ্র আমাদিগকে সে কথা বলেন নাই—তাঁহার স্মরণ্য গ্রন্থাবলীর ভিতরে আমরা আর আয়েসার সাক্ষাৎ পাই না। কিন্তু নবীনচন্দ্র তাঁহার পরবর্তী “কুরুক্ষেত্র” ও “প্রভাস” কাব্যস্বরের ভিতরেও শৈলজাকে গৌরব দান করিয়াছেন—শৈলজার প্রেমের বিচিত্র স্মৃতি বা বিকাশ প্রদর্শন করিয়াছেন। ফলতঃ বর্ষিচন্দ্রের আয়েসা, আত্মনিষ্ঠ প্রেমের সাধিকা; আর নবীনচন্দ্রের শৈলজা, বিশ্ব-জনীন প্রেমের উপাসিকা। এইজন্যই আয়েসাকে আমরা আর

কিরিয়া পাই নাই; আর শৈলজা আবার কাব্য-জগতে দেখা দিয়াছে—
—আমরা তাহাকে শাস্ত্ররাজ্যের শুধু প্রতিষ্ঠাত্রী নহে, অধিষ্ঠাত্রী
দেবরূপে প্রাপ্ত হইয়া চরিতার্থ হইয়াছি।

যাহা হউক, শৈলজার কথা শুনিয়া অঙ্কুনের দর দর ধারে অশ্রু
প্রবাহিত হইল; তিনি উরুপানে চাহিয়া কাতরকণ্ঠে বলিয়া উঠিলেন—

“ব্যাসদেব! আজি

তব ভবিষ্যৎ-বাণী ফলিল দুর্বীর

পিতৃহস্তা হোল আজি হস্তা অনাধার!”

হায়, অদৃষ্ট-সিপি! কিন্তু একি।—

মুছি অশ্রু ধনঞ্জয় দেখিলা বিশ্বাসে

নাহি সেই অনাধিনী! শৈলজে, শৈলজে!

ডাকিতে ডাকিতে পার্থ গেলা গৃহঘারে,

ছুটিয়া নক্ষত্রবেগে!

কিন্তু নাই! নাই! শৈলজা নাই! সে যেমন অতর্কিতে আসিয়া-
ছিল, তেমনি অতর্কিতে চলিয়া গিয়াছে। অঙ্কুনের জন্ত রাখিয়া
গিয়াছে, শুধু একবিন্দু অশ্রু—শুধু একটা করুণ দীর্ঘশ্বাস!

অঙ্কুনের কাছে সবই স্বপ্নের মত বোধ হইতে লাগিল। তিনি
দেখিলেন, তাঁহার সম্মুখে “সরথ দারুক” দাঁড়াইয়া আছে। তিনি
স্বপ্নাবিষ্টের মত এক হৃৎকম্প রথারোহণ করিলেন। দেখিতে দেখিতে
তাঁহা অদৃশ্য হইয়া গেল।

“রৈবতক” কাব্যে শৈলজা-জীবনের যবনিকা-পাত এখানেই হই-
য়াছে। কবি অদৃষ্টবাদের মধ্য দিয়া শৈলজাকে আনিয়াছিলেন—শৈলজার
করুণ কাহিনী আমাদের কাছে শুনাইয়াছিলেন; আবার অদৃষ্টফলের
ভিতর দিয়া তাহাকে লইয়া গেলেন। আমরা শৈলজার—শুধু শৈল-
জার নহে, শৈলজার সহিত অঙ্কুনের অদৃষ্ট-ফল প্রত্যক্ষ করিলাম।
এক্ষণে এই অদৃষ্ট-ফলের পরিণতি কোথায় এবং কি ভাবে তাহা
হইয়াছে, আমরা “কুরুক্ষেত্র” ও “প্রভাস” আলোচনা সময়ে দেখিব।

শ্রীজীবেন্দ্রকুমার দত্ত।

গান

এ যে আমার ফুলের হার
এ যে আমার কাঁটার মালা
এ যে সকল মধুর মিঠে
এ যে আমার বিশ্বের জ্বালা!
দিয়েছ বা কিছু নিতে যে হবে
যত না হুথ যত না জ্বালা
ওই দেশ তব চরণ-মূলে
দিয়েছি ভরে কিসের ডালা!

গান

কোন ভারতে বাজবে বল
ওগো প্রাণের বাজন্দার!
প্রাণের মাঝে রাখবে বেঁধে
সইতে তব সুরের ভার!
একটুখানি আভাস পেলে
বাঁধব প্রাণে প্রাণের ভার।
কঠিন কোমল সকল সুরে
বরবে তব মধুর ধার।

মোহিনী

[গল্প]

সমস্ত বিজয়পুর গ্রামের ঘরে ঘরে প্রত্যেককে অমুরোধ করিয়াও ফটিকের মা ফটিকের থাকিবার কোন বন্দোবস্ত করিতে না পারিয়া, যখন গ্রামের বাহির হইলেন, তখন বেলা ঠিক দুপুর। সম্মুখে প্রকাণ্ড মাঠ। জ্যৈষ্ঠমাস, চারিদিকে রোজ কাঁকা করিয়া আগুনের মত জ্বলিতেছে। শুক ভূপের মত ছোট ছোট ধানগাছ-গুলি কদাচিৎ বাতাসে একটু একটু ঢুলিতেছে। ফটিকের মার মাখার মধ্যেও আগুন জ্বলিতেছে। একমুঠা ভাত হইলে যে ফটিকের খাওয়া হয়, সেই ফটিককে একজন লোকও বাড়ীতে রাখিতে স্বীকার করিল না! এমন সমাজ আগুনে পুড়িয়া গেলে ফটিকের মার কোন দুঃখ নাই।

কিন্তু এই দারুণ জ্যৈষ্ঠের রোজে পুড়িয়া এই ঠিক দুপুরবেলা অনাহারে চার পাঁচ মাইল রাস্তা হাঁটিয়া কি করিয়া বাড়ী ফিরিয়া যাইবেন তাই ভাবিয়া তিনি আরও অস্থির হইলেন। ফটিক বলিল, “মা, এই গ্রামে না কোথায় মোহিনী দিদির বাড়ী? এ বেলা তাঁর ওখানে থাকিয়া গেলে হয় না?” কথটা সমস্ত বলিয়া বোধ হইল। মা বলিলেন, “আচ্ছা, চল; তার ওখানেই যাই, মোহিনীর কথা আমার মনে ছিল না। “আর এ গাঁয়ে আসিয়া তার সঙ্গে যদি দেখাটাও না করিয়া যাই তবে সেই বা কি মনে করিবে?” মা ছেলেকে লইয়া মোহিনীর বাড়ীর দিকে চলিলেন। মোহিনী ফটিকের মার দূর-সম্পর্কীয়া খুড়কৃত বোনের মেয়ে। ফটিক মোহিনী-দিদির নাম শুনিয়াছে, কখনও দেখে নাই। তবে তাহার স্বভাব ও অবয়ব সবদে সে মনে মনে একটা ধারণা করিয়া লইয়াছিল।

তাহার সেই কল্পনা-মূর্তির সহিত এখনই সত্যিকার মানুষটিকে মিলাইয়া লইতে যাইতেছে,—ভাবিয়া ফটিকের ভারি একটা কৌতূহল হইল।

২

দুইজনে মোহিনীর বাড়ীতে উপস্থিত হইল। মোহিনী তাহার দক্ষিণ-দুয়ারী ঘরের বারান্দায় একথানা মাদুর পাতিয়া শুইয়াছিল। পাশে একটা লোহার খাঁচায় একটা টিয়াপাখী। তাহার লাল-টুক-টুকে ঠোঁট, দীর্ঘ পুচ্ছ, শ্রাম-চিহ্ন পালক আর স্তম্ভিত কণ্ঠ। পায়ের কাছে একটা ছোট্ট সাদা বিড়াল-ছানা আরামে ঘুমাইতেছে।

মোহিনী ফটিকের মাকে দেখিয়াই উঠিয়া বসিল। প্রথমে চিনিতে পারিল না। অনেক দিন দেখে নাই—একটু বিবল হইল।

• ফটিকের মা—“মোহিনী, ভাল আছিস” বলিয়া তাহার মুখের দিকে তাকাইবা মাত্রই মোহিনী তাহাকে চিনিতে পারিল। “এ্যা—মাশীমা, এ অসময়ে” বলিতে বলিতে তাড়াতাড়ি উঠিয়া তাহার পায়ের ধূলা লইল। “আমার মত হতভাগিনীর কথা কি কেউ মনে করে—যেদিন মা ছাড়িয়া গেছে—” বলিতে বলিতে মোহিনীর বড় বড় চোখছুটি ভরিয়া জল আসিল। সে তাড়াতাড়ি চোখ মুছিয়া মাশীমাকে ও ফটিককে বসিতে দিল।

বসিয়া, ফটিকের মা, মোহিনীর মার মৃত্যুর পর একটবারও মৌনীহিকে দেখিতে না আসার নানা প্রকার. ধারাবাহিক সন্তোষজনক কারণ দর্শাইলেন। তারপর, ফটিককে লইয়া বিজয়পুর আসার এক মন্ত ইতিহাস আরম্ভ করিলেন। তাহার সার মর্ম্ম এই যে, ফটিক গ্রামের স্কুলের পড়া শেষ করিয়াছে। এখন সহরের বড় স্কুলে পড়িবে। তাহাদের গ্রাম হইতে সহর-পাঁচ ছয় মাইল দূর। বিজয়পুর হইতে সহর খুব নিকট—এক মাইল হইবে। তাই বিজয়পুরে কোন আত্মীয় কিংবা অনাত্মীয়ের বাড়ীতে ফটিকের থাকিবার একটা

বন্দোবস্ত করিয়া দিবার জন্ত কাল সন্ধ্যাবেলা এখানে আসিয়াছেন। পরের কাজে পরে কখন করে না, তাই নিজেই আসিয়াছেন—লোক যে বলে বলুক। কিন্তু কোনখানে কোন সুবিধা হইল না। তাই ফিরিয়া যাইবার পূর্বে একবার মোহিনীর সঙ্গে দেখা করিতে আসিয়াছেন।

এখনো তাহাদের স্নানাহার হয় নাই শুনিয়া মোহিনী তাড়াতাড়ি মাসীমার কথা বন্ধ করিয়া দিল। ফটিক ছেলে-মানুষ। এত বেলা না খাইয়া আছে। মোহিনী দেখিল ফটিকের কাঁচা মুখখানি শুকাইয়া গিয়াছে। তাহার বড় কন্ঠে হইল। ঘরে দুধ ছিল আম ছিল, পা ধুইতে জল দিয়া, তাড়াতাড়ি ঠাই করিয়া মোহিনী ফটিককে জল খাইতে দিল। ফটিক কখনও তাহার দুধখিনি দিদির কথা মনে করে না, তাহার দিদির সংসারে আপনার বলিবার আর কে আছে, যদি বা সৌভাগ্যক্রমে ফটিক একদিন তাহার দিদিকে দেখিতে আসিয়াছে, কিন্তু তাহার গুরীবের ঘরে এমন কিছুই নাই যদ্বারা সে ফটিকের ও মাসীমার অভ্যর্থনা করিতে পারে—ইত্যাদি অনেক কথা মোহিনী এমন সরল ভাবে স্নেহের স্বরে বলিল যে, মোহিনীর আম-দুধের চেয়ে তাহার কথাগুলিই ফটিকের নিকট অধিক মধুর বলিয়া বোধ হইল।

৩

মোহিনী মাসীমাকে স্নানের-জল দিয়া রান্নাঘরে গেল। ফটিক দেখিল, মোহিনী বড় স্নেহ করিতে জানে। সে বালিকার মত সরল, কিন্তু জননীর মত স্নেহময়ী। তাহার চবিশ বৎসর বয়স হইয়াছে—কিন্তু মুখখানি ঠিক বালিকার মত। শরীর রুগ্ন নয়, কিন্তু বড় কৃশ—বড় লঘু। শরীর অত্যন্ত কৃশ বলিয়াই তাহাকে একটু দীর্ঘাকৃতি দেখায়। দেহের এই লঘু কৃশতা তাহার সর্বদ্বৈদের কোমলতাকে এক অপূর্ব্ব্ব সিদ্ধ কাণ্ডি দান করিয়াছে। রৌত্র-তপ্ত স্ত্রীণা লতাটির মত সে একটু শুষ্ক, কিন্তু বড় কোমল।

তাহাকে 'শ্রামাদী' বলিলে, নিন্দা করা হয়। কিন্তু তাহাকে গৌরাদীও বলিতে পারি না। তাহাকে দেখিলেই চঞ্চল বলিয়া মনে হয়। * বাস্তবিকই সে একটু চঞ্চল। কিন্তু তাহার এ চঞ্চলতার মধ্যে কোন উচ্ছ্বলতা নাই, এ চঞ্চলতা সজীব সরলতার চিত্রানু-সঙ্গিনী। তাহার চলা-ফেরায়, কাজ-কর্মে, কথা-বার্তায়—সর্বত্রই এই যুহু মধুর চঞ্চলতা। তাহার অত্যন্ত অল্পে যখন এই চঞ্চলতার লীলা বন্ধ থাকে, তখনও তাহার বড় বড় উল্ঙ্গল, অসঙ্কেচ 'চকু' দুটিতে সে লীলার যুহু-বিকাশ দেখা যায়। মোহিনী বাল-বিধবা। তাই কোন সংখত সসঙ্কেচ ব্যবহারের কৃত্রিম বন্ধন তাহার উপর জোর করিয়া চাপাইয়া দেওয়া হয় নাই, তাই সে একটু চঞ্চল।

প্রকৃতি নিজে মোহিনীকে একটু সংখম দান করিয়াছিলেন। সেই জন্ত তাহাকে কখনও প্রযুক্তির সঙ্গে বিরোধ করিতে হয় নাই। তাহার জীবনের উপবনে কখন বসন্ত আসিয়াছিল—তাহা যে সে জানে না, তাহা নহে; আর সে বসন্ত এখনও আছে কি চলিয়া গিয়াছে, তাহারও সে যে কোন খোঁজ রাখে না, তাহাও নহে। তবে তাহার যৌবনে চৈত্রের খর-রৌত্রের উত্তাপ ও দাহ ছিল না; বৈশাখের ঝড়-ঝঞ্ঝা কখনও প্রবাহিত হয় নাই, জ্যৈষ্ঠের জোয়ার কখনও তটে আঘাত করে নাই, তাই বসন্তটা কবে আসিল কবে গেল—কি রহিল, সে বিষয়ে মোহিনী কোন হিসাব নিকাশ করে না।

বিধবা মার মোহিনী একমাত্র কন্যা। যতদিন মা ছিলেন, ততদিন মোহিনীর কোনও কষ্ট ছিল না। সে শূন্য বিধবারা বড় দুঃখিনী। কিন্তু কথাটা কতখানি সত্য তাহা সে বুঝিতে পারে নাই। তাহার মার হৃদয়ের অগাধ স্নেহের সেই একমাত্র অধিকারিণী ছিল। বিধবা হওয়ার পর মোহিনী আর শশুর-বাড়ী যায় নাই। শশুরের অবস্থা তত ভাল নয়। মোহিনী মাকে বড় ভালবাসিত। কিন্তু, মাকে ভাল-বাসা দিয়া তাহার সমস্তখানি ভালবাসা ফুরায় নাই, অনেকে তাহার ভালবাসার অধিকারী ছিল। মোহিনীর মার একটি লাল রংএর

ছোট গোলগাল সুন্দর শাস্ত গাই, এখনও আছে। তাহার গলায় হাত বুলাইয়া, আদর করিয়া, তাহাকে খাওয়াইয়া তাহার কতক সময় কাটিত। নবজাত ছোট চঞ্চল বাছুরটি যখন উঠানে ছুটাছুটি করিয়া খেলা করিত, তখন সে কোন শিশু-পুত্রের জননীর চেয়ে নিজেকে কম স্থখী মনে করিত না। সে যখন খাইতে বসিত তখন বিড়াল-ছানাটি কাছে না থাকিলে তাহার ভাল খাওয়া হইত না। তাহার খাঁচাটি কখনো শূন্য হইলে তাহার মন বড় শূন্য ঠেকিত। যেদিন সে হরি বসাকের ছোট ছেলেটিকে কোলে করিয়া হাসাইয়া কাঁদাইয়া, মারিয়া ধরিয়া, চুমা খাইয়া একেবারে ব্যতিব্যস্ত করিয়া না তুলিত, সেদিন তাহার কোন কাজেই মন লাগিত না। ঠাকুর-বাড়ীর ছোট ছোট মেয়েরা সকলেই তাহার সখী। বিকালবেলা চুল-বাঁধার সাজ-সরঞ্জাম হাতে করিয়া তাহারা দল বাঁধিয়া মোহিনীর দুয়ারে আসিয়া উপস্থিত হইত।

মোহিনীর মার সংসারে কোন অভাব ছিল না। সামান্য কিছু জমি-জমা ছিল। হাতে কিছু নগদ টাকা ছিল—লোকে বলিত অনেক। দুইটি বিধবার সংসারে কিই বা খরচ? বেশ দিন যাইতেছিল। এখন সময় হঠাৎ চার-পাঁচদিনের জ্বরে মোহিনীর মার মৃত্যু হইল। মোহিনী চারিদিক অন্ধকার দেখিল। মা ছিল—মোহিনীর সব ছিল। মার অভাবে মোহিনী বুকিল সংসারে তাহার কেউ নাই,—সে বড় একা। তাহার জীবনের একমাত্র বন্ধন ছিন্ন হইয়া গেল। সংসারে আর তার কি স্থখ? কিন্তু সংসার অরণ্যই হোক আর মরুভূমিই হোক, সংসার ছাড়িয়া ত কোথাও যাইবার উপায় নাই।

তাহার মার কেমন এক গিসা ছিল। সে বুড়ী আসিয়া তাহার বাড়ীতে বাস করিতে লাগিল। কিন্তু মোহিনী বড় একা। আর বুড়ী বড় একটা মোহিনীর কাছে স্থির হইয়া বসিত না। পাড়ায় পাড়ায় ঘুরিয়া বেড়ান বুড়ীর স্বভাব। মোহিনীকে কোন কোন

দিন, রাত্রিতে একা থাকিতে হইত। মোহিনীর যা স্বভাব তাহাতে কাহারও মোহিনীর উপর কোন সন্দেহ ছিল না। কিন্তু বিধবা মোহিনী যুবতী হইয়াও কোন দুর্নাম-ভাগিনী নয়। ইহা কাহারও কাহারও বড় অশ্লীল ঠেকিত। তাই কেহ কেহ মোহিনীর সাদা চরিত্রে দুই একটি কালির ফঁোটা ছিটাইয়া দিতে চেষ্টা করিল। মোহিনী শুনিয়া একদিন মার জন্ত বড় কাঁদিল। বাহা হোক সমাজের দুর্নাম-ব্যবসায়িনী প্রবৃত্তি এখানে কোন প্রকার পোষকতা না পাইয়া অল্পেই দ্বন্দ্ব হইল।

হরি বসাক সপরিবারে শশুর-বাড়ী চলিয়া গিয়াছে। ঠাকুর-বাড়ীর মেয়ে কয়টির মধ্যে একটি সেদিন জলে ডুবিয়া মরিয়া গিয়াছে। আর দুইটির বিবাহ হইয়া গেল। মোহিনীর শশুর-স্বয়ম ভরিয়া তুলিবার মত আর বিশেষ কিছু নাই। এখন তাহার ভাল-বাসার পাত্র শুধু একটি বিড়ালছানা, একটি টিয়াপাখী আর সেই লাল গাইটি। কিন্তু মার গাইটির কাছে গেলে মার স্মৃতি বড় স্পষ্ট হইয়া জাগিয়া উঠে, তাই মোহিনী আজকাল গাইটির কাছে বড় যায় না। আর পশুপক্ষীকে ভালবাসিয়া মানুষের জনয়ের সব আশা মেটে না। মোহিনী মার কথা ভুলিতে পারিল না।

মোহিনীর মনের অবস্থা যখন এইরূপ, সেই সময়ে একদিন হঠাৎ ফটিকের মা ফটিককে লইয়া মোহিনীকে দেখিতে আসিল। তাই মার কথা বলিতে মোহিনীর চোখ ভরিয়া জল আসিয়াছিল।

৪

আহারাদির পর একটু বিশ্রাম করিয়া ফটিকের মা মোহিনীকে বলিলেন, “মা তবে আমরা এখন আসি। অনেক দূরের পথ; বড়-বৃষ্টির কথা বলা যায় না—আর বেলাও বেশী নাই। ফটিক তোমার বাড়ী দেখিগা গেল, এখন হইতে সে মাঝে মাঝে আসিয়া জ্ঞোকে

দেখিয়া যাইবে। মোহিনী মাসীমাকে অন্ততঃ সে বেলাটা থাকিয়া যাইবার জন্ত অনেক অনুরোধ করিল। কিন্তু তিনি কিছুতেই থাকিতে স্বীকৃত হইলেন না। শেষে মোহিনী ফটিকের হাতখানি ধরিয়া ফটিকের হৃদয়, উদ্ভল, সলজ্জ মুখখানির উপর স্নেহ-স্নিগ্ধ দৃষ্টি স্থাপন করিয়া কহিল, “ফটিক, ভাই, আমার বড় সৌভাগ্য, তাই আজ তোর চাঁদমুখ দেখিলাম। তা এখন চলে যাচ্ছিস। তোর সঙ্গে দুটি কথাও বলিতে পারিলাম না। আজকার রাতখানা থেকে যানা ভাই!” ফটিক মার মুখের দিকে তাকাইল। মা মোহিনীর দিকে তাকাইয়া বলিলেন—“না মা, আজ আমি কিছুতেই থাকিতে পারিব না। ফটিকের জন্ত একটা কিছু বন্দোবস্ত করিতে না পারিলে আমার কিছুতেই সোয়াস্তি নাই।” মোহিনী মাটির দিকে মুখ করিয়া বলিল—“মাসীমা, আমি একটি কথা বলি, রাশিবে?”

মাসী। কি?

মোহিনী। ফটিক যদি আমার এখানে থাকে তবে দোষ কি?

মাসী। দোষ? সে কি মা? তুই কি আমাদের পর? আমার নিজের যদি একটি মেয়ে থাকিত, আর সে যদি আদর করিয়া ফটিককে কাছে রাখিতে চাহিত, তবে কি ফটিক তাহার কাছে থাকিত না? তবে কথা কি মা, তুমি বিধবা, তোমাকে সেখিনার কেউ নাই। কোথায় আমরাই তোমার সময়-অসময় দেখিব, তা না তোমারি উপর আবার একটি ছেলের ভার চাপাইব? কথাটা ভাল মনে হয় না। এই জন্ত তোমাকে কিছু বলি নাই।

মোহিনী। মাসীমা, এতে তুমি কোন সঙ্কেত বোধ করিও না। আমার মরে ত দুটি ভাতের অভাব নাই? ফটিক আমার এখানে থাকিলে বরং আমার অনেক সুবিধা হইবে। একটি পয়সার জিনিস কিনিতে আমাকে সাত

জনকে খোসামোদ করিতে হয়। আর আমি আজ-কাল বড় একা মাসী মা! আর ফটিককে এখানে রাখিতে পারিলে তোমাদেরও মারা-মমতা বাঁধিয়া রাখিতে পারিব। তবে আমার এখানে থাকিলে ফটিকের খাওয়া-দাওয়ার একটু অসুবিধা হইবে। সেইজন্ত ভাবিতেছি। মাসীমা। খাওয়া-দাওয়ার আবার অসুবিধা কি মা? আমরাও ত গরীব মানুষ! সেথা-রূপা ত আর খাই না? আর ফটিকের আমার কোন বাছা-বাছি নাই। সময়মত একটু কিছু হইলেই সম্ভব।

মোহিনীর কাছে থাকিয়া ফটিক বড় ফুলে পড়িবে—ইহা স্থির হইল। ফটিকের মা তখন হৃষ্টচিত্তে স্থির হইয়া বলিলেন। সে রাত্রির জন্ত মোহিনীর নিমন্ত্রণ রক্ষা করিলেন। ফটিক এতদূর ভাবি ব্যস্ত ছিল—কি রকম লোকের বাড়ীতে না জানি থাকিতে হয়। মোহিনী-দিদির কাছে থাকিবার কথাই তাহার হৃদয় নাচিয়া উঠিল। এক দণ্ডেই সে মোহিনীকে চিনিয়া ফেলিয়াছে।

বৎসর গণনায় ফটিকের বয়স ১৬ বৎসর হইয়াছে। চেহারা দেখিলেও তাই মনে হয়। সুগঠিত পরিপুষ্ট গোরু-কান্ত দেহ। চোখে মুখে সর্বদা উদ্ভল লাবণ্যের জ্যোতিঃ। মাথায় বড় বড় চুল—চোখের উপর আসিয়া পড়ে।

গঠন-প্রণালীর পরিমাণ হিসাবে তাহাকে হৃদয় বলা যায় না। মুখখানি যেন একটু বেশী বড়। ললাট, কপোল, চিবুক বড় প্রশস্ত। এক স্বাভাবিক সঙ্কেত এবং লজ্জায় চোখ দুটি সর্বদাই স্থানত। তা বয়স ও চেহারা যাই হোক, স্বভাবে সে বড় বালক। বালকের মতনই বড় সরল ও ভয়শীল। আর বালকের মত সে সহজেই ভালবাসে ও ভালবাসায় মুগ্ধ হয়।

বিকালবেলা ফটিক মোহিনীর বাড়ীখানা ঘুরিয়া দেখিল। চারিদিকে অনেক আম-কাঁটালের গাছ। একটি কাল-জামের গাছে অসংখ্য

কাল-আম ধরিয়েছে। ফটিক দেখিল গাছে উঠিতে কোন ক্ষয় হইবে না। পূর্বের দিকে একখানা জমি, পরিষ্কার সবুজ দুর্বা-ঘাসে ঢাকা। পাশে এক দিকে একটি কামিনী-ফুলের গাছ— তাহাতে গুচ্ছে গুচ্ছে ফুল ফুটিয়াছে। অশ্বদিকে অনেকগুলি কচি-কচি লাল-ডাট্টা, আর কতকগুলি পুরাণে বেগুণের গাছ। বাড়ীর চারদিক পরিষ্কার—কোথাও একটি আগাছা নাই। কয়খানা ছোট ছোট খড়ের ঘর। দক্ষিণ-দুয়ারী ঘরখানার পূর্বের কোণে একটি ডালিমের গাছ—লাল রংএর অনেক ফুল ফুটিয়াছে, আর ছোট ছোট ডালিম ধরিয়েছে।

পরদিন সকালবেলা ফটিক বাড়ী চলিয়া গেল। পুস্তকাদি জিনিসপত্র লইয়া আসিবে।

৫

সেইদিন সন্ধ্যাবেলা মোহিনী কামিনী-গুচ্ছ হইতে একটি একটি ফুল ছিড়িতেছিল আর ভাবিতেছিল। জীবনে তাহার কোন নির্দিষ্ট কাজ করিবার ছিল না। অশ্বাশ্ব কাশণের মধ্যে ইহা তাহার অশান্তির এক প্রধান কারণ। মোহিনী দেখিল তাহার সম্মুখে একটু কর্তব্য উপস্থিত! সে একটা কিছু কাজ হাতে পাইল। আর সে কাজ যতই ছোট হোক—বড় স্নেহের—বড় মধুর। মোহিনীর হৃদয় ইহা বুঝিল। সে বুঝিল না কিসে কেমন করিয়া তাহার শূণ্য প্রাণ হঠাৎ ভরিয়া উঠিল। যে প্রাণ এতদিন চৈত্রের বাতাসে কার্পাস-খণ্ডের ছায় নিরুদ্দেশ ভাবে ফেবলি ঘুরিয়া বেড়াইতেছিল, আজ তাহা যেন একটু স্থির হইয়া বিশ্রাম করিবার জন্ম ব্যগ্র হইল। ফটিকের লজ্জানয়ন মধুর ভাবটুকুর কথা বার বার মোহিনীর মনে হইতেছিল। ফটিককে কোথায় কি ভাবে থাকিতে দিবে, ফটিককে কি করিয়া কি ষাওয়াইবে, সে তার কাছে থাকিয়া মার কথা ভুলিতে পারিবে কি না—ইত্যাদি নানা কথা তাহার মনে হইতেছিল। এমন

সময় তাহার টিয়াপাখীটির উচ্চ কণ্ঠস্বর শুনিয়া মোহিনীর মনে হইল সে অনাহারে আছে। মোহিনী তাড়াতাড়ি তাহার অনাহারের ব্যবস্থা করিতে গেল।

৬

আজ সাতদিন হইল ফটিক মোহিনীর বাড়ী আসিয়াছে। সে দিন শনিবার। ফটিক স্কুল হইতে আসিয়া একটু দুখ ও দুইটি-আম খাইয়া কোথায় খেলিতে গেছে। আষাঢ়ের নীল নবীন সজল মেঘে চারিদিক আচ্ছন্ন। মোহিনী বারান্দায় একটা থাম হেলান দিয়া পা বুলাইয়া বসিয়া আছে। লাল গাইটি দড়াগাছটি যতদূর সম্ভব টানিয়া শীষা করিয়া—গলা বাড়াইয়া—দীর্ঘ জিহবা প্রসারিত করিয়া একটি অতি কোমল শ্রামল নববিকশিত কদলী-পত্রের আশ্বাদ-মানসে বার বার ব্যর্থ প্রয়াস করিতেছে। মোহিনী তাই দেখিতেছে। পাশে টিয়াপাখীটি একটি হুপক রক্তবর্ণ লঙ্কার শীষা খাওয়া শেষ করিয়া একই শব্দ বার বার অতি নীরসভাবে তীব্রস্বরে পুনরুক্ত করিতেছে।

এক নূতন কর্তব্যের মধ্যে মোহিনীর এক নূতন জীবন আরম্ভ হইয়াছে—মোহিনী তাহাই ভাবিতেছিল। সেব্য গুণপ্রসায় এত আনন্দ তাহা মোহিনী জানিত না। সে এই সাতদিন ফটিকের জন্ম ভাত রাধিয়াছে, ফটিককে স্নান করাইয়াছে—খাওয়াইয়াছে—তাহার বিছানা করিয়া পুষ্টি গুড়াইয়া দিয়াছে। আজ মোহিনী বসিয়া ভাবিতেছে—এর চেয়ে আর রমণীর সুখ কি? সে এতদিন নিজের জন্ম রাধিয়াছে—নিজে খাইয়াছে—নিজের জন্ম ঘর-কমা, করিয়াছে—নিতাস্ত না করিলে নয় তাই করিয়াছে;—কলের মত তাহার হাত কাজ করিয়াছে—তাহার মন সেখানে থাকিত না। কিন্তু এই কয়দিনে মোহিনী দেখিল—কাজে আনন্দ আছে—কাজে উৎসাহ আছে—কাজ নীরস নয়। যে কাজে প্রাণের সায় আছে সে কাজ হৃদয়।

মেঘের অন্ধকারের সহিত সন্ধ্যার অন্ধকার মিশিতে লাগিল। ফটিক আসিল না। মোহিনী চিন্তিত হইল। সে ঘরে বাইরা প্রদীপ জ্বালিল। টিয়ার খাঁচাটি যথাস্থানে রাখিল। চারিদিকে ঘোর অন্ধকার হইল। ঘন ঘন মেঘ ডাকিতে লাগিল। ঘন ঘন বিদ্যুৎ চমকিতে লাগিল। তারপর ধীরে ধীরে বৃষ্টি আসিল। বৃষ্টি ক্রমশঃ বাড়িতে লাগিল। ফটিক আসিল না। মোহিনী অত্যন্ত চঞ্চল হইয়া উঠিল। সে রাঁধিবার জন্ত চাল ডাল তরকারী সমস্ত বাহির করিয়াছিল—রাঁধিতে গেল না। অনেদুগ ধরিয়া ফটিকের জন্ত অপেক্ষা করিল। অনেক রাত্রি হইল। বৃষ্টি থামিল না। তখন মোহিনী অশ্রুমান করিল, ফটিক তাহার নৃতন বন্ধু নিতাইসের বাড়িতে আছে। বৃষ্টির জন্ত আসিতে পারিবে না। কিন্তু তাহার দুশ্চিন্তা ও উদ্বেগ দূর হইল না। খাওয়ার কথা মনে হইল না। মোহিনী বিছানায় গিয়া শুইয়া পড়িল। হঠাৎ মোহিনীর হৃদয়ের দিকে দৃষ্টি পড়িল। মোহিনী দেখিল—তাহার শূন্য হৃদয়ের বাসুর চর ভাসাইয়া যুৎ-বীচি-মালিনী শাস্ত-প্রবাহিনী নব-বারি-পূর্ণাঙ্গী এক নিম্ফ তরঙ্গিণী বহিয়া যাইতেছে। আর সে প্রবাহ ঘেরিয়া এক অস্পষ্টচ্ছায়াচ্ছন্ন অস্ফুট মনোহর জ্যোৎস্নার মায়াময় আবরণ। মোহিনী বুঝিল না—কিসের সে প্রবাহ—কেমন সে জ্যোৎস্না! সে উন্মিত্রায় সারারাত স্বপ্ন দেখিল—এক ছায়ায়-ঢাকা নিস্তরঙ্গ তটিনী—আর তাহার তীরে শিশুরা খেলা, করিতেছে—জলে বালকেরা সাঁতার দিতেছে।

ভোরবেলা ফটিক আসিয়া ডাকিল—‘দিদি!’ মোহিনী চমকিয়া উঠিল।

৭

সেদিন ফটিক তখনও বুল হইতে আসে নাই। মোহিনীর বারান্দায় চারপাঁচটি ছেলেমেয়ে। মোহিনী কালী চক্রবর্তীর মেয়ে কুমুর চুলের গোছা লইয়া বসিয়াছে—বেণি গাঁথিতেছে। মোহিনী

বলিল—“কুমু, বল ত হেম তোর কে হয়?” কুমু কানার সুরে বলিল—“এ—এ—খাও;—আমি আর তোমার কাছে আসব না।” কুমু বড় ছেলে-মানুষ। সেদিন তার বিবাহ হইয়াছে। হেম তার স্বামীর নাম। বেণু পিছন হইতে মোহিনীর গলা ধরিয়া দাঁড়াইয়া বার বার করিয়া বলিতেছে, “মুহু-দিদি, তোমার ময়না আমাকে দেবে?” বেণুর পাখী-মাজই ময়না। মোহিনী—“হ্যাঁ—হ্যাঁ দিব—দিব” বলিয়া বেণুকে আশ্বাস দিল। চারুর পুতুলের জন্ত নন্দা-গুয়ালা একথানা কাঁথা আজই সেলাই করিয়া দিতে হইবে—চারুর দাবী। মোহিনী তাহাও স্বীকার করিল। মোহিনীর আজকাল অনেক সখা-সখী জুটিয়াছে। মোহিনী আগেও ছেলে-মেয়ে ভাল বাসিত। কিন্তু আজকাল এই সব শিশু-হৃদয়ের মৌমাছিগুলি মোহিনীতে কি মধু-চক্রের খোঁজ পাইয়াছে—বলিতে পারি না। তাহাকে কেহই ছাড়িতে চায় না। আর যখন ফটিক বুলে যাইত—তখন মোহিনী এই শিশু-বন্ধুগুলিকে না পাইলে বড় ব্যাকুল হইত। আনন্দ’ ও স্নেহের সূখা-রসে যখন তাহার প্রাণ ভরিয়া ছাপাইয়া উঠিত, তখন তাহা অজস্র বিলাইয়া না দিলে সে শাস্তি পাইত না।

৮

প্রাণের উচ্ছ্বসিত বহায়া আর অবিরাম স্বর্গে দেশ ছুঁ-ছুঁ হইয়াছে। মোহিনীর বাড়ীর উঠানটুকু একটি ক্ষুদ্র বীপের মত ভাসিতছে। দশদিন ফটিকের বুল বন্ধ। রাত্রি এক প্রহর। ফটিক মোহিনীর কাছে বসিয়া গল্প করিতেছে। ফটিক কৃষ্ণবাসী রামায়ণ-খানা আগাগোড়া পড়িয়াছে। মোহিনীকে প্রায় রোজই সে রামায়ণের গল্প শুনায়। ফটিক ধীরে ধীরে ছোট ছোট কথা বোধ গল্প বলিতে পারে। সে শুধু শেখা-কথা আর শোনা-কথার আবৃত্তি করে না। সে নিজে নিজে একটু ভাবিতে পারে, এবং তাহার হৃদয়ের সুকোমল ভাব-রসে মিশাইয়া তাহার গল্পগুলি বেশ মরস ও মধুর করিয়া

বলিতে পারে। মোহিনী গল্প শুনিতে শুনিতে অস্থমনক হয়—
ফটিকের মুখের দিকে চাহিয়া থাকে। ফটিক বলে—“দিদি, শুভ
না?—কি ভাবছ? ” মোহিনী বলে—“ভাবছি? কৈ না!—তুই
বলনা!”

আজ প্রায় একমাস হইল মোহিনী ফটিকের কাছে পড়িতে
আরম্ভ করিয়াছে। একদিন বসিয়া বসিয়া মোহিনী ফটিকের এক-
খানা বইয়ের পাতা উন্টাইতেছিল। ফটিক বলিল—“কি দিদি, তোমার
পড়তে ইচ্ছা করে?” মোহিনী হাসিয়া বলিল—“আমাকে শেখাবি?”
প্রথম কয়দিন পুস্তক হাতে করিতে মোহিনীর বড় লজ্জা করিত।
এখন সে প্রথম ও দ্বিতীয়ভাগ শেষ করিয়া ‘কোমল-কবিতা’ নামক
একখানা সহজ কবিতার বই আরম্ভ করিয়াছে।

সেদিন গল্প বলা শেষ করিয়া ফটিক মোহিনীকে পড়াইতে আরম্ভ
করিল। মোহিনীর পড়িবার ইচ্ছা আছে—কিন্তু তাহার মন বড়
চঞ্চল। ফটিক যখন বুঝায় তখন সে তাহার মুখের দিকে তাকাইয়া
শোনে। কিন্তু অনেক সময় ফটিকের বলিবার উদ্দেশ্য দিকে সে
এতটা মনোযোগ দেয় যে, সে তাহার কথার অর্থ গ্রহণ করিতে
পারে না। ফটিক যখন জিজ্ঞাসা করে “কি বুঝলে?” মোহিনী
হাসিয়া বলে “বুঝলাম”। ফটিক যখন ভৎসনার স্বরে বলে—“যাও,
তুমি ভাল বোঝও না, আর তোমার মনোযোগও নাই;—
এমন করলে কিছু হবে না”, তখন মোহিনীর বড় আনন্দ হয়। সে
সব সময় ফটিককে কনিষ্ঠের ছায়া দেখে করে। সেই ফটিক যখন
জ্যেষ্ঠের স্থান অধিকার করিয়া শিক্ষকের মত তাহাকে মুহু তিরস্কার
করে, তখন সে নিজেকে ছোট মেয়েটির মত মনে করিয়া ফটিককে
এক স্নেহ কোমল শ্রদ্ধার চক্ষে দেখে—তাহা তাহার বড় সুন্দর
লাগে। সেদিন যখন মোহিনী ফটিকের গায়ে সাবান মাখাইয়া দিতেছিল,
তখন বড় সিদ্ধ সুধাময় বাৎসল্য রসে মোহিনীর যুবতী-রূপ ভরিয়া
উঠিয়াছিল। আজ আবার মোহিনী বলিবার মত বসিয়া ফটিকের

কাছে পড়া বলিতেছে। সে আনন্দে ভাল পড়া বলিতে পারিতেছে
না। এটা সোটা বাজে বকিতেছে। ফটিক তখন শুইতে গেল।
মোহিনী একটা বালিশ টানিয়া যেকানে বসিয়াছিল সেইখানেই শুইয়া
পড়িল।

৯

সরলা ও সৌদামিনী মোহিনীর প্রতিবেশিনী। সরলা এক-
খানা ডিক্সিতে পার হইয়া সৌদামিনীর বাড়িতে আসিয়া উঠিল।
সৌদামিনীর কোন কাজ ছিল না, তাই বসিয়া বসিয়া পাণের ধ্বংস
করিতেছিল, আর টোটার লালের উপর লাল রং ফ্লাইয়া কাল
করিয়া তুলিতেছিল। সরলা আসিয়া বলিল—“কি লো স্নহ! কি
কম্বিসু? তোর বাড়ী-ওয়ালার খবর-টবর পাসু ত?” স্নহ স্নখে-
দ্রুপে অভিমানে-আহ্লাদে চোখমুখ বাঁকাইয়া অস্থদিকে তাকাইয়া
বলিল—“হুঁ!—তুইও যেমন! আমি না ম'লে কি খবর করবে?
তা থাক গে, এসেছিসু ত দুটি অস্থ কথা ক'।” সরলা চোখের কোণে
ও টোটারদুটিতে বাঁকা হাসি ধ্রুৎ ফুটাইয়া বলিল, “এক কাজ কর-
লেই পারিসু,—একটা ছাত্র-টাতে বাড়িতে রাখ, একা থাকার ধ্রুৎ
ঘুটবে।” স্নহ একেবারে উৎসাহিত হইয়া উঠিল। বলিল, হ্যা
ভাই ঠিক ধরেছিসু! দেখেছিসু মুহু শ্যীর রকম! মাগী লাজ-
লজ্জার মাথা একেবারে খেয়েছে। বুড়া বয়সে ঐ ছোড়ার সাথে
কি রঙ্গটাই করছে!

— সরলা। ও সব কলির বাতাসে হয়। একালের মাগীরও
যেমন বেহায়া, ইবুলের ছোড়ারও তেমনি কচকে। ছোড়াটা আবার
ডাকে ‘মোহিনী দিদি’! লজ্জায় মরি! ‘এঁড়ের পেটের বাচ্চুর
বলনের হয় নাতি’। বেশ সবন্ধ পাতিয়েছে।

সমাজের মঙ্গল-কামনায় সমাজ-হিতৈষিনী রমণীধর এইরূপে মোহি-
নীর দুর্ভাগ্যের মর্গাহত হইয়া মোহিনীর মরণের জন্ম অন্ধ-কুপোষকে

নিমজ্জন ব্যবস্থা করিল এবং অশ্রদ্ধা অপরাধী ও অপরাধিনীদের বিচারে প্রবৃত্ত হইল।

১০

অশ্বিন মাস আসিয়াছে। ক্রান্ত শীর্ণ সাদা মেঘগুলি দলে দলে আকাশ-প্রান্তারের গায়ে হেলান দিয়া বহুদূর গ্রামান্তের তরুশ্রেণীর উপর বসিয়া বিশ্রাম করিতেছে।

বিকালবেলা মোহিনী বারান্দায় বসিয়া আছে। উঠানে দুইটি শালিক কেঁড়াইতেছে। তাহাদের একটি শাবক একঘেয়ে সুরে হাঁ করিয়া টাংকার করিতে করিতে তাহাদিগকে অনুসরণ করিতেছে। আমাদের পূর্ব-পরিচিতা সৌদামিনী আসিয়া ধীরে ধীরে মোহিনীর পাশে বসিল। মোহিনী বলিল—“সুহৃৎ দিদি যে! বড় যে কপাল! কি মনে করিয়া?” সুহৃৎ মুখ বড় গম্ভীর। মাটির দিকে মুখ করিয়া সুহৃৎ বলিল—“মুহু, তোকে বড় আপন মনে করি, তাই তোকে একটা কথা বলছি রাগ করিস না।” মোহিনী সুহৃৎ মুখের দিকে চাহিল। সুহৃৎ একটু ভাবিয়া বলিল—“ছাই-কপালী মাগীরা তোর মিথ্যা বদনাম করে, শুনে বড় কষ্ট হয়।” মোহিনী বুকের মধ্যে একটা বিষাক্ত আঘাতের যন্ত্রণা অনুভব করিল। মুখখানি কালি হইয়া যাইতেছিল। “বড় জোর করিয়া আশ্র-সম্বরণ করিয়া মোহিনী শুক-সুরে বলিল—“মানুষে কার না নিন্দা করে? তা তুই কার কাছে কি শুনে এলি?” সুহৃৎ বলিল, “যেই বলুক, আমি বলি পরের জন্ত দুর্নাম কিনিয়া কি লাভ?” একথার কোন উত্তর দিতে মোহিনীর ইচ্ছা হইল না—কোন কথাই সে বলিতে পারিল না—সৌদামিনীর সংসর্গ অসহ বোধ হইল। সে বলিল—“আর এক সময়ে আসিস্। আমার গরু সারাদিন না খাইয়া আছে।” বলিতে বলিতে মোহিনী উঠিয়া গেল। সৌদামিনীও কুপিত অধরতলে একটা হাসি চাপিয়া রাখিয়া ধীরে ধীরে উঠিয়া গেল। এইরূপ একটা কথা

বাতাসের আঁচ কিছুদিন হইল মোহিনীর গায়ে লাগিতেছিল, আজ তাহা একটা বিষাক্ত তীব্র জ্বরের মত তাহার বুকে আসিয়া লাগিল।

সন্ধ্যার পূর্বের ফটিক আসিয়া ডাকিল—“দিদি!” মোহিনী একটা হাসির আলোকে তাহার মুখের কালো-হায়া ঢাকিয়া ফেলিবার চেষ্টা করিয়া অত্যন্ত কোমল স্নিগ্ধস্বরে বলিল—“ফটিক, আজ এত দেরী?” ফটিক আজ একটু সকালেই আসিয়াছে। ফটিক মোহিনীর মুখের দিকে চাহিয়াই চমকিয়া উঠিল। সে একদিনের তরেও মোহিনীর মুখে বিধাব দেখে নাই। সে যেদিন এখানে আসিয়াছে সেইদিন হইতেই দেখিয়াছে মোহিনীর মুখখানি সর্বদাই দর্পণের মত স্বচ্ছ—চন্দ্রকিরণের মত উজ্জ্বল। সে মুখে একদিনের তরেও একটি ক্ষণ-ভ্রম ছায়া-লেখা অঙ্কিত হয় নাই। কিন্তু হঠাৎ আজ এ পরিবর্তন কেন? ফটিক মনে করিল মোহিনীর কোন কঠিন অসুখ করিয়াছে। বলিল—“দিদি, তোমার অসুখ?” মোহিনী বুকিল তাহার মুখ বিশ্বাসঘাতকতা করিয়াছে। বলিল, “অসুখ? কৈ না! বা, তাড়াতাড়ি কাপড় ছেড়ে পা বুয়ে আয়; কিধেয় মরলি।”

১১

একদিন ফটিক বুল হইতে আসিতেছে। নবীন চক্রবর্তীর বাড়ীর উপর দিয়া তাহার পথ। ঠাকুর ফটিককে ডাকিল।

নবীন। কি রে ফটিক, কেমন পড়াশুনা হচ্ছে?

ফটিক। হচ্ছে মন্দ না।

নবীন। বাড়ী-টাড়ী আর বাসনে?

ফটিক। ছুটা কই?

নবীন। আর যেতেও বুঝি ইচ্ছে করে না?

ফটিক। ইচ্ছে করবে না কেন?

নবীন। আচ্ছা রাজে আমাদের এখানে এসে আমাদের নবীন সঙ্গে পড়তে পারিস না? ননী একা পড়ে।

ফটিক। দিদি একা থাকেন।

নবীন। ও! মিনিকে পাহারা দিতে হয়! বেশ কাজ পেয়েছিস!

ফটিক চিন্তে সরল ও শান্ত, কিন্তু বুদ্ধি কোন ঢুক্ছেলের চেয়ে কম নয়। সে ঠাকুরের কথাই মর্শ্ব বুকিল। তাহার মনের মধ্যে একটা কালো ছায়া পড়িল, কিন্তু সে ক্ষণকালের জ্ঞান। মোহিনীর স্নেহের জ্যোৎস্নায় তাহার ক্ষুদ্র বুকখানি ভরপুর। সেখানে কোন ছায়া জমিতে পারে না।

২২

একদিন ছুটির পর হেড-মাস্টার মহাশয় ফটিককে ডাকিলেন।

মাস্টার। তুই এখানে কার বাড়িতে থাকিস?

ফ। মোহিনী দিদির বাড়ী।

মা। সে তোর কেমন দিদি?

ফটিক জানে মোহিনী দিদি, কিন্তু কেমন দিদি, সে খোঁজ নেবার কখন দরকার হয় নাই। সে কিছু বলিতে পারিল না। মাস্টার নশায় বলিলেন, “হুঁ!” তোমার অবিভাবককে আমি জানাইয়াছি। তুমি ওখানে আর থাকিতে পারিবে না। দুই তিন দিনের মধ্যে অশ্রুত্র ব্যবস্থা কর গে!”

বালকের কোমল-হৃদয়ে লজ্জা, দুঃখ, ক্রোধ একসঙ্গে বাত্যা-বিভাড়িত বাষ্প-কুণ্ডলীর মত ক্রমশঃ স্ফীত হইয়া তাহার পাঞ্জর ভেদ করিয়া বাহির হইবার উপক্রম করিল। সে কোন দিকে লক্ষ্য না করিয়া বাড়ী চলিয়া আসিল। পুস্তকগুলি মেজেতে ছুড়িয়া ফেলিয়া বিছানায় শুইয়া পড়িল। মোহিনী বাহির হইতে ডাকিল—“ফটিক এসেছিস? ফটিক!” কোন উত্তর নাই।

মোহিনী তাঁড়াতাড়ি ঘরে গিয়া ফটিককে দেখিয়া বলিল—“একি ফটিক? এসেই এমন ক’রে শুয়ে পড়েছিস যে?” ফটিক কোন উত্তর দিল না। মোহিনী ফটিকের কাছে গিয়া দেখিয়া বিগ্নিত ও ভীত হইল। ফটিক কাঁদিতেছে! মোহিনী তাঁড়াতাড়ি ফটিককে ধরিয়া তুলিবামাত্র তাহার নিরুদ্ধ অশ্রু-নিষ্কর শত-ধারে উৎসারিত হইয়া উঠিল। মোহিনী উচ্ছলিত স্নেহে ফটিককে বুকের কাছে টানিয়া গাইল। কিছু না বুঝিতেই অনর্থক তাহার চোখ ভরিয়া জল আসিল। সে কিছু বলিতে পারিল না। শেষে একটু শান্ত হইয়া ফটিককে আরও বুকের মধ্যে জড়াইয়া ধরিয়া বলিল,—“ফটিক, দাদা, লক্ষ্মী, কি হয়েছে তোর? কে তোকে কি বলেছে?” ফটিক কেবল কাঁদিতে লাগিল।

মোহিনীর হৃদয়ের অমৃতময়ী স্নেহ-মন্দাকিনীর মধ্যে ডুবিয়া ফটিকের প্রাণের স্বালা দূর হইল। ফটিক শীতল হইল। তবু সে কাঁদিতে লাগিল—দুঃখে নহে—আনন্দে। সে আনন্দে ফটিকের সেই প্রথম অভিজ্ঞতা। নিবিড় যন্ত্রণার অন্ধকারময় জমাট মেঘ যে এত সহজে এমন নিঃশব্দ সজলোচ্ছল হৃদয়ানন্দময় ইস্র-ধমুতে পরিণত হইতে পারে, সে তাহা জানিত না।

ফটিক শান্ত হইল। কিন্তু ফটিকের হৃদয়ের ঐ বিঘের স্রোত ফটিকের হৃদয় হইতে নিজ্জান্ত হইয়া ক্রমে মোহিনীর শিরায় শিরায় সংক্রামিত হইতে লাগিল। মোহিনী অনেক করিয়া জিজ্ঞাসা করিয়াও ফটিকের নিকট কোন উত্তর পাইল না। কিন্তু উত্তরের আর দরকার হইল না। মোহিনী সমস্ত বুঝিতে পারিল—সমস্ত দেখিতে পাইল।

সেদিন ফটিক কিছু খাইল না। মোহিনীও কিছু খাইল না। মোহিনী ফটিককে অশ্রুমনস্ক করিবার জন্ত সে যে সব গল্প ভাল-বাসে সেই সব অনেক গল্প বলিতে চেষ্টা করিল। কিন্তু কোন কথাই জামিয়া উঠিল না। ফটিক বেশী কথাই কহিতে পারিল না।

অল্প দিন ফটিক একাই সমস্ত কথা বলে—মোহিনী কেবল শোনে।

অনেক রাত ধরিয়া মোহিনী ফটিকের কাছে বসিয়া বাতাস দিল—ফটিকের কপালে হাত বুলাইল। ফটিক একটু ঘুমাইল। তখন মোহিনী বুকিল তাহার বুকের মধ্যে রক্তশ্রোত বিষাক্ত আণুনে টগ-বগ করিয়া কুটতেছে। মোহিনী ছুটিয়া বাহিরে আসিল। বাহিরে একটুও বাতাস নাই—নিখাস নিতেই কষ্ট হয়। আবার গিয়া ফটিকের পায়ের কাছে বসিল। সে কি ভাবিতে চেঁচা করিল,—সমস্ত ভাবনা একসঙ্গে উলোট-পালোট হইয়া জড়াইয়া আসিল—মোহিনী ভাবিতে পারিল না। যখন ফটিক কি-একটা ধ্বংস দেখিয়া চমকিয়া উঠিয়া বসিল, তখন সে দেখিল ঘরে আলো আসিয়াছে, আর সেই আলো স্বন্ধকারে ঢাকিয়া মোহিনীর কেশের রাশ বিছানায় ছড়াইয়া আছে! মোহিনী সারারাত জাগিয়া ভোরবেলা ফটিকের পায়ের কাছেই একটু ঘুমাইয়া পড়িয়াছে।

১৩

সেই দিন বেলা দশটার সময় ফটিক স্থলে বাইতেছে। এমন সময় ফটিকের মা আসিয়া উপস্থিত হইলেন। এতদিন পরে মাকে দেখিয়া ফটিক সব কক্ষ ভুলিয়া গেল। কিন্তু মার মুখের দিকে চাহিয়া তাহার উৎসাহ একেবারে দমিয়া গেল। ফটিকের মুখের দিকে না চাহিয়াই মা বলিলেন—“কুলে যাসনে। কাপড়-চোপড় পুঁথি-পত্র বাঁর কর। তোকে আজই বাড়ী যেতে হবে।”

মাসিকে দেখিয়াই মোহিনীর বুকের মধ্যে কাঁপিতেছিল। রুদ্ধ কথা কয়টি শুনিয়া মোহিনীর সর্বশরীর অবণ হইয়া আসিল—একটা থাম ধরিয়া মোহিনী বসিয়া পড়িল। ফটিকের মুখে কথা সরিল না। “ছুটা—আজ—” এইরূপ একটা কি শব্দ বাহির হইল। মা বলিলেন—“ছুটার কাজ নাই, আজই চল।” ফটিক পুতুলের মত

দাঁড়াইয়া রহিল। মেঘমুক্ত শ্রবণ সূর্য্য-কিরণ তাহার আরক্ত ললাট পুড়াইয়া দিতে লাগিল। ফটিকের মা একবার তীব্র কটাক্ষে মোহিনীর দিকে তাকাইয়া দেখিলেন—মোহিনী তাহা জানিল না। তারপর ঘরে বাইয়া তিনি ফটিকের বই কয়খানা, দুইখানা খাতা, কলম পেন্সিল হাতের কাছে বাহা পাইলেন সমস্ত দুইখানা কাপড় ভাঁজ করিয়া জড়াইয়া বাঁধিলেন। বিচিত্র বর্ণের টিনের ব্লাস্ট বারান্দায় আনিয়া নামাইলেন। সঙ্গে একটা লোক আসিয়াছিল, তাহাকে ডাকিয়া বলিলেন,—“নে মাথায় তুলে।” তারপর ফটিককে বলিলেন, “চল, হাঁ ক’রে দাঁড়িয়ে রইলি যে?” ফটিক বজ্রহস্তের মত দাঁড়াইয়া রহিল। তখন ফটিকের মা ফটিকের হাত ধরিয়া সঙ্গে করিয়া লইয়া চলিলেন। ফটিক মস্তাবিষ্টের মত সঙ্গে সঙ্গে চলিল।

•মোহিনী এতকণ সময় স্বপ্নের মত দেখিতেছিল। ফটিক চলিয়া গেল দেখিয়া মোহিনী উঠিয়া তাড়াতাড়ি বাহিরে আসিল। ফটিককে লইয়া ফটিকের মা কতদূর চলিয়া গিয়াছেন। মোহিনী কাহাকেও দেখিতে পাইল না। মোহিনী বারান্দায় ফিরিয়া আসিয়া একখানা পিড়ী ছিল তাহাতে মাথা দিয়া মাটিতেই শুইয়া পড়িল।

বেলা দুইটার সময় যখন মধ্যাহ্নকালের নিশ্চল-নীলিমা-নিঃস্বস্ত উজ্জ্বল সূর্যালোক আসিয়া মোহিনীর বারান্দার উপর ছড়াইয়া পড়িল, তখন সে উঠিয়া ধীরে ধীরে সৌদামিনীর বাড়ীর দিকে গেল। সৌদামিনী দেখিল—মোহিনীর মুখ মুতের মুখের মত ফ্যাকাশে হৃৎবে হইয়া গিয়াছে। আর গুচ্ছে গুচ্ছে ধূলি-ধূসর কেশগুলি সেই-মুখের অর্ধেকটা ঢাকিয়া বুকের উপর আসিয়া পড়িয়াছে। সৌদামিনী বলিল—“একি লো তোর কি হয়েছে?” মোহিনী বলিল—“কিছু না, কাল একটু স্বপ্ন হইয়াছিল।” মোহিনীর স্বপ্ন শুক বিস্কৃত। সৌদামিনীর হাত ধরিয়া মোহিনী ঘরে লইয়া গেল। তারপর যথাসম্ভব সহজ স্বরেই বলিতে লাগিল।—“তুই সে দিন গাইএর কথা বলেছিলি; আমার গর-বাড়ুর কয়টি আজই আমি তোকে দিব—তোর

নিত্যে হবে। একমাস চলবে এমন খণ্ড ভূমি আমার ঘরে আছে, তোকে জ্বতে হবে না। আমার শাস্ত্রীর খুব অল্প—আজ খবর পাইলাম। আমার যাওয়া উচিত—আজই যাব। তুই আমার বাড়ী-ঘর দেখিস।” সৌদামিনী শুনিয়া অবাক হইয়া গেল। কিছুই বুঝিতে পারিল না। সাত-জন্মে কোন দিন মোহিনী শশুর-বাড়ীর নাম করে নাই। কিছুক্ষণ পরে সৌদামিনী বলিল, “তোমার শাস্ত্রীকে দেখতে যাচ্ছিস—সে আর কয়দিন হবে? তা গরু-বাছুর আমাকে দিতে চাস কেন?” মোহিনী বলিল—“খুব দেরী হতে পারে। যদি ফিরে আসি তবে না হয় আমার গরু আমাকে দিস।” মোহিনী জোর করিয়া কথা বলিতেছিল। হঠাৎ তাহার হৃৎপিণ্ডের মধ্য হইতে একটা কৃষ্ণ-বাপের উচ্ছ্বাস উঠিয়া তাহার নিশ্বাস রুদ্ধ করিয়া ফেলিল। সে তাড়াতাড়ি উঠিয়া বাড়ীর দিকে আসিল। সৌদামিনী বিশ্মিত স্তম্ভিত হইয়া বসিয়া রহিল। মোহিনী আসিয়া তাহার কামিনী-গাছের ছায়ায় বসিল। হাতের কাছে একটা ছোট বেল-ফুলের গাছ ছিল। মোহিনী একে একে অনেকগুলি পাতা ছিড়িয়া ফেলিল। তারপর সেখান হইতে উঠিয়া ঘরে গেল। ঘরে যাওয়া দেখিল, যেখানে ফটিকের বাগ্নট ছিল, আর যেখানে তাহার খাতা-পত্র পুস্তকাদি ছড়ান থাকিত, সে স্থান শূন্য। ফটিক একখানা পুরু কাগজে লাল নীল পেনসিল দিয়া অনেক লতা-পাতা আঁকিয়া মধ্যে উজ্জ্বল কালি দিয়া বড় বড় অক্ষর ছাপার মতন করিয়া লিখিয়াছিল—“চিরদিন কখন সমান যাব না।” মোহিনী দেখিল সে কাগজখানা তেমনি-রহিয়াছে। আর তার পাশে কয়েকখানা বড় বড় রেলিভ্রাদাসের কাপড়ের ছবি ফটিক লাগাইয়াছিল—তাঁহাও তেমনি রহিয়াছে। মোহিনীর বুকের মধ্যে একটা তীব্র বেদনা ধুমাইয়া উঠিল। মোহিনী তাড়াতাড়ি বাহির হইয়া আসিয়া বারান্দায় বসিল। তাহার ছোট বিড়াল-ছানাটি পায়ের কাছে আসিয়া মিউ মিউ করিতে লাগিল। মোহিনী কি ভাবিয়া বাচ্ছাটি কোলে তুলিয়া লইল এক

হরি বসাকের বাড়ীতে যে এক ঘর পাটনী আসিয়া বাস করিতেছিল—ধীরে ধীরে। সেইদিকে চলিল। কানাই পাটনীর মেয়েকে দেখিয়া সে বলিল—“কি গো পুঁটা, তোর বাপ কোথায়?” পুঁটা বলিল—“বাবা ও-বাড়ী গেছে—এখন আসবে, কেন?” মোহিনী বলিল, “তোমার বাপ আসলে বলিস—আমি আজই দীঘলপুপুর যাব, আমাকে একখানা জুলা দিতে হবে।” এই কথা বলিয়াই মোহিনী চলিয়া আসিতেছিল—আবার কি ভাবিয়া ফিরিল। পুঁটাকে বলিল—“ও পুঁটা, বিড়ালের বচ্ছা নিবি?” পুঁটা বিড়াল বড় ভালবাসে—মোহিনীর কাছে দুইদিন চাহিয়াছিল। মোহিনী পুঁটাকে বিড়ালটি দিল। বাড়ীতে আসিয়া মোহিনী খঁচাটি নামাইল। একদৃষ্টে চঞ্চল-শ্রাম-চিহ্নক বিহঙ্গটীর দিকে তাকাইয়া দেখিল। তারপর খাঁচার দুয়ার খুলিয়া দিল। পাখী কিছুক্ষণ উঁকিঝুঁকি মারিয়া বাহির হইয়া উড়িয়া গেল। মোহিনী বলিল—“যা আকাশের পাখী আকাশে উড়িয়া যা।”

পাখী উড়িয়া গেলে মোহিনী বাড়ীর চারিদিকে ঘুরিয়া দেখিতে লাগিল। ফটিকের স্মৃতি সমস্ত বাড়ী ঘেরিয়া আশুনের শিখার মত জ্বলিতেছে। মোহিনীর অসহ্য হইল। সেদিন শনিবার। ফটিক এতদূর আসিয়া—‘দিদি’ বলিয়া ডাকিত—কত রুধা বলিত—মোহিনীর মনে হইল। মোহিনী গোয়াল-ঘরে যাওয়া তাহার বড় গেরেহের গাই-টির গলা জড়াইয়া ধরিল। অশ্রুর একটি উচ্ছ্বাস আসিয়া মোহিনীর চোখের তটে লাগিল—চোখ ছাপাইল না।

মোহিনী আর ঘরে গেল না। বাহির হইতে শিকল টানিয়া দরজা বন্ধ করিল। সামান্য কিছু বেলা থাকিতে মোহিনী সহস্র-স্মৃতি-বিজড়িত মায়াজালের মত আপন বসত-বাটা ত্যাগ করিয়া চলিয়া গেল।

ত্রিবিগ্রহ-তত্ত্ব

[পুরীধামে লিখিত]

ইন্দ্রনাম নরপাল নীলোপল নীলচল-চূড়ে

একাকী বসিয়া ;

সম্মুখে বিপুল খেলা, বায়ুপুঞ্জ মহানন্দে উড়ে
নাচিয়া নাচিয়া ।

উর্কে শুভ্র মহাকাশ অসীমায় রয়েছে শরান
ধ্যান-নির্মগন ;

নিম্নে স্বচ্ছ নীলসিন্ধু, উর্গা-কর্ণে ওঙ্কার মহান
ফুটে অমুকণ ।

বিশ্বয়ে হেরিল রাজা ; কবি চক্ষু ফুটিল অন্তরে,
নেত্র বহে নীর ;

মহাকাশ—মহাসিন্ধু—মহাবেলা মরমে সঞ্চরে
তত্ত্ব তুগভার ।

সং—চিত্—হলানিন্দার ত্রিবিগ্রহ, শ্রীমন্দির গড়ি,
করীলা স্থাপন :—

বলরাম—গগনাপ—সুভদ্রার দারুমুক্তি মরি
করহ দর্শন ।

শ্রীভূজঙ্গধর রায় চৌধুরী ।

নারায়ণ

২য় বর্ষ, ১ম খণ্ড, ৩য় সংখ্যা]

[মাঘ, ১৩২২ সাল

জাতীয় জীবনে ধ্বংসের লক্ষণ

সমাজ যে ঠিক জৈবধর্মবিশিষ্ট একথা বলা যায় না। কিন্তু সাদৃশ্য যে অনেকদূর পর্যন্ত টানিয়া লওয়া যাইতে পারে তাহাও অস্বীকার করা চলে না। জীবদেহের যেমন উৎপত্তি, বৃদ্ধি ও ধ্বংস আছে, সমাজেরও তেমনি উৎপত্তি, বৃদ্ধি ও ধ্বংস লক্ষ্য করা যাইতে পারে। কতকগুলি পারিপার্শ্বিক ও আভ্যন্তরীণ অবস্থা যেমন জীবদেহের উৎপত্তি, বৃদ্ধি ও ধ্বংসের অনুকূল বা প্রতিকূল,—সমাজও তেমনি তাহার উৎপত্তি, বৃদ্ধি বা ধ্বংসের জন্য কতকগুলি অবস্থার উপরেই নির্ভর করে। পরিবর্তনশীল নানা পারিপার্শ্বিক অবস্থার সহিত নিজের সামঞ্জস্য স্থাপন করিতে জীবদেহ যেমন নিয়ত চেষ্টা করে,—সমাজের মধ্যেও সেই ক্রিয়া লক্ষ্য করা যায়। এই চেষ্টার অক্ষমতায় জীবদেহের যেমন মৃত্যু,—সমাজেরও তাহাই। কোন জীবের মৃত্যু হইবার পূর্বে কতকগুলি লক্ষণ দেখিয়া আমরা অনুমান করিতে পারি যে সে শীঘ্রই মৃত্যুমুখে পতিত হইবে। অঙ্গপ্রত্যঙ্গের বিশেষ বিশেষ পরিবর্তন, শারীরিক বা মানসিক শক্তির বিশেষরূপ হ্রাস প্রভৃতি কতকগুলি মৃত্যুর পূর্ববর্তী লক্ষণ বলিয়া গণ্য হইয়া থাকে। একটা জাতির ধ্বংস হইবার পূর্বেও এইরূপ কতকগুলি লক্ষণ দেখা

যায়। কোন জাতি বা সমাজের মধ্যে সেই লক্ষণগুলি প্রকাশিত হইতে থাকিলে তাহার ধ্বংস যে অদূরবর্তী তাহা মনে করা যাইতে পারে।

কারণ ও লক্ষণ লইয়া অনেক তর্ক উঠিতে পারে। আমি সে সকল তর্কের মধ্যে যাইতেছি না। যে সকল আভাস্তরীণ বা বাহ্য শক্তিসমূহ কোনও জাতিকে ধ্বংসের মুখে লইয়া যায় তাহাদিগকেই আমি জাতীয় ধ্বংসের কারণ বলিতেছি। আর সেই কারণসমূহের যে সকল বহিঃপ্রকাশ—জাতীয় জীবনের উপর তাহাদের প্রভাবের যে সকল চিহ্ন দেখিতে পাওয়া যায়, তাহাদিগকেই জাতীয় ধ্বংসের লক্ষণ বলিতেছি। বর্তমান প্রবন্ধে জাতীয় ধ্বংসের কতকগুলি লক্ষণেরই আলোচনা করিব।

১। লোকসংখ্যা—স্বাভাবিক অবস্থায় জাতিসকলের মধ্যে লোকসংখ্যা সাধারণতঃ বৃদ্ধি পাইয়াই থাকে। কোন জাতি যখন উন্নতির মুখে অগ্রসর হয়, তখন তাহার লোকসংখ্যা আশ্চর্যরূপে দ্রুতগতিতে বৃদ্ধি পাইতে থাকে। এমনকি একপুরুষের মধ্যেই দিগুণ হইতে পারে। (১) আমেরিকায় ইউরোপীয় জাতিদের উপনিবেশ স্থাপনের পরে তাহাদের লোকসংখ্যা প্রতি পঁচিশ বৎসরে প্রায় দিগুণ হইতে দেখা গিয়াছিল। পক্ষান্তরে যে জাতি ধ্বংসের মুখে যাইতে বসিয়াছে, তাহার লোকসংখ্যা ক্রমশঃ কমিতেই থাকে। কোন কোন জাতির মধ্যে লোকসংখ্যা এত দ্রুতগতিতে কমিয়া সেই জাতি ধ্বংস হইয়া যায় যে তাহা ভাবিলে বিস্মিত হইতে হয়। ইউরোপীয়েরা টাসমানিয়া অধিকার করিলে তাহার আদিম অধিবাসীরা অতি দ্রুত গতিতে ধ্বংস পাইয়াছিল। প্রায় ত্রিশ বত্রিশ বৎসরের মধ্যে ইহাদের চিহ্ন পর্যন্ত আর ছিল না। নিউজিল্যান্ডের মেওয়ারীদের মধ্যেও ইহাই দেখা গিয়াছিল। লোকসংখ্যা বৃদ্ধি পাওয়া দূরের কথা,

১৮৪৪-১৮৫৮ খৃষ্টাব্দের মধ্যে মেওয়ারীরা শতকরা ১৯'৪২ জন কমিয়াছিল। ১৮৫৮ খৃষ্টাব্দে লোকসংখ্যা দাঁড়াইয়াছিল ৫৩৭০০;— আর ১৮৭২ খৃষ্টাব্দে অর্থাৎ আর চৌদ্দ বৎসর পরে, লোকসংখ্যা কমিয়া মাত্র ৩৬,৩২৯ হইয়াছিল; অর্থাৎ এই চৌদ্দ বৎসরে লোকসংখ্যা শতকরা ৩২'২৯ জন হিসাবে কমিয়াছিল। সাণ্ডউইচের আদিম অধিবাসীদের অবস্থায় ঐরূপ হইয়াছিল। ১৭৭৯ খৃষ্টাব্দে তাহাদের লোকসংখ্যা ছিল প্রায় ৩০০০০০; আর ১৮২৩ খৃষ্টাব্দে দাঁড়াইয়াছিল ১৪২০৫০; ও ১৮৭২ খৃষ্টাব্দে দেখিতে পাই মাত্র ৫১,৫৩০! ১৮৩২-১৮৭২ এই চল্লিশ বৎসরে উহাদের লোকসংখ্যা প্রায় শতকরা ৬৮ জন কমিয়াছিল! (২)

লোকসংখ্যা এইরূপ দ্রুতগতিতে হ্রাস হওয়া আসন্ন ধ্বংসেরই লক্ষণ। কিন্তু ধ্বংসের লক্ষণ অস্থায়ীও দেখা দিতে পারে—যদিও তাহা এত দ্রুতধ্বংস সূচনা করে না। স্বাভাবিক অবস্থায় লোকসংখ্যা যে কেবল বাড়েই তাহা নহে, বৃদ্ধির হারও প্রায়ই বাড়িয়া চলে। কোন কোন স্থলে বা দীর্ঘকাল ধরিয়া একরূপই থাকিতে দেখা যায়। সুতরাং যদি দেখা যায় যে কোন জাতির মধ্যে বৃদ্ধির হার ক্রমশঃ কমিয়া যাইতেছে, তবে সেটা স্থলক্ষণ নহে বৃষ্টিতে হইবে। যে কারণে বৃদ্ধির হার কমিতে থাকে, তাহারই ফলে শেষে বৃদ্ধি বন্ধ হইয়া লোকসংখ্যা ক্রমশঃ হ্রাসের দিকেই যাইতে থাকে। দেশবাসী সাময়িক দুর্ভিক্ষ বা মহামারীর জন্মও লোকসংখ্যার বৃদ্ধির হার কিয়ৎকালের জন্ম কমিতে পারে। দুর্ভিক্ষ বা মহামারীর ফলে প্রথমতঃ বিবাহসংখ্যা অস্বাভাবিক সময়ের তুলনায় কম হয়; দ্বিতীয়তঃ পিতামাতার জীবনীশক্তি ও সঙ্গে সঙ্গে উৎপাদিকা শক্তি কমিয়া যায়; আর এই সকলের সমন্বয়ে জন্মের হার ও লোকসংখ্যার বৃদ্ধির হার কমিতে থাকে। ইহা সাময়িক ব্যাপার। কিন্তু যদি দেখা যায়

(২) Darwin—The Descent of man.

বে দীর্ঘকাল ধরিয়া একটা জাতির বৃদ্ধির হার ক্রমশঃ কমিয়া যাইতেছে, দুর্ভিক্ষ বা মহামারী না থাকিলেও বৃদ্ধির হার উপরের দিকে যাইতেছে না—তবেই তাহা আশঙ্কার কারণ হইয়া উঠে। গত ১৮৭৩ খৃষ্টাব্দ হইতে ১৯১১ খৃঃ পর্যন্ত ইংলণ্ডের মুক্তরাজ্যের ও আয়ারল্যান্ডের বৃদ্ধির হার ক্রমশঃ বাড়িয়া আসে নাই, প্রায় একরূপই আছে। কিন্তু তবু সেখানে অনেকে ইহাকে জাতীয় জীবনের ধ্বংস বা আত্মহত্যাশূচক মনে করিতেছেন। (৩) কিছুকাল হইতে ফ্রান্সের লোকসংখ্যার বৃদ্ধির হার ক্রমশঃই হ্রাস হইয়া যাইতেছে। ইহাতে সেখানকার রাষ্ট্রনায়কগণ অত্যন্ত চিন্তিত হইয়া উঠিয়াছেন এবং বিবাহ-সংখ্যা ও জন্মসংখ্যা বাড়াইবার নিমিত্ত নানা উপায় উদ্ভাবন করিবার চেষ্টা করিতেছেন। (৪) ১৮৭২ খৃঃ হইতে ১৯০১ খৃঃ পর্যন্ত—ত্রিশ বৎসর ধরিয়া বাঙ্গলাদেশেও লোকসংখ্যার বৃদ্ধির হার ক্রমাগত কমিতেছিল। ইহা একটা আশঙ্কার কারণ বলিয়া কেহ কেহ যদি মনে করিয়া থাকেন তবে তাহা আশ্চর্যের বিষয় নহে।

বাঙ্গলাদেশের বৃদ্ধির হার। (শতকরা)

১৮৭২—৮১	১৮৮১—৯১	১৮৯১—১৯০১
১১.৫	৭.৩	৫.১

সমগ্র ভারতবর্ষেও লোকসংখ্যার বৃদ্ধির হার ক্রমশঃ কমিয়া যাইতেছে দেখা যায়; যথা—

১৮৮১	১৮৯১	১৯০১	১৯১১
২৩.১	১৩.১	১২.৪	৭

আবার হিন্দু-সমাজে, বিশেষতঃ ব্রাহ্মণকায়স্থাদি উচ্চবর্ণের ভিতর এই লোকসংখ্যা বৃদ্ধির হার যে বেশী কমিতেছে তাহার প্রমাণ

আমরা লক্ষ্যে পাই। ভবিষ্যতে সে বিষয়ে স্বতন্ত্র ভাবে আলোচনা করিবার ইচ্ছা রহিল। বাঙ্গলাদেশে মুসলমানদের তুলনায় সমগ্র হিন্দুদের বৃদ্ধির হার অতি কম দেখা যাইতেছে। গত দশ বৎসরে (১৯০১—১৯১১) হিন্দুর তুলনায় মুসলমানেরা তিন গুণ পরিমাণে বাড়িয়াছে! (৫)

২। জন্মমৃত্যু—লোকসংখ্যার হ্রাস বা লোকসংখ্যার বৃদ্ধির হারের হ্রাসের সঙ্গে সঙ্গে জন্মের হার কম অথবা মৃত্যুর হার বেশী হইতে দেখা যায়। জন্মের হার কমিলেই যে তাহা দুর্লক্ষণ, তাহা নহে। ইউরোপ ও আমেরিকার উন্নতিশীল দেশসমূহে জন্মের হার অপেক্ষাকৃত কমিয়াই যাইতেছে; এবং আধুনিক অনেক পণ্ডিত তাহাকে সমাজের ব্যক্তিগত উন্নতির সহকারী ফল বলিয়াই মনে করিতেছেন। (৬) কিন্তু সেই সকল স্থানে আবার সঙ্গে সঙ্গে মৃত্যুর হারও কমিয়া যাইতেছে। সুতরাং তাহার ফলে বৃদ্ধি খুব দ্রুত না হইলেও স্থির ও নিশ্চিত ভাবে হইতেছে। কিন্তু জন্মের হারের তুলনায় মৃত্যুর হার যদি বেশী হয়, অথবা জন্মের হার যদি ক্রমাগত কমিতে থাকে, কিন্তু মৃত্যুর হার প্রায় একরূপই থাকে, তবে তাহা স্থলক্ষণ নহে। ফলতঃ মৃত্যুর হার বৃদ্ধি হওয়াটাই বেশী ভয়ের কারণ। আর জন্মের হারের তুলনায় মৃত্যুর হার ক্রমাগত বেশী হইতে থাকিলেই লোকসংখ্যার বৃদ্ধির হার ক্রমশঃ কমিতে থাকে। অনেকে মনে করেন আমাদের ভারতবর্ষে ইউরোপের তুলনায় জন্মসংখ্যা খুব বেশী। সুতরাং আমাদের কোন আশঙ্কার কারণ আসিতেই পারে না। কিন্তু একটু তলাইয়া দেখিলে বুঝা যাইবে যে,

(৩) The Empire and the Birth-rate—a lecture by C. V. Drysdale D. Sc. (1914).

(৪) Ibid.

(৫) See the Resolution of the Bengal Government on the Census Report of 1911.

(৬) The Birth-rate diminishes as the rate of individual evolution increases—Gidding's Sociology, P. 337.

ইউরোপে জন্মের হার যেমন অপেক্ষাকৃত কম, মৃত্যুর হারও সেই-রূপ কম। কিন্তু ভারতবর্ষে জন্মের হার যেমন বেশী, মৃত্যুর হারও তেমনই বেশী। আর তাহার ফলে মোটের উপরে ইউরোপীয় বৃদ্ধির হার হইতে ভারতের বৃদ্ধির হার কম। ভারতবর্ষে জন্মের হার প্রতি হাজারে ৪৮ জন (১৯০১), কিন্তু পক্ষান্তরে মৃত্যুর হারও খুব বেশী, হাজার-করা প্রায় ৪১ জন। (৭) Statesman's Year Bookএ দেখা যায় যে ১৯০৮-১৯১০ খৃষ্টাব্দের মধ্যে ভারতবর্ষের জন্মের হার ছিল হাজার-করা ৩৭.৭, কিন্তু মৃত্যুর হার ছিল হাজার-করা ৩৪.৩। সুতরাং লোকসংখ্যার বৃদ্ধির হার সমগ্র ভারতবর্ষে মোটের উপর ইউরোপ প্রভৃতি দেশের তুলনায় কমই হইয়া দাঁড়াইতেছে। ইংলণ্ডের জন্মের হার গড়ে হাজার-করা ২৫.২৬ জন, কিন্তু মৃত্যুর হারও আবার প্রতি হাজারে মাত্র ১৩ জন (১৯১১)। (৮) ১৮৭৩ খৃঃ এই মৃত্যুর হার ইংলণ্ডে হাজার-করা গড়ে ২২ জন ছিল। আর ১৯১১ সালে ইহা কমিয়া ১৩ জনে দাঁড়াইয়াছে। পক্ষান্তরে ভারতবর্ষে মৃত্যুর হারের বিশেষ কোন পরি-বর্তন দেখা যাইতেছে না। গত চল্লিশ বৎসর ধরিয়৷ ইংলণ্ডের লোকসংখ্যার বৃদ্ধির হার শতকরা ১০ জন আছে—আর ভারতবর্ষের লোকসংখ্যার বৃদ্ধির হার ১৮৬৮-১৯১১ সাল পর্য্যন্ত গড়ে মাত্র ৪.৩ জন। (৯) বৃটিশ সাম্রাজ্যের প্রত্যক্ষ দুইএকটি দেশের সঙ্গে তুলনা করিয়া দেখাই। অষ্ট্রেলিয়া ও নিউজিল্যান্ডে চল্লিশ বৎসর পূর্বের জন্মের হার ছিল শতকরা ৪০ জন—এখন কমিয়া হইয়াছে শতকরা ২৬.২৭ জন (১৯১১)। কিন্তু মৃত্যুর হারও কমিয়া দাঁড়াইয়াছে শতকরা

২.৫ জন। ইহাই পৃথিবীর মধ্যে সকলের অপেক্ষা কম মৃত্যুর হার। সুতরাং স্বাভাবিক বৃদ্ধির হার ঐ সকল দেশে কম নহে। অষ্ট্রেলিয়াতে উর্দ্বী শতকরা ৫০ জন ও নিউজিল্যান্ডে শতকরা ১৬ জন। কানাডার অন্টেরিওতে ১৮৮০-১৮৯৫ খৃঃ-এর মধ্যে জন্মের হার ছিল হাজার-করা ২২—১৯ জন, আর মৃত্যুর হার ছিল হাজার-করা ১০ জন। ১৮৯৫-১৯১১ খৃঃ-এর মধ্যে ঐ সকল দেশে জন্মের হার ছিল হাজার-করা ২৫ জন—আর মৃত্যুর হার ছিল হাজার-করা ১৭ জন। (১০) ১৯০৮ সালের হিসাব ধরিলে দেখা যায় যে স্বাভাবিক বৃদ্ধির হার ব্রিটিশ সাম্রাজ্যের মধ্যে ভারতবর্ষেরই সকলের অপেক্ষা কম—মাত্র শতকরা ৩.৪ জন। কেহ কেহ বলেন এ বিষয়ে একা ভারতবর্ষই সমগ্র ব্রিটিশ সাম্রাজ্যের বৃদ্ধির হারের গড়কে কমাইয়া দিতেছে। (১১)

সমাজতত্ত্ববিৎ গিডিংস জন্মমৃত্যু-সংখ্যার অমুপাতে জীবনীশক্তি নির্ধারণ করিয়া লোকসংখ্যার নিম্নলিখিত শ্রেণীবিভাগ করিয়াছেন;—

প্রথম শ্রেণী—যাহাদের মধ্যে জন্মের হার বেশী এবং মৃত্যুর হার কম। জীবনীশক্তি হিসাবে ইহার সর্বোচ্চ শ্রেণী।

দ্বিতীয় শ্রেণী—যাহাদের মধ্যে জন্মের হারও কম, মৃত্যুর হারও কম। ইহার জীবনীশক্তি হিসাবে মধ্যম শ্রেণী।

তৃতীয় শ্রেণী—যাহাদের মধ্যে জন্মের হার বেশী আবার মৃত্যুর হারও বেশী। জীবনীশক্তি হিসাবে ইহার সর্বনিম্নশ্রেণী। (১২)

গিডিংসএর এই প্রণালী ধরিয়৷ যদি আমরা বিভিন্ন দেশের শ্রেণীবিভাগ করি, তবে ভারতবর্ষ যে জীবনীশক্তি-অমুপাতে তাহাদের মধ্যে সর্বনিম্নশ্রেণীতে স্থান পাইবে তাহা বলাই বাহুল্য। সুতরাং

(১) Mr. Bain in Indian Census Report (1901).

(২) Dr. Drysdale—The Empire and the Birth-rate (1914).

(৩) Dr. Drysdale—The Empire and the Birth-rate (1914).

(১০) Ibid.

(১১) Dr. Drysdale—The Empire and the Birth-rate (1914)

(১২) Gidding's Sociology, P. 125.

অত্যধিক জন্মেরও সঙ্গে সঙ্গে অত্যধিক মৃত্যুর হার বে বিশেষ আশার কথা নহে, তাহা বুদ্ধিমান ব্যক্তিমাজেই বুঝিতে পারিবেন। কত বেশী লোক জন্মগ্রহণ করে, উপর উপর তাহাই দেখিয়া মুসী হইলে চলিবে না; কত লোক জন্মের পর টিকিয়া থাকে তাহাই বতাইয়া দেখিতে হইবে।

৩। জী-সংখ্যা ও উৎপাদিকা শক্তি—ধংসের মুখে অগ্রসর হইবার সময়ে সমাজে জীলোকদের মধ্যে উৎপাদিকা শক্তির সমধিক-রূপে হ্রাস হইতে দেখা যায় (১৩)। তাহার ফলে জন্মের হার সঙ্গে সঙ্গে হ্রাস পাইতে থাকে। অবশু জীলোকদের মধ্যে নানা কারণে উৎপাদিকা শক্তির হ্রাস হইতে পারে। ম্যালথাস প্রশাস্ত মহাসাগরের টাৰিটিয়ান প্রভৃতি দ্বীপবাসী অসভ্যদের জীবন-প্রণালী আলোচনা করিয়া জীলোকদের মধ্যে অত্যধিক বাড়ি-চার ও দুর্নীতিই তাহাদের উৎপাদিকা শক্তির হ্রাসের কারণ বলিয়া-ছেন। (১৪) কিন্তু সামাজিক প্রণালী বা নীতি প্রভৃতির বিশেষ কোন পরিবর্তন না হইয়াও ধংসপ্রবণ জাতির মধ্যে জীলোকদের উৎ-পাদিকা শক্তির হ্রাস হইতে দেখা যায়। ইউরোপীয়দের দ্বারা বিজিত দক্ষিণ ও উত্তর আমেরিকা এবং অষ্ট্রেলিয়ার আদিম অধিবাসীদের মধ্যে ইহাই দেখা গিয়াছিল। সমাজে পুরুষের তুলনায় জীলোকের সংখ্যাহ্রাস ও অবনতির একটা লক্ষণ। উন্নতিশীল জাতিদের মধ্যে পুরুষ অপেক্ষা জীলোকদের সংখ্যা অপেক্ষাকৃত বেশী হইতেই দেখা যায়। আধুনিক ইউরোপ ও আমেরিকার সর্বত্রই এইরূপ। সমগ্র ভারতবর্ষে পুরুষ অপেক্ষা জীলোকের সংখ্যা কিছু কম—প্রতি এক হাজার পুরুষের তুলনায় ৯৫৪ জন জীলোক। পাঞ্জাব, বাঙ্গলা প্রভৃতি ভারতবর্ষের অনেক প্রদেশেও পুরুষ অপেক্ষা জীলোকের সংখ্যা কম।

(১৩) Darwin—The Descent of man.

(১৪) Malthus on Population.

১৯১১ সালের সেন্সাসে দেখা যায় যে, পাঞ্জাব প্রভৃতি স্থানের লোক-সংখ্যায় পুরুষ অপেক্ষা জীলোকের অমুপাত ক্রমেই কমিয়া যাই-তেছে;—

জীলোকের সংখ্যা (হাজার-করা)—

	১৯১১	১৯০১	১৮৯১	১৮৮১
বাঙ্গলা—	৯৪৫	৯৬০	৯৭৩	৯৯৪
পাঞ্জাব—	৮১৭	৮৫৪	৮৫০	৮৪৪

পুরুষ অপেক্ষা জীসংখ্যা কম হইলে বিবাহসংখ্যা কম হয়,—সুতরাং জন্মসংখ্যাও কম হয়। আবার সমাজে পুরুষের তুলনায় জীসংখ্যা কম হইলে বাড়িচার প্রভৃতি দোষেরও আত্যন্তিক বৃদ্ধি হয়;—ইহার ফলেও জন্মসংখ্যা কমিয়া যায়। সমাজে জীলোকের সংখ্যা কম হইলে তাহা সেই সমাজের জীবনশক্তির দুর্বলতাও সূচনা করে। পাঞ্জাবে ও বাঙ্গলাদেশে হিন্দু অপেক্ষা মুসলমানদের মধ্যে জীলোকের সংখ্যা বেশী। আর হিন্দু অপেক্ষা মুসলমানদের মধ্যে বৃদ্ধির হারও বেশী। পূর্বেই বলিয়াছি—১৯১১ সালের সেন্সাস রিপোর্টে জানা যায় যে, বাঙ্গলাদেশে হিন্দু অপেক্ষা মুসলমানেরা তিন গুণ পরিমাণ বেশী বৃদ্ধি পাইয়াছে।

৪। শিশুমৃত্যু—সাধারণ মৃত্যুর হার বৃদ্ধির সঙ্গে সঙ্গে সমাজে শিশুমৃত্যুর হার বাড়িতে দেখা যায়। শিশুমৃত্যুর হার বৃদ্ধি হওয়া জাতীয় জীবনের পক্ষে যার পর নাই আশঙ্কাজনক কথা। ধংসোন্মুখ জাতিসমূহের মধ্যে সর্বত্রই এই অত্যধিক শিশুমৃত্যুর হার দেখা-গিয়াছে। (১৫) সমাজ যখন উন্নতির পথে অগ্রসর হইতে থাকে, তখন হ্রাস ও সৰল শিশুর জন্ম হয়, মৃত্যুসংখ্যা কম হইতে থাকে এবং লোকসংখ্যা বাড়িতে থাকে। কিন্তু ধংসোন্মুখ সমাজে রূগ ও দুর্বল শিশুই বেশী জন্মগ্রহণ করে। জীবনসংগ্রামে টিকিতে না

(১৫) Darwin—The Descent of man.

পারিয়া তাহাদের মধ্যে নানা রোগের প্রাচুর্য্যব হয়; ফলে সংখ্যায় শিশুরা বেশী মরিতে থাকে এবং লোকসংখ্যা কম হইতে থাকে। ভারতবর্ষে—বিশেষতঃ বঙ্গদেশে শিশুমৃত্যুর হার এত বেশী হইয়া পড়িয়াছে যে তাহা যোরতর আশঙ্কার কারণ বলিয়া আমাদের মনে হয়। এবারকার সেন্সাসে দেখা যাইতেছে যে সমগ্র বঙ্গে প্রতি পাঁচজনে একজন করিয়া শিশু মরে;—আর কলিকাতা সহরে শিশু-মৃত্যুর হার শতকরা ত্রিশ জন। দেখা যায় ইংলণ্ডে ১৯০০ সাল হইতে শিশু-মৃত্যুর হার ক্রমশঃ হ্রাস হইয়া আসিয়াছে, কিন্তু আমাদের দেশে সেরূপ আশার কোন কারণ দেখিতেছি না। (১৬) রাজপুত্রেরা বলেন—এ দেশীয় লোকদের মধ্যে বালাবিবাহ, নানা প্রকার কু-প্রথা, স্বাস্থ্যভেদে সম্পূর্ণ অজ্ঞতা, ভ্রমজীবীদের মধ্যে দারিদ্র্যই ইহার কারণ। কিন্তু আমাদের মনে হয় ইহার প্রকৃত কারণ অনুসন্ধান করিতে হইলে জাতীয় জীবনীশক্তির মূলে বাইতে হইবে। দারিদ্র্য, অবাস্থ্যকর বাসস্থান, সংক্রামক রোগ প্রভৃতি কতকটা সাময়িক কারণ বটে সন্দেহ নাই। কিন্তু একটা জাতির জীবনীশক্তি যখন কম হইয়া যায়, তখনই তাহার মধ্যে এইরূপ পরিবর্তমান শিশুমৃত্যুর হার দেখা যাইয়া থাকে। দারিদ্র্য ও সংক্রামক রোগ প্রভৃতি সেই জীবনীশক্তি-হ্রাসের বহিঃপ্রকাশ মাত্র। আর এই অত্যধিক-শিশুমৃত্যুর হার এদেশে কেবল সাময়িক নহে; ইহা বহুদিন হইতে দেখা দিয়াছে এবং ক্রমশঃ বাড়িয়া চলিয়াছে। ইহার কারণ নিরূপণ করিতে হইলে, জাতীয় জীবনের গোড়ায় বাইতে হইবে। বালাবিবাহ প্রভৃতি দুই চারটা মামুলী বচন আঙড়াইয়া পাশ কাটাইলে চলিবে না। একটা বৃদ্ধের অকুরাবস্থাতেই তাহা যদি মুখড়াইয়া যায়, তবে তাহার ধ্বংস যেমন অনিবার্য্য, সেইরূপ

যে সমাজে শিশুদিগের মধ্যেই-মৃত্যুর হার ক্রমশঃ বেশী হইতে থাকে, তাহার ভবিষ্যৎ নিশ্চয়ই আশাজনক নহে।

৫। দুর্ভিক্ষ—দেশব্যাপী ঘন ঘন দুর্ভিক্ষ হওয়া জাতীয় জীবনের পক্ষে বড় দুর্লভকণ। জলাবায়ুর অবস্থা ও নানা আকস্মিক কারণের ফলে উন্নতিশীল জাতির মধ্যেও কটিং দুই একবার দুর্ভিক্ষ দেখা দিতে পারে বটে। কিন্তু যদি কোন জাতির মধ্যে দীর্ঘকাল ধরিয়া পুনঃপুনঃ দুর্ভিক্ষ হইতে দেখা যায়, তবে সেই জাতির মধ্যে দারিদ্র্য যে শিকড় গাড়িয়া বসিয়াছে, জীবনযুদ্ধে ক্রমেই যে তাহারা পিছাইয়া পড়িতেছে—ইহাই অনুমান করিতে হয়। অতীতে অনেক ধ্বংসোদ্ভূত জাতির মধ্যে ইহার প্রমাণ পাওয়া গিয়াছে। আদিম অসভ্য বর্করাবাহার মানুষ যখন বনে জঙ্গলে থাকে, তখন তাহার মধ্যে এইরূপ দুর্ভিক্ষ ঘন ঘন হইতে দেখা যায়। লোকসংখ্যার হিসাবে ঝাড়ের অপ্ৰাচুর্য্যই তাহার কারণ। এই দুর্ভিক্ষের ফলে, অনাহারের ভীষণ যন্ত্রণায় শত শত লোক মরিয়া যায়—এমন কি ছোট বড় অনেক জাতিও ধ্বংস হইয়া যায়। (১৭) অপেক্ষাকৃত সভ্য অবস্থাতেও মানুষ ইহার হাত হইতে সর্বল সময়ে পরিত্রাণ পায় না। ফলতঃ কি সভ্য, কি অসভ্য, সকল অবস্থাতেই, যাহারা প্রকৃতির সঙ্গে সংগ্রাম করিয়া টিকিতে পারে, তাহারাষ্ট বাঁচে,— বাহারা অক্ষম তাহারা মরিয়া যায়। আর কোন জাতির মধ্যে দীর্ঘকাল ধরিয়া ঘন ঘন দুর্ভিক্ষ হইতে আরম্ভ হইলে, জীবন-যুদ্ধে সেই জাতির ক্রমবিবর্তমান অক্ষমতারই পরিচয় পাওয়া যায়। তাহার ঋণ সংগ্রহের ক্ষমতা—শিল্পবাণিজ্যের দ্বারা দেশের ধনবৃদ্ধির ক্ষমতা হ্রাস হইতেছে ইহাই মনে করিতে হয়। বিগত পঞ্চাশ বৎসরের মধ্যে ভারতবর্ষে যেরূপ ঘন ঘন দুর্ভিক্ষ দেখা দিতেছে, তাহা খুব আশা-প্রদ নহে। ধরিতে গেলে গড়ে প্রতি দশ বৎসর অন্তর ভারতবর্ষের কোন না কোন প্রদেশে দুর্ভিক্ষ দেখা যাইতেছে। ১৮৭৬, ১৮৯৯,

(১৬) Dr. Drysdale—The Empire and the Birth-rate (1914).

(১৭) Malthus on Population.

ও ১২০১ খৃঃ বেশব্যাপী দুর্ভিক্ষ হইতে দেখা গিয়াছে। আর. ইহা যে ভারতবর্ষের চিরদারিদ্র্যের সূচনা করিতেছে তাহা বলিবার আবশ্যক করে না। যে দেশের অধিকাংশ লোক দু'বেলা পেট জরিয়া খাইতে পায় না, যে দেশের লোকের বাৎসরিক আয় গড়ে পঁচিশ ছাব্বিশ টাকা মাত্র, তাহার দারিদ্র্যের কথা না তোলাই ভাল। চির-দুর্ভিক্ষ কিয়ৎপরিমাণে দেশের রাজস্ব ও বাণিজ্য-নীতির উপরেও নির্ভর করে সন্দেহ নাই। কিন্তু ইহার প্রকৃত কারণ আরও গভীরতর; তাহা আমরা পরে আলোচনা করিবার চেষ্টা করিব। চির-দারিদ্র্য ও চির-দুর্ভিক্ষ পরস্পরের সহোদর; আর উভয়েই ধ্বংসের অগ্রদূত।

৬। মহামারী—ঘন ঘন দুর্ভিক্ষের ছায় ঘন ঘন মহামারীর প্রাজুর্ভাবও তেমনিই জাতীয় জীবনের পক্ষে অমঙ্গলের সূচনা করে। স্বাস্থ্য সবেল ব্যক্তির ছায় উন্নতিশীল জাতির মধ্যে ব্যাধি ও মহামারী বিরল দেখা যায়। যাহার জীবনীশক্তি ক্ষীণ হইয়া পড়িয়াছে, তাহার দেহেই যেমন নানা রোগের প্রাজুর্ভাব দেখা যায়, ধ্বংসোন্মুখ জাতি-দের মধ্যেও তেমনিই নানা ব্যাধি মল্লজাগত হইয়া পড়ে—নানা নূতন নূতন রোগের প্রাজুর্ভাব হইতে দেখা যায়। ধ্বংসোন্মুখ প্রাচীন গ্রীক জাতির মধ্যে ঠিক ইহাই দেখা গিয়াছিল। ম্যালেরিয়ার প্রকোপে সমস্ত গ্রীকজাতি তিলে তিলে লুপ্ত হইবার পথে গিয়াছিল। তাহাদের শারীরিক ও মানসিক সর্ববিধ শক্তি ধীরে ধীরে হইতে বিনষ্ট হইয়া গিয়াছিল;—

“Gradually the Greeks lost their brilliance, which had been as the bright freshness of the youth. This is painfully obvious in their literature, if not in other forms of art. Their initiation vanished, they ceased to create and began to comment. Patriotism with rare exception, became an empty name, for few had the spirit and energy to translate into action one's

duty to the State. Vacillation, indecision, fitful outburst of unhealthy activity followed by cowardly depression, selfish cruelty and criminal weakness are characteristic of the public life of Greece from the struggle with Macedonia to the final conquest by the arms of Rome. No one can fail to be struck by the marked difference between the period from Marathon to the Peloponnesian War and the period from Alexander to Mummians”. (১৮)

বাল্লার ভূতপূর্ব সিবিয়ান মিঃ জোহান অলদিন পূর্বে East and West পত্রিকায় একটি প্রবন্ধে দেখাইয়াছেন যে, বর্বর-বিজিত ধ্বংসোন্মুখ প্রাচীন রোমকজাতির মধ্যেও ঠিক এইরূপ ম্যালেরিয়ার প্রাজুর্ভাব হইয়াছিল। আর প্রাচীন গ্রীস ও রোমের এই ম্যালেরিয়ার সঙ্গে আমাদের বাল্লার (১৯) সর্বধ্বংসিনী ম্যালেরিয়ার যে যথেষ্ট সাদৃশ্যই আছে তাহা অস্বীকার করিবার উপায় নাই। গ্রীসের ছায় এখানেও ম্যালেরিয়া-পীড়িত অধিবাসীদের শারীরিক ও মানসিক শক্তি ধীরে ধীরে লুপ্ত হইয়া যাইতেছে। পরিশ্রম-পটুতা কর্মের উৎসাহ ক্রমে ক্রমে কমিয়া যাইতেছে; আলস্য, নিরাশা, জীবনে বিতৃষ্ণা প্রভৃতি ক্রমে ক্রমে আসিয়া তাহার স্থান অধিকার করিতেছে। ইহারই মধ্যে কত গ্রাম নগর ম্যালেরিয়ার প্রকোপে শূন্য হইয়া গিয়াছে, বনজঙ্গলে পরিণত হইয়া ব্যাঘাদি হিংস্রজন্তুর আঁবাসভূমি হইয়া উঠিয়াছে, তাহার সীমা নাই। লক্ষ লক্ষ লোক প্রতি বৎসর ম্যালেরিয়ার প্রকোপে শ্রাণত্যাগ করিতেছে,—বাহারা বাঁচিয়া থাকিতেছে তাহারাও জীবনমুভবৎ অবস্থায় তিলে তিলে যত্নসমূহে অগ্রসর হইতেছে। উর্বাণভ যেমন তাহার জাল বিস্তার করিয়া ধীরে ধীরে

(১৮) Joane's Greek History and Malaria, (1909).

(১৯) বাল্লার কেন—আজকাল সমস্ত ভারতেরও বলা যাইতে পারে।

পতঙ্গকে মৃত্যুমুখে লইয়া যায়, এই জীবাণ ম্যালেরিয়া আজ তেমনই সমস্ত বঙ্গদেশে—এমন কি ভারতবর্ষময়—তাহার জ্বাল ধীরে ধীরে বিস্তার করিতেছে। এই জ্বালের মধ্যে এই হতভাগ্য জাতি যে কবে মৃত্যু হইয়া যাইবে তাহা কে বলিতে পারে? আর শুধুই কি ম্যালেরিয়া? ম্লেগ, কলেরা ও আরও নূতন নূতন ব্যাধি ক্রমেই এই দুর্ভাগ্য দেশে রাজস্ব বিস্তার করিতেছে। ম্লেগ, কলেরা ও ম্যালেরিয়া ইউরোপেও অনেক স্থলে দুই এক বার হইয়াছে। কিন্তু সেই সকল দেশের লোকেরা সেগুলিকে দূর করিয়া দিয়া আশনাদের দেশকে নিরাপদ করিয়াছে। কিন্তু এই দেশে একবার যে রোগ প্রবেশ করিতেছে, তাহা আর যাইতেছে না। অন্তঃপ্রবিষ্ট কীটের ছায় ক্রমে তাহার জাতীয় শরীরের শিরা, উপশিরা ও যন্ত্রাদি আক্রমণ করিয়া জীবনীশক্তি লোপ করিয়া দিতেছে। কোন জীব-দেহের যখন জীবনীশক্তি হ্রাস হইতে থাকে, তখন তাহার বাহিরের রোগের আক্রমণ প্রতিহত করিবার শক্তি আর পূর্বের মত থাকে না,—যেটুকু থাকে তাহাও ক্রমশঃ লোপ পাইতে থাকে। পূর্ব-প্রবিষ্ট রোগ ক্রমেই স্বায় প্রভাব বেশী করিয়া বিস্তার করিতে থাকে এক নূতন নূতন নানা রোগও স্রবিধা পাইয়া অধিকার লাভের চেষ্টা করিতে ছাড়ে না। কোন বিশেষ জীবদেহের ছায় একটা জাতির পক্ষেও একধা সম্পূর্ণরূপে প্রযুক্ত হইতে পারে।

৭। প্রতিভাশালীর সংখ্যা হ্রাস—কোন জাতি যখন মৃত্যুর পথে অগ্রসর হইতে থাকে, তখন তাহার শারীরিক শক্তির ছায় মানসিক শক্তিরও হ্রাস হইতে থাকে। দৈহিক স্বাস্থ্যের সঙ্গে মানসিক স্বাস্থ্যেরও ব্যতিক্রম ঘটতে থাকে—সেখানেও নানা রোগ ও দুর্বলতা দেখা দেয়। সমাজেরও মস্তিষ্ক ও মানসিক শক্তি আছে;—প্রতিভাশালী ব্যক্তিরাই তত্তৎ স্থানীয়। উন্নতিশীল সমাজে তাহার এই মানসিক শক্তির ক্রমশঃই বিকাশ হইতে থাকে, আর তাহার ফলে সমাজমধ্যে বহু প্রতিভাশালী লোক জন্মগ্রহণ করিতে

থাকে। পৃথিবীর বেখানেই কোন জাতি উন্নতি করিয়াছে বা করিতেছে সেইখানেই এই নিয়মের ক্রিয়া অব্যাহতভাবে দেখা গিয়াছে। ইংলণ্ড, অস্ট্রেলিয়া, ফ্রান্স, জাপান, আমেরিকা প্রভৃতি জাতির গোড়ায় অমুসন্ধান করিলেই ইহার যথেষ্ট প্রমাণ পাওয়া যায়। পশ্চাত্তরে যেসকল জাতি ধ্বংসপ্রাপ্ত হইয়াছে বা অধোগতির পথে গিয়াছে তাহাদের মধ্যে জাতীয় মানসিক শক্তির হ্রাস অত্যন্ত দ্রুতগতিতে হইতে দেখা গিয়াছে;—প্রতিভাশালীর সংখ্যা স্বল্প হইতে স্বল্পতর হইয়াছে। প্রাচীনকালের রোম, গ্রীস ও ভারতবর্ষে ইহার প্রমাণের অভাব নাই। যে দিন রোম অর্ধপৃথিবীর সম্রাট ছিল, তখন তাহার রাজনৈতিক, যোদ্ধা বা ব্যবহারবিদের অভাব ছিল না। সিসিরোর মত বক্তা, সিজারের মত বীর, যোগিনিয়ানের মত ব্যবহারবেত্তার তখনই সম্ভব হইয়াছিল। বর্বর বিজয়ের প্রাকালে রোমের সেই পূর্বগৌরবের কি অবশিষ্ট ছিল? যে গ্রীস জ্ঞানের উজ্জ্বল জ্যোতিতে ইউরোপের প্রভাত আলো করিয়াছিল, পতনের সময় তাহার সে জ্যোতিঃ কোথায় নিবিয়া গিয়াছিল! ডেমাস্ট্রিনিস, পেরিক্লিস বা সফ্রেটিস তখন কয়জন জন্মগ্রহণ করিয়াছিল? মুসলমান-বিজয়ের প্রাকালে কয়জন বর্ধাণ মনোযী জন্মগ্রহণ করিয়া ভারতবর্ষের গৌরব বর্দ্ধন করিয়াছিলেন? কয়জন শঙ্কর, চারণ্য, কপিল, ব্যাস, বাস্কীকি বা কালিদাস ভারতের মুখ উজ্জ্বল করিয়াছিলেন?

তাই যখন দেখি যে কোন জাতি বা সমাজের মধ্যে আর পূর্বের ন্যায় প্রতিভাশালী ব্যক্তিগণের জন্ম হইতেছে না; যাহারা যথেষ্ট, সমাজে বা রাষ্ট্রে নূতন ভাব আনয়ন করেন, যাহারা তাহাদের শক্তির প্রাবল্যে দেশময় আলোড়ন উপস্থিত করেন,—এমন মানুষ কোন জাতির মধ্যে শতাব্দীর পর শতাব্দী ধরিয়া আর বড় একটা দেখা যাইতেছে না—তখন বুঝিতে হইবে সে জাতি ক্রমে ধ্বংসের দিকে অধোগতির দিকে যাইবার মুখেই দাঁড়াইয়াছে। তাহার মানসিক শক্তি ক্রমশঃ কমিয়া যাইতেছে। যে প্রথর বুদ্ধিবলে বাহুশক্তির সঙ্গে আপনায়

সামঞ্জস্য বিধানের নব নব উপায় সমাজ প্রতিনিয়ত উদ্ভাবন করে, তাহার সে বৃদ্ধি মলিন হইয়া যাইতেছে,—ধরাপৃষ্ঠে তাহার পক্ষে আশ্রয়লাভ করা ক্রমশঃ কঠিন হইয়া উঠিতেছে। প্রাচীন ভারতবর্ষের কথা ত পূর্বেই বলিয়াছি। আধুনিক ভারতবর্ষই কি এবিধয়ে আমাদের নূতন আশার কোন কারণ দেখা যাইতেছে বলা যায় ? কেহ কেহ বলিবেন, যে দেশে বক্ষিমচন্দ্র, জগদীশচন্দ্র, প্রফুল্লচন্দ্র, রবীন্দ্রনাথ, রাধাকৃষ্ণ বা গোখলের জন্ম, সে দেশের ভয়ের কারণ নাই। কিন্তু ইউরোপ ও আমেরিকার উন্নতিশীল অস্বাভাবিক দেশের সঙ্গে তুলনা কর, মনে হইবে এ বৃদ্ধি নির্বাণের পূর্বে দীপের তীব্রোজ্জ্বল জ্যোতিঃ। জীবনের সর্ববিভাগে অস্বাভাবিক সভ্যদেশের তুলনায় আমাদের দেশে প্রতিভাশালীর সংখ্যা যে নিতান্তই অল্প, ইহা কি করিয়া স্বীকার করা যায় ? আর সেই সংখ্যা যে অনুকূল অবস্থার অভাবে, ক্রমশঃ বর্ধিত না হইয়া হ্রাসের দিকেই যাইতেছে ইহাও সন্দেহ করিবার যথেষ্ট কারণ আছে। জাতীয় ধ্বংসের প্রাক্কালে যে সকল লক্ষণ দেখা দেয় আমরা তাহার কতকগুলি বর্ধাসাধ্য অতি সংক্ষেপে বিবৃত করিলাম। ধ্বংসোন্মুখ জাতির মধ্যে সর্বত্রই যে এই লক্ষণগুলি একত্রে বা একসময়ে প্রকাশ পাইয়া থাকে, তাহা নহে। তবে তাহার কোন কোনটি বা কতকগুলি প্রবলভাবে প্রকাশ পাইলেই যথেষ্ট আশঙ্কার কারণ উপস্থিত হয় বলিতে পারা যায় ; কেমনা এই সকল লক্ষণ পরস্পরের সঙ্গে জড়িত,—একটি আসিলেই সঙ্গে সঙ্গে অপরগুলি আসিয়া উপস্থিত হয়। যে সকল শক্তি জাতীয় জীবনের গোড়ায় থাকিয়া জাতিকে ধ্বংসের দিকে লইয়া যায় আমরা সেই সকলকেই জাতীয় ধ্বংসের কারণ বলিয়া মনে করি। এই সকল লক্ষণ অন্তর্নিহিত সেই কারণ-সমূহেরই বহিঃপ্রকাশ। বাসাস্থরে জাতীয় ধ্বংসের সেই কারণ-তত্ত্বের আলোচনায় প্রবৃত্ত হইবার ইচ্ছা রহিল।

শ্রীপ্রফুল্লকুমার সরকার।

বাঙ্গালার কৌলীন্যের কথা

[“কুলতত্ত্বার্ণব” অবলম্বনে লিখিত]

কুলতত্ত্বার্ণব একটি কৃষ্ণগ্রন্থ, সংস্কৃত ভাষায় বিবিধ ছন্দোবদ্ধে রচিত। ইহাতে মহারাজ আদিশূরের রাজ্যকাল হইতে আরম্ভ করিয়া ১৪০৭ শকাব্দ (১৪৮৫ খৃঃ) পর্য্যন্ত রাঢ়ীয় ব্রাহ্মণগণের ইতিবৃত্ত বিস্তৃতরূপে নিবন্ধ রহিয়াছে। যে সকল রাজগণের অধিকারকালে উক্ত ব্রাহ্মণগণের সামাজিক পরিবর্তন ঘটে, প্রসঙ্গক্রমে তাঁহাদিগের সংক্ষিপ্ত পরিচয় এই গ্রন্থে প্রদত্ত হইয়াছে। সংক্ষেপে বলিতে গেলে এই গ্রন্থ রাঢ়ীয় ব্রাহ্মণগণের একটি ধারাবাহিক ইতিহাস এবং গ্রন্থকর্তা তাহা উল্লেখ করিয়াছেন। গ্রন্থকর্তা স্বনামধন্য কুলচার্য্য শ্রীপ্রবানন্দ মিশ্রের পুত্র শ্রীসর্বানন্দ মিশ্র। তিনি গ্রন্থারম্ভে ইষ্টদেবতাকে নমস্কারপূর্বক স্বীয় পরিচয় জ্ঞাপন করিতেছেন ; যথা,

“নযেষ্ঠদেবতাং ভক্ত্যা প্রবানন্দাঙ্কাজ্ঞো দ্বিজঃ।

সর্বানন্দাভিধেয়স্ত মিশ্রবংশসমুদ্ভবঃ ॥

শ্রীসাদিশূরনৃপতেঃ পুত্রেষ্ট্রিযঞ্জহেতবে।

কাঙ্ককুলজাদাগতা যে পঞ্চ বিপ্রাশচ সান্থিকঃ ॥

তদ্বংশজানাং বৃন্তান্তজানার্ধকৈব বিস্তরাৎ।

কুলগ্রন্থং বহুবিশ্বমবলোক্য পুনঃ পুনঃ ॥

তৎসারসংগ্রহং গ্রন্থং কুলতত্ত্বার্ণবাখ্যকম্।

ইতিহাসক্রমেষ্ট্রৈব বক্তি বিপ্রামুরোধতঃ ॥”

অর্থাৎ, পূর্বে গৌড়েশ্বাধিপতি আদিশূরনৃপতি কর্তৃক পুস্ত্রো-
বজ্রার্ধে কাঞ্চকুজদেশ হইতে আনীত সায়িক ত্রাঙ্গপঞ্চকের সবিস্তর
বংশবৃত্তান্ত বিজ্ঞাপনার্থে কুলাচার্য্য ধ্রুবানন্দ মিশ্রের পুস্ত্র সর্বানন্দ
মিশ্র স্বীয় ইচ্ছাবতঃকে নমস্কার করিয়া, নানাবিধ কুলপরিচায়ক গ্রন্থ
সমালোচনাপূর্বক প্রাচীন বহুতর কুলগ্রন্থের সারসংগ্রহস্বরূপ কুলতত্বা-
র্ধনামক গ্রন্থ ত্রাঙ্গপঞ্চকের অনুরোধে ইতিহাসক্রমে রচনা করিতেছেন।
গ্রন্থকার গ্রন্থের শেষভাগে স্বীয় পিতার কিঞ্চিৎ পরিচয় দিয়া
বলিতেছেন,—

“ততো দেবীবরস্বাস্তে শাকেঃক্লিষ্ণবিদীন্দুমে।

নতাতঃ শ্রীধ্রুবানন্দঃ কুলাচার্য্যে প্রতিষ্ঠিতঃ ॥

দৃষ্ট্বা মেলিকুলানানাং তদা মেলবাতিক্রমম্ ॥

বিজ্ঞানুরোধতন্তেন কৃত্য বৈ মেলকারিকাম্ ॥

প্রত্যেকস্ত চ মেলস্ত মেলোহস্তঃ প্রতিক্রিয়াগিকঃ।

তস্তাং মেলকারিকাসাং মৎপিত্রাত্যাব্যাপ্তিতঃ ॥

অর্থাৎ, অনন্তর দেবীবরের পর ১৪০৭ শাকে (১৪৮৫ খৃঃ)
আমার পিতা শ্রীধ্রুবানন্দ কুলাচার্য্যপদে প্রতিষ্ঠিত হইলেন। তখন
মেলী কুলানদিগের মেলবাতিক্রম দেখিয়া ত্রাঙ্গপঞ্চকের অনুরোধে তিনি
মেলকারিকা নামক গ্রন্থ রচনা করিলেন। প্রত্যেক মেলের যে অস্ত
প্রতিক্রিয়াগী মেল, অর্থাৎ যাহার সহিত কুলকর্ষ করিলে মেল দু্যিত
হয় না, তাহা আমার পিতা মেলকারিকায় নির্দ্বারিত করিয়া দিয়াছেন।
প্রায় পঁচিশ বৎসর পূর্বে ভাগ্যকুলের একটি ছাত্র নবদ্বীপে অধ্যয়ন
করিতে গিয়াছিলেন। তাঁহার ‘হস্তলিখিত’ পুঁথিগুলির মধ্যে কুল-
তর্ধার্ন নামে একখানি গ্রন্থ ছিল। গ্রন্থখানি অতি উপাদেয় দেখিয়া
যেদিনীপুর জেলার অন্তর্গত তুর্কাগ্রাম নিবাসী হৃৎদা ভট্টাচার্য্য মহাশয়
ঊহা মুদ্রিত করিবার অভিপ্রায়ে লিখিয়া আনিয়াছিলেন, কিন্তু নানাবিধ
সাংসারিক প্রতিবন্ধকতাবিবন্ধন তিনি মুদ্রিত করিতে পারেন নাই।

তাঁহার মৃত্যুর পর ঐ গ্রন্থ কলিকাতা কর্পোরেশন প্রীটশ্ব মহাকালী
পাঠশালার হেড পণ্ডিত শ্রীঅমিনাশচন্দ্র ভট্টাচার্য্য মহাশয়ের হস্তগত
হয়। ইহাই পুস্ত্রকপ্রাপ্তির সংক্ষিপ্ত বিবরণ। বর্ত শ্রীশ্র পান্না যায়
গ্রন্থখানি মুদ্রিত করিবার চেষ্টা করা হইতেছে।

এদণে আমি কুলতর্ধার্নবের বর্ণনা অনুরণন করিয়া আদিশূরের
সময় হইতে ইতিবৃত্ত সংক্ষেপে বিবৃত করিব। মধ্যে মধ্যে কেবল
প্রয়োজনীয় শ্লোকগুলিমাত্র উদ্ধৃত করিব; নতুবা প্রবন্ধ অতীব
দীর্ঘ হইয়া পড়িবে। মহারাজ আদিশূর গৌড়েশ্বর ছিলেন বটে,
কিন্তু তিনি স্বীয় বাহুবলে বহুরাজগণকে পরাজিত করিয়া একটি
সুবিষ্ণুত সাম্রাজ্যের রাজত্ববর্তী হইয়াছিলেন। পূর্বে আসাম,
পশ্চিমে গুজরাট, উত্তরে মধ্য ও মালব এবং দক্ষিণে কর্ণট ও
মাল্যবার উপকূল পর্য্যন্ত ভূভাগের রাজগত তাঁহার সামন্ত রাজা
ছিলেন; অর্থাৎ পশ্চিমে গুজরাট হইতে কিঞ্চিৎ উত্তরপূর্বমুখে
একটি রেখা টানিয়া উহাকে আসামের সহিত যোগ করিলে উহার
দক্ষিণবর্তী যে বিস্তার ভূভাগ লক্ষিত হয়, উহা হইতে মধ্যপ্রদেশ,
হায়দ্রাবাদ ও ময়শূর বাদ দিলে স্থূলতঃ যাহা অবশিষ্ট থাকে, উহা-
তেই মহারাজ আদিশূরের প্রভাব বিষ্ণুত হইয়াছিল। কর্ণট প্রকৃতি
প্রাচীন রাজ্যের যে আধুনিক সীমা নির্দ্বারিত হইয়াছে, তাহাতেই
হায়দ্রাবাদ প্রকৃতি রাজ্য বাদ দিতে হয়; ব্রহ্মতঃ পূর্বেলিখিত
রেখার দক্ষিণবর্তী সমগ্র ভূভাগের তিনি সার্বভৌম নরপতি ছিলেন
বলিয়া প্রতীতি হয়। তাঁহার প্রবল প্রতিদ্বন্দ্বী কাঞ্চকুজাধিপতিকে
তিনি পরাজিত করিতে পারেন নাই। তদীয় রাজ্য মালবের
উত্তরপূর্বে অবস্থিত ছিল। কুলতর্ধার্নবে আদিশূরের রাজপ্রভাব
এইরূপ বর্ণিত আছে; যথা,—

“অঙ্গান বঙ্গান কলিঙ্গান বিবিধনৃপবরান স্বীয়দেশান বিশেষান
কর্ণটিং কেরলাখাং নরধরভট্টকৈরখিতং কামরূপম্ ॥

সৌরাষ্ট্রের মাগধাস্ত্র নৃপমণি জিতবান মালবং গুজ্জরবৎ
হিয়া বৈ কাশ্যকুজাধিপতিমবনূপাস্ত্রবশ্যাস্ত্রাদাসন ॥”

অর্থাৎ তিনি স্বদেশীয় ও বিদেশীয় বহুরাজগণকে, অর্থাৎ রাজভট বা তদংশীয়দিগের অধিকৃত কামরূপ এবং মগধ, অঙ্গ (ভাগলপুর), বঙ্গ, কলিঙ্গ, (উড়িষ্যা), কর্ণাট (কর্ণাটিক), কেবল (মালাবার উপকূল), সৌরাষ্ট্র (সুরাট), গুজ্জর (গুজরাট), ও মালবদেশের নরপতিগণকে পরাজয় করিয়াছিলেন; কাশ্যকুঞ্জের অধিপতি ব্যতীত অস্ত্র নৃপতি সকল তৎকালে তাঁহার বশীভূত হইয়াছিলেন।

একদা মহারাজ আদিশুর বঙ্গদেশীয় সারস্বত ব্রাহ্মণগণকে আহ্বান করিয়া পাণ্ডাদিবারা অর্চনাপূর্বক বলিলেন, পূর্বে অন্ধ্রবংশীয় শূদ্রক নৃপতি অনপত্যতানিবন্ধন পুস্ত্রেষ্টিযজ্ঞ করিবার নিমিত্ত সারস্বত প্রদেশ হইতে ব্রাহ্মণগণকে আনাইয়া এই বিপ্রবর্জিত বঙ্গদেশে বাস করাইয়াছিলেন। আপনারা তাঁহাদের বংশধর; অতএব আমার প্রতি কৃপা করিয়া একটি পুস্ত্রেষ্টি-যজ্ঞের অনুষ্ঠান করুন। ইহা শুনিয়া ব্রাহ্মণগণ বলিলেন, মহারাজ! আমরা বৈদিক অনুষ্ঠানে একান্ত অনভিজ্ঞ হইয়া পড়িয়াছি, আপনি কাশ্যকুজ হইতে সাগ্নিক ব্রাহ্মণ আনাইয়া যজ্ঞানুষ্ঠান করুন। রাজা তাঁহাদিগের উপদেশে কাশ্যকুজাধিপতি বীরসিংহের নিকট দূত প্রেরণ করিলেন। দূত কিরিয়া আসিয়া বলিল, মহারাজ! নৃপতি বীরসিংহ এই পতিত বঙ্গদেশে ব্রাহ্মণ প্রেরণ করিবেন না। তখন রাজা পুনর্ববার দূতমুখে বলিয়া পাঠাইলেন যে, পাঁচটি সাগ্নিক ব্রাহ্মণ প্রেরণ না করিলে তিনি কাশ্যকুজ আক্রমণ করিবেন। দূতমুখে এই কথা শুনিয়া রাজা বীরসিংহ বলিয়া পাঠাইলেন যে, তিনি বিনাযুদ্ধে ব্রাহ্মণ পাঠাইবেন না। তখন মহারাজ আদিশুর যুদ্ধ-সজ্জায় প্রবৃত্ত হইলেন। তাহা দেখিয়া প্রধান অমাত্য তাঁহাকে বলিলেন, মহারাজ! শুনিয়াছি রাজা বীরসিংহ অতীব ধার্মিক ও গোবিপ্র-প্রতিপালক; অতএব যদি কৌশলে

কার্যসিদ্ধি হয়, তাহা হইলে ব্রাহ্মণদের প্রয়োজন কি? আপনি ব্রাহ্মণগণকে সৈনিক করিয়া বুঝবাহনে প্রেরণ করুন, তাহা হইলে তিনি গোবিশ্র-বধভয়ে ভীত হইয়া যুদ্ধে প্রবৃত্ত হইবেন না। ফলতঃ তাহাই হইল, রাজা বীরসিংহ জয় অপেক্ষা ধর্মরক্ষণকেই শ্রেয়স্কর কল্প মনে করিয়া পঞ্চ সাগ্নিক ব্রাহ্মণ প্রেরণ করিলেন। এদিকে যে সাত শত সারস্বত ব্রাহ্মণ সৈনিকাবেশে গিয়াছিলেন, রাজা তাঁহাদিগকে প্রায়শ্চিত্ত করাইয়া বুঝারোহণজ দোষ হইতে মুক্ত করিলেন। এই সাত শত সারস্বত ব্রাহ্মণই সপ্তশতী নামে আখ্যাত হইলেন। কাশ্যকুজ হইতে যে পাঁচজন ব্রাহ্মণ আগমন করিলেন; তাঁহাদিগের বর্ণনা-প্রসঙ্গে তর্ধাবধিকার বলিতেছেন,—

“নৃপাদেশেন তে শুরৈঃ রক্ষকৈঃ পঞ্চভিঃ সহ।

বিপ্রাজোজ্ঞজ্ঞাজাতৈর্বঙ্গদেশং সমায়যুঃ ॥

আরুহ পঞ্চ তুরগানসিবাণতূণ—

কোদণ্ডরম্যকবচাধিশরীরতুলাঃ।

কোলাকতো বিজবরা মিলিতা হি বন্ধে,

শাকে শরাক্ষিতুমে জ্বলদগ্নিতুলাঃ ॥”

অর্থাৎ, রাজা বীরসিংহের আদেশে সেই পঞ্চ ব্রাহ্মণ পঞ্চ মহাবল রক্ষকের সহিত বঙ্গদেশে আগমন করিলেন। এই পঞ্চ রক্ষক বিপ্রের গুরসে ও বিপ্রের পরিণীতা ক্ষত্রিয় পত্নীর গর্ভজাত অর্থাৎ মুর্দ্ধাবিন্ধনামক ক্ষত্রিয়জাতি ছিলেন। সেই ব্রাহ্মণগণ ঐবলিত অগ্নিতুলা; অসি, বাণ, ধনুঃ ও রম্য কবচ প্রভৃতি তাঁহাদিগের শরীরের শোভা সম্পাদন করিতেছিল; তাঁহারা পঞ্চ ঘোঁটেক আরোহণ করিয়া কোলাক অর্থাৎ কাশ্যকুজদেশ হইতে ৬৭৫ শাকে (৭৫৩ ষুঃ) বন্দে আগমন করিলেন।

দূত ব্রাহ্মণগণের আগমনসংবাদ মহারাজ আদিশুরের নিকট জ্ঞাপন করিলে তিনি স্বীয় জন্ম সার্থক মনে করিলেন এবং আনন্দে

দূতকে স্বীয় কাঞ্চনময় হার পারিতোষিক প্রদান করিলেন। অন-
ন্তর ভূপতি বিজয়নগরের নিমিত্ত বহির্গত হইয়া দেখিলেন ভ্রাম্বণগণ
সৈনিকবেশধারী, ভ্রাম্বণের বেশ-ভূষার চিরুমাত্র তাঁহাদিগের নাই;
তখন বিস্মিত চিত্তে এ কি, এ কি, বলিয়া অন্তঃপুরে প্রবেশ করি-
লেন। এদিকে ভ্রাম্বণগণ রাজাকে না দেখিয়া সহসা তাঁহাদিগের
হস্তস্থিত দুর্কা ও অকত স্তম্ভকাষ্ঠের মৌলিদেহে স্থাপনপূর্বক আশী-
র্বচন উচ্চারণ করিবামাত্র উহাতে অঙ্গুর দৃষ্ট হইল। দূত এই
অদ্ভুত ব্যাপার দেখিয়া উচ্চশ্বাসে রাজাকে সংবাদ দিয়া বলিল;
যথা,—

“আয়াতা ভ্রাম্বণরূপাঃ ক্ষিত্তিবিবুধবরাঃ পঞ্চ কোলাকদেশাৎ
সোক্ষীযাঃ শ্মশ্রুযুক্তাঃ ধনুরপি সশরাঃ পৃষ্ঠদেশে দখনাঃ।
তেষামাশীঃপ্রভাবাৎ ক্ষণমপি কঠিনাধকুরাণাং সমুহঃ
শুকস্তম্ভাদকস্মাৎ সমজনি পরিতশ্চিত্তমেতদ্ব্যলোকি ॥”

অর্থাৎ, মহারাজ! অতীব আশ্চর্য্য দর্শন করিলাম, যে পাঁচজন
ভ্রাম্বণ কাঞ্চকুজ হইতে আগমন করিয়াছেন, তাঁহারা সাক্ষাৎ ভ্রাম্ব-
রূপ, তাঁহাদিগের শিরোদেশে উক্ষীণ, মুখমণ্ডলে শ্মশ্রু ও পৃষ্ঠদেশে
সশর ধনুঃ; তাঁহাদিগের আশীর্বচনের প্রভাবে ক্ষণকাল মধ্যে শুক
স্তম্ভকাষ্ঠের চতুর্দিকে অকস্মাৎ অঙ্গুরসমূহ উৎপন্ন হইল।

রাজা এই অদ্ভুত ব্যাপার শুনিয়া স্তম্ভিত ও ভীত হইলেন এবং
তৎক্ষণাৎ স্তম্ভসমীপে আসিয়া শুক স্তম্ভ অঙ্গুরিত দেখিয়া অপ-
রাধীর স্তায় ভ্রাম্বণগণের চরণে নিমগ্ন হইয়া দক্ষা ভিক্ষা করিলেন;
এইরূপে তাঁহাদিগকে প্রসন্ন করিয়া বিনীত ভাবে বলিলেন, আপনারা
দয়া করিয়া য য যোত্রনামাদি পরিচয় দিয়া আমাকে কৃতার্থ করুন।
রাজা এইরূপ প্রার্থনা করিলে তন্মধ্যে একজন পরিচয় দিয়া বলিতে
লাগিলেন; যথা,—

“ইতি রাজগিরিঃ শ্ৰুত্বা ক্ষিত্তীশস্তম্ভবাত হ।
শান্তিলাগোত্রজাতোহহং ক্ষিত্তীশ ইতিনামকঃ ॥
ঐতরায় ইতিখ্যাত এষ কাঞ্চপগোত্রজঃ।
অসৌ সুধানিধিনারা বাসুগোত্রসমুদ্ভবঃ ॥
ভারবাজগোত্রজোহসৌ মেধাতিথিরিতিস্মৃতঃ।
সাবর্ণগোত্রজোহসৌতু সৌভরিরিতি বিশ্রুতঃ ॥
কাঞ্চকুজেশ্বরাদেশাদু বয়ং পঞ্চ বিজ্ঞা নৃপ।
ভবতাস্ত মথং কঠুমাগতা গৌড়মণ্ডলে ॥”

অর্থাৎ, রাজার এই বাক্য শুনিয়া ক্ষিত্তীশ তাঁহাকে বলিলেন,
আমি শান্তিলাগোত্রজ, আমার নাম ক্ষিত্তীশ। ইনি কাঞ্চপগোত্রজ,
ইহার নাম বীতরায়। ইনি বাসুগোত্রজ, ইহার নাম সুধানিধি।
ইনি ভারবাজগোত্রজ, ইহার নাম মেধাতিথি। আর ইনি সাবর্ণগোত্রজ,
ইহার নাম সৌভরি। আমরা পাঁচ জন কাঞ্চকুজাধিপতির আদেশে
আপনার যজ্ঞসাধনের নিমিত্ত গৌড়মণ্ডলে সমাগত হইয়াছি।

ইহা শুনিয়া রাজা হর্ষপরিপ্লুত হইলেন এবং পাণ্ডাধিবারা
ভ্রাম্বণগণের অর্চনা করিয়া তাঁহাদিগকে মনোরম বাসস্থান প্রদান
করিলেন। অনন্তর রাজা শুভ দিনে সদক্ষিণ যজ্ঞ সমাপন করিয়া
ভ্রাম্বণগণের আদেশে পুস্তকাকর চরু-মহিষীকে প্রদান করিলেন।
বিজয়নগর এইরূপে আদিশুরের যজ্ঞ সমাধান করিয়া স্বদেশে প্রতিনিবৃত্ত
হইলেন; কিন্তু তাঁহাদিগের স্বদেশস্থ বিজয়নগর তাঁহাদিগকে বলিলেন,
আপনারা স্বদেশে গমন করিয়াছিলেন এবং অজ্ঞাত লোকের যাজ্ঞ
করিয়াছেন; এই হেতু আপনারা পতিত হইয়াছেন; অতএব আপ-
নার যদি পুনঃসংস্কাররূপ প্রায়শ্চিত্ত করতে পারেন, তাহা হইলে
আমরা আপনাদের সহিত ব্যবহার করিতে পারি, নতুবা নহে।
যখন পঞ্চ ভ্রাম্বণ দেখিলেন প্রায়শ্চিত্তব্যতিরেকে তাঁহাদিগের সহিত
ব্যবহার করিতে কেহই সক্ষম নহেন, তখন তাঁহারা ভার্গ্যাপূজাদি

ও পঞ্চ রক্ষকের সহিত পুনর্বীর বন্দনেশে প্রত্যাহৃত হইলেন। মহারাজ আদিশুর তাঁহাদিগের সমস্ত বিবরণ শুনিয়া অত্যন্ত ক্ষুব্ধ হইলেন এবং তাঁহাদিগের বাসের নিমিত্ত গন্ধাতীরের স্বরূপে পাঁচটি গ্রাম ও বিবিধ রত্ন প্রদান করিলেন। তৎস্বার্থবিচার এই প্রসঙ্গে বলিতেছেন, যথা,—

- “ক্ষিতীশায় ব্রহ্মপুরাং বীতরাগায় কামঠীম্।
বটগ্রামং সৌভরিণে দদৌ নরপতিস্তদা ॥
- মেধাতিথ্যভিধেয়ায় কঙ্কগ্রামং মনোরমম্।
তং সুধানিধয়ে চাপি হরিকোটমস্তুতমম্ ॥
- ক্ষিতীশাদিবিষ্টৈঃ সার্কমুগতাঃ পঞ্চ রক্ষকাঃ।
মকরন্দো দশরথঃ পুরুষোত্তম এব চ ॥
- কালিদাসো দাশরথিঃ সর্বৈ রাক্ষসখর্ষিণঃ।
তেষাং প্রার্থনয়া ভূমিং দদৌ বাসায় ভূপতিঃ ॥”

অর্থাৎ, তখন নরপতি ক্ষিতীশকে ব্রহ্মপুরী, বীতরাগকে কামঠী, সৌভরিকে বটগ্রাম, মেধাতিথিকে মনোর কঙ্কগ্রাম, এবং সুধানিধিকে কমনীয় হরিকোট প্রদান করিলেন। ক্ষিতীশাদি দ্বিজগণের সহিত পঞ্চ রক্ষক আসিয়াছিলেন; তাঁহাদিগের নাম মকরন্দ, দশরথ, পুরুষোত্তম, কালিদাস ও দাশরথি; তাঁহারা সকলেই ক্ষত্রিয়গণী। তাঁহাদিগের প্রার্থনায় রাজা তাঁহাদিগকেও বাসের নিমিত্ত ভূমি প্রদান করিলেন।

✚ কিছুকাল অতীত হইলে আদিশুর পরলোক গমন করিলেন, তদীয় পুত্র ভৃশুর পিতৃরাজ্যে অভিষিক্ত হইলেন। অনন্তর মগধেশ্বর ধর্মপাল তাঁহাকে পৌণ্ড্রবর্ধন (গৌড় রাজধানী) হইতে বিতাড়িত করিলেন। এইরূপে ভৃশুর বরেন্দ্রভূমি পরিত্যাগ করিয়া রাঢ়দেশে আগমন করিলেন এবং তথায় স্বৃঢ় দুর্গ নির্মাণ করিয়া বাস করিতে

মাগিলেন। “এদিকে কাশ্যকুজাগত পঞ্চ ব্রাহ্মণের তেইশটি পুত্র হইয়াছিল। কুলতৎস্বার্থে এইরূপ বর্ণিত আছে; যথা,—

“ভট্টনারায়ণো দামোদরঃ সৌরিস্তত্বেব চ।
বিশ্বেশ্বরঃ শঙ্করশচ পঞ্চৈতে তু দ্বিতীশজাঃ ॥
দক্ষঃ সুষেণোভামুশচ কৃপানিধিরথাপরঃ।
বীতরাগশচ তনয়া এতে বৈ বেদসংখ্যকঃ।
সুধানিধিস্ততো দ্বৌতু স্রীচ্ছান্দড়ধরাধরৌ।
শ্রীহর্ষৌ গৌতমশ্চৈব শ্রীধরঃ কৃষ্ণ এব চ ॥
শিবোদ্ভুগিরবিশ্বেশব শশীশ্চৈতে দ্বিজোত্তমাঃ।
মেধাতিথ্যভিধেয়শচ দ্বিজসৌবাসুসূনবাঃ ॥
বেদগর্ভোরত্নগর্ভঃ পরাশরমহেশ্বরৌ।
চত্বারস্তনয়া এতে সৌভরেন্ত মধীশ্বনঃ ॥
তপোবিদ্যাশুগৈঃ সর্বৈ পিতৃতুল্যা দ্বিজোত্তমাঃ।
ভট্টনারায়ণো দক্ষস্ছান্দড়ো হর্ষসংজ্ঞকঃ ॥
বেদগর্ভৌ দ্বিজাশ্চৈতে সহ ভৃশুরভৃত্তা।
পূর্ববাসস্ত সম্ভ্রাজ্য রাঢ়দেশমুপাগতাঃ ॥
ভট্টনারায়ণাদীনাং বাসার্থং স্থানমেব চ।
দদৌ বহুনি রত্নানি ভৃশুরোনৃপসত্তমঃ ॥
রাঢ়দেশে ক্রুতে বাসে তে দ্বিজাঃ পঞ্চসংখ্যকঃ।
রাঢ়ীয়া ইতি বিখ্যাতা দেশনামাত্মসারতাঃ ॥
দামোদরাদয়ো য়েতু পূর্ববাসং ন ততাজুঃ।
বরেন্দ্রদেশবাসিত্বাতে বায়েন্দ্রা ইতি স্মৃতাঃ ॥”

অর্থাৎ, ভট্টনারায়ণ, দামোদর, সৌরি, বিশ্বেশ্বর ও শঙ্কর এই পাঁচজন ক্ষিতীশের পুত্র; দক্ষ, সুষেণ, ভামু ও কৃপানিধি, এই চারিজন বীতরাগের পুত্র; ছান্দড় ও ধরাধর এই দুইজন সুধানিধির

পুত্র : শ্রীহর্ষ, গৌতম, শ্রীধর, কৃষ্ণ, শিব, দুর্গা, রবি ও শশী, এই আটজন মেধাতিথির পুত্র এবং বেদগর্ভ, রত্নগর্ভ, পরাশর ও মহেশ্বর, এই চারিজন মহাঋষী সৌভরির পুত্র। ইঁহারা সকলেই তপস্কা, বিদ্যা ও সদগুণে পিতৃতুল্য। (ইঁহাদিগের মধ্যে) ভট্টনারায়ণ, দক্ষ, ছান্দড়, শ্রীহর্ষ ও বেদগর্ভ, এই পাঁচজন পূর্ববাস পরিত্যাগ করিয়া ভূশুর নৃপতির সহিত রাত্নদেশে আগমন করিলেন। মহা-রাজ ভূশুর ভট্টনারায়ণ প্রভৃতিকে বাসের নিমিত্ত স্থান ও বহু রত্ন প্রদান করিলেন। এই পাঁচজন ভ্রাঙ্গন রাত্নদেশে বসতিহেতু দেশের নামানুসারে রাঢ়ীয় বলিয়া খ্যাতিলাভ করিলেন; কিন্তু দামোদর প্রভৃতি (অন্য ভ্রাতৃগণ) যঁহারা পূর্ববাস পরিত্যাগ করিলেন না, তাঁহারা বারেন্দ্রদেশে বাসহেতু বারেন্দ্র নামে খ্যাত হইলেন।

এক্ণে কুলতর্ঘাণবৈ বর্ণিত কাঙ্ক্ষকুজাগত পঞ্চ ভ্রাঙ্গণের ইতিবৃত্ত হইতে যে একটি অভিনব বিষয় আমরা দেখিলাম, তাহা কিঞ্চিৎ আলোচনা করিয়া দেখা যাউক। এদেশে প্রসিক্তি আছে যে, ভট্ট-নারায়ণাদি পঞ্চ ভ্রাঙ্গন কাঙ্ক্ষকুজ হইতে বন্দদেশে আগমন করিয়া-ছিলেন; কিন্তু এই-প্রসিক্তিহেতু একটি সহজ বিষয় জটিল হইয়া পড়িয়াছিল, এক্ণে কুলতর্ঘাণবৈর ইতিবৃত্ত তাহার সুন্দর নীমাংসা করিয়া দিল। বিষয়টি বিবৃত করিয়া বলিতেছি। শাণ্ডিল্যগোত্রজ রাঢ়ীয় ভ্রাঙ্গণগণের আদিপুরুষ ভট্টনারায়ণ, বারেন্দ্রগণের আদিপুরুষ নারায়ণভট্ট। ভরবাজগোত্রে রাঢ়ীয়মতে আদিপুরুষ শ্রীহর্ষ, বারেন্দ্র-মতে গৌতম; কাঙ্ক্ষপগোত্রে রাঢ়ীয়মতে আদিপুরুষ দক্ষ, বারেন্দ্র-মতে সুষেণ। বাৎস্যগোত্রে রাঢ়ীয়মতে আদিপুরুষ ছান্দড়, বারেন্দ্র-মতে ধরাধর। সার্বংগোত্রে রাঢ়ীয়মতে আদিপুরুষ বেদগর্ভ, বারেন্দ্রমতে পরাশর। যদি রাঢ়ীয় ও বারেন্দ্রগণ কাঙ্ক্ষকুজাগত ভ্রাঙ্গণপঞ্চকের বংশধর হন, তাহা হইলে তাঁহাদিগের আদিপুরুষ ভিন্ন হইতে পারে না। এই বিষয় নীমাংসা করিতে গিয়া কেহ কেহ অনুমানের আশ্রয় গ্রহণ করিয়াছেন; কিন্তু কুলতর্ঘাণবৈর ইতিবৃত্ত পাঠ করিলে এবিষয়ে

অনুমাত্র জটিলতা থাকে না। পূর্ববোদ্ধৃত অংশে দেখিতে পাওয়া যাইতেছে যে, বারেন্দ্রমতে আদিপুরুষ গৌতম, রাঢ়ীয়মতে আদিপুরুষ শ্রীহর্ষের ভ্রাতা; বারেন্দ্রমতে আদিপুরুষ সুষেণ, দক্ষের ভ্রাতা; বারেন্দ্রমতে আদিপুরুষ ধরাধর, ছান্দড়ের ভ্রাতা; বারেন্দ্রমতে আদি-পুরুষ পরাশর, বেদগর্ভের ভ্রাতা। রাঢ়ীয়মতে আদিপুরুষ ভট্টনারা-য়ণের চারি ভ্রাতার নাম দামোদর, সৌরি, বিশ্বেশ্বর ও শঙ্কর। ইঁহাদিগের মধ্যে কোন ভ্রাতা নারায়ণভট্ট নামেও প্রসিক্তি ছিলেন বলিয়া বোধ হইতেছে; এক ব্যক্তির দুই নাম একান্ত বিরলুনাহে। চারিজনদের সন্মুখে কিছুমাত্র বৈসাদৃশ্য নাই দেখিলে একজনের সন্মুখে এইরূপ সিদ্ধান্ত অনিবার্য হইয়া পড়ে। ভট্টনারায়ণ প্রভৃতি কাঙ্ক্ষ-কুজ হইতে আসিয়াছিলেন, এই ভ্রাতৃ প্রসিক্তিকে কটাক্ষ করিয়া মূলো পঞ্চানন বলিতেছেন; যথা,—

“হাত ঘুরাইয়ে মূলো বলে জেনো নাহি জুলো,

তাদের আগে আসে অত্র পিতা।

এসব হরিমিশ্রের

আর যে এড়মিশ্রের

পুঁথি দেখে ভাটের লেখা কথা।”

পূর্ববোদ্ধৃত প্রমাণে স্পষ্টই প্রতীতি হইতেছে যে, বসন্ত : ভট্ট-নারায়ণাদি পাঁচজন ভ্রাঙ্গন ভূশুরের সহিত রাত্নদেশে আগমন করেন, কালক্রমে এই ঘটনা বিস্তৃত হওয়ায় তাঁহারা ই কাঙ্ক্ষকুজ হইতে প্রথম আসিয়াছিলেন, এই ভ্রাতৃ মত প্রচারিত হইয়াছে। এই প্রসঙ্গে আর একটি বিষয়ের অবতারণা করা সমীচীন বোধ হইতেছে। পূর্বের উদ্ধৃত শ্লোকে দেখা যাইতেছে যে, কাঙ্ক্ষকুজাগত পঞ্চ ভ্রাঙ্গণের সহিত যে পাঁচজন আসিয়াছিলেন, তাঁহারা তাঁহাদিগের রক্ষক, তাঁহারা সকলেই দম্ভিয়ধর্মী। তাঁহারা বর্ষীয় প্রধান কায়স্থগণের আদিপুরুষ। কোন কোন মিশ্রগ্রন্থে তাঁহারা দাম বা ভূত্য শব্দে অভিহিত

হইয়াছেন। ইহাতে কোন অসামঞ্জস্য লক্ষিত হইতেছে না। যদি কোন রাজার ক্ষত্রিয় অঙ্গরক্ষক থাকে, তাহাকে রাজভৃত্য বলিলে কোন খোঁষ হয় না। ভৃত্য শব্দের নীচ ভৃত্য অর্থ করিলেই গোপ-
যোগ হয়। আর এক কথা, যে মহাতেজস্বী ব্রাহ্মণগণ শুক কার্তিকে
অমুরিত করিয়াছিলেন, তাঁহাদিগের ব্রহ্মভক্তের নিকট ক্ষত্রিয়বল
অনন্ত হইলেই তাহা গৌরবের কারণ হয়, বরং ওঙ্কতাই হীনতা
সূচনা করে; সুতরাং কার্যস্বগণ যে অজ্ঞাপি দাস-বলিয়া পরিচয় দেন,
তাহাতে তাঁহাদিগের ব্রাহ্মণ-ভক্তিরূপ অতীত গৌরবই সমুজ্জ্বল হইয়া
উঠে। কার্যস্বগণ কি বিশিষ্ট কারণে ও কোন সময়ে তাঁহাদিগের
ক্ষত্রিয় আচার পরিভ্যাগ করিয়া শূদ্রাচার গ্রহণ করিলেন এ লুটিল
বহুস্তভেদ করিতে আমি একান্ত অক্ষম। কেহ কেহ বলেন তাঁহারা
ত্রৈত্যযুগে পরশুরামের ভয়ে শূদ্রাচার গ্রহণ করিয়াছিলেন; এ
সিদ্ধান্ত করিলে তাঁহারা রাজস্বয়ম্বী হইয়া এদেশে আসিয়াছিলেন এ
কথার সহিত বিরোধ ঘটে। স্বতরাং প্রত্নতত্ত্ববিৎ মহাশয়দিগের হস্তে
এই প্রশ্নের সীমাংসার ভার দিয়া নিরুক্তি লাভ করিলাম।

এক্ষণে প্রস্তত বিষয়ের অমুসরণ করি। ভৃশুরের মৃত্যুর পর
ক্ষিত্রিশুর পিতৃরাজ্যে প্রতিষ্ঠিত হইলেন। তাঁহার পিতা বরেন্দ্রভূমি
হইতে ভট্টনারায়ণাদি যে পুত্র ব্রাহ্মণ আনিয়াছিলেন, তাঁহাদিগের
ছালামটি পুত্র হইয়াছিল। মহারাজ ক্ষিত্রিশুর তাঁহাদিগের বিজা-
ব্রাহ্মণ্যামুসারে তাঁহাদিগের বাসের নিমিত্ত ছালামটি গ্রাম প্রদান করি-
লেন। ব্রাহ্মণেরা গ্রামের নামামুসারে 'গ্রামী' এই সংজ্ঞা প্রাপ্ত
হইলেন। কুলতর্ঘার্ণবে; যথা,—

“যটপকাশংসুগ্রামেশু কৃত্যে বাসে চ তৈদিবৈজঃ ।

গ্রামীতিসংজ্ঞাং তে প্রাপু গ্রামিনামামুসারতঃ ॥”

অর্থাৎ, সেই ব্রাহ্মণেরা ছালামটি হ্রস্বর গ্রাম পাইয়া তথায়

বাস করিলে পর গ্রামিনামামুসারে 'গ্রামী' এই সংজ্ঞা প্রাপ্ত
হইলেন।

ক্ষিত্রিশুর পরলোক গমন করিলে তদীয় পুত্র মহীশুর রাজা হইয়া
পিতা ও পিতামহের অমৃত্যুত পদ্ধতিক্রমে ব্রাহ্মণগণের পালন করিতে
লাগিলেন। তাঁহার মৃত্যুর পর পুথীশুর রাজা হন; তিনিও বেদ-
বিজ্ঞাবিশারদ ব্রাহ্মণগণের পালন করিয়াছিলেন। তাঁহার আস্তে
তদীয় পুত্র ধরশুর সিংহাসনে অধিরোধ করিলেন। তিনি দেখিলেন
ব্রাহ্মণগণের ব্রহ্মকর্মের অর্থাৎ বেদোদিত কর্মামুষ্ঠানের ব্যতিক্রম ঘটি-
য়াছে। এই নিমিত্ত তিনি ব্রাহ্মণগণকে আহ্বান করিয়া বিধিবৎ
অর্কুনাপূর্বক তাঁহাদিগের পরীক্ষা করিলেন এবং কুলাটল ও সৎ
শ্রোত্রিয় এই দুইভাণ্ডে বিভক্ত করিলেন। অনন্তর ধরশুরের
কোকাস্তে তদীয় পুত্র চন্দ্রশুর রাজা হইলেন এবং চন্দ্রশুরের মৃত্যুর
পর তদীয় পুত্র সোমশুর পিতৃরাজ্যে প্রতিষ্ঠিত হইলেন। সোমশুর
(অপুত্রক) ছিলেন; তিনি পরলোক গমন করিলে ব্রাহ্মণসেন তদীয়
সিংহাসনে আরোহণ করেন। ব্রাহ্মণসম্বন্ধে কুলতর্ঘার্ণবে এইরূপ
লিখিত আছে; যথা,—

“পুত্রহীনঃ স নৃপতিঃ কালে পঞ্চমমাগতে ।

ব্রাহ্মণসেনসংজ্ঞস্ত তস্ত রাজ্যে নৃপোভবৎ ॥

মহাবলপরাক্রান্তো রাজনীতিনিশারদঃ ।

দেবব্রাহ্মণভক্তস্ত সদা ধর্মপরায়ণঃ ॥

দাতা চ বিনয়ী শাস্তঃ সর্বশাস্ত্রেসু পণ্ডিতঃ ।

স্বায়মার্গামুসারেণ সদাহাজ্যমপালয়ৎ ॥”

কাজ্যকুজাঘরান বিপ্রান্ দৃষ্ট্যচাতিগুণোত্তমান্ ।

আদিশুরস্ত নৃপতের্বেশামুষ্ঠানিবারিতান্ ॥

আদিশুরস্ত বশসঃ পশ্চাদ্বর্গিত্ব যশো মম ।

যথা ক্রমাৎ সত্যং গেহে ভবতত্ত্ববিদধামাছম ॥

ইত্যেকদৈব সক্ষিস্তা বলাসো বৈদ্যবংশজঃ ।
কৃতপ্রতিজ্ঞোহভবদ্বিজ্ঞানাং কুলবন্ধন ॥”

অর্থাৎ, অপরূক নরপতি সোমশুর কালক্রমে পঞ্চবংশীয় হইলে
বলাসেনে তদীয় রাজ্যে রাজ্য হইলেন । তিনি পরাক্রান্ত, রাজ-
নাতিজ্ঞ, দেবব্রাহ্মণভক্ত, দার্শনিক, দাতা, বিনয়ী, শান্ত, ও সর্বশাস্ত্রে
পণ্ডিত ছিলেন এবং ছায়ামুসারে সর্বদা রাজ্যপালন করিতেন ।
ইনি বৈদ্যবংশোদ্ভব ছিলেন । বলাসেনে দেখিলেন কাছকুজাগত
ব্রাহ্মণগণের বংশধরগণ অতি গুণবান, তাঁহারা যেন আদিশুর নৃপতির
মুর্তিমান বংশোদ্ভব বিরাজ করিতেছেন । ইহা দেখিয়া তাঁহার মনে
একটি ইচ্ছার উদ্রেক হইল । তিনি মনে করিলেন আদিশুরের
কীর্তির পশ্চাদ্বর্তিনী হইয়া আমার কীর্তি যাহাতে ক্রমে সজ্জন-
গণের গৃহে বিস্তৃত হয়, আমাকে তাহা করিতে হইবে । একদা
এইরূপ চিন্তা করিয়া তিনি ব্রাহ্মণগণের কুলবন্ধনে কৃতপ্রতিজ্ঞ হইলেন ।

এতদ্বারা সশ্রমণ হইতেছে যে, বলাসেনে বৈদ্যবংশে জন্মিয়া-
ছিলেন । বিজয়সময়ের যে ত্রাশ্বাসন আবিস্কৃত হইয়াছে, তাহাতে
জানা যায় যে, বলাস শুরবংশের দৌহিত্র ছিলেন ; সুতরাং তিনি
সোমশুরের কন্যা বা ভগিনীর পুত্র ছিলেন, ইহাই সম্ভব বলিয়া
বোধ হয় । অনন্তর বলাসেনে ব্রাহ্মণদিগকে ডাকিয়া তাঁহাদিগের
গুণদোষের বিচার করিয়া মুখ্য কুলীন, গৌণ কুলীন ও শ্রোত্রিয় এই
তিন ভাগে বিভক্ত করিলেন । যাঁহারা আচারাদি নবগুণসম্পন্ন,
তাঁহারা মুখ্য কুলীন, যাঁহারা পূর্ণমাত্রায় গুণসম্পন্ন নহেন, তাঁহারা
গৌণ কুলীন, এবং যাঁহারা গুণদোষবিশিষ্ট, তাঁহারা শ্রোত্রিয় হই-
লেন । যে সকল শ্রোত্রিয়ের অল্প দোষ ও বহু গুণ ছিল,
তাঁহারা শুদ্ধ শ্রোত্রিয় এবং যে সকল শ্রোত্রিয়ের গুণ অল্প কিন্তু
দোষের বাহুল্য ছিল, তাঁহারা কষ্ট শ্রোত্রিয় নামে অভিহিত হই-
লেন । এইরূপে মহারাজ বলাসেনে বাইশ গ্রামী ব্রাহ্মণকে কুলীন

করিয়া অর্চনাপূর্বক তাঁহাদিগকে সহর্থে ত্রাশ্বাসন প্রদান করিলেন ।
কিছুদিন গত হইলে মহারাজ পুনর্বীর বাইশ গ্রামী ব্রাহ্মণদিগের মধ্যে
বন্দ্য, মুখোষ্ঠী, গান্ধলি, কাজি, কুন্দ, পুতি, ঘোষাল ও চট্ট এই
আটগ্রামী ব্রাহ্মণদিগকে মুখ্য কুলীন করিলেন । এইরূপে কিছুকাল
অতীত হইলে বলাস ভূপতি চিন্তা করিলেন, আমি যে আটগ্রামী
ব্রাহ্মণদিগকে মুখ্য কুলীন করিয়াছিলাম, তাঁহারা একদে কে কিরূপ
আচরণ করিতেছেন । এইরূপ চিন্তা করিয়া রাজা পুনর্বীর ব্রাহ্মণ-
দিগকে আনাইয়া যাঁহাদিগকে দোষযুক্ত দেখিলেন, তাঁহাদিগকে
উপেক্ষা করিলেন ; তাঁহারা অবনতকুল হইলেন । যাঁহারা বৈধ ও
অবৈধ মিশ্র আচরণ করিতেছিলেন, তাঁহারা গৌণ কুলীন হইলেন
এবং যাঁহারা সদাচারমাত্রনিরত ছিলেন, তাঁহারা মুখ্য কুলীন হইলেন ।
১০৯৭ শাকে (১১৭৫ খৃঃ) এই কুলবন্ধন সম্পন্ন হয় । কুল-
ভঙ্গার্ণবে ; যথা,—

“মুখ্যগৌণাবরকৈব চকার স ত্রিধা কুলম্ ।
শাকে সপ্তাঙ্কশুশ্চেন্দুমিতে নরপতিঃ স্বয়ম্ ॥”

এইরূপ কুলনির্ধারণ করিয়া ভূপতি বলাসেনে ব্রাহ্মণদিগকে
গো, ভূমি, স্বর্ণ ও বস্ত্রাদি দান করিয়া পরিতুষ্ট করিলেন । অনন্তর
কিয়ৎকাল অতীত হইলে রাজা একটি সুমহান যজ্ঞ অনুষ্ঠান করি-
লেন এবং যজ্ঞান্তে একটি স্বর্ণময়ী ধেনু দক্ষিণা প্রদান করিলেন ।
পঁচিশজন ব্রাহ্মণ সেই ধেনুটিকে খণ্ড খণ্ড করিয়া ভাগ করিয়া লইলে
রাজা ক্রুদ্ধ হইয়া তাঁহাদিগকে কুল হইতে বহিষ্কৃত করিলেন এবং
পুত্র লক্ষণসেনকে ডাকিয়া উপদেশ দিলেন ; যথা,—

“আত্ময় তং সমং পুত্রং লক্ষণং প্রভূবাচ সঃ ।
শুণু পুত্র ময়া যদ্যৎকৃতং কার্য্যক সাশ্রিতম্ ॥
তন্তং সর্বং সমালোক্য বিচার্য চ পুনঃ পুনঃ ।
বিজ্ঞানাং কুলচর্যা চ সদা কার্য্যায়সা মুহঃ ॥”

“ততো বল্লালসেনস্ত পুত্রং লক্ষ্মণসেনকং ।
পুনঃপুনরুবাচেষং শুধু বৎস সমাহিতঃ ॥
রক্ষিতব্যং হুয়া নুনং কুলীনানাং কুলং সদা ।
কুলপ্রথা চেক্ষিতব্যাময়া যা যথধারিতা ॥”
“এবমুক্তা হুতং রাজা ক্ষিতীশাধিবিজয়নাম্ ।
পূর্ব্বাপরাণাং বংশানাং নামানি সংনিবেশ্চ চ ॥
কুলগ্রন্থমরচয়ৎ শাক্যহরিশ্চেন্দ্রপ্রসে ॥”

অর্থাৎ, তিনি আক্ষয়দশ পুত্র লক্ষ্মণকে ডাকিয়া বলিলেন, পুত্র! আমার বাক্য শ্রবণ কর; আমি এক্ষণে যে যে কার্য্য করিলাম, তুমি সেই সমস্ত আলোচনা ও পুনঃ পুনঃ বিচার করিয়া ত্রাঙ্ক্ষণদিগের কুল-চর্চ্চা মুহুমুহুঃ করিবে ।

অনন্তর বল্লালসেন পুত্র লক্ষ্মণসেনকে ‘পুনঃ পুনঃ বলিতে লক্ষ্মণ-লেন, বৎস! শ্রবণ কর; তুমি সাবধানে সর্ব্বদা কুলীনগণের কুল-রক্ষা করিবে এবং আমি যে কুলপ্রথা নির্দ্ধারণ করিয়া দিয়াছি, তাহার প্রতি দৃষ্টি রাখিবে ।

রাজা পুত্রকে এইরূপ উপদেশ দিয়া ক্ষিতীশ প্রভৃতি ত্রাঙ্ক্ষণগণের পূর্ব্বাপর বংশধরদিগের নাম সন্নিবেশ করিয়া ১১০৩ শাকে (১১৮১খৃঃ) একখানি কুলগ্রন্থ রচনা করিলেন ।

এইরূপে কিয়ৎকাল গত হইলে বল্লালসেন পরলোক গমন করিলেন । লক্ষ্মণসেন পিতৃনিঃসঙ্গনে আরোহণ করিলেন । তাঁহার পিতা বল্লালসেনে জাহ্বলন প্রভৃতি উনিশ জন ত্রাঙ্ক্ষণকে কুলীনদে প্রতীক্ষিত করিয়াছিলেন । এক্ষণে তাঁহারা স্ব স্ব প্রাধাত্য খ্যাগন করিয়া পরস্পর বিবাদে প্রবৃত্ত হইলেন । এই কলহ-বৃত্তান্ত মহারাজ লক্ষ্মণের প্রতিগোচর হইলে তিনি পিতৃনির্দ্ধিত কুলকে চারিভাগে বিভক্ত করিয়া বিবাদের মীমাংসা করিয়া দিলেন । তিনি প্রথমতঃ বংশপরিবর্ত্ত দেখিলেন, অর্থাৎ কুলীন কন্ধ্যাটি বাঁহার গৃহে প্রবৃত্ত

হইয়াছে, তাঁহার গৃহ হইতে কন্ধ্যা গ্রহণ করা হইয়াছে কি না । দ্বিতীয়তঃ বংশের বলাবল দেখিলেন, অর্থাৎ কে কি প্রকার উচ্চ বা নীচ বংশে আদানপ্রদান করিয়াছেন, তাহা নির্দ্ধারণ করিলেন । তিনি কুলীনদিগের আর্চ্চিত, কেম্মা ও মধ্যাংশাদি পঞ্চদশ প্রকার অংশ বা ভাব নিরূপণ করিলেন । অনন্তর দুইবার সমীকরণ করিলেন, অর্থাৎ কুলীনগণের আচারাদি গুণধারা মর্যাদার সমতা নির্দ্ধারণ করিলেন । প্রথম সমীকরণে উৎসাহের পুত্র আহিতাদি সাতজন ত্রাঙ্ক্ষণ ও দ্বিতীয় সমীকরণে অরবিন্দ প্রভৃতি চৌদ্দ জন ত্রাঙ্ক্ষণ সমতাহেতু কুলীনদে প্রতীক্ষিত হইলেন । মহারাজ লক্ষ্মণসেন এই একুশ জন ত্রাঙ্ক্ষণকে বিশেষরূপে পূজা করিলেন ।

• শ্রীকুম্ভবজ্জু চট্টোপাধ্যায় ।

স্বর্গরাজ্য

ধর্ম্মী হইবে স্বর্গরাজ্য!—একি, মা, সুপ্র, সত্য নয়!
সে প্রেম আজি কি হৃষ্টি-মায়া, যে প্রেম করিবে বিশ্ব-জয়!
যুগে যুগে তবে কিসের লাগিয়া সহিল ভক্ত অশেষ ক্লেশ,
শক্তি-দম্ব নাচিবে তাঁপৈ, ধর্ম্মের রবে ছিন্ন বৈশ!
নৃতন শক্তিমন্ত্রে দীক্ষা, নৃতন কর্ম্ম, নৃতন জ্ঞান,
নৃতন সাধনা,—নৃতন বিদানে জগৎ লভিবে নৃতন প্রাণ ।

তোমার পতাকা ছিন্ন-ভিন্ন, ধূলয়, সূটােবে গরিয়া তার,
তোমার নামের মহিমার গানে, এ মহাশ্মশান জাগেনা আর ।

এস, মা, বীর্ঘ্য-সিংহ আরোহি, হাস, মা, শুভদে, নাশির ভয় !
 অমল-আনন-আভায় ধরায় হউক পুণ্য প্রভাতোদয় !
 নৃতন শক্তিমন্ত্রে দীক্ষা, নৃতন কর্ম, নৃতন জ্ঞান,
 নৃতন সাধনা,—নৃতন বিধানে জগৎ লভিবে নৃতন প্রাণ ।

আত্মক প্রেয়স ঝটিকা ঝড়া, রক্ত-চরণ-মরণ ভয়,
 আসিবে মিলন শাস্তি-আলোকে, এ আঁধার ঘোর কিছুই নয় !
 কর্মে পাষেয় তব শুভাশিষ্য, মর্মে দিয়া মুরতি খানি,
 বিপদে বর্ম স্নেহের পরশ, ধর্মে তোমার আদেশ বাণী !
 নৃতন শক্তিমন্ত্রে দীক্ষা, নৃতন কর্ম, নৃতন জ্ঞান,
 নৃতন সাধনা,—নৃতন বিধানে জগৎ লভিবে নৃতন প্রাণ ।

উজলি আঁধার উদিকে আলোক, স্বার্থ চূর্ণ হইবে ক্রমে,
 ভূতল উঠিবে স্বর্গ-ভুবনে, স্বর্গ ভূতলে আসিবে নেমে !
 এ নৃগ-ধর্ম, এ নব-যজ্ঞ—মুছাবে সবার অশ্রুণীর,
 সম্বয়ের অমৃত-রসে জুঁচিবে লজ্জা শতাবীর !
 নৃতন শক্তিমন্ত্রে দীক্ষা, নৃতন কর্ম, নৃতন জ্ঞান,
 নৃতন সাধনা,—নৃতন বিধানে জগৎ লভিবে নৃতন প্রাণ ।

শ্রীপুলকচন্দ্র সিংহ ।

মধুসূদনের নাট্য-প্রতিভা

[বাঙ্গলা সাহিত্যে দৃশ্যকাব্য—মধ্যযুগ]

১৮৫৭-১৮৫৮ খৃষ্টাব্দে পাইকপাড়ার রাজভ্রাতৃত্বের রাজা প্রতাপচন্দ্রে এক ঈশ্বরচন্দ্রে ও মহারাজা স্তার যতীন্দ্রমোহন ঠাকুর কর্তৃক বেলাগাছিয়া নাট্যশালার প্রতিষ্ঠা বাঙ্গলা দৃশ্যকাব্যের ইতি-
 হাসে চিরস্মরণীয়। ১৮৫৭ খৃষ্টাব্দের মার্চ মাসে গুরিয়েন্টাল
 থিয়েটারের দুইজন অভিনেতার উদ্যোগে চড়কডাঙ্গার জয়রাম বসাক
 মহোদয়ের বাটীতে পণ্ডিত রামনারায়ণ তর্করত্ন প্রণীত কুলীনকুল-
 সর্কষ নাটক অভিনীত হয়। বিজ্ঞানন্দর অভিনয়ের পর বোধ হয়
 ইহাই প্রথম বাঙ্গলা অভিনয়। কুলীনকুলসর্কষ অভিনয়ের পর
 দিবস কলিকাতার তৎকালীন প্রসিদ্ধ ধনী খ্যাতনামা বাবু আশুতোষ
 দেবের (ছাত্তুবাবু) বাটীতে শুকুস্তলা নাটক অভিনীত হইয়াছিল।
 সেই বৎসর মহাভারতের লক্ষপ্রতিষ্ঠ অশ্ববাদক কালীপ্রসন্ন সিংহ
 মহোদয়ও তাঁহার বাটীতে বেণীসংহার নাটক অভিনয় করাইয়া-
 ছিলেন। বেণীসংহার অভিনয়ের আট মাস পরে সিংহ মহোদয়ের
 বাটীতে সমর্থক সমারোহের সখিত তাঁহার নিজের অশ্ববাদিত বিজ্ঞ-
 মোর্কশী নাটক অভিনীত হইয়াছিল। * * * * আশুতোষ
 বাবুর বাটীতে শুকুস্তলা অভিনয়ের সময় কলিকাতার অত্যাঁজ সর্দার
 ব্যক্তিগণের স্তায় রাজা প্রতাপচন্দ্রে, রাজা ঈশ্বরচন্দ্রে এবং বাবু
 (একদশে স্যার মহারাজা) যতীন্দ্রমোহন ঠাকুর উপস্থিত ছিলেন।
 পাশ্চাত্য নাটকের রসাবাদ করিয়া ইঁহার পূর্বে হইতেই নাটক-
 ভিনয়ের অনুরাগী হইয়াছিলেন। অভিনয় শেষ হইলে মহারাজা
 যতীন্দ্রমোহন রাজা ঈশ্বরচন্দ্রের নিকট প্রসঙ্গক্রমে বলিলেন,—
 “দেখুন, দুই এক দিনের আঘোদে এত অর্থ ব্যয় না করিয়া

স্বায়ীভাবে একটি নাট্যশালা সংস্থাপন করিতে পারিলে বোধ হয় অধিক উপকার হয়।" রাজা ঈশ্বরচন্দ্র ইহার পূর্ব হইতেই বাঙ্গলা নাটক অভিনয়ের উদ্যোগী ছিলেন। হুতরাং মহারাজা যতীন্দ্রমোহনের এই প্রস্তাব তাঁহার এবং তাঁহার জ্যেষ্ঠ ভ্রাতা প্রতাপচন্দ্র উভয়েরই বিশেষ মনঃপূত হইল। তাঁহাদিগের সহৃদয়গণও, সকলেই, এই প্রস্তাবে বিশেষ আনন্দ প্রকাশ করিলেন। ইহার কিছুদিন পূর্বে রাজারা ঘরকানাথ ঠাকুর মহাশয়ের বেলগাছিয়াস্থ সুন্দর উদ্যান ক্রয় করিয়াছিলেন। নাট্যশালা তথায় নির্মিত হওয়া স্থির হইলে রাজা ঈশ্বরচন্দ্র স্বয়ং নাট্যশালা নির্মাণের এবং আনুসঙ্গিক সমস্ত আয়োজন সংগ্রহের ভার গ্রহণ করিলেন।*

এইরূপে বাঙ্গলা দৃশ্যকাব্যের শৈশবলীলার সূতিকাগার বেলগাছিয়া নাট্যশালায় প্রতিষ্ঠা হইয়াছিল। নাট্যশালা প্রতিষ্ঠিত হইলে নাট্যকারের পোঁজ গড়িল এবং কুলীনকুলসর্বস্বেষে প্রথিতনামা রামনারায়ণ তর্করত্ন মহাশয় রত্নাবলী অবলম্বনে একথানা নাটক লিখিয়া দিবার ভার পাইলেন। যথাসময়ে (৩১শে জুলাই, ১৮৫৮ খৃঃ) মহাসমারোহে রত্নাবলীর অভিনয় হইয়া গেল। রত্নাবলী একরূপ জনপ্রিয় হইয়াছিল যে বেলগাছিয়া নাট্যশালায় ইহার তের চৌদ্দ বার অভিনয় হয়।

তৃতীয় ও চতুর্থ রজনীর অভিনয়ে ইংরেজ দর্শকগণ আমন্ত্রিত হইয়াছিলেন, এবং পদ্মান্ত ইংরেজ দর্শকসুন্দের অশু রত্নাবলীর ইংরেজী অনুবাদের প্রয়োজন হইয়াছিল। সে ভার পড়িল মধুসূদনের উপর। অনুকূল দৈবঘটনা ভিন্ন এই ব্যাপারকে আর কিছু বলিয়াই নির্দেশ করা যায় না; কারণ এই অনুবাদের ভার মধুসূদনের উপর না পড়িলে আমরা মধুসূদনকে মহাকবি মধুসূদনরূপে পাইতাম কি না

* শ্রীযুক্ত যোগীন্দ্রনাথ বসু প্রণীত মাইকেল মধুসূদন দত্তের জীবনচরিত — ৪র্থ সংস্করণ, ২১৩-২১৪ পৃষ্ঠা।

সন্দেহ। কৃতী পুরুষগণের জীবনে দেখা যায় যে সামান্য সামান্য ঘটনা তাহাদের রুদ্ধ কৃতিত্বের দ্বার খুলিয়া দিয়াছে। মধুসূদনের জীবনে রত্নাবলীর অনুবাদ তদনুরূপ ঘটনা। রত্নাবলীর অনুবাদ করিতে বসিয়াই মধুসূদন বুঝিলেন যে অনুরূপ বা শ্রেষ্ঠতর নাট্যকাব্য রচনা-শক্তি তাঁহার মধ্যে আছে। এইরূপে স্বপ্ন প্রতিভার উদ্বোধন সাধিত হইল এবং যে শক্তি Captive Ladyর বন্দিদার মোচন করিতে যাইয়া স্বয়ং বিজাতীয় ভাষা ও ভাবের শৃঙ্খলে বন্দী হইয়া পড়িয়াছিল, তাহা শঙ্কর-জটা-মুক্ত জাহবীর মত নূতন নূতন খাত কাটিয়া নব নব পথে প্রবাহিত হইতে লাগিল।

আত্মশক্তিতে দৃঢ় বিশ্বাস এবং তাহা প্রকাশ করিতে মিশা কৃত্রিম মস্কোচের অভাব মধুসূদনের চরিত্রের একটি মূল সূত্র। প্রত্যেক প্রতিভাবান লোকের চরিত্রেই এই বিশেষত্বটি দেখা যায়। জনসাধারণ ইহাকে সাধারণতঃ অহঙ্কার আখ্যা প্রদান করে। রত্নাবলী অনুবাদ-কালে রত্নাবলী নাটকের অসম্পূর্ণতা মধুসূদনের কবিত্বানুভূতিকে নিশ্চয়ই পীড়িত করিয়াছিল। হর্ষের রত্নাবলী নাটক হিসাবে বড় বেশী উচ্চ স্থান পাইবার উপযুক্ত নহে। সমস্তগুলি চরিত্রেই কেমন যেন ভৌতা ধরণের,—যেথেকে জীবনীশক্তির অভাবে লোকগুলি যেন চলিয়া চলিয়া বিমাইতে বিমাইতে অনিশ্চিত গতিতে জীবনের পথে চলিয়াছে। তাহার উপর নায়কের চরিত্র এমন অপূর্ণবোধিত যে পড়িতে পড়িতে হৃদয়ে যে বিকার হসের আবির্ভাব হয় তাহা জাগ্রত করা নিশ্চয়ই কবির অভিপ্রায়ের মধ্যে ছিল না। এই ত গেল আসলের অবস্থা। তর্করত্ন মহাশয়ের অনুবাদ আমরা দেখি নাই। কিন্তু তিনি যে হর্ষের উপর বিশেষ উন্নতি করিতে পারিয়াছিলেন, এমন মনে হয় না। তাই মধুসূদনের শুভাকাঙ্ক্ষী গৌরদাস বসাক মহাশয়কে মধুসূদন একদিন বলিয়াছিলেন যে, যে অকিঞ্চিৎকর নাটক-খানার অশু সিংহ-রাজভ্রাতৃদ্বয় এত অর্থব্যয় করিতেছেন তাহার চেয়ে ভাল নাটক চেষ্টা করিলে মধুসূদন নিজেই রচনা করিতে

পারেন। রিচার্ডসনের শিষ্য, ইংরেজীতে স্বপ্নদর্শনকারী, স্বপ্ন-পরিভাষী মধুসূদনের কথাটা তখন সকলেরই হাস্যজনক মনে হইয়াছিল, কিন্তু কিছুদিনের মধ্যেই যখন মধুসূদন শর্শিষ্ঠা নাটকের পাণ্ডুলিপি আনিয়া বন্ধুসমাজে দাখিল করিলেন, তখন ব্যঙ্গহাস্য আনন্দহাস্যে পরিণত হইয়া গেল। তাহার পর যখন ক্রান্তান্তিতে—“একেই কি বলে সভ্যতা”, “বুড় শালিকের ঘাড়ে হেঁরা”, ও “পদ্মাবতী” রচিত হইয়া গেল, তখন আর কোন সন্দেহেরই স্থান রহিল না। সাহিত্য-রসিক-গণ অকুণ্ঠিত চিত্তে স্বীকার করিতে লাগিলেন যে, অসাধারণ প্রতিভা লইয়া মধুসূদন বঙ্গসাহিত্য-ক্ষেত্রে অবতীর্ণ হইয়াছেন। তিলোত্তমা ও মেঘনাদবধ বাহির হইলে দেশের শ্রেষ্ঠ মনোবিগণ কেন, সামান্য লেখাপড়াজানা মুন্দি ময়রাগণও দেশের শ্রেষ্ঠ লেখক বলিয়া আঁদর করিয়া, মধুসূদনের নবরসপূর্ণ গ্রন্থাবলি পাঠ করিতে লাগিল। *

১৮৬০ খৃষ্টাব্দে কৃষ্ণকুমারী রচনার সঙ্গে সঙ্গে মধুসূদনের নাট্য-জীবন একরকম শেষ হইয়া যায়। মৃত্যুশয্যায় শায়িত অবস্থায় রচিত মায়-কানন তিনি সম্পূর্ণ করিয়া যাইতে পারেন নাই, ঋণ্ডিত কতক কতক অংশমাত্র রচনা করিয়াছিলেন। অপরে তাহা সংযুক্ত করিয়া প্রকাশিত করে। ইহা ব্যতীত “স্বভঙ্গ্যহারণ” “বিঘ্ন না ধনুশূন” ইত্যাদি নাট্য-চেষ্টা অধিকদূর অগ্রসর হইতে পারে নাই।

মধুসূদনের কবিপ্রতিভার মূল সূত্রগুলি অগ্রস্বন্দান করিয়া বাহির করিতে গেলে দেখা যায় যে স্বাধীনতা ও নব-স্বজনচেষ্টা তাহাদের মধ্যে প্রধানতম ও প্রবলতম,—আদি সাহিত্য-চেষ্টা শর্শিষ্ঠাতেই, তাহার এই দুইটি বিশেষ পূর্ণমাত্রায় দেখা দিয়াছিল। অবশ্য শর্শিষ্ঠাতে তিনি প্রতিজ্ঞাস্বরূপ সফলতা দেখাইতে পারেন নাই, কিন্তু শর্শিষ্ঠা রচনাকালেই যে স্বাধীনতা ও নব-স্বজনচেষ্টা সমস্তে তাঁহার হৃদয়ে জাগ্রত হইয়া উঠিয়াছিল, তাহাই পরবর্তী কালে অবচলিত ভাবে

* নীচনচরিত—৪৫ পৃষ্ঠা, ৪২শ পত্রের শেষ ৩

তাহার কবি-জীবনকে পরিচালিত করিয়া সফলতায় উত্তীর্ণ করিয়া দিয়াছে। শর্শিষ্ঠা রচনা করিলে পর মধুসূদনের কোন কোন ছিঁতৈবী বন্ধু প্রবীণ নাট্যকার রামনারায়ণকে দিয়া তাহা সংশোধিত করিয়া লইতে পরামর্শ দিয়াছিলেন। মধুসূদন এই পরামর্শ গ্রহণ করিয়া-ছিলেন, কিন্তু তর্করত্নের “পশুভী” সংশোধনে যে মধুসূদন বিশেষ খুসী হন নাই—তাঁহার জীবন-চরিতে প্রকাশিত ১৫শ পত্রই তাহার প্রমাণ।

পত্রখানি মধুসূদনের প্রিয় স্বজ্ঞ গৌরদাস বসাক মহাশয়কে লিখিত। মধুসূদনের প্রতিভার মূলসূত্র ধরাইয়া দিতে সাহায্য করে বলিয়া বর্তমান প্রবন্ধ পত্রটি উদ্ধৃত হইবার যোগ্য। পত্রটি ইংরেজীতে লেখা, অনুদিত হইলে নিম্নরূপ দাঁড়ায়,—

• প্রিয় গৌর,

রবিবার।

তোমার অনুরোধ রাধিতে পারিলাম না বলিয়া ক্ষমা করিবে। কথটা এই যে, এরকম অসম্পূর্ণ অবস্থায় আমার নাটক বন্ধুদের দেখান' ব্যাপারটা আমি পছন্দ করি না। যা' হউক, তোমাকে যে বলিয়াছি, এই সপ্তাহের শেষে প্রথম তিন অঙ্ক তুমি পাইবে।

রামনারায়ণের “সংস্করণ”—তুমি ঠিক নাম দিয়েছ—দেখিয়া নিরাশ হইয়াছি। দেখিয়াই আমি ঠিক করিয়া ফেলিয়াছি যে তাহার সংশোধন আমি গ্রহণ করিব না। উঠি কি পড়ি, আমি অস্তুর সাহায্য চাই না। রামনারায়ণ আমার সমস্ত কথ্যগুলি বদলাইয়া দিবে, ইহা নিশ্চয়ই আমার অভিপ্রায় ছিল না। কোন ব্যাকরণের জুল দেখিতে পাইলে, আমি তাঁহাকে তাহা সংশোধন করিতে বলিয়া-ছিলাম। তুমি জান, লেখকের রচনারীতি তাঁহার মনের প্রতিচ্ছায়া; আমার ভয় হয় বন্ধুর রামনারায়ণ এবং এই বেচারী আমি, উভয়ের মধ্যে মনের খুব বেশী মিল নাই। যাহা হউক, তাহার কিছু কিছু সংশোধন আমি গ্রহণ করিব।

আজ তোমার বন্ধুদের সঙ্গে দেখা হইলে যদি আমার নাটকের

কথা উঠে তবে রামনারায়ণের কথা একেবারে চাপিয়া যাইবে। আমি কিছুতেই তাহার সমস্ত সংশোধন গ্রহণ করিব না। আমার নায়িকা বেকারীর মুখে সে যাক্ছেতাই প্রাণহীন গল্প বসাইয়া দিয়াছে।

প্রিয় বন্ধু, আমি জানি যে আমার নাটকে খুব সম্ভবতঃ একটা বিদেশী গন্ধ থাকিয়া যাইবে। কিন্তু ভাষা যদি ব্যাকরণ-সম্মত হয়, ভাবসমূহ, যদি জীবন্ত ও হৃদয়ত হয়, ঘটনাসমাবেশ যদি চিত্তাকর্ষক হয়, চরিত্রবৃষ্টি যদি অব্যাহত হয়, তবে বিদেশী গন্ধ থাকিলেই বা কি আসিল গেল? প্রাচ্য ভাবাপন্ন বলিয়া কি মুরের কবিতা ঘৃণাই? বায়রণের কবিতায় এশীয় গন্ধ আছে বলিয়া অথবা কালিাইলের গল্প জাংশ্বীয়কে ভরা বলিয়া কি তাহা অবহেলার যোগ্য? আরও কল্প। এই যে, মনে রাখিও যে আমি তাহাদের জন্মই লিখিতেছি যাহাদের চিন্তাপ্রণালী আমারই মত, পাশ্চাত্য ভাবসমূহ এবং চিন্তা। স্রোত বাহাদের মনে অধিকার বিস্তার করিয়াছে। আর,—যা কিছু সংস্কৃত লিখিত, তাহাই ভাল, এই দাসত্বপূর্ণ হীন অনুরাগে আমাদের মনের চারিদিকে যে একটা কঠিন শৃঙ্খল গড়িয়া উঠিয়াছে—তাহা দূর করিয়া দেওয়াও আমার এক উদ্দেশ্য।

আমার দুঃসাহসে ভয় পাইও না। আমার দ্বিতীয় অঙ্ক শেষ হইয়াছে—এবং তাহা এমন অনেককে দেখাইয়াছি যাহারা ইংরেজী কিছুই জানেন না। আমি সত্যি বলিতেছি, তাহারা ইহার এত প্রশংসা করিয়াছে যে তাহাদের সায়ল্যে আমার মধ্যে মধ্যে সন্দেহ উপস্থিত হইয়াছে। কিন্তু তাহারা যে আমার খোসামোদ করিয়াছে এমন মনে করিবারও কোন কারণ নাই।

সাহিত্যিক বিষয়ে, ভাই, কাহারও সাহায্য-চিহ্ন অঙ্গে বহন করিয়া অগতঃসম্মুখে দাঁড়াইব না—ইহা আমার গর্ব। একটা গলা-বন্ধ বা কোমর-কোপ্তা ধার নিতে পারি বটে, কিন্তু সমস্ত পোষাকটা কিছুতেই না। তুমি মনে মনে উদ্বিগ্ন হইও না, ভাই। আমি তোমাকে বলিতেছি আমি এমন নাটক লিখিব যে টুলো পশ্চিমতরুণী

যত ●●● বুড়ের দল অবাধ হইয়া যাইবে। যখন যতীন্দ্র এবং রাজাদের সঙ্গে তোমার দেখা হয় তখন খুব প্রশংসা করিও—
বাক্যরত চড়াইতে প্রশংসার মত আর কিছুই না। দুই একটি পরিবর্তন ইত্যাদি করা হইতে আমার কোন আপত্তি নাই—কিন্তু আমার সমস্ত বাক্য বদলাইয়া দিবে—বটে? তার চেয়ে আমি ওটা পুড়াইয়া ফেলিব।

যথারীতি তোমার—

মধুসূদন দত্ত।

মধুসূদন শর্মিষ্ঠা রচনা করিয়া টুলো পশ্চিমতরুণী বন্ধ ●●●
-সঙ্গে অবাধ করিয়া দিতে পারিয়াছিলেন বলিয়া বোধ হয় না; কারণ টুলো পশ্চিমতরুণীর সাহিত্যদর্পণে শর্মিষ্ঠার যে প্রতিচ্ছায়া পড়িয়াছিল, তাহাতে তাহারা “দুঃশ্রবণ” “দ্রুতসংস্কারণ” “নিহতার্থক” এবং “অবিযুক্ত-বিধেয়ংশ” প্রভৃতি রোমহর্ষণ দোষাবলির আবিষ্কার করিয়া অস্বীকারে—“ইহা নাটকই হয় নাই”—বলিয়া নির্দেশ করিয়াছিলেন।
কিন্তু জনসাধারণের হস্তে সৌভাগ্যক্রমে সর্বদা সাহিত্যদর্পণ ধৃত থাকে না,—সাদা চোখে তাহারা শর্মিষ্ঠার অভিনয় দেখিয়া এত মতিয়া গিয়াছিল যে, বর্তমানকালে শর্মিষ্ঠা পড়িয়া উঠিয়া তাহাদের তদানীন্তন মত্ততার কারণ খুঁজিয়া পাওয়া কঠিন হয়।

বস্তুতঃ অন্ধশাস্ত্রে প্রত্যেক অঙ্কের যেমন একটা স্থানীয় মান ও প্রকৃত মান আছে, প্রাচীন সাহিত্যনিদর্শন মাত্রেরই তেমনি একটা তৎকালীন মূল্য এবং কাল-পরীক্ষক দ্বারা পরীক্ষিত প্রকৃত বর্তমান মূল্য আছে, প্রাচীন সাহিত্যের আলোচনা-কালে আমাদের সেই কথা বিশ্বস্ত হইলে চলিবে না। পূর্বে কি ছিল এবং শর্মিষ্ঠায় মধুসূদন কি দিয়াছিলেন, তাহা রামনারায়ণের স্কুলীনকুলসর্বস্ব এবং শর্মিষ্ঠা একত্র করিয়া পাঠ করিবারাত্রই বোধগম্য হইবে। নিরন্তর-নাট্য-

সাহিত্য-দেশে সহসা রামনারায়ণের নাটকলক্ষণাক্রান্ত কুলীনকুল-সর্বস্বের আবির্ভাব যেমন বিস্ময়জনক হইয়াছিল, নিরন্ত-নাটক-দেশে সহসা সর্বত্রাংশে নাটক নামের উপযুক্ত শর্মিষ্ঠার আবির্ভাবও তাহার চেয়ে কম বিস্ময়জনক হয় নাই। সর্বদাস্ত্রন্দর নাটক কিরূপ হওয়া উচিত, বঙ্গসাহিত্যে শর্মিষ্ঠাই তাহার প্রথম উদাহরণ। বঙ্গসাহিত্যে অনুরূপ-ঘটনা আর একবারমাত্র ঘটিয়াছিল,—যখন বাঙ্গলা সাহিত্যের উৎস কথাসাহিত্যক্ষেত্রে সহসা বঙ্গমের দুর্গেশনন্দিনী ও কপালকুণ্ডলায় রূপছটায় আলোকিত হইয়া উঠিয়াছিল।

এই গেল শর্মিষ্ঠার স্থানীয় মান। কিন্তু কালের পরীক্ষায় শর্মিষ্ঠার প্রকৃত মানও নির্ণীত হইবার সময় আসিয়াছে। কালপরীক্ষক শর্মিষ্ঠার উপর যে নব্বদ্য দার্শনিক দিয়াছে তাহাতে শর্মিষ্ঠা প্রায় ফেলের কোঠার যাইয়া পড়িয়াছিল,—কোনক্রমে পাশ হইয়াছে মাত্র। অনেকে যেমন স্বপ্ন দেখিতে দেখিতে মনে করে যে, এই সব স্বপ্ন দেখিতেছিলাম,—এইবার জাগরিত হইলাম,—এবং তাহার পরবর্তী স্বপ্নব্যাপার জাগরণ কল্পনায় পর্যাবসিত হয়, শর্মিষ্ঠা এবং পদ্মাবতী রচনাকালে মধুসূদনেরও সেই দশা হইয়াছিল। এই উভয় নাটক রচনাই প্রচলিত অস্মৃতিত সংস্কৃত নাটকের বিরুদ্ধে বিদ্রোহের ফল। উভয় নাটক রচনা করিয়াই মধুসূদন মনে করিয়াছিলেন যে এইবার সংস্কৃত নাটকের অধীনতা-পাশ ছিন্ন করিলাম। কিন্তু এই উভয় নাটকেই দেখা যায় যে, সংস্কৃত নাটকের প্রভাব পূর্ণাঙ্গের মত মধুসূদনের প্রতিভা-উৎসের দ্বার চাপিয়া রাখিয়াছে এবং স্বপ্নাবিষ্টের মত মধুসূদন সংস্কৃত নাটকের মায়া-মোহে ঘুরিয়া বেড়াইতেছেন। যে রত্নাবলী অভিনয়ে বায় ও আড়ম্বর-বাঙালো ক্ষুদ্র হইয়া মধুসূদন শর্মিষ্ঠা রচনায় প্রবৃত্ত হন, সে রত্নাবলীর প্রভাবের গোলকধাঁধায় শর্মিষ্ঠা অঙ্কের মত পথ হাতড়াইয়া বেড়াইয়াছে। আর পদ্মাবতীতে শকুন্তলার অনুকরণ এত স্পষ্ট যে, টুলো পঙ্কিত-রূপী বুদ্ধদেবে অবাচ করা যাইবার সম্ভাব ছিল, তিনি কিরূপে যে

এরূপ বালকোচিত আকরিক অনুকরণে প্রবৃত্ত হইলেন তাহা ভাবিয়া নিশ্চিত হইতে হয়।

রসজ্ঞ পাঠকের আরও আহত করে শর্মিষ্ঠা ও পদ্মাবতী, কৃষ্ণ-কুমারী ও মায়া কাননের ভাষা। বিরুদ্ধাভিত্যের সিংহাসনে বসিয়াই যেমন ভোজরাজ বড় বড় কথা বলিতে আরম্ভ করিয়াছিলেন, দৃষ্টকাব্য রচনায় হাত দিয়াই তেমনি তৎকালীন গ্রন্থকারগণ “ভাষা” ছাড়িয়া সংস্কৃতভাষা বাঙ্গলায় কথা বলিতে আরম্ভ করিতেন। স্বাধীন-প্রভৃতি মধুসূদনের নিকট হইতে আমরা এই সংস্কৃতের নিগড় ভাঙ্গি-বার শক্তি আশা করিতে পারিতাম, কিন্তু এই ক্ষেত্রে মধুসূদনের স্বাধীনতা ক্ষুণ্ণ লাভ করে নাই। বেশ-ভূষা কৃত্রিম হইলে খাঁটি মামুষও যেমন কৃত্রিমতার সন্দেহ হইতে মুক্তি পায় না, মধুসূদনের নাটকবালিরও সেই দশা হইয়াছে।

কিন্তু খাঁটি বাঙ্গলায় মনের ভাব আশ্চর্য্য জীবন্তরূপে প্রকাশিত করিবার ক্ষমতা যে মধুসূদনের ছিল, শর্মিষ্ঠার পরবর্তী রচনা “একেই কি বলে সভ্যতা” পাঠ করিলাম তাহা বোধগম্য হয়। বাঙ্গলায় কৌতুহলী দর্শক ইঞ্জিন দেখিতে গিয়া ইঞ্জিনবরের গরম বাতাসে স্পর্শ হইলে পর জাহাজের সমুদ্র ভাগের সদা প্রবহমান শীতল বাতাসে যাইয়া যে প্রকার আরাম অনুভব করে, শর্মিষ্ঠা এবং পদ্মাবতী ইত্যাদির নাটকে তাহার ক্ষেত্রে বিচরণ করিয়া আসিয়া “একেই কি বলে সভ্যতা”র ভাষায় তেমনি শরীরে ঘেঁষা জুড়াইয়া যায়। “একেই কি বলে সভ্যতা” প্রহসন বটে, কিন্তু এই প্রহসনেই বঙ্গীয় নাট্যকার প্রথম প্রকৃতিস্বের মত কথাবার্তা বলিয়াছেন,—এই প্রকৃতিস্বের উদাহরণ ও আদর্শ পরবর্তী নাট্যসাহিত্যে অসাম্য কার্যকারী হইয়াছিল। বাঙ্গলা ভাষার শ্রেষ্ঠ প্রহসন “সধবার একাদমী” “একেই কি বলে সভ্যতা”র সাফল্য বংশধর,—অস্বতঃপক্ষে এক গোত্রসম্ভূত যে, সে বিষয়ে কোন সন্দেহ নাই। পুত্র যে পিতা অপেক্ষা কৃত্য হইয়াছে, তাহা আনন্দের বিষয়; কিন্তু ইহা ঠিকই যে “একেই কি বলে

সভ্যতা" লিখিত না হইলে "সম্ভব একাদশী" রচিত হওয়া সম্ভবপর হইত না।

ভাবার কৃত্রিমতা এবং অশুকরণ-বাহুল্যও মার্জনা করা যাইত যদি শর্শিষ্ঠা এবং পদ্মাবতীতে প্রাণ থাকিত—প্রকৃত সাহিত্যরসের বিকাশ থাকিত। কিন্তু তাহা না থাকতে এই দুইখানা নাটক বহু অশোভন ভূষণ-ভারাক্রান্ত প্রাণহীন পুস্তলিকার মত অকিঞ্চিৎকর হইয়া পড়িয়াছে। মধুসূদনের নাটকের মধ্যে কুম্ভকুমারীতে নাটকীয় রসের এক সাহিত্য-রসের কথঞ্চিৎ বিকাশ লক্ষিত হয়, কিন্তু তাহা নায়িকা কুম্ভকুমারীরই মত বিকশিত হইতে না হইতেই করিয়া পড়িয়াছে। শর্শিষ্ঠা এবং পদ্মাবতী পাঠ করিয়া পাঠকহৃদয় কোনই ভাব-সকার লক্ষ্য করিতে পারে না,—পাত্রপাত্রীদের স্বথচ্ছঃ পাঠ-কের দ্বয় স্পর্শও করে না এবং সাহিত্যাসুশীলনের শ্রেষ্ঠ প্রাপ্তি আনন্দরস একেবারে অনাস্বাদিত থাকিয়া যায়। কিন্তু কুম্ভকুমারী পাঠ সমাপ্ত করিয়া হৃদয়ে যে একটি অবশিষ্ট অবশিষ্ট থাকে তাহাতেই মনে হয়,—ক্রম-ক্রমে প্রাণের সকার হইয়াছিল,—বাঁচিল না ; —মধুসূদনের নাট্য-চেষ্টা সফলতার পথে পদার্পণ করিয়াছিল, হয় ত সফল হইতে পারিত।

মধুসূদনের প্রহসনরস সম্বন্ধে সৌভাগ্যক্রমে এই কথা বলা চলে না। আমাদের দেশে প্রায়ই দেখা যায় যে, যে পুত্রের জন্মোৎসব দিগদিগন্তে বিবোধিত হয়, খাহার অন্নপ্রাশন ও হাতেখড়ীতে সম্পত্তির অর্দ্ধাংশ ব্যয়িত হইয়া যায়, সে গোমুর্খ, কুলকলঙ্ক হইয়া দাঁড়ায়। আর যে-ই ছেলে চির-অনাদরের মধ্যে বর্ধিত হইয়া আসে, অবশেষে সে-ই কেশের মুখোচ্ছল করে। মধুসূদনের নাট্যচেষ্টাগুলি সম্বন্ধেও সেই অবস্থা ঘটিয়াছিল। যে শর্শিষ্ঠা, পদ্মাবতী, কুম্ভকুমারীর অভিনয়-ব্যাপারে অতুল ধন-সম্পত্তি জলের মত ব্যয়িত হইয়া গিয়াছে, কালের পরীক্ষায় এখনই তাহা বাতিল হইতে আরম্ভ হইয়াছে। কিন্তু লোকনন্দার জন্ম যে প্রহসনরসের অভিনয় পর্য্যাপ্ত হওয়া

সম্ভবপর হয় নাই, নাট্য-সাহিত্য-ক্ষেত্রে তাহাই মধুসূদনের নাম সজীব রাখিতেছে এবং রাখিবে। "একেই কি বলে সভ্যতা" মধুসূদনের সর্বশ্রেষ্ঠ নাট্য-চেষ্টা এবং "রুডো শালিকের যাড়ে রোঁ" তাদৃশ উৎকৃষ্ট বা সুসঙ্গত না হইলেও, ইহাও নিরর্থক রচনা নহে।

মধ্যযুগের অনেক নাট্যকারের নাম বিস্মৃতির অতল জলে এখনই নিমজ্জিত হইয়া গিয়াছে, উৎসাহী অমুসন্ধিৎসুগণের চেষ্টায় তাহাদের দুই একজনের নাম আমরা পুনরায় শুনিতে পাইতেছি। শ্রীযুক্ত শরৎবাবু কুলীনকুলসর্বস্বের একবৎসর পূর্বে রচিত তারারচরণ শিকদারের ভদ্রার্জুন নামক নাটক খুঁজিয়া বাহির করিয়াছেন। শ্রীযুক্ত যোগীন্দ্রনাথ সমদার মহাশয় পূর্ববঙ্গের নাট্যকার দুর্গাচরণ চট্টোপাধ্যায় প্রণীত ১২৭১ সনের ১২ই শ্রাবণ প্রকাশিত বিক্রম-নাটক নামক একখানি নাটকের পরিচয় প্রতিভা পত্রিকায় দিয়াছেন। শরৎবাবুর প্রদত্ত বিস্তৃত বর্ণনা হইতে বুঝা যায় যে, সাহিত্যরচনা নিদর্শন হিসাবে ভদ্রার্জুন বিশেষ বহুমূল্য নহে। যোগীন্দ্রবাবুর অমুগ্রহে-প্রাপ্ত একখণ্ড বিক্রমনাটক পাঠ করিয়া দেখিলাম যে, ভদ্রার্জুন হইতে অনেক শ্রেষ্ঠতর রচনা হইলেও সাহিত্য-সমালোচনার স্বাধীন একখানিও দাবী করিতে পারে না। যাহারা মরিয়াছে, তাহারা জীবনীশক্তির অভাববশতঃই মরিয়াছে,—কলে-পরীক্ষক তাহাদের শেষ সমালোচনা সমাপ্ত করিয়া তাহাদিগকে বিদায় দিয়াছে ; —তাহাদের প্রেতাঙ্কাকে পরলোক হইতে আহ্বান করিয়া আনিয়া যোগাত্তরগণের স্থান সর্জন করা অনাবশ্যক।

শ্রীললিতাকান্ত ভট্টশালী।

ডাক্তার স্পুনারের নতুন আবিষ্কার *

বোম্বাইয়ের বিখ্যাত দানবীর শ্রীযুক্ত রতন ভাতা পাটলিপুত্রে খননের ব্যয়ভার বহনে স্বীকৃত হওয়ায়, বিগত ১৯১২ খৃঃ ডিসেম্বর মাসে প্রত্নতত্ত্ব বিভাগের সর্বপ্রধান কর্মচারী স্যার জন মার্শাল পাটলিপুত্রে আগমন করেন এবং ডাক্তার ডি, বি, স্পুনারের সহিত পরামর্শ করিয়া কুমরাহার ও বুলন্দিবাগ নামক দুইটি স্থান খনন করিতে উপদেশ দেন। ১৯১৩ খৃঃ ৬ই জামুয়ারী ডাঃ স্পুনারের তত্ত্বাবধানে প্রথম খনন-কার্যারম্ভ হয়। এই খননে পাটলিপুত্র, অশোক ও বৌদ্ধ ইতিহাসের অনেক নতুন উপাদান সংগৃহীত হইতেছে। বিগত বর্ষে (১৯১৪ খৃঃ) ডাক্তার স্পুনার কুমরাহারে (Site no. IIF) মৃত্তিকা নির্মিত একখানি 'প্লাক' (Plaque measures 41/8" by 35/8" অর্থাৎ মৈত্রী ২৭ হাত ১৪ ইঞ্চি ও প্রস্থে ২৩ হাত ১৪ ইঞ্চি) এক ফিট ৬ ইঞ্চি মৃত্তিকা গর্ত হইতে বাহির করিয়া বোধগয়া মন্দিরের প্রচলিত ইতিহাসকে একটু নাজাতাড়া দিয়াছেন। মানুষ বহুদিন হইতে যে কথ্যটি সত্য বলিয়া গ্রহণ করিয়া আসিতেছে, আজ হঠাৎ সেই সত্যের মূলে কেহ ধাক্কা দিলে তাহা সমাজের অধিকাংশ লোকই নির্বিক্রমে স্বীকার করিতে চায় না। তবে বড় একটা শক্তি আসিয়া যখন নতুন সত্য প্রচার করে, তখন তাহা আজ হটক কাল হটক সকলকেই অবনত মস্তকে গ্রহণ করিতে হইবে। একখানি যুগের মূর্তি (Plaque) প্রাচীন বোধগয়া

মন্দিরের আকার ও অবয়বের যে অনাবিকৃত তত্ত্ব বাহির করিয়াছে তাহা ভাবিতে গেলে বিস্মিত হইতে হয়। জীর্ণ সংস্কারের বর্ধমান মন্দিরটি ধেঁ ভাবে ও আকারে দেখিতে পাই, পাটলিপুত্রে আবিষ্কৃত 'প্লাকের' সঙ্গে তাহার বৈষম্য দেখিতে পাওয়া যায়। ডাঃ স্পুনার বলেন কানিংহাম সাহেব ১৮৮০ অব্দে বোধি মন্দিরের সংস্কারের সময় এই 'প্লাক'খানি পাইলে বোধ হয় মন্দিরের মৌলিক গঠন কিরূপ ছিল তাহা ঠিক ঠিক রূপে বুঝিতে পারিতেন। কেবল কানিংহামের সময়েই নয়, পূর্ববর্তী কালে যখনই এই মন্দিরের কোন-রূপ সংস্কার-কার্য সম্পন্ন হইয়াছে, সেই সঙ্গে ইহার স্থাপত্যেরও পুরিবর্তন হইয়াছে। ছয়ন সাং ইহার গঠন-প্রণালীর যেরূপ বিবরণ দিয়াছেন, তাহা হইতে এক্ষণে মন্দিরের বিশেষ প্রভেদ লক্ষিত হয়। ত্রয়োদশ শতাব্দে ব্রহ্মদেশবাসিগণের দ্বারা এই মন্দির সংস্কারের সময় ব্রহ্মদেশীয় স্থাপত্য এবং ভার্য্য কতক পরিমাণে ইহার মধ্যে প্রবেশ করিয়াছে। মোট কথা, বিভিন্ন যুগের সংস্কারে ইহার স্থাপত্য ও ভার্য্যের মৌলিকতা অনেক পরিমাণে নষ্ট হইয়া গিয়া এক্ষণে উহা এক নতুন মন্দিরে পরিণত হইয়াছে।


প্লাকখানি বিশেষভাবে পরীক্ষার পর ডাঃ স্পুনার স্থির করিয়াছেন, যেখানে 'ইহা পাওয়া গিয়াছে সেই স্থান একটি গোরস্থানের উপরে অবস্থিত। 'এই সমাধিস্তম্ভ পাঠস্যের প্রাচীন রাজধানী পসিপালিস নগরের সম্রাট ডরাউস-নির্মিত হর্ম্মাবলীর অনুরূপ।' এই 'স্থানে মৃত্তিকান্তরের এত উর্ধ্বে কি করিয়া প্লাকখানি আসিল সে সম্বন্ধে ডাঃ স্পুনার বলেন,—'It must be due to some disturbance of the soil'—ভূকম্প অথবা অল্প কোন কারণে উৎক্লিষ্ট ভূস্তরের সহিত প্লাকখানি উর্ধ্বে আসিয়া পড়িয়াছে। উক্ত ভূমির সন্নিকট ৬ ফিট মাটির নিচে কুশান যুগের বহু তাম্রমুদ্রা পাওয়া গিয়াছে। ইহা হইতে ডাঃ স্পুনার অনুমান করেন 'প্লাকখানা সম্ভবতঃ কুশান যুগের, অন্ততঃ ২য়

* বিহার ও উড়িষ্যার অস্থলস্থান-সমিতির ত্রৈমাসিক জর্নালের ১ম সংখ্যায় প্রকাশিত 'The Bodh Gaya Plaque' প্রবন্ধ হইতে গৃহীত। ডাঃ স্পুনার ও আমার পরামর্শে শ্রীযুক্ত শরচ্চন্দ্র রায় এম, এ, বি, এল, মহাশয়ের অধ্যয়নক্রমে প্রকাশিত হইল।

অথবা '৩য় শতাব্দের হইবে।' * * * * * 'প্লাকের সম্মুখ ভাগ অতি অল্পমাত্রায় সংবৃত-মধ্য (concave), পশ্চাৎভাগ কুন্ড-পৃষ্ঠ। পশ্চাৎভাগে খরিবার অশু দুইটি (সম্ভবতঃ চারিটি ছিল) বাট দেখিতে পাওয়া যায়। সম্ভবতঃ প্রয়োজন ছিল না বলিয়া এই পশ্চাৎভাগ অত্যন্ত সাদাসিধে প্রস্তুত হইয়াছিল; কিন্তু সম্মুখভাগ উৎকৃষ্ট-রূপে সম্পাদিত। ইহার মাথখানে বোধগয়া মন্দিরের অতি উৎকৃষ্ট প্রাচীনতম চিত্র অঙ্কিত। * এই মন্দিরের বাহ্যদৃশ্য সম্বন্ধে তিনি বলেন,—

'We see a tall tower-like structure, with four stories or tiers with niches above the main cella, the whole being surmounted by a complete stupa with fivefold *hiti*.'

ডাঃ স্পুনার বলেন, 'বর্তমান প্লাক দেখিয়া বুঝা যায় যে মন্দিরের চূড়ার গঠনপ্রণালী ঐতিহাসিকসূত্রে ভুল। প্রধান অংশটি আংশিকভাবে অনাবৃত; সুবৃহৎ খিলানের মধ্যপথে সোজা হুজি মন্দিরের দিকে তাকাইলে বুদ্ধদেবের আসান মূর্তি দেখিতে পাওয়া যায়। এই মূল মন্দিরের বাহিরে, প্রধান মন্দিরাস্থলের দক্ষিণে ও বামদিকে আরও দুইটি দণ্ডায়মান মূর্তি আছে; ইহাদের দেবভাব চতুর্দিকের মহিমাশোভিত জ্যোতির্মণ্ডল হইতে প্রতিপন্ন হয়। সম্ভবতঃ এই মূর্তিই চৈন্য পরিব্রাজকের বর্ণিত বোধিসত্ত্বের রৌপ্যমূর্তি, কিন্তু ইহার কোনও চিহ্ন এখন আর নাই। বহুমূল্য ধাতু-সংযোগে পবিত্র মূর্তি-গঠন করা ভুল বলিতে হইবে। আরও দূরে এক উভয় মন্দিরের চতুর্দিকে এবং এই সকল বোধিসত্ত্বের মূর্তি ঘিরিয়া বিখ্যাত রেলিং বা বেট্টনী আছে। ইহা সাধারণতঃ



সুমরাসের আরও প্লাক।

* 'Unquestionably the oldest drawing of this building in existence.'

অশোক-রেলিং বলিয়া বিবেচিত হয় এবং বহু গ্রন্থে ইহার উল্লেখ দেখিতে পাই। প্রকৃত প্রস্তাবে ইহা মৌর্য্যদের সময়ের নয়, বরং তৎপরবর্তী স্তম্ভরাজাদের সময়ের, কিম্বা আরও পরবর্তী যুগের। এই রেলিং কেবল মন্দিরের পবিত্র অংশটুকু ও আঙ্গিনা ঘিরিয়া আছে। প্রশস্ত প্রাচীর ও সুউচ্চ প্রবেশদ্বার হইতেই ইহার বাহিরের সীমা বুঝিতে পারা যায়। এই প্রাচীর ও প্রবেশদ্বার প্রাক্কর নিম্নভাগে অতি সংক্ষেপে অল্প স্থানের উপর চিত্রিত হইয়াছে। কিন্তু সামান্য দুই চারিটি রেখাপাত থাকিলেও প্রাচীর যে মন্দির ও তৎসংলগ্ন সমস্ত জমিটার বেষ্টিতরূপ তাহা বুঝিয়া লইতে হইবে।'

প্রাক্কর আর একটু বিশেষত্ব এই যে, মধ্য বেষ্টিতীর প্রবেশ-পথের দক্ষিণ পার্শ্বে একটি স্তম্ভ আছে। এই স্তম্ভের শীর্ষদেশে একটি হস্তী-মূর্তি; ইহার স্থাপত্য বিশেষভাবে পরীক্ষা করিলে অশোকের অত্যাশ্চর্য বহু স্তম্ভের সহিত ইহার সাদৃশ্য পরিলক্ষিত হয় এবং ইহা যে রাজা অশোকেরই নির্মিত তাহাও নিঃসন্দেহে বলা যাইতে পারে। শুধু ইহা হইতেই প্রাক্কর প্রাচীরই প্রমাণিত হয়। চৈন পরিব্রাজক ফা-হিয়েন যখন খৃষ্টীয় পঞ্চম শতাব্দির প্রারম্ভে বোধগয়ায় আসিয়াছিলেন, তখন তিনি মৌর্য্য স্তম্ভের কোন চিহ্ন দেখিতে পান নাই, এমন কি তিনি সে সম্বন্ধে কোন উল্লেখও করেন নাই। সম্ভবতঃ তাঁহার আগমনের পূর্বেই উক্ত স্তম্ভটি পড়িয়া গিয়াছিল এবং ইহা হইতেই বুঝা যায় যে বর্তমান প্রাক্করখানি নূন পক্ষে চতুর্থাৎ খৃষ্টাব্দের পূর্বেই হইবে।

প্রাক্কর অতি অস্পষ্টভাবে খোদিত অক্ষর হইতেও উপরোক্ত মৌমাংসায় উপস্থিত হইতে হয়। অক্ষরগুলি এতই অস্পষ্ট যে উহা আলোকচিত্রে একেবারেই ফুটিয়া উঠে না। স্তম্ভের রেলিংএর মধ্যে প্রবেশ পথের বাম পার্শ্বে অক্ষরগুলি দেখিতে পাওয়া যায়। ডাঃ স্পুনার উহা পড়িতে পারেন নাই। তবে তিনি অনুমান করেন যে, 'It

is certain even so that the characters are those of the Kharoshthi alphabet. This is indeed an unexpected feature and one which is most suggestive. It is the first epigraph in this Indian form of Perso-Aramaic to be found in Eastern India.'

প্লাকের খোদিত মন্দির-প্রাঙ্গণ নিবিড় জঙ্গলে আবৃত, মাঝে মাঝে মন্দির, স্তূপ ও দেবমূর্তি দৃষ্টিগোচর হয়। দুই একটি পূজারত ব্যক্তি এবং দুই একটি জীবজন্তুর (সম্ভবতঃ হস্তী) চিত্রও অঙ্কিত আছে। স্থল মন্দিরের সর্বোপরি আকাশে উভয়মান চারিটি দেব-মূর্তি এই পুণ্যভূমিকে পূজা করিতেছে, এই ভাবে চিত্রিত দেখিতে পাওয়া যায়। কিন্তু এই প্রকার নানা মূর্তি অথবা পৃথক পৃথক মন্দিরের চিত্র হইতে কোনটি যে কি তাহা ঠিক করিয়া বুঝিবার উপায় নাই। সম্ভবতঃ প্লাকের শিল্পী চিত্রে ব্যক্তির অথবা বস্ত্র নির্দেশের লক্ষ্য প্রয়াস পান নাই। পাটলিপুত্র খননে বোধগয়ার প্লাক কি করিয়া যে অবিভক্ত হইল সে সম্বন্ধে ডাঃ স্পূনার প্রবন্ধের উপ-সংহারে বলিয়াছেন—'ইহাতে আশ্চর্য্য হইবার কিছুই নাই। অসংখ্য বৌদ্ধযাত্রী পুণ্যক্ষেত্র বোধগয়ায় আসিয়া মন্দিরের 'প্লাক' ধরিয়া করিয়া দেশে লইয়া যাইতেন।' * 'সম্ভবতঃ তীর্থযাত্রীরা বোধগয়া হইতে ইহা গৃহে আনিয়া থাকিবেন। ইহা নিশ্চয় যে আমাদের খনন-ভূমির সন্নিকটে খৃষ্ট শতাব্দের আদি যুগে কোন বৌদ্ধ-বিহার ছিল

* Such plaques as these, although this is an unusually elaborate one, were seemingly manufactured at the various sacred sites and sold to pilgrims, who then brought them to their several homes as souvenirs or mementoes of their pilgrimage.'

এক সম্ভবতঃ বিহারের কোন ভিক্ষু বোধগয়া হইতে এই প্লাকখানি আনিয়া থাকিবেন।' * ইহাই প্লাকের আভ্যোপাস্ত ইতিহাস।

শ্রীঅতুলচন্দ্র মুখোপাধ্যায়।

শীতে

কে এসে বসেছ হৃদে নিশেক্ষ চরণে
আজি এ দুঃস্বপ্ন শীতে চঞ্চল দেবতা ?
গগনে পবনে বনে ভুবনে ভুবনে
ফিরেছি তোমার লাগি পাই নাই কোথা।
আপনি দিয়াছ ধরা যদি প্রিয়তম,
রাখিব বাধিয়া তোমা হিয়ামাঝে মম।

শ্রীসন্তোষকুমার রায়।

* বর্তমান যুগেও আমরা বহু পুণ্য-স্থানের মন্দির ও দেবতার প্লাক বা মূর্তি ধরিয়া করিয়া থাকি। পূর্ববঙ্গে খামরাই মাঘবের মূর্তি ধনী দরিদ্র সকল হিন্দুর গৃহেই দেখিতে পাওয়া যায়।

বৌদ্ধ-ধর্ম

এখনও একটু আছে।

পাঠানেরা তিন চারি শত বৎসর ভারতবর্ষে রাজত্ব করিয়া গিয়াছেন। তাঁহারা জানিতেন না যে ভারতবর্ষে বৌদ্ধ বলিয়া একটা ধর্ম ছিল। যোগেশ্বরের ঠুঁশ আড়াইশ বৎসর ভারতবর্ষে রাজত্ব করিয়া গিয়াছেন। তাঁহারাও জানিতেন না যে ভারতবর্ষে বৌদ্ধ বলিয়া একটা ধর্ম ছিল। ইংরাজ রাজত্বের প্রথমেও সে কথা জানা ছিল না। ইউরোপীয়েরা জানিতেন যে সিংহল, বর্মা, শ্রাম, শ্রদ্ধতি দেশেই বৌদ্ধ-ধর্ম চলিত,—সে ধর্মের ভাষা পালি, ধর্ম-বাক্যেরা ভিক্কু, বিবাহ করেন না,—ইত্যাদি ইত্যাদি। ১৮১৬ সালে নেপালের সঙ্গে ইংরাজের সন্ধি হয়; সেই সন্ধির বলে ইংরাজরা নেপালের রাজধানীতে একজন রেসিডেন্ট রাখেন। হজসন সাহেব বহুদিন সেই রেসিডেন্সির ডাক্তার থাকেন, পরে তিনি রেসিডেন্ট হন। তিনিই সবপ্রথম ভারতবর্ষে এক নূতন রকমের বৌদ্ধ-ধর্ম দেখিতে পান। ১৮২৬ সালে তাঁহার পণ্ডিত অমৃতানন্দ ‘ধর্মকোষ সংগ্রহ’ নামে একখানি বৌদ্ধ-গ্রন্থ সংস্কৃত লিখিয়া হজসন সাহেবের হস্তে অর্পণ করেন। হজসন সাহেব বৌদ্ধ-ধর্ম ও নেপাল স্বপক্ষে যে সকল পুস্তক লিখিয়াছেন তাহার অনেক মালমসলা এই সংস্কৃত পুস্তক হইতে সংগ্রহ করা।

হজসনের পুস্তক পড়িয়া লোকের বিশ্বাস হয় যে, মহাবান নামে একপ্রকার বৌদ্ধ-ধর্ম বহুকাল ধরিয়া ভারতবর্ষে চলিতেছিল এবং ভারতবর্ষ হইতেই সেই ধর্ম চীন, জাপান, কোরিয়া, মাণ্ডুরিয়া, মঙ্গোলিয়া প্রভৃতি দেশে ছড়াইয়া পড়ে—ক্রমে চীন ও তিব্বতে বৌদ্ধ-ধর্ম সংক্রান্ত অনেক সংস্কৃত পুস্তকের উদ্ভব দেখিতে পাওয়া

যায়; তাহাতে লোকের আশ্রয় আরও বাড়িয়া গঠে। হজসন সাহেব বৌদ্ধ-ধর্মের অনেক সংস্কৃত পুঁথি নকল করাইয়া কলিকাতা, পারিস ও লণ্ডন নগরে পাঠাইয়া দেন। নেপাল রেসিডেন্সির আর একজন ডাক্তার, রাইট সাহেব অনেকগুলি তালপাতার ও কাগজের বৌদ্ধ-পুঁথি সংগ্রহ করিয়া কেশ্বিজ ইন্ডিনভাসিটিকে দেন।

হজসন সাহেব কলিকাতায় যে সকল পুঁথি দেন, রাজা রাজেশ্বরলাল মিত্র ১৮৭৮ সালে তাহার ক্যাটালগ লিখিতে আরম্ভ করেন। এই সময় তাঁহার পীড়া হয়; তিনি আমাকে তাঁহার সাহায্য করিতে বলেন। আমিও সাধ্যানুসারে তাঁহার সাহায্য করিয়াছিলাম। ১৮৮২ সালে তাঁহার ক্যাটালগ বাহির হয়। উহার নাম *Nepalose Buddhist Literature*। ষ্টিক এই সময় বেণ্ডল (Bendall) সাহেব, রাইট সাহেব কেশ্বিজ যে পুঁথিগুলি দিয়াছিলেন, তাহার ক্যাটালগ করিতেছিলেন। তাঁহার ক্যাটালগ ১৮৮৩ সালে বাহির হয়। ক্যাটালগ বাহির করার পরই তিনি এক বার ভারতবর্ষে আসেন এবং নেপাল বেড়াইয়া যান। তিনি কলিকাতা আসিলে আমার সহিত তাঁহার আলাপ হয়।

আমরা অনেক সময় আশ্চর্য্য হইয়া বাইতাম যে, এই যে এত বড় বৌদ্ধ-ধর্ম, যাহা বাঙ্গালা বেহার হইতেই চারিদিকে ছড়াইয়া পড়িয়াছিল, বাঙ্গালায় তাহার কোনও চিহ্ন দেখিতে প্লাওয়া যায় না। তিনি চলিয়া গেলে আমি মনে মনে স্থির করি, বৌদ্ধ-ধর্ম বাঙ্গালায় কি রাখিয়া গিয়াছে খোঁজ করিতে হইবে। এমনি দেখিলে ত’ বোধহয় কিছুই রাখিয়া যায় নাই। বেহারে তবু ভাঙ্গা বাড়ীগুলি আছে, বাঙ্গালায় তাও নাই। এই সময় বঙ্গবাসীর যোগেনবাবু ঘনরামের ধর্মমঙ্গল প্রকাশ করেন। সে বইখানা পড়িয়া মনে হয় যে ধর্ম-পূজাই হয় ত’ বৌদ্ধ-ধর্মের শেষ অবস্থা। ধর্মঠাকুর ত্রুঙ্গা বিষ্ণু মাহেশ্বরের উপর, তাঁর পুরোহিত ডোম, ভ্রাক্ষণের সঙ্গে ধর্মমঙ্গলের সন্দেহ বড় বেশী নাই। তখন ধর্মঠাকুরের পূজা দেখিতে বড় ইচ্ছা হয়।

পাটুলির নিকট শূয়াগাছি গ্রামে এক ময়রার বাড়ী ধর্মঠাকুর
আছেন শুনিয়া দেখিতে যাই। ঠাকুর খুব জাগ্রত, তাঁর কাছে
মানব করিলে সব রকম পেটের অসুখ আরাম হয়। রাতের মতন
থাক থাক করা এক সিংহাসন, তাহার উপর ঠাকুর আছেন। ঠাকুর
একখানি কাল পাথর বলিয়া মনে হইল, পাথরে যেন শিজলের
paper-fastener বসান আছে, সেগুলি ঠাকুরের চোখ। ভক্তি-
ভাবে ঠাকুরকে প্রণাম করিয়া কিছু পূজা দিয়া ময়রাকে জিজ্ঞাসা
করিলাম, 'বাপু, তুমি কি মন্ত্রে ঠাকুর পূজা করিয়া থাক ও ঠাকুরের
ধান কি?' অনেক পীড়াপীড়ির পর সে ধ্যানের মন্ত্রটি বলিল; মন্ত্রটি
এই—

যত্নাস্তো নাদিমধ্যো নচ করচরণং নাস্তিকায়নিদানং
নাকারং নাদিরূপং নাস্তি জন্ম ন যত্ন।
যোগীন্দ্রো জ্ঞানগম্যো সকলজনহিতং সর্বলোকৈকনাপং
তৎ তৎ নিরঞ্জনং মরবরদ পাতু নঃ শূচ্যমুষ্টিঃ ॥

আবার শুনিলাম মুর্সিমপাড়ার কাছে জামালপুরে এক ধর্মঠাকুর
আছেন। তিনি বড় জাগ্রত, যে যা মানব করে, সে তাহা পায়।
ঠাকুর বড় রাগী, কোনরূপ জ্রুটি হইলে হঠাৎ মন্দ করিয়া বসেন।
তিনি চালাঘরে থাকিতে ভাল বাসেন, কেহ কোঠাঘর করিয়া দিতে
চাহিলে তাহার সর্বনাশ হইয়া যায়। তিনি যেখানে বলিয়া আছেন,
তাহার মাথার উপর চালে খড় কখনই থাকে না। বৈশাখ মাসে
পূর্ণিমার দিন তাঁহার ওখানে মেলা হয়, সে মেলায় ১০০০।১২০০
পাঁঠা পড়ে, অনেক শূয়ার ও মুর্গাও পড়ে। আগে সামনেই শূয়ার
মুর্গা বলি হইত, এখন মন্দিরের পিছন দিকে হয়। এই সকল
শুনিয়া জামালপুরের ধর্মঠাকুর দেখিবার জন্ম বড়ই আগ্রহ হইল।
জামালপুর গেলাম; গিয়া দেখি সামনে দাওয়ার চালে অসংখ্য ঢিল
খুলিতেছে; স্নাকড়ার ফালি, রূপাড়ের পাড়, পাটের দড়ী, শপের

দড়ী, নারিকেল দড়ী প্রভৃতিতে ঢিল ঝোলান আছে। কেহ কিছু
মানব করিলে, একটি ঢিল ঝুলাইয়া আসে এবং মনোরথ পূর্ণ হইলে
ঢিলটি খুলিয়া লয়। আমি অনেকক্ষণ মন্দিরের চারিদিকে ঘুরিয়া
বেড়াইলাম; আমার বোধ হইল মন্দিরের পিছনে একটা স্থূপ ছিল—
তাহার গোল তলাটা মাত্র পড়িয়া আছে। তলা একেবারে মাটির
সমান। মন্দিরের পশ্চিম-দক্ষিণ কোণে একটা প্রকাণ্ড মনসাশিঞ্জের
গাছ, গাছের দুটা ডালের মধ্যে একখানা একটু পালিসকরা পাথর।
সিঙ্গগাছের দুটা ডালের মাঝখানে পাথরখানা অনেক দিন আগে রাখা
হইয়াছিল—তারপর ডাল বাড়িয়া উঠিয়াছে—দ্রুদিক হইতে পাথর-
খানাকে চাপিয়া ধরিয়াছে। অনেক টানিয়া পাথরখানা বাহির করি-
লাম—দেখিলাম উহাতে একটি বড় কারিকুরি করা W লেখা
আছে। এইরূপ Wই প্রায় ১০০০ বৎসর পূর্বে বৌদ্ধ ত্রিরত্নের
চিহ্ন ছিল। মন্দিরের দক্ষিণ-পূর্বে একটা প্রকাণ্ড গাছ, অশ্বখ কি
বট মনে নাই—গাছের তলায় বিস্তর আসশেওড়ার গাছ। আসশেও-
ড়ার বনের মধ্যে একখানা পাথর পড়িয়া আছে। পাথরখানা তুলিয়া
লইয়া দেখিলাম উহাতে একটি নাগকঙ্কার মুষ্টি। কঙ্কার মাথার
উপরে কয়েকটি নাগ ফণা ধরিয়া রহিয়াছে। ইহাকে মনসার মুষ্টি
বলা যাইতে পারে।

আমি থাকিতে থাকিতেই একজন জীর্ণ শীর্ণ জাম্বণ আসিয়া
মন্দিরের ঘর খুলিলেন। আমি দেখিলাম এরূপি মাটির বেদীর উপর
একখানি পাথর বসান। উদ্ধার পাথরের মত উহা চক্‌চক্ করি-
তেছে। জাম্বণের অমুমতি লইয়া আমি ঠাকুরের কাছে কোবাকুনি
লইয়া সন্ধ্যা করিতে বসিলাম এবং এই প্রযোগে ঘরের সব জিনিস
দেখিয়া লইলাম। জাম্বণ সন্ধ্যা হইতে একটু বড় হাঁড়ী পাড়িলেন,
তাঁহা হইতে প্রায় সেরখানেক চাল বাহির করিলেন এবং ধূয়া
একখানা বড় গালে রাখিলেন। এটি তাঁর নৈবেদ্য। নৈবেদ্যের
চারিদিকে কিছু কিছু উপকরণ রাখিলেন। পরে আত্মল দিয়া নৈবেদ্যটি

দুই ভাগ করিয়া কাটিলেন; এইরূপ কাটায নৈবেদ্যের মাথাটিও দুই ভাগে কাটিয়া গেল—তখন তিনি সেই দুই মাথায় দুটি সন্দেশ বসাইলেন। আমি জিজ্ঞাসা করিলাম, “মহাশয়, ও কি করিলেন? নৈবেদ্য দু’ভাগে কাটিলেন কেন?” আক্ষণ উত্তর করিলেন, “ইনি ধর্মঠাকুরও বটেন শিবও বটেন। তাই এক নৈবেদ্য দুই করা হয়।” আমি জিজ্ঞাসা করিলাম, “কি মন্ত্রে নৈবেদ্য উৎসর্গ করেন?” তিনি বলিলেন, “শিবায় ধর্মরাজায় নমঃ।” আমি তাঁহাকে ধর্মঠাকুরের ধ্যান পড়িতে বলিলে তিনি বলিলেন, “আমি জানি না, যাঁর ঠাকুর তিনি জানেন, তিনি এখন এখানে নাই, আমার উপর ভার দিয়া গিয়াছেন,—আমি যাহা জানি তাহাতেই পূজা করি।”

শুনিলাম ঠাকুর একজন গোয়ালার ছিলেন। সেই পূজা অর্চা করিত, কিন্তু ঠাকুর যখন খুব জ্ঞাত হইয়া উঠিলেন তখন আন্ধ-পেরাও মানৎ করিতে লাগিল। চারিদিকেই বড় বড় আন্ধণের গ্রাম; আন্ধণেরা গোয়ালার হাতে ঠাকুরের পূজা দিতে ইতস্ততঃ করে দেখিয়া, গোয়ালার একজন দুর্দশাপন্ন আন্ধণকে পূজারি নিযুক্ত করিলেন। সে প্রথম প্রথম আন্ধণেরই পূজা দিত, পরে অল্প জ্ঞানেরও পূজা দিতে লাগিল। কিন্তু শূয়ার ও মূর্গা বলির সময় সে আসিত না, মানৎগোয়ালার ছোট জ্ঞানের পণ্ডিত লইয়া আসিত। ক্রমে গোয়ালার বংশ লোপ হইয়া গেল। আন্ধণেরা প্রবল হইয়া উঠিল, এখন ঠাকুর তাঁদেরই—তঁাহারা সব হিন্দুর আচার-ব্যবহার আরম্ভ করিয়াছেন। আমি যে সময়ের কথা বলিতেছি উহা ইংরাজী ৯০ কি ৯৪ সালে। ৯৮ কি ৯৯ সালে আমি আর একবার যাই। সেবার দেখি ধর্মঠাকুর মাটির বেদীতে আর নাই। তাঁহার নীচে বেশ একটি পরিষ্কার বড় গৌরীপট্ট হইয়াছে।

ক্রমে অনুসন্ধান করিতে করিতে শুনিলাম কলিকাতা সহরের মধ্যেই অনেক স্থানে ধর্মঠাকুরের মন্দির আছে। তাহার মধ্যে ৪৫ নং জানবাজার রোডের ধর্মঠাকুর খুব প্রবল। তাঁহার একটি

একতলা মন্দির আছে, মন্দিরের সামনে বারান্দা আছে; বারান্দার নীচে উঠান আছে; উঠানের পর বেলাই আছে। সিংহাসনখানি অনেক থাকের উপর। ধর্মঠাকুরের আসন সকলের উপর। তাঁহার নীচের থাকে গণেশ ও পঞ্চানন্দ। গণেশ ও পঞ্চানন্দের নীচে তিনখানি পাথর, মাঝের খানি একটু ছোট, বোধ হয় ত্রিপুরের মূর্তি। এই তিনখানি নীচের থাকে শীতলা ও যতী, আর ঘরের কোণে স্বরাসুর—প্রকৃৎ মূর্তি ত্রিপ্রদ ও ত্রিশির। ধর্মঠাকুরের চোখ আছে, এক সেই তিনখানি পাথরেরও চোখ আছে। ধর্মঠাকুরের মানৎ করিলে অনেকে পাঁঠাও দেয়, কিন্তু পাঁঠাবলির সময় ধর্মঠাকুরের সামনের কপাটখানি বন্ধ করিয়া রাখিতে হয়, কারণ ধর্মঠাকুর পরম বৈষ্ণব, মাংস খানও না শ্রাণী-হিংসাও চান না। কিন্তু পঞ্চানন্দ বড় মাংসাশী—তিনি যেমন মাংস খান তেমনি মদও খান। তালতলা লেন নিবাসী শ্রীযুক্ত বাবু হরিমোহন দে এই ধর্মঠাকুরের মানৎ করিয়া আপন সংসারের শ্রীহৃদ্ধি-সাধন করিয়াছিলেন। তিনিই ধর্মঠাকুরের মন্দিরের মেরামত করিয়া দিয়াছেন, সৌষ্ঠব করিয়া দিয়াছেন। পূজা আদির ব্যবস্থাও তিনিই করেন। ধর্মঠাকুরের পূজারি একজন বর্ণভ্রাঙ্গণ। বসন্তের চিকিৎসা ও শীতলার পূজা করিয়া তিনি বেশ সঙ্গতিপন্ন হইয়াছেন। হরিমোহন বাবুই আমাকে তন্ন তন্ন করিয়া মন্দিরটি দেখাইয়াছিলেন। পঞ্চানন্দের মজ পান ও মাংস আহ্বারের সন্ধ্যা—তিনি বলিলেন, ধর্মঠাকুর যে কেন এ মাতালটাকে সঙ্গে রাখেন জানি না। ওটার কিন্তু দ্রুত খুব—যে যা ধরে সে তাই পায়। কিন্তু ওটা মাতালের একশেষ। একদিন একটু মদ কম দেওয়া হইয়াছিল। সেইদিন হতে আর ওকে খুঁজিয়া পাওয়া যায় না। নিকটস্থ সকল স্থান তন্ন তন্ন করিয়া খোঁজা গেল, কিছুতেই পাওয়া গেল না। অনেকে পঞ্চানন্দের পূজা না হওয়ায় নিজের আহ্বারাদি বন্ধ করিয়া দিল। শেষ একদিন একজনকে স্বপ্ন দিলেন, ‘আমি জানবাজারের চৌমাথায় শুভ্রীর শোকানের একটা ক্ষেত্র জাপার ভিতরে পড়ে আছে।’

তখন ঢাকঢোল বাজাইয়া জালার তিতর হইতে তাঁহাকে বাহির করা হইল। মহাসনারাে তাঁহাকে আবার ধর্মমন্দিরে স্থান দেওয়া হইল। হরিমোহনবাবু গঙ্গদ ভাবে বলিলেন, 'সেইদিন হইতে মহাশয়, আমি ঠর অস্ত্র রোজ এক বোতল মদের ব্যবস্থা করিয়া দিয়াছি, যেন আর না পালায়'। হরিমোহন বাবুর গঙ্গদ ভাব দেখিয়া আমি বাস্তবিক বিশ্বিত হইয়া গিয়াছিলাম।

বলরাম মের ষ্টীটেও একটি ধর্মঠাকুর আছেন। কিন্তু সেখানে ঈতলাই প্রবল। একটু বিশেষ মন দিয়া না খুঁজিলে ধর্মঠাকুরকে দেখিতেই পাওয়া যায় না।

এইরূপ নানা জায়গায় ধর্মঠাকুরের নানা মন্দির দেখিয়া ধর্মঠাকুর যে বৌদ্ধ-ধর্মেরই অবশেষ তাহা আমার বেশ বিশ্বাস হইল। কিন্তু আমার বিশ্বাস হইলে ত' হয় না। অস্ত্রকে ত' বোকান চাই। হুতরং আমি আমার সুযোগে ভ্রমণকারী পণ্ডিত রাখালচন্দ্র কাব্য-তীর্থ ও বিনোদবিহারী কাব্যতীর্থ দুইজনকেই যে যে স্থানে ধর্মঠাকুরের বড় বড় মন্দির আছে, সেই সেই স্থানে পুঁথি খোঁজার জচ্চ পাঠাইয়া দিই। তাঁহাদিগকে বলিয়া দিই, 'বদি হাকন্দ পুরাণ পাও বা ময়ূর-ভট্টের ধর্মমঙ্গল পাও, অতি অবশ্য করিয়া লইয়া আসিবে; এক কোন প্রসিদ্ধ মন্দির দেখিলে মন্দিরের ও মন্দিরের দেবতার বিবরণ লিখিয়া আনিবে' রাখালচন্দ্র বাঁকড়া জেলার অন্তর্গত শলপ নামক স্থানে গিয়া দেখেন যে ধর্মের মন্দিরে রীতিমত ধ্যানস্থ বুদ্ধের মূর্তি রহিয়াছে। বিনোদবিহারী ময়নায় যাইয়া খবর দেন যে ধর্মের মন্দিরে পূর্বে তিনটি জিনিস ছিল। একখানি পাথর, একটি শাখ ও ধর্মঠাকুর। পাথরটি আর পাওয়া যায় না, শাখটিও আর দেখা যায় না—কেবল ধর্মঠাকুরই আছেন; ধর্মঠাকুর দেখিতে কচ্ছপের মত। ইহার পর শ্রীযুক্ত রাখালচন্দ্র একখানি পুঁথি সংগ্রহ করিয়া লইয়া আসেন—উহার নাম "ধর্ম-পূজাবিধি"। আমার এখনকার সুযোগে সহকারী শ্রীযুক্ত বাবু ননীগোপাল বন্দ্যোপাধ্যায়

এ পুস্তকখানি ছাপাইতেছেন। পুস্তকখানি পড়িলেই বেশ বুঝা যাইবে ধর্মঠাকুর শিবও নন, বিষ্ণুও নন, ব্রহ্মাও নন, কারণ ইঁহারা সকলেই ধর্মঠাকুরের আরণ দেবতা। ইঁহাদের ধ্যান, পূজা ও নমস্কারাদির ব্যবস্থা স্বতন্ত্র আছে। ধর্মঠাকুর ইঁহাদের ছাড়া; ইঁহাদের চেয়ে বড়। ধর্মঠাকুরের শক্তির নাম কামিচ্ছা। বল্লকানদীর তীরে ইঁহার প্রথম আবির্ভাব হয়। আমি বল্লকানদীর তীরে বড়ওয়ান গ্রামে এই ধর্মঠাকুরের মন্দির দেখিতে গিয়াছিলাম। এককালে ধর্মঠাকুরের খুব বড় মন্দির ছিল। ভান্সা মন্দিরের চিহ্ন এখনও অনেক জায়গায় আছে। এখনকার মন্দিরটি একটি প্রকাণ্ড এক-স্তম্ভীয়; সামনে একটি বড় নাটমন্দির। মন্দিরের অধিকারী একজন স্ত্রীলোক, মুখী পণ্ডিত, সাধুভাষায় নাম মোক্ষদা। তিনি জাতিতে জোম—মিছেই পূজা করেন; তবে পাল-পার্বণে একজন ব্যাকরণজানা ডোমের পণ্ডিত লইয়া আসেন। তিনিও "ধ্যামস্তো নারিমধ্যো" ইত্যাদি মন্ত্রে ধর্মঠাকুরের পূজা করিয়া থাকেন।

ধর্মঠাকুরের মূর্তি কচ্ছপের ছায়া। এইটি বৃষ্টিতে হইলে বৌদ্ধ-ধর্মের অনেক কথা বৃষ্টিতে হয়। বৌদ্ধদের তিনটি রত্ন ছিল। তিনটিই উপাসনার বস্তু—বুদ্ধ, ধর্ম ও সঙ্গ। বুদ্ধ বলিতে শাক্যসিংহ বুঝাইত, ধর্ম বলিতে ব্রাহ্মবলী বুঝাইত এবং সঙ্গ বলিতে ভিক্ষু-মণ্ডলী বুঝাইত। কোন কোন সম্প্রদায় বুদ্ধকে প্রথম স্থান না দিয়া ধর্মকেই প্রথম স্থান দিতেন। তাঁহাদের মতে ত্রিরত্ন হইত ধর্ম, বুদ্ধ ও সঙ্গ। ক্রমে ধর্ম বলিতে স্তূপ বুঝাইত। পূর্বে পূর্বে প্রবন্ধে দেখাইয়াছি যে মহাযান মতে শাক্যসিংহ কেবলমাত্র লেখক হইয়া দাঁড়াইয়াছেন—ত্রিরত্নের মধ্যে তাঁহার স্থান নাই। সেখানে ধ্যানী বুদ্ধের আসিয়া উপস্থিত হইয়াছেন। এই সকল ধ্যানী বুদ্ধ অনাদি ও অনন্ত। ধ্যানী বুদ্ধগণের মন্দির ক্রমে স্তূপের গয়েই আসিয়া উপস্থিত হইল। অর্থাৎ ধর্ম ও তথাগত এক হইয়া গেল। স্তূপের গয়ে কুলুদী কাটা হইতে লাগিল। পূর্বের কুলুদীতে

আকোভা বসিলেন, পশ্চিমে অমিতাভ, দক্ষিণে রত্নসম্ভব, এবং উত্তরে অমোঘসিদ্ধি। প্রথম ধ্যানী বুদ্ধ যে বৈরোচন তিনি স্তূপের ঠিক মধ্যস্থলে থাকিতেন। এইরূপ চারিটি কুলুঙ্গীওয়াল স্তূপই অধিক দেখিতে পাওয়া যায়। কিছুকাল পরে প্রধান ধ্যানী বুদ্ধকে এক্রূপে লুকাইয়া রাখা লোকে পছন্দ করিল না। দক্ষিণ-পূর্বে কোণে আর একটি কুলুঙ্গী করিয়া সেইখানে তাঁহার স্থান করিয়া দিল। পাঁচটি কুলুঙ্গীওয়াল স্তূপ দেখিতে ঠিক কচ্ছপের মত হইল। আমাদের ধর্মঠাকুর কচ্ছপাকৃতি। স্তূপেরা তিনি এই শেখকালের স্তূপেরই অনুকরণ। স্তূপ আবার ধর্মের প্রতীকৃতি। স্তূপেরা স্তূপ, ধর্ম, এবং কচ্ছপাকৃতি তিনিই এক হইয়া গেল। ইহাতেই মনে হয় কচ্ছপাকৃতি ধর্মঠাকুর পঞ্চ ধ্যানী বুদ্ধের মূর্তির সহিত ধর্মমূর্তির স্তূপ—আর কেহ নহে।

এখন জিজ্ঞাসা করা যাইতে পারে—সম্ব কোণায় গেল ? মহা-যানে সম্ব বোধিসত্ত্ব রূপ ধারণ করিয়াছিলেন। অনেক বোধিসত্ত্বের স্বতন্ত্র পূজা হইত। এখন ভদ্রকল্প চলিতেছে। এ কল্পে অমিতাভের পাল। অমিতাভের বোধিসত্ত্ব অবলোকিতেশ্বর, তিনিই কর্তা, তিনিই জগত উদ্ধার করিতেছেন, তাঁর সহস্র সহস্র নাম, তাঁর সহস্র বস্ত্র মন্দির আছে। স্তূপ হইতে তাঁহাকে এখন পূজা করিয়া লওয়া হইয়াছে—ত্রিরত্ন এখন আর নাই। মাত্র ধর্মঠাকুর আছে। এ যে বিনোদবিহারী বলিয়াছেন যে ময়নায় পূর্বে একখানি পাষাণ, ধর্মঠাকুর ও শম্ব পাওয়া গিয়াছিল। পাষাণ লোপ পাইয়াছে অর্থাৎ ত্রিরত্নের বুদ্ধ লোপ পাইয়াছেন। শম্বও নাই অর্থাৎ সম্বও নাই। এখন কেবল ধর্মঠাকুর—কচ্ছপাকৃতি।

নেপালে প্রত্যেক বিহারে ফটকের কাছে দেখিবে, এক একটি হারীতির মন্দির। হারীতিই বসন্তের দেবতা, আমাদের দেশের শীতল। বিহারবাসী বৌদ্ধভিক্ষুরা শীতলকে বড় ভয় করিতেন, সেইজন্য তাঁহার হারীতিকে পূজা না দিয়া, বিহারে প্রবেশ করিতেন

না। আমাদের এখানেও ধর্মঠাকুরের সহিত শীতলার খুব ঘনিষ্ঠ সম্বন্ধ দেখিতে পাওয়া যায়। যেখানে ধর্মঠাকুরের মন্দির সেই-খানেই প্রায় শীতলা।

গণেশ ও মহাকাল নেপালে বুদ্ধমন্দিরের ঘর-দেবতা। যেখানে বুদ্ধের মন্দির, মন্দিরের মধ্যে ছোট ছোটই থাকুক বা শাক্যসিংহের মূর্তিই থাকুক—বারের একদিকে গণেশ, একদিকে মহাকাল। নেপালে দু'জনেই মাংসাশী, দু'জনেই মাতাল। বাঙ্গালায় মহাকালের জায়গায় পঞ্চানন্দ হইয়াছেন। বাঙ্গালায় গণেশ মাংস খান না, কিন্তু পঞ্চানন্দ বড় মাংসাশী। হরিমোহনবাবু পঞ্চানন্দের যে বিবরণ দিয়া-ছেন তাহা পূর্বেই বলিয়াছি।

তার পর ধর্মঠাকুরের চোখ। এখন ত লোকে Paper-fastener দিয়া ধর্মঠাকুর ও শীতলার চোখ তৈয়ার করিয়া থাকে। কিন্তু চোখ স্তূপের একটা অঙ্গ। স্তূপের গোল শেষ হইয়া গেলে তাহার উপর একটা চৌকা জিনিস থাকে। তাহার চারিদিকেই দুইটা করিয়া চোখ থাকে। তুবাগত প্রাতঃকালে উঠিয়াই একবার চারিটি দিক অবলোকন করিতেন। তিনি চক্ষু হইতে খেত, নীল, পীত, লোহিত প্রভৃতি নানা বর্ণের রশ্মি বাহির করিয়া ত্রিসাহস্র মহাসাহস্র লোকধাতুর অন্তর্গত অন্তর্গত করিতেন। সেইজন্য এই ত্রিসাহস্র মহাসাহস্র লোকধাতুর নাম অবলোকিত। স্তূপের গোলাকার উপর চারিদিকে চার জোড়া চোখ থাকাই উচিত। এখনকার ধর্মঠাকুরেরও সেইজন্য অনেক চক্ষু। ইহাতেও ধর্মঠাকুরকে পুরাণ বৌদ্ধ-ধর্মের শেষ বলিয়া মনে হয়।

আমরা শাক্যসিংহের মতাবলম্বীদিগকে বৌদ্ধ বলিয়া থাকি, কিন্তু তাহারা আপনাদিগকে কি বলিত ? তাহারা আপনাদিগকে সঙ্ঘমী বলিত এবং আপনাদের ধর্মকে সঙ্ঘর্ম বলিত। অনেক জায়গায় দ ও ধ-য়ের যে সংযুক্ত বর্ণ তাহার পরিবর্তে শুধু ধ বলিত। অশোকের শিলা-লিপিতে বৌদ্ধ-ধর্মের নাম সধর্ম। অনেক সংস্কৃত পুস্তকেও উহার নাম

সধর্ম। রামাই পণ্ডিত ধর্মঠাকুরের পূজার পদ্ধতি লিখিয়া গিয়াছেন। তিনি নিরঞ্জনের উমা নামে যে ছড়া লিখিয়াছেন তাহাতেও ধর্মঠাকুরের পূজকদিগকে সধর্মী বলিয়া গিয়াছেন। হৃতরাং রামাই পণ্ডিতও মনে করিতেন যে, ধর্মঠাকুরের পূজা ও বৌদ্ধ-ধর্ম এক। ছড়াটি পরে দেওয়া গেল। এ ছড়া পড়িলে আরও বোধ হইবে যে ধর্ম-ঠাকুরের-পূজা বৌদ্ধ-ধর্মের স্মার্য ব্রাহ্মণবিরোধী ধর্ম। কারণ ছড়ায় বলিতেছে “ব্রাহ্মণেরা অত্যন্ত অত্যাচার করাত্তেই সধর্মীরা ধর্মঠাকুরের কাছে প্রার্থনা করে আপনি আমাদের আপদ উদ্ধার করুন। ধর্ম-ঠাকুর অমনি মুসলমান মূর্ত্তি ধারণ করিয়া ব্রাহ্মণদিগকে লন্দ করিয়া দিলেন।”

শ্রীনিরঞ্জনের উমা।

স্বাধপুত্র পুরবাসি সোলসয় ঘর বেদি
বেদি লয় কর লয় দ্বন্দ্ব।
ধক্ষিমা মাগিতে যার যাই ঘরে নাহি পায়
শাঁপ দিয়া পোড়ায় তুবন।
মালদহে লাগে কর না চিনে আপন পর
জ্বালের নাইর মিশ পাস।
বেশিষ্ঠ হইল বড় ধশবিপ হইয়া মোড়
সধর্মীকে করএ বিনাশ।
বেদে করে উচ্চারণ বেরয়্যার অবি ঘনে ঘন
শেখিয়া সভাই কক্ষমান।
মনেতে পাইয়া ধর্ম তবে বলে রাখ ধর্ম
কোমাবিনে কে করে পরিমাণ।
এইরূপে বিলম্বণ করে ভিত্তি সংহারণ
এ বড় হইল অবিচার।

বৈকুণ্ঠে থাকিয়া ধর্ম মনেতে পাইয়া ধর্ম
যায়াতে হইল স্বাক্ষকার।
ধর্ম হইল যবনরূপী মাধায়েতে কাল টুপি
হাতে ধোতে তীকচ কামান।
চাপিয়া উত্তম হয় জিতুবনে লাগে ভয়
ধোয়ার বলিয়া এক নাম।
নিরঞ্জন নিরাকার হইল্য ভেত্ত অস্বতার
মুখেতে বলেন দন্দ্বাদার।
যতেক দেবতাগণ তবে হয়। একমন
আনন্দে পরিল ইজার।
ব্রহ্মা হইলা মহাম্ভব বিষ্ণু হইলা পেগাশর
আনন্দ হইল শূলপাণি।
গণেশ হইল গাজি কাণ্ডিক হইল কালী
ফকির হইল যত মুনি।
তেজিয়া আপন ভেক নারদা হইল্য সেক
পুরন্দর হইলা মৌলানা।
চন্দ্র স্বর্ঘ্য আদি ধেরে পরাতিক হুয়া সবে
সবে মেলাি বাজায় বাজনা।
আপুনি চিত্তিকাদেবী তিত্ত হইল্য হাথা বিবি
পদ্মাবতী হইল বিবিন্দু।
যতেক দেবতাগণ হুয়া সবে একমন
প্রবেশ করিল আঁপুয়।
দেউল দেহার। ভালে কাড়া কিড়্যা থায় রলে
পাখড় পাখড় বলে বোল।
ধরিয়া ধর্মের পরি রামাই পণ্ডিত গার
ই বড় বিষম গঙ্কগোল।

শ্রীহরপ্রসাদ শাস্ত্রী।

শব্দের প্রতি

[৬পুরাধামে লিখিত]

তুমি শব্দ ! সিন্ধুর কুমার, সিন্ধু-গর্ভে জনম তোমার ।
পুঞ্জীভূত ফেন-ধবলিমা মিল তব অঙ্গের গরিমা ।
ভ্ররঙ্গের গতি বিভঙ্গিম তমু তব করিল বঙ্গিম ।
উরমির গভীর গর্জনন কর্তে তব পাতিল আসন ।—
কবে তুমি ছাড়ি' সিন্ধু-বাস লোকালয়ে করিছ নিবাস ।
সতী যবে দেবালয়ে গশি' বিগ্রহের চাহি' মুখ-শশী
বাধি' ভুলে আনমিত মুখে চুমে তোমা, সনাতন স্বপ্নে
চিত্ত তব উঠে উচ্ছ সিয়া, কর্তে হ'তে পড়ে উপচিয়া
বোম বায়ু করিয়া অধীর সিন্ধু-গান কি গুরু গভীর !
কভু তুমি কবির হৃদয়ে অন্তর্গত স্মৃতিপুঞ্জ ল'য়ে
ভাব-তন্মু করিয়া ধারণ রহ হ্রপ্ত, ধ্যান-নিমগন ।
কবি যবে অন্তরে তাহার অবগাহি' তোমায়ে আবার
জানে তুলি, অমনি তখন তুল মস্ত্র মধুর ভাষণ,
বিশ্ব তাহে হ'য়ে চমকিত করে পান সে দিবা সঙ্গীত ।—
কভু তুমি প্রলয়ের কালে প্রভঞ্জন জীমূতের তালে
পিলাকীর বিষণ ভেদিয়া রুদ্র রব তুলহ ধ্বনিয় ।
শব্দ-রূপী তুমি হে গুণ্ডার, জলে, স্থলে, গগনে প্রচার !

শ্রীভৃঙ্গস্বধর রায় চৌধুরী ॥

মায়াবতী পথে

[৩]

কুলিগণের মুখে ভীমতালের প্রাকৃতিক সৌন্দর্যের কথা শুনিয়া
মনের মধ্যে যে চিত্র গড়িয়া উঠিয়াছিল, ভীমতালে উপনীত হইয়া
দেখিলাম সেই মানস ভীমতাল হইতে বাস্তব ভীমতাল কিছুমাত্র
অপকৃষ্ট নহে। প্রকৃতির এই মধুর ও বিশাল সৌন্দর্য্য-সমাবেশের
মাধো নিমজ্জিত হইয়া আমরা পথরুদ্ধ একেবারে বিস্মৃত হইলাম।
স্ববিস্মৃত দীর্ঘ ত্রদ অকিয়া ঝাঁকিয়া গিয়াছে, চতুর্পার্শ্বে বিরাট পর্বত-
শ্রেণী গগনভেদ করিয়া উঠিয়াছে; হ্রদের ধার দিয়া চতুর্দিক বেটন
করিয়া পরিচ্ছন্ন পথ; পথের ধারে ধারে, পাহাড়ের গায়ে গায়ে ক্ষুদ্র
ক্ষুদ্র বৃক্ষা গৃহরাজি; দেখিয়া আমাদের মনে হইল যেন আমরা
সহসা কোন সম্বন্ধ-অঙ্কিত চিত্রের মধ্যে আসিয়া দাঁড়াইয়াছি।

ভীমতালে প্রবেশ করিয়া প্রথমেই দেখিলাম, ভীমতালের ক্ষুদ্র
বাজার। দশ পনের খানি নিত্য-প্রয়োজনীয় দ্রব্যের দোকান লইয়া
বাজার। কিন্তু প্রত্যেক দোকানেই—বিশেষতঃ বস্ত্র ও শীতবস্ত্রের
দোকানে, দেখিলাম ক্রেতার সংখ্যা অল্প নহে। শুধু স্থানীয় অধি-
বাসিগণের প্রয়োজনের উপর নির্ভর করিলে এই সকল দোকানগুলির
চলে না। নিকটবর্তী কুড়ি পঁচিশখানি গ্রামের প্রয়োজনীয় পণ্য
ভীমতালের এই সকল দোকানগুলি হইতে সরবরাহ হইয়া থাকে।
* তদ্বিন্ন আলমোরা এবং কাঠগুদামের যাত্রীগণও এই দোকানগুলির
বাঁধা খরিদদার।

বাজার অতিক্রম করিয়া আমরা তালের সম্মুখে উপস্থিত হই-
লাম। পর্বতের এত উপরে এই বিশাল অচপল জলরাশির দৃশ্য

একটু বিচিত্র মনে হইল। সাধারণতঃ পাহাড়ের উপর জলের বিষয়ে আমাদের অভিজ্ঞতা এবং ধারণা—স্বর্ণাণা এবং পার্বত্য নদী লইয়া, অর্থাৎ চকল, চলন্ত, বেগবান। পর্বতের ফ্রেজে এই নিবিট, স্থির জলবিস্তার দেখিয়া মনে হইল মহাযোগীর আলয়ে এই গভীর এক বিস্তৃত জলরাশিও সেই মহাবৈরাগ্যের একটি কণা রূপস্বয়ম করিয়া যোগনিবন্ধ হইয়া স্তব্ধ হইয়া গিয়াছে। কুলিগণের মুখে শুনিলাম, এই হ্রদের কোন কোন স্থানের গভীরতা এত অধিক যে এ পর্য্যন্ত কেহ তাহাদের পরিমাণ নির্ণয় করিতে পারে নাই। একথা যে বোল আনা সত্য তাহা বিশ্বাস না করিলেও, হ্রদটি যে ভয়ঙ্কর গভীর সে বিষয়ে কোন সন্দেহ থাকে না। হ্রদের আনুমানিক পরিধি অস্বাভাবিক বেড় মাইল মনে হইল। ইহার অর্ধপথ অতিক্রম করিয়া হ্রদের অপর দিকে ডাকবাংলায় আমরা উপনীত হইলাম। ডাকবাংলা যাইবার জন্ত একটি সেতু অতিক্রম করিতে হয়। হ্রদ হইতে ইচ্ছামত জল বাহির করিয়া নিম্নপথে প্রেরণ করিবার জন্ত এই সেতুর নীচে একটি ব্যবস্থা আছে। আমরা দেখিলাম সেই পথ দিয়া অল্প অল্প জল বাহির হইয়া অতি দ্রুতগতিভরে নীচে চলিয়া যািতেছে এবং তাহা হইতে এমন প্রবল ক্রমোলধনি উঠিতেছে যে একমিনিট চক্ষু মুদ্রিত করিয়া সেই গর্জন শুনিলে মনে হয় যে চাহিয়া দেখিব হ্রদের সমস্ত জল নির্গত হইয়া গিয়াছে।

ভীমতাল সমুদ্র-স্তর হইতে ৪৫০০ ফিট উচ্চ। স্থানীয় ডাকবাংলাটি ক্ষুদ্র নহে বটে, কিন্তু অপরিচ্ছন্ন মনে হইল। আসবাব-পত্রগুলিও অভয় এবং মজবুত নহে। কিন্তু স্থানটি অতিশয় মনোরম এবং আরামপ্রদ। একটি উচ্চ পাহাড়ের শিখরে সমস্ত ক্ষেত্রের উপর বাংলাটি নির্মিত—চতুর্দিকে খোলা জায়গা, নিম্নে তালের শাস্ত্র জল-বিস্তারের সুন্দর দৃশ্য এবং তাহার তিন দিক বেষ্টিত করিয়া ভীমতালের ত্রি-চতুর্ভুজ অংশ একটি পরিচ্ছন্ন চিত্রের মত দৃশ্যমান। আমরা বাংলা-প্রান্তরে গাছতলায় আমাদের ডাবগুটিকে চেয়া-

রের স্থলাভিষিক্ত করিয়া বসিয়া বসিয়া নিমজ্জিত মনে এই সৌন্দর্য পান করিতে লাগিলাম।

নাইনিতালের কোন কোন স্থান হইতে ভীমতালের হ্রদ দেখা যায়। কুলিগণ নাইনিতালের পাহাড় আমাদেরিগকে দেখাইয়া দিল—কিন্তু সেইটি যে নাইনিতালেরই পাহাড় সে বিষয়ে কুলিগণের কথা ভিন্ন জন্ত কোনও প্রমাণ পাওয়া গেল না।

ভীমতালের সুন্দর দৃশ্যের উপর শেষবার চক্ষু বলাইয়া আমরা যখন অগ্রগামী হইলাম তখন বেলা প্রায় ৩টা।

কাঠগুদাম হইতে ভীমতাল আট মাইল পথ। ভীমতাল হইতে জুংমাটিকে যাইতে হইবে রামগড়, এগার মাইল পথ; এবং সেইখানেই রাত্রিমাণন করিতে হইবে। সন্ধ্যার পূর্বে যে আমরা রামগড়ে পৌঁছিতে পারিব সে বিষয়ে দুঃশাও তখন আর কার্যরত মনে ছিল না। তবে আশ্রয়স্থলে পৌঁছিতে রাত্রি অধিক হইয়া না পড়ে, সেই জন্ত আমরা অপেক্ষাকৃত দ্রুতগতিভরে চলিতে লাগিলাম। কিন্তু আমাদের ইচ্ছা এবং উদ্যমকে ব্যর্থ করিয়া সন্ধ্যা যখন তাহার আঁধার অঞ্চলের আবরণে চতুর্দিক ঘেরিয়া ফেলিল, তখনও রামগড়ের প্রায় তিন মাইল পথ বাকী। তাহার উপর আমরা হ্রদে ডাবগুটালগণের মধ্যে দুই জনের জ্বর আসায়, দুইখানি ডাবগুট, কাজে কাজেই সকল ডাবগুটলিই গতি মন্থর হইয়া পড়িল। আমাদের পক্ষ হইতে ভাড়নার ও উৎসাহ-উদ্দীপনার বিরাম ছিল না, কিন্তু তত্রাচ রাত্রি ৮ টার পূর্বে আমরা রামগড়ে উপনীত হইতে পারিলাম না।

ডাকবাংলায় উপস্থিত হইয়া আমাদের প্রথম কর্তব্য হইল পীড়িত ডাবগুটাল ও কুলিগণের চিকিৎসা করা। কয়েকটি হোমিও-প্যাথিক ঔষধ আমাদের সহিত ছিল—সেগুলির সহিত ও পীড়ার লক্ষণের সহিত যথাসম্ভব ও যথাসক্তি মিলাইয়া দেখা গেল একমাত্র বেলোডোনাই প্রযুক্ত। জ্বর ও তাহার সহিত প্রবল মাথাধরা ইহাই

পীড়ার প্রধান লক্ষণ; এবং আমাদের সৌভাগ্যবশতই হউক বা মহান্না স্থানিয়াদের স্বগৃহিত আশ্রয় সৌভাগ্যবশতই হউক, চারিজন রোগীর ঠিক একই লক্ষণ প্রকাশ পাইয়াছিল। চারিজনকেই এক এক কোঠা করিয়া বেলেডোনা সেবন করিতে দিলাম। প্রত্যয়ে উঠিয়া সংবাদ পাইলাম চারিজনই সম্পূর্ণ রোগমুক্ত হইয়াছে। চিকিৎসার এরূপ সন্তোষজনক রিপোর্ট পাইয়া আমাদের মধ্যে কয়েকজন হোমিওপ্যাথিক ঔষধের অত্যাস্চর্য্য কার্যকারিতার সপক্ষে দৃঢ়ভাবে মত প্রকাশ করিলেন। কিন্তু হোমিওপ্যাথগণ অশুগ্রহপূর্ব্বক আমাদের কমা করিবেন, হোমিওপ্যাথীর আমি একজন দৃঢ় অনুসারী হইলেও, বর্তমান ব্যাপারের বিষয়ে আমি একেবারে নিঃসন্দেহ নহি; আয়ুর্ মনে প্রবলভাবে সন্দেহ হয় 'যে বেলেডোনা না দিয়া ভেরাট্রম দিলেও ঠিক একই প্রকার ফল পাইতাম। ঔষধ ঝাইয়া আন্নোগ্য হইবার জন্ম যাহাদের দেহ ও মন যোল আনা প্রস্তুত হইয়া রহিয়াছে এবং ঔষধ ঝাইলেই আরোগ্য হইব এইরূপ বিশ্বাসের সঞ্জীবনী কবচ ধারণ করিয়া যাহারা আরোগ্যের অর্দ্ধপথে আসিয়া দাঁড়াইয়াছে তাহাদের পক্ষে, আমার মনে হয়, কার্যকারিতা সম্বন্ধে বেলেডোনা ও ভেরাট্রমের মধ্যে বিশেষ কোন পার্থক্য নাই। আমার এ ধারণা যে ভিত্তিহীন কল্পনা নহে তাহার পরিচয় পরে দিব।

রামগড় সমুদ্র-স্তর হইতে ৬০০০ ফিট উচ্চ এবং ভৌমতাল হইতে এগার মাইল দূর। এখানকার ডাকবালাটি বেশ পরিচ্ছন্ন এবং আসপাষপত্রগুলিও ভাল। এই রামগড়ে কবিবর শ্রীযুক্ত রবীন্দ্রনাথ ঠাকুর মহাশয় একটি বাস-ভবন নির্মাণ করাইয়াছেন। ইচ্ছা ছিল অন্ততঃ দু'বৎসর হইতে একবার কবির আশ্রয় দর্শন করিয়া আসিব। কিন্তু ইচ্ছাপূরণ করিবার জন্ম ডাকবালা হইতে বহির্গত হইবার পূর্বেই পরবর্তী চটি পিউডার জন্ম যাত্রা করিবার সময় উপস্থিত হইল। সকাল সকাল আহাঙ্গাদি সমাপন করিয়া আমরা পিউডার উদ্দেশে যাত্রা করিলাম।

রামগড় হইতে পিউডা পথের দৃশ্য অতি মনোরম। এই পথের একটি জায়গায় একটি বৃহৎ বরণা, আমাদের পথের পাশে পাশে বহিয়া চলিল। এত বড় বরণা অতি অল্পই দেখিয়াছি—একটি ক্ষুদ্র গিরিনদী বলিলেও চলে। বহুক্ষণ ধরিয়া এই তীব্র শ্রোতসিনীটি কৌতুকপরাণা সহচরীর মত বিচিত্র রঙ্গ আমাদিগকে পথশ্রান্তি হইতে অজ্ঞমনক রাখিয়া আমাদের পাশে পাশে বহিয়া চলিয়াছিল। কোথাও নববধূর মত যুগ্মভাষীণী, কোথাও যুবতীর মত কলকলোলা, কোথাও কুপিড়ার মত গর্জনকারিণী এবং কোথাও বা অভিমামিনীর মত অবগুণ্টিতা। এই নিকটে, এই দূরে, এই পার্শ্বে, এই পশ্চাতে, এই সম্মুখে, এই অন্তরালে, এইরূপে নানাভাবে আমাদের কৌতুক উৎপাদন করিতে করিতে সহসা এক সময়ে অপর একটি নিরুঝিণী সজ্জিত মিলিত হইয়া অল্প পথে সরিয়া পড়িল। এই দুইটি নিরুঝিণী মিলিয়া যেখানে ত্রিসঙ্গম হইয়াছে, তাহার উপর একটি সুদৃশ্য লৌহ-সেতু। সেই লৌহসেতুর উপর হইতে এই দুইটি গিরিনিরুঝিণীর অপূর্ব্ব ক্রৌড়া কিছুক্ষণ উপভোগ করিয়া আমরা গন্তব্যের দিকে অগ্রসর হইলাম।

অল্পক্ষণ অগ্রসর হওয়ার পর সহসা এক সময়ে আমাদের চক্ষের সম্মুখে চির-তুঘারের সিন্ধু অমল কমলীয়া শোভা আমাদিগকে বিমুগ্ধ ও বিশ্রিত করিয়া উদ্ভাসিত হইয়া উঠিল। *পর্ব্বভারোহণ করিতে করিতে তুঘার এই প্রথম আমাদের দৃষ্টিগোচর হইল; এবং এখন হহতে আরম্ভ করিয়া মায়াবতী পৌঁছান পর্য্যন্ত যতবার আমাদিগের বাম দিকে আমরা চাহিয়া দেখিয়াছি, অকপট বজুর নির্মল হাস্তের মত এই অমল ধবল তুঘারশ্রেণী ততবারই আমাদিগকে তৃপ্ত করিয়াছে। লঘুপ্রকৃতি নিরুঝিণীর মত অকস্মাৎ আমাদিগকে পরিত্যাগ করিয়া যায় নাই।

বেলা ১টা আন্দাজ আমরা পিউডায় উপনীত হইলাম। সমুদ্র-স্তর হইতে পিউডার উচ্চতা ৫২০০ ফিট এবং রামগড় হইতে দূরত্ব দশ

মাইল। অর্থাৎ দশ মাইল পর্যায়ক্রমে আরোহণ অবরোহণ করিতে করিতে শিউড়ার উপনীত হইয়া আমরা বেবিলাম, রামগড় হইতে ১০০ ফিট আমরা নামিয়াই আসিয়াছি। শিউড়ার ডাক-বাংলায় পৌঁছিয়া ডাক-বাংলার সম্মুখের অপূর্ব দৃশ্য দেখিয়া আমরা চিত্তাধিতের মত নির্বাক হইয়া দাঁড়াইলাম। সম্মুখে প্রায় আট দশ মাইল বিস্তার করিয়া গভীর গহ্বর, তাহার চতুর্দিকে ফেঁদন করিয়া উচ্চ পর্বতমালা, সেই পর্বতমালার গায়ে একদিকে আলমোরা সহরের গৃহগুলি চিত্তাক্রান্তের মত দেখা যাইতেছে—এক সেই পর্বতমালাকে অভিক্রম করিয়া পশ্চাতে তুষারগিরি বিচিত্র চূড়া শৃঙ্গ প্রভৃতি বহন করিয়া গগন ভেদ করিয়া উল্কে উঠিয়াছে। উল্লেখ স্বর্গাকিরণে মণ্ডিত হইয়া এই দীর্ঘ এবং উচ্চ তুষারশ্রেণী একটি রূপার রাজ্যের মত স্বকব্ধ করিতেছিল। অক্ষয় দেখনীর ঘারা সে অসীম সৌন্দর্য্যকে প্রকাশ করিতে চেষ্টা করিয়া তাহার মহত্বকে খর্ব করিব না। আমার প্রবন্ধ-পাঠকগণের মধ্যে যিনি কখন শিউড়া হইয়া আলমোরার প্রভৃতি অঞ্চলে যাইবেন, তাঁহার প্রতি আমার সর্বিন অনুরোধ, এই হৃদয়ের মধুর বিশাল পিউড়াতে অবহেলা না করিয়া অন্ততঃ একদিনেরও জন্ম ইহার সৌন্দর্য্যরস-ধারায় স্নাত হইয়া তৃপ্ত হইয়া যাইবেন।

সেই দিনই সন্ধ্যার পূর্বে আলমোরায় পৌঁছাইবার আমাদের সংকল্প ছিল—কিন্তু সে সংকল্প পরিত্যাগ করিয়া একদিন পিউড়ার সৌন্দর্য্য উপভোগ করিবার জন্ম আমরা সকলেই একমত হইলাম।

বাংলার প্রাসঙ্গে এবং চতুর্দিকে হৃদয় চড়বুদ্ধির শ্রেণী। চিড়গাছের বাঙ্গলা নাম কিছু আছে বলিয়া মনে হয় না—সংস্কৃত ভাষায় ইহার কি নাম তাহাও অবগত নহি। ইহার ইংরাজী নাম পাইন। এই পাইন গাছের হাওয়া যশ্মারোগীর পক্ষে বিশেষ উপকারী। আলমোরায় এবং আলমোরা অঞ্চলে পাইন বৃক্ষের সংখ্যা অত্যন্ত অধিক। আলমোরায় যে এত অধিকসংখ্যক যশ্মারোগী

আসিয়া বাস করে, পাইনবৃক্ষের আধিক্য তাহার অশুভতম কারণ।

পাইন গাছের তলায় স্তরকি পাতিয়া বসিয়া আমরা প্রকৃতির মধুর লীলা উপভোগ করিতে লাগিলাম।

কতক্ষণ আমরা এইরূপে বসিয়াছিলাম ঠিক মনে নাই—সহসা এক বিকট আর্তনাদে আমরা সচকিত হইয়া উঠিলাম। ডাক-বাংলার সংলায় একটি ডাকঘর ও মুদ্রাখানা আছে, সেইদিক হইতে এই আর্তনাদ আসিতেছিল। ব্যাপার কি জানিবার জন্ম উৎসুক হইয়া ঘটনাস্থলে উপস্থিত হইয়া যে দৃশ্য দেখিলাম, তাহাতে আমাদের ঔৎসুক্য দশগুণ বাড়িয়া উঠিল। একটি কুড়ি-বাইশবর্ষীয় মুখক্কে ধরিয়া কয়েকটি লোক ইচ্ছানুরূপ প্রহার করিতেছে এবং সেই বলিষ্ঠ ও সবল যুবকটি প্রহারের অনুপাতে দশগুণ অধিক মন্ত্রায় চীৎকার করিতেছে, তাহার তারপর—পর্বতে হইতে পর্বত প্রতিধ্বনিত হইয়া একটি বিরাট গোলাবোগের সৃষ্টি করিয়াছে। অন্যতমদ্বয়ে একটি বোল মতের বৎসরের বালিকা হস্তের মধ্যে মুণ্ডায়ত করিয়া দাঁড়াইয়া। এই করণ এক জীবন দৃশ্যের রহস্তোদঘাটন করিবার জন্ম অনুসন্ধান করিয়া অবগত হইলাম যে, সেই বলিষ্ঠ এক পুষ্ক যুবকটি তাহার আকৃতি অনুযায়ী চোরও নহে, ডাকাতও নহে, গুণ্ডাও নহে—সে একটি নিরীহ প্রেমিক। এবং সেই কন্যায়ুতী ব্রীড়াব-গুণ্ডিতা অনুভূতমজ্জতা কিশোরীটি তাহার উপাস্য বস্তু। উভয়ের মধ্যে পরাক্রান্ত প্রেম যখন প্রবল বিরুদ্ধে সংঘর্ষের কঠিন রক্ষা হ্রিম করিয়া ফেলে, প্রেমের সেই মাহেন্দ্রক্ষণে প্রণয়পথের এই দুইটি পথিক গুণ্ডপথ অবলম্বন করিয়া গ্রামান্তরে গিয়া লোকচক্রুর অন্তরাল হয়। কিন্তু এই দুঃখকর্ময় সংসারে মন্দলোকের অভাব নাই—সেই কারণে নিশ্চিন্ত হইবারও উপায় নাই। গ্রামের কয়েকটি পরহৃৎকাতর হিংসাপরায়ণ লোক মিলিয়া প্রেমের নিভৃত নিকুঞ্জ মণ্ডিত করিয়া এই যুগল প্রেমিককে ধরিয়া আনিয়াছে এবং পঞ্চায়তের সম্মুখে তাহাদিগকে উপস্থাপিত করিয়া বিচারের পূর্বেই

তাহাদিগকে শাস্তি দিতেছে। এই করুণ এক কঠোর দৃষ্টির মধ্যে যে কোঁতুকেরও একটি স্মৃদ্য ধারা লুকায়িত ছিল, তাহা আমরা পূর্বে বুঝিতে পারি নাই। এই অদূরদর্শী প্রেমিকটি ধারণা করিতে পারে নাই যে রোমান্সের অব্যবহিত পিছনে এমন একটি কেশজনক ঘটনার সংযোগ থাকিতে পারে—ধারণা করিলে হয় ত গুপ্তপথ অবলম্বন না করিয়া সে ভিন্নপথ অবলম্বন করিত। আমাদিগকে দেখিয়া বেচারী প্রেমিকটি দ্রুতগণের নিপীড়ন হইতে রক্ষা পাইল বটে, কিন্তু অবসর বুঝিয়া পক্ষাঘাতের মোড়ল বিশদভাবে হাতমুখ নাড়িয়া বক্তৃতা এবং ভৎসনা আরম্ভ করিলেন। সেই বক্তৃতার দ্বারা আমাদিগকে মুগ্ধ করিবারও কতকটা উদ্দেশ্য ছিল—কিন্তু সেই পার্শ্ববর্তী হিন্দির বোল আনা মর্মগ্রহণে অসমর্থ হইয়া আমরা আমাদের পূর্বস্থলে প্রত্যাবর্তন করিলাম।

ফিরিয়া আসিয়া দেখিলাম সেই রূপার রাজ্য অন্ততমান সূর্যের কিরণে মত্তিত হইয়া একেবারে সোণার রাজ্যে পরিণত হইয়াছে। আমরা বিমুগ্ধ হইয়া। সেই অসীম সৌন্দর্যের দ্বারা পান করিতে লাগিলাম। প্রতিমুহূর্তে পরিবর্তিত হইয়া নূতন নূতন ভাব! কখন পীত, কখন পীতভ, কখন রক্তিম, কখন রক্তভ, কোথাও উজ্জ্বল, কোথাও কমনীয়—এইরূপে একঘণ্টা ধরিয়া আমরা বিধাতার সেই অপূর্ব পরিবর্তনশীল জীবন্ত চিত্র নিরীক্ষণ করিলাম। তাহার পর সেই উজ্জ্বল বর্ণকান্তি যখন ক্রমশঃ রক্ত হইতে পীত এবং পীত হইতে নীলাভ হইয়া ক্রমশঃ অন্ধকারের গুপ্ত কোড়ে মিলাইয়া আসিতে লাগিল, তখন আমরা হৃদয়ের মধ্যে সেই অপূর্ব চিত্র অঙ্কিত ও বহন করিয়া ডাকবাংলার উঠিয়া আসিলাম।

পরদিন স্নাত প্রত্যয়ে চা পান করিয়া হৃদয় কমনীয় পিউড়ার নিকট বিদায় গ্রহণ করিয়া আমরা আলমোড়ার উদ্দেশে যাত্রা করিলাম।

শ্রীউপেন্দ্রনাথ গঙ্গোপাধ্যায়।

নারীর অধিকার

বিগত কার্তিক মাসের 'নারায়ণ' পত্রিকায় 'নববীণে মাতৃমন্দির' প্রবন্ধে শ্রীযুক্ত প্রফুল্লকুমার সরকার মহাশয় একস্থলে লিখিয়াছেন,—
“তুমি সমাজ—তুমি ত শুধু পুরুষের সমাজ। পুরুষ সর্ববিধ পাপ ও লালসাতে ডুবিয়া-ভাসিয়াও তোমার মধ্যে মাথা উন্নত করিয়া দাঁড়াইয়া থাকিতে পারে। তোমার যত শাস্তি, যত নির্ঘাতন; দুর্বল নারীর উপর।”

আরও একস্থলে লেখক মহাশয় লিখিয়াছেন,—“তুমি সমাজ যতই চোখ দ্বারাও না কেন, আমি জোর করিয়া বলিব, ইহা তোমারই সৃষ্টি; তোমার বিধি, তোমার ব্যবস্থা, তোমার প্রথা, অশুশাসন—ইহারা এই সকলের মূল।”

বাস্তবিক দুর্বল নারীর উপর সমাজ কোন নির্ঘাতন করিতেছে কি না, পুরুষের পক্ষে সর্ববিধ পাপ ও লালসায় ডুবিয়া থাকিয়া মাথা উন্নত করিয়া থাকিবার অধিকার আছে কি না এবং সমাজই বিধি-ব্যবস্থা প্রচার করিয়া এই সমস্তের সমর্থন করেন কি না—তাহা দেখিবার সময় আসিয়াছে।

অথবা আমাদের নব্য সমাজের তেমন কোন ক্ষমতাই নাই যে নূতন করিয়া বিধি-নিষেধ সৃষ্টি করিয়া নারীর নিপীড়ন করিবে। নারীর নির্ঘাতন জন্য নব্য সমাজের কোন বিধিনিষেধ যে এ পর্যন্ত সৃষ্টি হয় নাই—তাহা সকলেই জানেন। তথাপি সমাজে যদি নারী-নির্ঘাতন হয়, তবে তাহা প্রাচীন সমাজের বিধি, নিষেধ, অশুশাসনের ফলেই হইয়াছে, বলিতে হইবে। এবং পুরুষের পাপলালসায় ডুবিয়া থাকিয়া মাথা উন্নত করিয়া দাঁড়াইবার অধিকারেরও যে প্রাচীন সমাজ বিধি-ব্যবস্থা সৃষ্টি করিয়া দিয়াছেন, তাহাও মানিতে হয়।

কথা যখন এই, তখন সমাজের পুরাতন পুথি ঘাঁটিয়া, ইতি-

হাসের ধারা বাহির করিয়া—অবশ্য নজির বাহির করা—তেমন শক্ত কথা নহে। কিন্তু এ সম্বন্ধে অনেক কথা ভাবিবার আছে। পল্লব-প্রাচীর পাণ্ডিত্যের ফলে—দুই একখানা স্মৃতি-সংহিতার বাঙ্গলা অম্ব-বাদ দেখিয়া এক পনের মুখে ঝাল খাইয়া অনেক মীমাংসা করা যায় বটে; কিন্তু নিরপেক্ষ বিচারবুদ্ধি লইয়া আলোচনা করিতে বসিলে অনেক সত্য বাহির হইয়া পড়ে।

আমাদের আধুনিক সমাজে এমন কতকগুলি কুলসংস্কার দাঁড়াইয়াছে যে, সমাজের কোথাও একটা কোন কিছু দুর্বলতা দেখা গেলে সেটাকে হিন্দুজাতির একটা প্রকাণ্ড অমুদারতার ফল বলিয়া ধরিয়া লওয়া হয়। বিশেষতঃ হিন্দুজাতির বিশেষত্বের ও উদার সমাজ-ঐশ্বের কল্পিপাথরে আপনায় বুদ্ধিবৃত্তিকে ঘসিয়া মাছিয়া না লইয়া একটা আজগুবি বাহা-হউক-সত্যের উপর নির্ভর করিয়া এক পা-চাত্ত্য অপরিপুষ্ট অগঠিত সমাজের সঙ্গে তুলনা করিয়া—বঁাহারা-একটা বিরাট মতবাদ চালাইতে চেষ্টা করেন, তাঁহারা যে গোড়ায় মন্ত ভুল করেন, তাহাতে সন্দেহ নাই। এই ভুলের ফলেই একটা প্রবল জিজ্ঞাসাও যেন অনবরত চারিদিকেই ছুটিয়া বেড়াইতেছে। সেই জিজ্ঞাসার আপূর্ণকল্পে সমাজের ও যে সাড়া পাওয়া যাই-তেছে না—তাহা নহে। কিন্তু জিজ্ঞাসার উপযোগী এখনও সমগ্র উত্তর প্রান্ত হইয়া না উঠিলেও এবং যদিবা সেই উত্তর প্রান্ত হইয়া থাকে, তাহা হইলে তদুপযোগী চিত্তবৃত্তিসম্পন্ন লোক প্রান্ত হইয়া না উঠিলেও তদ্বিয়ক আলোচনা মন্দ কি ?

নারী-নির্ঘাতন সম্বন্ধে যখন কথা উঠিয়াছে, তখন নারীর শৈশব কাল হইতে আরম্ভ করিয়া মৃত্যুপর্যন্ত সমস্ত জীবনের আলোচনা করা বাইতে পারে।

পুরুষ ও নারী সমাজের নিকট তুল্যাধিকার পাইবার যোগ্য কি না, এবং পুরুষের পক্ষে বাহা সম্ভব তাহা নারীর পক্ষে সম্ভব কি না, এবং পুরুষের চিত্তবৃত্তির মত নারীর চিত্তবৃত্তি ঠিক একই উপা-

দানে গঠিত কি না, তাহা লইয়া বিচার করিয়া সমস্ত বিধি-নিষেধের মর্ম্ম বুদ্ধিতে চেষ্টা করিলে বোধ হয় অনেকটা আলোচনা সহজ হইয়া আসিবে। পুরুষ যে জিনিসটা ভালবাসে, পুরুষের প্রকৃতিতে যে বস্তুটা ঠিক খাপ খায়, পুরুষের চিত্তবৃত্তি যতটা গ্রহণ করিবার উপযোগী, হয় ত নারী চরিত্র তাহার বিপরীত হইয়া থাকে। এস্থলে উভয়ের ওজন বুদ্ধিয়া অধিকারের সীমা নির্দেশ করিলেই সমাজে তুল্যাধিকার দেওয়া হয়। পুরুষ দশ ক্রোশ হাঁটিতে পারিলে নারীর পাঁচ ক্রোশ হাঁটার শক্তির সঙ্গে তুল্যাধিকার। দশ ও পাঁচ সমান না হইলেও, হাঁটার পরিমাণগত শক্তিটা কিন্তু উভয়ের সমান। এই জন্ত—এই দিক দিয়া স্ত্রীপুরুষের অধিকার ঠিক রাখা কর্তব্য। সংসার-ধর্ম্মটার ভিতরও এই দিক দিয়াই স্ত্রীপুরুষের অধিকার বিবেচনা করিতে হয়। আজকাল ইহা একবাক্যে অনেক পাশ্চাত্য সুযোগী স্বীকার করেন যে, পুরুষপ্রকৃতির সহিত নারীপ্রকৃতির পার্থক্য আছে। পার্থক্য আছে বলিয়াই পুরুষের কর্তব্যের সঙ্গে নারীর কর্তব্যের বৈষম্য বিধি-নির্দিষ্ট মর্ম্ম। এই বৈষম্যই বস্তুতঃ স্ত্রীপুরুষের সাম্যের ও তুল্যাধিকারের মধ্য দিয়াই গড়িয়া উঠে। এই বৈষম্যের মধ্যে সাম্য আছে বলিয়াই যত বিরোধ, যত প্রতিদ্বন্দ্বিতা, যত অনর্থ, এক-কথায় ভারতীয় সমাজ হইতে উঠিয়া গিয়াছিল। অবশ্য এখন-কার কথা স্বতন্ত্র। আমরাও এই অধিকার ক্রিয়ারের ভিতর দিয়াই নারীজীবন আলোচনা করিব।

“কন্মপোৎসং পালনায়ী শিক্ষনীয়াত্যিত্বত্বতঃ
দেয়া বরায় বিদুযে ধন-রত্ন-সমগিতা ॥”

এই বচনে শৈশব-কালে নারীর লালন পালন ও শিক্ষা বিষয়ে পুরুষের সঙ্গে সমান অধিকার দেওয়া হইয়াছে। অবশ্য নারীর এই শিক্ষা পুরুষের সহিত জ্যান্টি পরিমিত বা ভূগোল ইতিহাসের সঙ্গে সমান না হউক—তাহার অন্তঃকরণের উপযোগী—তাহার ভবিষ্য

জীবনের উপযোগী করিয়া দেওয়া হইত। এখানেও সেই অধিকারের কথা।

ভারপূরণ—

“বিবিধাঃ ক্রিয়ো ব্রহ্মবাদিশ্চঃ সজ্ঞোবধ্বশ্চ। তত্র ব্রহ্মবাদিনীনাং উপনয়নময়ীক্ৰমং বেদাধ্যয়নং স্বগৃহ্যৈ ভৈক্ষ্যচর্য্যাং চেতি। সজ্ঞোবধ্বনাং উপনয়নং কৃষা বিবাহঃ।” (খরিত)

এই কচনে অধিকার হিসাবে নারীর মধ্যে দুই রকম ভাগ দেখা যাইতেছে। যাঁহারা ব্রহ্মবাদিনী হইবার অধিকার লাভ করিতেন, তাঁহারা আঞ্জীবন ব্রহ্মচর্যা অবলম্বন করিয়া বেদাধ্যয়ন প্রভৃতি পুরুষোচিত সমস্ত কর্তব্যজাতই করিতে পারিতেন; যাঁহাদের সেসুকুম অধিকার ছিল না, তাদৃশ নারীগণের জন্মই বিবাহের ব্যবস্থা, এবং বেদে অনধিকার বলিয়া-যে একটা কথা আছে—তাহারও ব্যবস্থা। বাস্তবিক পক্ষে নারীর বেদাধ্যয়ন কখনও নিষিদ্ধ হয় নাই। নারী পুরুষের অর্দ্ধাঙ্গিনী এবং সহধর্মিণী। বেদনির্দিষ্ট সমস্ত ক্রিয়া-কাণ্ডে যখন সংসারী মানবের কর্তব্যতা আসিয়া পড়ে, তখন স্ত্রীপুরুষে পৃথক্ ভাবে যজ্ঞসমুষ্ঠান প্রভৃতি করিলে, ধর্মাচরণের বৈধিহ্য আসিয়া পড়ে। পুরুষের একটা ধর্ম এবং নারীর একটা আলাহিদ্দা ধর্ম হইয়া পড়ে, তাহা হইলে নারী আর পুরুষের সহ-ধর্মিণী হইতে পারেন না। বিশেষতঃ সংসারের কর্তব্যরাশির ভিতরে স্ত্রীপুরুষের ভিন্ন ভিন্ন ভাবে বিধিব্যবস্থা থাকিলে দুইটা আলাহিদ্দা সংসারই গড়িয়া উঠে। এইজন্য স্ত্রীর বেদে অধিকার থাকিলেও স্বাধীনভাবে অধিকার নাই। বেদ বলিলে শুধু ব্রহ্মখানা পড়া বুকায় না, সঙ্গে সঙ্গে কার্যের কথাও আসিয়া পড়ে। কাজেই

“নান্তি স্ত্রীণাং পৃথক্ যজ্ঞো নত্রতঃ নাপ্যু পোষণং।

পতিং শুশ্রূষতে যন্তু তেন স্বর্গে মহীয়তে ॥”

এই মনুর বচনটা আসিয়া পড়ে। এখানে ইহাই বুঝিতে হইবে

যে পুরুষের সঙ্গে নারীর এই-যে বৈধিহ্য তাহা অসুদূরতার ফল নহে—অধিকারেরই স্কন্দর ফল। কাজে এখানেও ‘স্ত্রীণাং’ বলিতে ব্রহ্মবাদিনী স্ত্রীর কথা বলা হয় নাই বুঝিতে হইবে। ব্রহ্মবাদিনীদের কথা পূর্বেই বলা হইয়াছে।

এই জন্মই সেদিনকার—“ছায়প্রকাশে”র টীকাকার ঙ্কফনায় ছায়পঞ্চানন মহাশয় স্পষ্টাকারে বলিয়াছেন,—

“আত্রেয়ানানামিব যাসাং স্ত্রীণাং ব্রহ্মজিহ্বাসা জায়তে তাসা-
মুপনয়ন-বেদাধ্যয়নাদাবধিকারাং বাগেহপি স্বাতন্ত্র্যেণাধিকারঃ।”

(ছায়প্রকাশের টীকা।)

এই জন্মই ভবভূতির উত্তরচরিতে “আত্রেয়ী”র বেদান্ত পড়ার কথা পাই। এবং সীতা সাবিত্রীদের ছায় নারীগণের বধু হওয়ার কথাও রামায়ণ মহাভারতে পাওয়া যায়। বধুস্ত্রীবনে নারীগণের এই যে পতিশুশ্রুধা, ইহার মধ্যে দাস্যবৃত্তির একটা উৎকট রুচনা অনেক করিতে পারেন বটে, কিন্তু একটু তলাইয়া দেখিলে সে কথা মনে আনাও অস্বাভাবিক। মনুভেদে—“যত্র নারীশ্চ পুঞ্জান্তে” বলিয়া নারীপূজারও বিধান দেখা যায়। ফল কথা, পতিশুশ্রুধা বা নারীপূজার অর্থ এমন নহে যে দাসী দাসের ছায় জীবন যাপন করার নিধি দেওয়া হইয়াছে। পরস্পর শ্রদ্ধাপ্রীতিই এই-বচনদ্বয়ের তাৎপর্য। তাহা পি পাতিত্রছািহ্যবনে নারীর অধিকারের মধ্যে একটু নম্রতা থাকিলেও তাহাতে কিছুই অপমানের কিম্বা নাই। দেশতার উপাসনায়, পিতৃভক্তিতে বা গুরুভক্তিতে মানবের যেমন অপমানের কথা দূরে থাকুক সম্মানের কথাই পাওয়া যায়, এখানেও পতি-দেবতার শুশ্রূষায় তেমনি অপমানের কথা কেন আসিবে—তাহা আমরা বুঝিতে পারি না। এই উচ্চনীচতাই এখানে স্ত্রীপুরুষের ভিতরে অধিকারের সমতা আনিয়াছে। এই জন্মই পুরুষের কার্যের সঙ্গে নারীর কার্যের তুল্যাবিকার দেখিতে গেলে উভয়ের দ্বিক্ দিয়াই দেখিতে হয়। সন্তানপালন হইতে আরম্ভ করিয়া গৃহক্ষেত্রের উপযোগী নারীর সমস্ত

কার্যাবলির সঙ্গে পুরুষের কঠোর কর্মজীবনের অধিকারের পরিমাণটা ভাবার দিক দিয়া না দেখিয়া বিবেচনা করিলে কোন জায়গায় বৈষম্য পাওয়া যায় না। এখানে নারী অফিসে চাকুরি করিয়া সংসার পালনের, বা বাগানে কোদাল পাড়িয়া গাছপালা রোপণ করিয়া কঠোর কর্মরাশির, পুরুষের সঙ্গে কেন সমান অধিকার পাইবে না, একথা তুলাই অসম্ভব। দুই জনেই পুরুষ হইলে, একের অধিকার ক্ষুণ্ণ হইয়া যাইবে। নারী নারীই থাকিবে, কদাপি পুরুষ হইবে না, এবং পুরুষও কদাপি নারী হইবে না। উভয়ে পরামর্শ করিয়া কর্মের ব্যতিক্রম করিলে নিজের নিজের অধিকার হারাইবে। অবশ্য সংসারধর্ম রক্ষা করিতে গিয়া কোম দিন যদি পুরুষকে নারীর কর্ম করিতে হয়, এবং সময়বিশেষে নারীকেও পুরুষের কর্ম করিতে হয়, তাহাতে অধিকার ক্ষুণ্ণ হইবে না। আমাদের সমাজেও এই দৃষ্টান্তের অভাব নাই। পাশ্চাত্য সমাজের দৃষ্টান্তের কথা ধরিয়া এই অধিকার-পদ্ধতির প্রতি অবজ্ঞা করা উচিত নহে। পাশ্চাত্য সমাজ এই অধিকার-পদ্ধতি মুখে স্বীকার করুন বা না করুন, তাহাদের প্রতিষ্ঠানগুলি এবং সংসারধর্ম এই অধিকার-ভিত্তির উপর প্রতিষ্ঠিত নহে বলিয়াই সেখানকার মানবজীবনের কোন সামঞ্জস্য খুঁজিয়া পাওয়া যায় না।

এইজন্যই ভগবান্ মমু স্পষ্টাঙ্করে বলিয়াছেন,—

হিংসৌষধীনাং দ্রোণাজীবোহভিচারো মূলকর্ম চ।

ইন্দ্রনার্মশুকানাং ক্রমাণামুপপাতকম্ ॥

অর্থাৎ ‘অপক অবস্থায় ধাণ্ড নাশ করা, দ্রৌণার জীবিকা অর্জন করা, পরহিংসার্থ জপহোমাদি কর্ম করা, এবং কশাকরণাদি কার্য করা, এবং কাঠের নিমিত্ত অশুক বৃক্ষের ছেদন করা, প্রত্যেকটাই উপপাতক।’

উক্ত বচনে দ্রৌণার জীবিকা নির্বাহও যে একটা পাপ তাহা

স্পষ্টই বুঝা যায়। এখানে যেমন একদিকে দ্রৌণ অধিকারের সম্মান দেওয়া হইয়াছে, অপরদিকে পুরুষকে তাহার অধিকারের হিসাবটাও স্পষ্ট করিয়া বুঝাইয়া দেওয়া হইয়াছে।

এক্ষেণে পাপের দণ্ডের ভিতর দিয়াও দ্রৌপদীর অধিকারটা দেখা যাইক।

“অশীতিবর্ষ বর্ষাণি বালোবাপ্যন্যবোড়শঃ।

প্রায়শ্চিত্তাৰ্দ্ধমহন্তি ত্রিয়ো রোগিণি এব চ ॥”

অর্থাৎ ‘অশীতিবর্ষের অন্যান্যক বৃদ্ধ, বোড়শবর্ষের নূন বালক সাধারণ স্ত্রী এবং রোগীদিগের সম্বন্ধে অর্দ্ধপ্রায়শ্চিত্ত অসুগ্রহ করা যাইতে পারে।’

“ত্রীণামর্ধ্ব প্রদাতব্যঃ বৃদ্ধানাং রোগিণাং তথা।

পাদোবালেষু দাতব্যঃ সর্বপাপেবয়ঃ বিধিঃ ॥”

(লঘুবিক্রু)

এই বচনেও সমস্ত পাপেই স্ত্রীদিগের অর্দ্ধদণ্ড বিহিত হইয়াছে। পুরুষের পূর্নদণ্ডের সঙ্গে স্ত্রীদিগের এই অর্দ্ধদণ্ডের সাম্য আছে। পুরুষের হাতেই ত ব্যবস্থা তৈয়ারীর ভার ছিল, পুরুষেরা ইচ্ছা করিলে কি নিজের কোলের দিকেও কোল টানিতে পারিতেন না ?

এ ত হইল সাধারণ পাপের কথা—এখন রাভিচারের দিক দিয়াও নারীদিগের দণ্ডের হিসাবটা দেখা যাইক।

“বিপ্রদ্রুষ্ঠাং ত্রিয়ং ভর্তা নিরুদ্যাদেক-বেশ্মনি।

যৎপুংসঃ পরদারেষু ভর্তেনাং চারয়েতুত্তম্ ॥”

(মমু)

অর্থাৎ “যেস্থলে যে দ্রৌগমন করিলে পুরুষের যে প্রায়শ্চিত্ত হইবে সেই পুরুষগামিনী স্ত্রীরও সেই প্রায়শ্চিত্ত হইবে। এবং ভর্তা সেই

ব্যক্তিরিণী স্ত্রীর অঙ্গসংস্কার করিতে দিবেন না, এক ঘরে সেই স্ত্রীর সহিত থাকিয়া প্রাণধারণের মাত্র উপযোগী তাহাকে আহার দিয়া ঋতু পর্যন্ত অপেক্ষা করিবেন।”

এখানে পুরুষের ব্যক্তিরের সঙ্গে নারীর ব্যক্তিরও যে সমান পাপজনক, তাহা কি আর কাহাকেও বলিয়া দিতে হইবে? শ্রীযুক্ত প্রফুল্লকুমার সরকার মহাশয়—“তুমি ত সমাজ শুধু পুরুষের সমাজ” বলিয়া সমাজকে গালি দিয়াছেন, কিন্তু কথটা তাঁহাকে এইবার ভাবিয়া দেখিতে বলি।

“ছতাধিকারঃ মলিনাঃ পিশুমাংসোপভোজিনীম্।

পরিভূতামধঃশয্যাং বাসবেষ্যভিচারিণীম্॥”

ব্যক্তিরে ঋতৌ শুদিগর্ভে ত্যাগে বিধায়তে।

গর্ভভর্তৃবধাদৌ তু তথা মহতি পাতকে ॥”

(যাজ্ঞবল্ক্য)

এই বচনে ব্যক্তিরের দ্বারা গর্ভ শূন্যপাদন হইলে সেই স্ত্রীকে ত্যাগ করিতে বলা হইয়াছে। কিন্তু গর্ভাবস্থায় যদি ব্যক্তির করা হয়, তবে, তাহাকে ত্যাগ করিতে হইবে না, ইহা বুঝা যাইতেছে—এ সম্বন্ধে প্রমাণও আছে। অবশ্য পরপুরুষের দ্বারা উৎপাদিত গর্ভ-স্থলে সামাজিক হিসাবে গুরুতর অপরাধ করা হয়, এইজন্য তাহাকে ত্যাগ করা ছাড়া আর অন্য উপায় থাকে না। এই সব স্থলে যে ব্যক্তিরের কথা বলা হইল, তাহা উত্তমবর্ণের সঙ্গে ব্যক্তির স্থলেই বৃষ্টিতে হইবে। কারণ,—

“চত্ৰস্তু পরিভ্যাজ্যঃ শিযাগা গুরুগা তথা।

পতিস্টা চ বিশেষেণ স্ত্রীপিতাপগতা চ বা ॥”

(অঙ্গিরঃ।)

অর্থাৎ চারিটি অপরাধ করিলে মাত্র স্ত্রী পরিভ্যাজ্য হইয়া থাকে,

সেই চারিটি অপরাধ এই—শিযাগমন, গুরুগমন, পতিহত্যা, এক কুৎসিত-হীনবর্ণগমন। অবশ্য এই সব স্থলে নারী যদি স্বেচ্ছাক্রমে অনুরাগ-বশে হীনবর্ণ গমন করে তবেই সে পরিভ্যাজ্য, বলপূর্বক উপভুক্ত হইলে পরিভ্যাজ্য নহে।

“বলাৎ প্রমথ্য ভুক্তা চেৎ দম্বমানেন চেতসা।

প্রাজাপত্যেন শুদ্ধিঃ স্ত্র্যাস্তস্তথা পাবনং পরম্ ॥

তান্ধন্যাঃ শূদ্রসম্পর্কে কথঞ্চিৎ সমুপাগতে।

চান্দ্রায়ণেন শুদ্ধিঃ স্ত্র্যৎ তদত্যাঃ পাবনং স্মৃতম্ ॥”

চাণ্ডালং পুরুষং স্বেচ্ছং শূপাকং পতিতং তথা।

এতান্ গবা দ্বিগঃ শ্রেষ্ঠাঃ কুয়ুশ্চান্দ্রায়ণং পরম্ ॥”

(সম্বর্ত)

এই সমস্ত বচনের দ্বারা ইহাই বুঝা যায় যে, নারী যদি ভিন্ন-ধর্ম্মা যবন স্বেচ্ছাদি কর্তৃক বলপূর্বকও উপভুক্ত হয়, তবেও সে পরিভ্যাজ্য নহে। অধমবর্ণের দ্বারা বলপূর্বক উপভোগের কথা ত ছাড়িয়াই দেওয়া যাউক। পুরুষেরাও মহাপাতকাদি বৃহৎ পাপ করিলে অব্যবহার্য হইয়া থাকেন। নারীদের প্রতি পূর্বোক্তরূপ নির্ঘাতনেও পক্ষপাত নাই, কারণ পুরুষেরাও নিজের দিকে দৃষ্টি রাখিয়া ব্যবস্থা প্রণয়ন করিয়াছেন।

আজকাল আমাদের সমাজে ব্যক্তিরিণী স্ত্রীর সম্বন্ধে বড় নির্দয় ব্যবহার করা হয়—ইহা মানি। অনেকস্থলে যে একটা কুসংস্কারও এই নির্দয় ব্যবহারের কারণ নহে—তাহাও নহে। কিন্তু অনেক স্থলেও যে এই নির্দয় ব্যবহারের ফলে ব্যক্তিরিণীর সংখ্যা কম হয়—তাহাও বুঝা যায়। ইহা ত স্পষ্টই দেখিতে পাওয়া যায় যে, পুরুষেরা ব্যক্তির করিলে আজকাল আর কোন দণ্ড পায় না। পায় না বলিয়াই পুরুষের মধ্যে ব্যক্তিরিতের সংখ্যা বেশী। পুরুষেরা যে পাপ করিয়াও দণ্ড পায় না, তাহা তাহাদেরই স্বরূ-কৃত

সমাজের প্রতি অবজ্ঞারই বিষয় ফল। সমাজকে উপেক্ষা করিয়া তাহার বিধিব্যবস্থাকে পদদলিত করিয়া বাহারা সর্ববিধেই স্বৈরাচার করিবে, তাহারা ত নিজেদের বেলায় পাপ-পুণ্যের হিসাব রাখিবে না—এই সমস্ত খেচ্ছাচার পুরুষের দ্বারা ই নারী-নির্ভীতন যত বেশী হয়, “গোঁড়া” নামধারী পুরুষের দ্বারা তত হয় না। কারণ তাহারা নিজেয়াও সমাজকে মানে—নারীদিগকেও মানাইবার চেষ্টা করে। কিন্তু খেচ্ছাচার পুরুষেরা ত তাহা করে না, তাহারা ত নারীর একটু এদিক ওদিক সহিবে না।

আমাদের নব্য শিক্ষিত শ্রেণীর অবজ্ঞার ফলে আমাদের সমাজের অনেক স্থলেই ইংরাজি আইন চুকিয়াছে, ইংরাজি আইনের আমলে আনিয়াও আমাদের সমাজের আইনগুলি অবজ্ঞেয় হইয়া পড়িয়াছে। ফলে হইয়াছে এই—পুরুষেরা খেচ্ছাচারের পথ পাইয়াছে, নারীরা পায় নাই। সঙ্গে সঙ্গে স্ত্রী-পুরুষের মধ্যে একটা সমাজ-গত বৈষম্যও আসিয়া পড়িয়াছে। এই বৈষম্যের ফলে নারী যদি সমাজবন্ধন ছিড়িয়া ফেলিয়া পুরুষের পদানুবর্তিনী হয়, তবে ত না হয় একরকম সাম্য পাওয়া গেল; যেখানে তা' পাওয়া যায় না সেখানেই নারী নিপীড়িত হইয়া থাকে, অর্থাৎ নারীর বেলাই বিধিব্যবস্থার বোঝা স্বন্ধেই থাকিয়া যায়।

ইংরাজি দণ্ডবিধি আইনে এই আত্ম-ব্যভিচার দোষের মধ্যে পরিগণিত না হইলেও, আমাদের আইনে ইহা দোষের। এইখানেই ইংরাজের সঙ্গে আমাদের পার্থক্য। আমরা চাই অশুভশুদ্ধি, ইংরাজেরা চায় বহিঃশুদ্ধি। তাই ইংরাজি ভাষায় অভদ্রতা ভঙ্গন পাপ নহে, অপমান-গমনও তেমন পাপ নহে। তাই তাহার দণ্ডও সৃষ্টি হয় নাই। স্বরূপান করিলে আমাদের আইনে বিজ্ঞাতির প্রাণদণ্ডের বিধান—ইংরাজি আইনে খানায় পড়িলে পাঁচ টাকা জরিমানা। তফাৎ এইখানে।

রক্তমাংসের শরীরের দিকে দৃষ্টি না রাখিয়া সমাজের বিধি-

ব্যবস্থা সৃষ্ট হয় নাই। শাস্ত্রও কখন মানবকে অতিপ্রাকৃতের ভজনা করিতে উপদেশ দেয় নাই। এইজন্য পাপ-তাপের প্রতি লক্ষ্য রাখিয়া, অধিকার অনধিকার বিবেচনা করিয়া আমাদের শাস্ত্র স্ত্রী-পুরুষের সহজ জীবনকে মানুষ্য করিবার চেষ্টা করিয়াছে। শাস্ত্রের শাসন কেবল মানবকে বড় করিবার জন্ম। যে বড়—প্রকৃতই বড়—শাস্ত্র তাহাকে কোনদিনই আঁচিতে পারে নাই। এইজন্য ‘প্রকৃত বড়’র দুটাস্ত্র দেখিয়া সাধারণ মানবের জীবনকে তুলিত করা কদাপি উচিত নহে।

“তেজীয়সাং ন দোষায় বহুঃ সর্বভূজো যথা”

এই ‘কথাটাই, শাস্ত্রের বড়কে না আঁটিয়া পারিবার কথা।

ধনাধিকার লইয়া স্ত্রীপুরুষের মধ্যে আপাততঃ একটু বৈষম্য দেখা যায়। পুত্র ও কন্যার এককালে পিতৃধনে সমান অধিকার থাকে না। পুত্রেরই অগ্রে অধিকার, পুত্র না থাকিলে কন্যার। আবার মাতার যৌতুকধনে অগ্রে কন্যার অধিকার, পরে পুত্রের। এ ছাড়া মাতার অমৌতুক ধনেও কন্যাপুত্রের সমান অধিকার।

এদিকে স্বামীর ধনে স্ত্রীর প্রথম অধিকার না থাকিলেও, পুত্রেরাও মাতার বিনামুমতিতে পৈতৃক ধন বিভাগ করিবার ধর্মতঃ অধিকারী নহে। অশুদ্ধিকে স্ত্রী, পুত্রাদির অভাবে স্বামীর ধনে অধিকারিণী হইলেও স্বচ্ছন্দে দান বিক্রয় করিবার অধিকারিণী নহে। আবার অশুভ্র—

“অনশো স্ত্রীপতিভৌ জাত্যধ্ববিরৌ তথা।

উন্নাতভ্ৰজ্জুকাশ চে চ কেচিৎ নিরস্ত্রিয়াঃ ॥”

(মহু)

“পতিতন্ত্ৰংস্বতঃ স্ত্রীঃ পশুস্বত্বকাঃ জড়ঃ।

অদ্বোহচিকিৎসুরোগার্ভৌ ভর্তব্যাস্তে নিরংশকাঃ ॥”

(যাজ্ঞবল্ক্য)

এই সমস্ত বচনে পতিত ব্যক্তির ধনাধিকার নাই যেমন বলা হইয়াছে—আবার—

“ঔরসাঃ ক্ষেত্রজ্ঞাস্তেযাং নির্দোষা ভাগহারিণঃ।

স্বতঃশৈবাং প্রভর্তব্যা যাবৎ ভর্তৃসাম্ভুক্তাঃ ॥

অপুত্রা যোষিতশৈবাং ভর্তব্যাঃ সাধুবৃত্তয়ঃ ॥

নির্দোষা ব্যভিচারিণ্যাঃ প্রতিকূলান্তথৈব চ ॥”

(যাজ্ঞবল্ক্য)

অর্থাৎ ‘স্ত্রীয প্রভৃতির ক্ষেত্রজ ও ঔরসপুত্র স্ত্রীযবাদি দোষরহিত হইলে ভাগহারী হয়, আর ইহাদিগের কথা যাবৎ বিবাহিতা নহ’ হয়, তাবৎ ভরণীয়া হয়। আর ইহাদের পুত্রহীনা ভার্যা যদি সচ্চরিত্রা হয়, তবে তাহারা গ্রাসাচ্ছাদনের অধিকারিণী। ব্যভিচারিণীকে দূর করিয়া দিবে, গ্রাসাচ্ছাদন কিছুমাত্র দিবে না।’ এই সমস্ত বচনে ব্যভিচারিণী নারীরও ধনাধিকার দেখা যায় না। পতিত হিসাবে স্ত্রীপুরুষের ধনাধিকার হিন্দুশাস্ত্রে কোথাও নাই। অবশ্য আজকালকার হিন্দুরিণের প্রতি প্রযোজ্য দেওয়ানী আইনের মধ্যে পতিত হিসাবে ধনাধিকার-রাহিত কথটা বোধ হয় উঠিয়া গিয়াছে। সে বাহা হউক নারীর ধনাধিকার সম্বন্ধে এই যে বৈচিত্র্য, ইহাতেও নারীকে নিপীড়িত করা হয় নাই। হিন্দুশাস্ত্রের “পিণ্ডং দধা হরেন্দ্রনং” কথাটার উপর নির্ভর করিয়া ইহার বিচার করিলে, নারীর প্রতি এই ধনাধিকারের একটু বাঁধাবাঁধি নিয়মের রহস্যটা পরিষ্কার হইয়া যায়। পুরুষেরই পিণ্ডদানের প্রথম অধিকার, এইজন্য ধনাধিকারটাও তাহার প্রথমে। পুরুষের পিণ্ডদানের কেন প্রথমে অধিকার থাকিল, ইহার আলোচনা করিতে বসিলে অনেক সমাজতত্ত্ব আলোচনা করিতে হয়। সে সব কথা ছাড়িয়া দিয়া, মোটামুটি পুরুষের নামেই যে বংশের পরিয়ম থাকে, পুরুষের ধারাই যে বংশের ধারা, তাহা মানিয়া লইয়া ইহার বিচার

করিতে হইবে। এই সমস্ত বিচার করিলে পুরুষের এই প্রথমাধিকার লইয়া নারীর অধিকারের সাম্য আছে বলিতে হইবে। ভ্রাণি কোন কোন স্থলে নারীর প্রথমে ধনাধিকার আছে, কোন স্থানেও বা পুরুষের সঙ্গে সমান অধিকারও আছে, তাহা স্মরণ করিয়া দেওয়া ভাল।

ধর্মজীবনের মধ্যেও স্ত্রীপুরুষের অনেক বৈষম্য আছে। বিজ্ঞাতির ভিতরে পুরুষের দশসংস্কার আছে। নারীর মাত্র বিবাহই প্রধান সংস্কার। উপনয়নাদি নারীর নাই। অনেক ব্রত উপবাসেণ্ড নারীর কাম্যধর্ম আছে বটে, তাহাও আবার স্বামীর আদেশ না থাকিলে না করিলে ক্ষতি নাই। বিজ্ঞাতির এক সূর্য্যে দুইবার অন্নভোজন নাই। নারীর তাহাতে বাধা নাই। বিজ্ঞাতির সূত্রপক অনেকদান পদার্থ ভোজনে বাধা আছে, নারীর সেরূপ বাধা নাই। স্পর্শদোষ বিজ্ঞাতিরাই মানেন, নারীর ততটা মানেন না। এই সমস্ত বিষয়ে পুরুষকে অর্ধেকপুঠে বাঁধা আছে, নারীকে ততটা বাঁধা নাই।

আবার অশুদ্ধিকে পুরুষের পক্ষে বালাবিবাহ শাস্ত্র-নিষিদ্ধ, নারীর পক্ষে তাহাই আবার ধর্ম। পুরুষ ভার্যাপুত্রবিহীন হইলে, আটচল্লিশ বৎসরের ভিতরে দারাস্তর গ্রহণ করিতে বাধা, নারী কিন্তু স্বামি-পুত্রবিহীন হইলেও পুরুষাস্তর গ্রহণ করিতে পারেন না। অবশ্য পুরুষ যদি ইন্দ্রিয়তৃপ্তির মোহে পুত্রাদি থাকিতেও আবার বিবাহ করেন, তবে তাহাতে তাঁহাকে শাস্ত্র বাধা দিতে পারেন না বটে, কিন্তু এরূপ বিবাহ যে কামনামূলক অধর্ম, তাহাতে সন্দেহ নাই। এই বিবাহগত অধিকার-পদ্ধতির পার্থক্য লইয়া স্ত্রীপুরুষের মধ্যে অনেকই একটা ভয়ানক বৈষম্য লক্ষ্য করেন। এ সম্বন্ধে বান-প্রতিবাদও হইয়াছে বিস্তর। বিবাহটা যেকালে ইন্দ্রিয়তৃপ্তির দ্বার ছিল না, বিবাহটা যেকালে মানবজীবনের একটা প্রধান সংস্কার বলিয়াই বিবেচিত হইত, তখনকার কালে অবশ্য ইহাতে স্ত্রীপুরুষের মধ্যে কোন বৈষম্য পরিগণিত হইত না। আজকালকার কথা স্বতন্ত্র,

আজকাল ইন্দ্রিয়তৃপ্তিই প্রধান। তাই ইন্দ্রিয়ের শ্রীতিসাধক বস্ত্রমাত্রই যেখানে বেচ্ছাচারের ব্যাঘাত হইয়াছে, সেখানেই সেই ব্যাঘাতক আইনের প্রতি একটা তীব্র প্রতিবাদ উঠিয়াছে। কাজেই নারীর ডাইভেস' প্রথায় দ্বিতীয় বিবাহ না হউক, অন্ততঃ বিধবার বিবাহটায় অনেকেই সহামুভূতি দেখা যায়। আজকাল যে দেশকালপাত্রের ধারা উঠিয়াছে, সেই ধারার উপর নির্ভর করিয়া হিন্দুর বিশিষ্টতা নষ্ট করা উচিত, না দেশকালপাত্রের কবল হইতে হিন্দুর দৌর্বল্যটাকে কাড়িয়া লইয়া তাহাকে সবল করা উচিত, এ সম্বন্ধে অনেক বিবেচনা আছে। আমরা তথাকথিত গোঁড়া হিন্দু, আমরা শাস্ত্রের শাসনকে পদদলিত করিতে ভয় পাই। আমরা বিশ্বাস করি—শাস্ত্রের শাসন মানিয়াও সকল উন্নতিকর কার্যই করা যায়। অবশ্য উন্নতিকর কার্যেও অনেক গোলযোগ আছে। সে বাহা হউক বিধবার উপর নির্দয় ব্যবহারের বুধা একটা কাল্পনিক চিত্র খাড়া করিয়া তাহাতে রং ফলাইয়া বাঁহারা একটা সিদ্ধান্ত করিয়া বলেন, তাঁহাদের কথার কোন মূল্য নাই। হিন্দুর পরীসমাজে এখনও বিধবার আসন অনেক উচ্চ। এখনও বিধবা সেখানে দেবীর স্থায় পূজিতা হইয়া থাকেন, এখনও বিধবার রক্তমাংসের শরীরের মধ্যে অনবরত একটা পাপ উত্তেজনা প্রবেশ করাইবার মত পরীসমাজের অবস্থা হয় নাই। বধন তাহা হইবে তখন হিন্দুও বিনষ্ট হইবে। তখনকার জন্ম এখন চিন্তার আবশ্যিকতা নাই।

✓ প্রাচীনকালের সহমরণ প্রথার ভিতরে নারীজাতির প্রতি একটা ভয়ানক নৃশংস পৌড়নের ভাব বাঁহারা লক্ষ্য করেন, তাহাদেরও এই ভাবেরও কোন মূল্য নাই। সহমরণ কথাটাও অবশ্য অনেক উচ্চ-ধর্মের কথা। যখন “যদেব হৃদয়ং মম, তদেব হৃদয়ং তব” বলিয়া হৃদয়ে হৃদয় এক হইয়া যায়, যখন নারীর সহিত পতির একটা পার্থক্যজ্ঞান থাকে না, তখনকার এই অবস্থায় স্বামীর মৃত্যুতে স্ত্রীর মৃত্যু অস্বাভাবিক নহে। এই সহমরণও আবার নারীর বেচ্ছায় হওয়া চাই।

“যদা নারী বিশেষায় বেচ্ছয়া পতিনা সহ”।

নারীর যদি ইচ্ছা না হয়, তবে তাহাকে জোর করিয়া পোড়াইবার অধিকার কাহারও নাই।

“মুতে ভর্ত্তরিত্রক্ষচর্যাং তদম্বারোহণবা।”

(বিষ্ণু)

ভর্ত্তার মৃত্যু হইলে ত্রক্ষচর্যা বা সহমরণই নারীর ধর্ম। এখানে নারীর অধিকার লইয়াই কথা। বাহার সহমরণে অধিকার আছে, সেই সহমরণে যাইবে। আবার এই সহমরণের ভিতরে বাঁধাবাধি নিয়ন্ত্রণও আছে। যে নারীর পুত্র অল্পবয়স্ক, যে নারী রজস্বলা, যে নারী গর্ভবতী, স্তৃতিকা ও অরজস্বা তাহাদেরও সহমরণে যাইবার অধিকার নাই।

এছাড়া বিদেশে যদি পতির মৃত্যু হয়, স্ত্রী যদি সেখানে না থাকেন, তবে সেই নারীও স্বামীর অনুগমন করিতে পারেন না। ত্রাক্ষণী নারী সবন্ধেই এই ব্যবস্থা। অবশ্য অল্প নারীদের অনুমরণের ব্যবস্থা আছে।

এই সমস্ত ব্যবস্থা পর্যালোচনা করিলে স্পষ্টই বুঝা যায় যে, নারীকে রাখন জোর করিয়া অগ্নিতে দাহ করিতে শাস্ত্র উপদেশ দেন নাই। আজকাল অনেকে জোর করিয়া পোড়াইয়া মারিবার কথা বলেন বটে, কিন্তু আমরা উহা মোটেই বিশ্বাস করি না। হয় তাহার মধ্যে অল্প গৃহ কারণ আছে, না হয় উহা মিথ্যা। অধুনাও অনেক সাধ্বী নারীর বিষয় মধ্যে মধ্যে শুনা যায় যে, তাহার ভর্ত্তার মৃত্যুর পর শরীরে কেবোঁসিন তৈল ঢালিয়া তাহাতে অগ্নিসংযোগ করিয়া বা অল্প উপায়ে আত্মহত্যা করেন। এইরূপ আত্মহত্যার কথা সংবাদপত্রাদিতে বৎসরে দুই চারিটাও শুনা যায়। যদি এইরূপ সাধ্বীর এইরূপ মৃত্যু সত্য হয়—পতিশোকই যদি তাহার কারণ হয়—তবে তাহাদের যে সহমরণে অধিকার ছিল তাহা স্বীকার করি-

তেই হইবে। অথচ ইহাদের প্রকৃত সহমরণ হয় না, আত্মহত্যা হয়। ইহার অশ্রু এক্ষণে দায়ী কে?—শাস্ত্র তাহাদের বৈধ মৃত্যুতে অধিকার দিয়াছিল,—অথচ আইন করিয়া সেই অধিকার ক্ষুণ্ণ করা হইয়াছে। তাই সমাজে পাপও বাড়িতেছে।

এখানে কথা উঠিতে পারে—পত্নীর বেলায় সহমরণের ব্যবস্থা, স্বামীর বেলায় তাহা নাই কেন? পূর্বেই বলা গিয়াছে—অধিকার মুখের কথায় হয় না। জোর-জবরদস্তি করিয়াও কেহ এই অধিকার লাভ করিতে পারে না। উহা অস্তরের বস্তু। যদি পুরুষের সেইরূপ প্রকৃতি হইত, তবে শাস্ত্রেও তাহার সহমরণের ব্যবস্থা থাকিত। এই অধিকার-পদ্ধতি লইয়া আরও অনেক আলোচনার বিষয় ছিল—কিন্তু এবার এই পর্য্যন্ত।

শ্রীপঞ্চানন স্মৃতিভাষ্য।

শ্রীশ্রীকৃষ্ণ-তত্ত্ব

[১০]

(অগ্রহাণের নারায়ণের ১২২ পৃষ্ঠার অধঃস্থতি)

ভগবদ্গীতায় কৃষ্ণ-জিজ্ঞাসা (৫)

প্রকৃতি-পুরুষ-তত্ত্ব।

স্বামীর মনে হয়, ভগবদ্গীতায় যে কৃষ্ণ-জিজ্ঞাসার উদয় হয়, তাহার সম্পূর্ণ মর্গ বুঝিতে হইলে, সকলের আগে গীতার সপ্তম অধ্যায়টি ভাল করিয়া তলাইয়া বুঝা আবশ্যিক। কারণ এইখানেই আমরা গীতার ভগবত্ত্বের মূলসূত্রটি প্রত্যক্ষ করি।

গীতা এই অধ্যায়ে প্রথমেই যে জ্ঞানের কথা বলিতেছেন, তাহা সামান্য জ্ঞান নহে, কিন্তু বিশেষ জ্ঞান। “যতো বা ইমানি ভূতানি” ইত্যাদি শ্রুতি—যাহা হইতে এই সকল ভূত উৎপন্ন হয় ইত্যাদি কথায়, সামান্য ভাবে পরমতত্ত্বের বর্ণনা করিয়াছেন। তার পরেই—“তদ্বিজিজ্ঞাসস্ব”—তাহাকে বিশেষভাবে জানিতে চেষ্টা কর—বলিয়া এই তত্ত্বের বিশেষ জ্ঞানকে নির্দেশ করিয়াছেন। সামান্য জিজ্ঞাসা যাহার দ্বারা নিবৃত্ত হয়, তাহাই জ্ঞান। এই বিজিজ্ঞাসা অর্থাৎ বিশেষভাবে জানিবার ইচ্ছা যাহার দ্বারা নিশ্চেষ্টে নিবৃত্ত হয়, তস্যাই বিজ্ঞান। কেবল শুনিয়া কিম্বা অনুমান করিয়াও এই সামান্য জ্ঞান একরূপ লাভ করা যায়। পৃথিবী কমলা-লেবুর মতন গোলাকার—ভূগোলসূত্রের এই কথা শুনিয়া পৃথিবীর আকারের যে জ্ঞানলাভ করি, তাহা শ্রুত-জ্ঞান মাত্র, তাহা অনুমান-প্রতিষ্ঠ, এই অনুমান আবার উপমানের সহায়ে গড়িয়া উঠিয়াছে। এই জ্ঞানকে বিশেষ জ্ঞান বলা যাইতে পারে না। কারণ ইহাতে আমাদের কোনও

প্রত্যক্ষের বা অনুভূতির প্রামাণ্য বিচ্যমান নাই। এইরূপ “যতো বা ইমানি ভূতানি” প্রভৃতি ঐতিহ্যসহায়ে আমরা ব্রহ্মের বা পরমতত্ত্বের যে জ্ঞানলাভ করি, তাহাও প্রত্যক্ষ বা অনুভূতি-প্রতিষ্ঠা নহে; অনুমান-প্রতিষ্ঠা মাত্র। ভূতগ্রাম ছিল না, হইল—দেখি। যাহা ছিল না, তাহা যখন হইতে দেখি, তখনই এই অনুমান করিয়া লই যে, আমাদের জ্ঞানে প্রকাশিত হইবার পূর্বে ইহা কোনও না কোনও আকারে, কোথাও না কোথাও, অবশ্যই ছিল। সেইখান হইতেই এইখানে আসিয়া প্রকাশিত হইয়াছে। যেখানে বা বাহাতে পূর্বে এই ভূতগ্রাম ছিল, তাহাকেই এই ঐতিহ্য ব্রহ্মরূপে প্রতিষ্ঠিত করিয়াছেন। এই ব্রহ্মজ্ঞান সামাঞ্জ্ঞান, বিশেষজ্ঞান নহে। ইহা হইতে ব্রহ্মের সত্যই কেবল জ্ঞান, কিন্তু স্বরূপের কোনও সন্ধান পাই না। ভূগু উপস্তা করিয়া ক্রমে এই স্বরূপের জ্ঞানলাভ করেন। উপস্তা অর্থ মনন—ঐতিহ্যবাক্যের অর্থ গ্রহণের জন্ত গভীর চিন্তা। এই উপস্তার বা মননের বা চিন্তার আশ্রয় সাধকের নিজের আন্তরিক অভিজ্ঞতা। এই অভিজ্ঞতাকে অবলম্বন করিয়াই ভূগু প্রথমে “অদকে,” পরে “প্রাপকে,” তার পরে “মনকে,” তার পরে “বিজ্ঞানকে” ও সর্বশেষে “আনন্দকে” ব্রহ্ম বলিয়া জানিয়াছিলেন। এইরূপেই সাধক আপনার আন্তরিক অভিজ্ঞতা ও অনুভূতিকে আশ্রয় করিয়া পরমতত্ত্বের স্বরূপ-জ্ঞান লাভ করেন। এই অনুভূতি-সম্বন্ধিত যে জ্ঞান তাহাকেই বিজ্ঞান কহে।

“জ্ঞানং তেহং সবিজ্ঞানমিদং বক্ষ্যাম্যশেষতঃ”—

গীতা সপ্তম অধ্যায়ে এই অনুভূতি-সম্বন্ধিত জ্ঞানের ব্যাখ্যাই করিতেছেন।

আমাদের অনুভূতিতে আমরা এই সংসারে দুইটি বস্তুকে প্রত্যক্ষ করিয়া থাকি,—এক বিষয়, অপর বিষয়ী। জ্ঞাতা ও জ্ঞেয়, ভোক্তা ও ভোগ্য, কর্তা ও কর্ম, এই দুইয়ই আমাদের যাবতীয় অভিজ্ঞতা গঠিত হয়। জ্ঞেয়, ভোগ্য, কর্ম—এই তিনটি বিষয়।

জ্ঞাতা, ভোক্তা, কর্তা,—এই তিনটি বিষয়ী। কোন কোন বস্তু আমাদের প্রত্যক্ষ অনুভূতিতে বিষয়রূপে প্রকাশিত হয়? সমুদায় জ্ঞেয় ও ভোগ্য বিষয়ের ও যাবতীয় কর্মের আশ্রয়ের বিশ্লেষণ করিয়াই গীতা ভূমি, আপ, অনল, বায়ু, আকাশ, মন, বুদ্ধি ও জীবের অহংবোধ বা অহংকার—এই আটটি তত্ত্বের প্রতিষ্ঠা করিয়াছেন। এই বিষয়-রাজ্য ইন্দ্রিয়পথে আমাদের অনুভবগম্য হয়। শব্দস্পর্শরূপসাদির সাহায্যেই আমরা এই নিখিল জগতকে জ্ঞানিতোঁছি। শব্দের আশ্রয় আকাশ; স্পর্শের আশ্রয় বায়ু; রসের আশ্রয় জল; গন্ধের আশ্রয় ভূমি বা পৃথিবী; আর রূপের আশ্রয় অনল বা তেজ। এই ভাবেই আমাদের দেশের প্রাচীন মনস্তত্ত্বে এই বিষয়-জগতকে পঞ্চ মহাভূতে বিভক্ত করিয়াছিল। ইউরোপীয় রসায়নশাস্ত্রে বাহাকে element বলে, আমাদের এই পঞ্চ মহাভূত তাহা নহে। এই element কথাটি জড়বিজ্ঞানের কথা; আমাদের পঞ্চ মহাভূত মনোবিজ্ঞানের কথা। রাসায়নিক element, রূঢ় পদার্থ, compound বা যৌগিক পদার্থ নহে। মনস্তত্ত্বের মহাভূত যাবতীয় জ্ঞেয় বস্তুর শ্রেণীবিভাগের উপরে প্রতিষ্ঠিত। পাঁচটিমাত্র আমাদের জ্ঞানেন্দ্রিয় আছে, চক্ষু, কর্ণ, রসনা, নাসিকা ও ত্বক। এই বিষয়জ্ঞানের আর ষষ্ঠ পথ এপর্যন্ত আবিষ্কৃত হয় নাই, কখন হইবেও না। কেহ কেহ মনকে এই ষষ্ঠ পথ বলিতে পারেন, কিন্তু মন এই পঞ্চ জ্ঞানেন্দ্রিয়েরই রাজা, ইহাদের সাহায্যেই আপনার মননক্রিয়া সম্পাদন করেন। আর রূপরসাদি পাঁচটি ব্রহ্মশ্রেণীর আশ্রয়েই এই পাঁচটি ইন্দ্রিয় যাবতীয় বস্তুজ্ঞান লাভ করে। রূপ আলোর অপেক্ষা রাখে, আলো আর তেজ একই কথা বা বস্তু। এই জন্ত তেজকে রূপতন্মাত্রা বলে। এইরূপে জলকে রসতন্মাত্রা, বায়ুকে স্পর্শতন্মাত্রা, আকাশকে শব্দতন্মাত্রা এবং পৃথিবীকে গন্ধতন্মাত্রা বলে। এই রূপরসাদি যেমন আমাদের জ্ঞেয় বা জ্ঞানের বিষয়, সেইরূপ ইহারাই আবার আমাদের ভোগ্য বা

ভোগের বিষয়; এবং এই সকলকে গ্রহণ বা বর্জন করা, এই সকলকে উৎপাদন বা ইহাদের নিরসন করাই আমাদের যাবতীয় শারীর কর্মের লক্ষ্য। সুতরাং এই রূপরসাদিই আমাদের কর্মের আশ্রয়। তারপর এসকল ছাড়া মনোবস্তুর আমাদের জ্ঞানের, ভোগের ও কর্মের বিষয় হয়। মনের মন আমরা সর্বদাই মনোভাবের দ্বারা জানিতেছি, জানিয়া তাহা হইতে আনন্দ বা নিরানন্দ লাভ করিতেছি; আর আমাদের নিজেদের কর্মের দ্বারা অপরের মনের মধ্যে বিবিধ মননক্রিয়াও উৎপন্ন করিতেছি। সুতরাং এই মনও আমাদের অনুভূতির বিষয় হইয়া আছে। সেইরূপ আমাদের নিজেদের মনও আমাদের জ্ঞানের, ভোগের ও কর্মের বিষয় হইতেছে। যেমন মন সেইরূপ বুদ্ধিও আমাদের জ্ঞানের, ভোগের ও কর্মের বিষয়াভূত হইতেছে, অপরের বুদ্ধিও হইতেছে, নিজের বুদ্ধিও হইতেছে। সর্বোপরি এই যে আমিহবোধ, আমি আর সকল হইতে পৃথক ও স্বতন্ত্র, এই যে ধারণা, ইহাকেই অহঙ্কার বলে। এই অহঙ্কারও আমাদের জ্ঞানের, ভোগের ও কর্মের বিষয় হইয়া আছে। অপরের আমিহকে আমরা সততই স্বল্পাধিক জানিতেছি, অপরের আমিহ হইতে সর্বদাই আমাদের সুখদুঃখাদি জন্মিতেছে এবং বহুবিধ উপায়ে আমরা সর্বদাই পরস্পরের এই অহঙ্কারকে বা এই আমিহকে বাড়াইয়া বা কমাইয়া দিবার চেষ্টা করিতেছি। এই আমিহ বা অহঙ্কারও আমাদের জ্ঞানের, ভোগের ও কর্মের বিষয় হয়। আর এই কি আমাদের বিষয়রাজ্যের শেষ সীমা নহে? আমরা যাহা কিছু আমাদের অনুভব-গম্য করিয়া থাকি, বা করিতে পারি, তৎসমুদায়ই কি এই সকলের কোনও না কোনও এক শ্রেণীর মধ্যে পড়ে না? পক্ষ মহাত্মত, পক্ষ তন্মাত্রা, পক্ষ ইন্দ্রিয়—আর মন, বুদ্ধি এবং অহঙ্কার, এই আট শ্রেণীর কোনও না কোনও শ্রেণীর মধ্যে কি আমাদের যাবতীয় জ্ঞেয় ও ভোগ্যাদি পড়ে না? ইহার বাহিরে এমন আর কি আছে যাহাকে আমরা আমাদের ইন্দ্রিয়ানুভূতির (আর এখানে ইন্দ্রিয় বলিতে

মন পর্য্যন্ত বুঝিতেছি) দ্বারা গ্রহণ করিতে পারি? এইগুলিই আমাদের যাবতীয় জ্ঞানের, ভোগের ও কর্মের আশ্রয়। এইগুলিই আমাদের প্রত্যেক অনুভবগম্য।

এখন প্রশ্ন উঠে, এই বিষয়-রাজ্যের প্রতিষ্ঠা কোথায়? রূপতন্মাত্রা ও তেজ, রসতন্মাত্রা ও জল, স্পর্শতন্মাত্রা ও বায়ু, গন্ধতন্মাত্রা ও পৃথিবী এবং শব্দতন্মাত্রা ও আকাশ;—ইহার পরস্পরকে আশ্রয় করিয়া আছে। এই প্রত্যেক তেজাদি, এই সকল তন্মাত্রার আশ্রয়ে স্থিতি করিতেছি, আবার এসকল তন্মাত্রার জ্ঞান, আমাদের চক্ষুরাদি পক্ষ জ্ঞানেন্দ্রিয়সাপেক্ষ। চক্ষু না থাকিলে, রূপের প্রামাণ্য থাকে না; কাণ না থাকিলে শব্দের, দ্বক না থাকিলে স্পর্শের, নাসিকা না থাকিলে গন্ধের, আর রসনা না থাকিলে রসের প্রামাণ্য প্রতিষ্ঠিত হয় না। এইট দেখিয়া হঠাৎ মনে হয় যে এই বিশাল জগৎটা বুঝি আমার এই কয়টা ইন্দ্রিয়ের অনুভূতির আশ্রয়েই বাস করিতেছে। যার চক্ষু নাই তার কাছে রূপও নাই; যার কাণ নাই তার কাছে শব্দও নাই। জড়-বিজ্ঞানবিদ পশুভেতা বলেন যে এমন একদিন ছিল যখন এই পৃথিবীতে চক্ষুকর্ণনাসিকাদি-সমব্রিত কোনও প্রাণীর উদ্ভব হয় নাই। এই ধরণী তখন এক জলন্ত অগ্নি-পিণ্ডের মতন শুষ্ক ঘূরিতেছিল। সে অগ্নিপিণ্ডের গায়ে কোনও প্রাণীর বাস করা সম্ভব ছিল না। তবে তখন ত এজগতে চক্ষুরাদি ইন্দ্রিয়সম্পন্ন কোনও কাহারও ছিল না, তাহা হইলে তখন রূপরসাদির জ্ঞানও কাহারও ছিল না। যার জ্ঞান নাই, তার সত্যও অসিদ্ধ। তখন যে পক্ষ মহাত্মাদি ছিল, ইহারই প্রমাণ কি? আর আদিতে যদি এগুলি ছিল না, ইহাই স্বীকার করিতে হয়; তাহা হইলে পরে, কোথা হইতে, কিরূপে এগুলির উৎপত্তি হইল? এই প্রশ্ন উঠে। তবে কি বলিব যে, যেদিন জীবের চক্ষু ফুটিল সেই দিনই রূপের ও তেজেরও সৃষ্টি হইল? অর্থাৎ চক্ষুই রূপ স্বজন করিল; সেইরূপ কণ শব্দ স্বজন

করিল, নাসিকা গন্ধ স্বজন করিল; এইরূপে ইন্দ্রিয়সকল আপনারা ফুটিয়া নিজ নিজ বিষয়ের স্থিতি করিয়া লইল? কিন্তু যে যে বস্তুর স্থিতি করে, সে তার নিয়ন্তা ও প্রভু হয়। প্রত্যেক স্বয়ং বস্তু আপন অক্ষীর অধীন হয়। প্রত্যেক অক্ষী আপনার স্থিতির অতীত, স্থিতি হইতে স্বতন্ত্র থাকেন। চক্ষুদ্বাৰাই যদি রূপরসাদির অক্ষী হয়; তাহা হইলে, ইহারা রূপরসাদি হইতে স্বতন্ত্র থাকিবেই থাকিবে। কিন্তু তাহা ত দেখি না। চক্ষু না থাকিলে যেমন রূপ থাকে না, ঠিক সেইরূপ রূপ না থাকিলেও চক্ষু যে আছে তার প্রমাণ পাই না। রূপ যেমন চক্ষুর অধীন, চক্ষু সেইরূপ রূপের অধীন। শব্দ যেমন শ্রুতির অধীন, শ্রুতিও সেইরূপ শব্দের অধীন। এইরূপ সকল ইন্দ্রিয়ই আপন আপন বিষয়ের বা তন্মাত্রার অধীন। ইহারা একে অথকে ছাড়িয়া নিজেকে রক্ষা করিতে ত পারে না। ইহারা অনন্থা-পেকী। অনন্থাপেকী বস্তুমাত্রই স্বতন্ত্র হইতে পারে না। স্মৃতরাং চক্ষু এবং রূপ, শ্রুতি এবং শব্দ, রসনা এবং রস, এসকলের উভয়ের কোনও একটা সামান্য আশ্রয় অবশ্যই আছে। সেই আশ্রয়ধীনে চক্ষু যখন ফোটে নাই, তখনও দৃষ্টিশক্তি ছিল, রূপ যখন ফোটে নাই, তখনও তার বীজ ছিল। সেই আশ্রয়ধীনে যাবতীয় জ্ঞানের শক্তি ও যাবতীয় জ্ঞানের বীজ অনাদিকাল হইতে ছিল, অনন্তকাল পর্যন্ত থাকিবে। আমাদের অনুভূতিই এই আশ্রয়েরও প্রতিষ্ঠা করে।

জ্ঞেয়, ভোগ্য ও কর্মের নিঃশেষ বিশ্লেষণ করিয়া, অর্থাৎ জগ-ত্তের যাবতীয় জ্ঞেয়, ভোগ্য ও কর্মকে আমাদের ঐকান্তিক মননের বিষয় করিয়া আমরা এই সিদ্ধান্তে উপনীত হই যে, এসকলের একটা অনান্তনন্ত আশ্রয় অবশ্যই আছে। কিন্তু কেবল জ্ঞেয়, ভোগ্য, বা কর্মই আমাদের প্রত্যেক অনুভূতির বিষয় নহে। জ্ঞাতা, ভোক্তা এবং কর্তাও আমাদের প্রত্যেক বস্তু। আমরা নিজেরাই যে জ্ঞাতা ও ভোক্তা ও কর্তা। আর ইহাও আমরা সর্বদাই প্রত্যাক করি যে

আমাদের এই জ্ঞাতৃত্ব, ভোক্তৃত্ব ও কর্তৃত্ব ধর্ম নিত্যসিদ্ধ নহে; ইহা ক্রমশঃ ফোটে, ক্রমশঃ বাড়ে, আমাদের জ্ঞানের, ভোগের কর্মের উপচয় অপচয় হয়, এগুলি পরিবর্তনশীল। বাহা নিত্যসিদ্ধ নয়, বাহা বিকশিত হয়, বাহা বাড়ে ও কমে, তাহা কদাপি স্বপ্রতিষ্ঠিত হইতে পারে না। এ বস্তু আপনি আপনার প্রতিষ্ঠা, আপনি আপনার আশ্রয় হইতেই পারে না। স্মৃতরাং আমাদের জ্ঞেয়, ভোগ্য ও কর্ম-জগতের যেমন একটা নিত্য আশ্রয় প্রয়োজন, সেইরূপ আমা-দের জ্ঞাতৃত্ব, ভোক্তৃত্ব ও কর্তৃত্বেরও একটা নিত্য আশ্রয় আবশ্যিক। এই নিত্য আশ্রয় কে, বা কোথায়?

জ্ঞেয়, ভোগ্য, কর্মের সাধারণ নাম প্রকৃতি। জ্ঞাতা, ভোক্তা, কর্তার সাধারণ নাম পুরুষ। আমাদের প্রত্যেক অনুভূতির বিশ্লে-যাণেই আমরা এই দুই তবে উপনীত হই। প্রকৃতি পুরুষের অধীন; কারণ জ্ঞেয় মাত্রই জ্ঞাতার অধীন, ভোগ্য মাত্রই ভোক্তার অধীন, কর্ম মাত্রই কর্তার অধীন। অল্প পক্ষে পুরুষও প্রকৃতির অপেক্ষা রাখেন, প্রকৃতির আশ্রয় বা মাগিয়া ব্যতীত তাঁর পুরুষত্বের প্রকাশ ও প্রতিষ্ঠা হয় না ও হইতেই পারে না। জ্ঞেয়ের সাক্ষাৎকার না হইলে, জ্ঞাতার প্রতিষ্ঠা হয় না। ভোগ্য-সাক্ষাৎকার ব্যতীত ভোক্তার প্রতিষ্ঠা ও কর্মশ্রয় ব্যতীত কর্তার প্রতিষ্ঠা অসম্ভব ও অসাধ্য। আমরা যে জ্ঞাতা ও জ্ঞেয়, ভোক্তা ও ভোগ্য, কর্ম ও কর্তাকে প্রত্যাক করি, ইহারা কেহই স্বাধীন, স্বতন্ত্র ও স্বপ্রতিষ্ঠিত নহেন। ইহাদের প্রতিষ্ঠা কোথায়?

গীতায় শ্রীকৃষ্ণ বলিতেছেন—আমিই এই প্রতিষ্ঠা। আমিই পুরুষ। আর—

ভূমিরাপোহনলো বায়ুঃ খং মনো বুদ্ধিরেব চ।

অহঙ্কার ইতীয়ঃ মে ভিন্না প্রকৃতিরষ্ঠা ॥ (৭-৪)

পৃথিবী, জল, অনল, বায়ু, আকাশ, মন, বুদ্ধি এবং অহঙ্কার, এই সকল আমারই বিভিন্ন অর্ঘ্য প্রকৃতি।

এইধানেই গীতায় সর্বপ্রথমে প্রকৃতি-পুরুষত্বের অবতারণা হইয়াছে।

ঐবিপিনচন্দ্র পাল।

তোমার দান

[১]

এত যে জালা এত যে ছুখ, তোমার দান—তোমার দান !
ব্যথার ঘাতে ভগন বুক, তোমার দান—তোমার দান !

ছ'চোখ-বহা তপ্ত ধারা,
ঝরিছে যত নিব্বর পারা,

সে তব কম-কল্পনা জারা ছ'কুল-ধোয়া উছল বান ;
ব্যাকুল প্রাণে অকূলে ভাসা, তোমার দান—তোমার দান !

তোমার দান—হীনের মত নীরবে সহ্য এ অপমান ;
তোমার দান—চাকিয়া কত আপোষে করা হাসির ভান ।

তোমার দানে জঠরানলে
আহতি বিনা এদেহ জলে,

পিষিয়া হিরা পাশব বলে ছ'পায়ে দলে সুরল প্রাণ ;
অসহনীয় ব্যথার বোকা তোমার দান—তোমার দান !

[২]

সহিতে যদি কমতা থাকে সে ব্যথা নহে তোমার দান ;
বহিতে যদি শক্তি থাকে সে বোকা নহে তোমার দান ।

বিপদে যদি না থাকে ভয়,
ছুঃখে যদি লভিব জয়,

সে ছুখ-তাপ তোমার নয়, কেবল মিছা চাতুরী-ভান,—
আপন হাতে রচনা করা আপন-ধরা ঘোহের ফান ।

যখন তুমি বেদনা দিয়ে শোধন স্বর দূষিত প্রাণ,
আকুল হবে কানন জাড়া কিছুতে আর নাহিক জ্ঞান ।

বেদনা যদি ব্যথা না দিবে,
কেমনে তব সাধনা হবে,

তোমার বাজ পরাণে স'বে কে আছে হেন শক্তিমান ?
যে ব্যথা আমি সহিতে পারি, সে ব্যথা নহে তোমার দান ।

দয়বোধ।